







ନିର୍ଦ୍ଦେଶନା



মা আসিতেছেন !      মা আসিতেছেন !!

“দাক্ষিণাত্য” প্রণেতা ভোগনাথবাবুর

অমৃতময়ী লেখনী প্রসূত

আর একখানি নূতন পৌরাণিক নাটক

# জগদ্ধাত্রী

কলিকাতার বাত্মানসম্প্রদায়ের মুকুটমণি

“গণেশ-অপেন্দ্রাক্ষ”

মহা যশের সহিত অভিনীত হইতেছে ।

যে নাটকের অভিনয়ে সারা বঙ্গদেশব্যাপী

একটা মাড়া পড়িয়া গিয়াছে,

বাহার অভিনয় প্রথম হইতে শেষ পর্য্যন্ত

দেখিয়াও তৃপ্তিলাভন হয় না,

সেই বীর ও ভক্তি-রসায়ক নাটকখানি

পাঠে রিয়া তৃপ্ত হউন ।

মূল্য চিত্রশোভিত । মূল্য ১।০ দেড় টাকা ।

ডাক্ষিণাত্য লাইব্রেরী ।

১০৫ অপার চিংপুর রোড, কলিকাতা ।

PRINTED BY BY A. C. MANDAL.

SIDDHESWAR PRESS.

29, Nandakumar Chowdhury 2nd Lane,  
CALCUTTA.

The Copy-Rights Of This Book  
Are The Property Of The Proprietors  
Of The

**DIAMOND LIBRARY.**

# দাম্ভিকগীত

( ঐতিহাসিক নাটক )

শ্রীভোলানাথ কাব্যশাস্ত্রী প্রণীত ।

সুপ্রসিদ্ধ

“গণেশ-অপেরা-পার্টি” কর্তৃক অভিনীত ।

প্রথম অভিনয় রজনী—

এালফ্রেড রঙ্গমঞ্চ, সোমবার ১৩ই আশ্বিন, ১৩৩১ সাল ।

ডাক্তারমণ্ড লাইব্রেরী—

১০৫ নং অপার চিংপুর রোড, —কলিকাতা ।

শ্রীকানাইলাল শীল কর্তৃক

প্রকাশিত ।

---

সন ১৩৩৩ সাল

[ মূল্য ১।০ বেড় টাকা ।

নাট্য-সাহিত্যের নবীন সম্রাট শ্রীতোলানাথ কাব্যশাস্ত্রী প্রণীত  
নাট্য-সম্প্রদায়ের মুকুটমণি “গণেশ-অপেরা-পার্টি” কর্তৃক অভিনীত—

বিশ্ববিমোহন নূতন নূতন নাটক।

## আদিশূর

ঐতিহাসিক নাটক। কনোজরাজ  
বীরসিংহের সহিত বঙ্গগৌরব আদি-  
শূরের যুদ্ধ, বৌদ্ধ-কবল হইতে হিন্দু-  
ধর্মের পুনরুত্থান, অগ্নিকাণ্ডে বৌদ্ধমেলা ধ্বংস, রাজপুত্রের সর্পাঘাত, রাজ-  
দাতা অনাদিসেনের নিষ্ঠুর প্রাণদণ্ড, মালব-রাজমাতা অপরাজিতার প্রতি-  
হিংসা, রাজকুমারী লক্ষ্মীর অদ্ভুত আত্মত্যাগ, মুরলীর প্রেমোন্মাদনা, প্রেম-  
প্রাত্যাখ্যাত কীর্তনের লোমহর্ষণ হত্যা, আর সেই কূট রাজনীতিজ্ঞ ব্রাহ্মণ  
ভক্ষণালের ভীষণ কার্যকলাপে বিস্মিত হইবেন। মূল্য ১১০ টাকা।

## নরকাসুর

বরাহরূপী নারায়ণের গুহসে পৃথিবীর  
গর্ভে নরকের আশ্চর্য্য উৎপত্তি,  
নারায়ণ সকাশে নরকের জন্ম পৃথিবীর  
অভয়প্রার্থনা, শিশিরায়ণ ও শঙ্খনাদের অদ্ভুত আত্মত্যাগ, কোশলে দৈত্য-  
রাজকুমারী স্বর্গের সহিত নরকের বিবাহ, নরকের মাতৃপূজা ও ঘোড়শ  
সহস্র কুমারীহরণ, বিশ্বকর্মার বন্দীত্ব ও তুর্গনিষ্ঠাণ, সত্যভামারূপে পৃথিবীর  
জন্ম, শ্রীকৃষ্ণের সহিত নরকের যুদ্ধ, শ্রীকৃষ্ণের পরাজয়, নরকধ্বংসের সম্মতি-  
লাভ, নরকাসুরের মৃত্যু, স্বর্গের সহমরণ প্রভৃতি। মূল্য ১১০ টাকা।

## ধনুর্যজ্ঞ

কংস কর্তৃক বহুদেব ও দেবকীকে কারা-  
গারে নিষ্ক্ষেপ, দেবকীর ছয় পুত্র হত্যা  
শ্রীকৃষ্ণের জন্ম, ব্রজধামে শ্রীকৃষ্ণের বাল্য-  
লীলা, পুতনাবধ, রজকবধ, কংস কর্তৃক ধনুর্যজ্ঞের আয়োজন, কংসবধ  
প্রভৃতি। সেই রত্ন, মায়াসুর, গন্ধমাদন, আকিঞ্চন সবই আছে। শ্রীকৃষ্ণ  
শ্রীরাধিকা, যশোদা, পুতনার গানে মোহিত হইবেন। (সচিত্র) মূল্য ১১০

## জাহ্নবী

মহিমময়ী গঙ্গার পবিত্র কাহিনী, সাধনা  
ত্যাগের অবতার জহ্নুর অমানুষিক কার্য্য  
কলাপ, পিতৃ-মাতৃত্যক্ত স্বজন্মের অপূর্ণ  
কাহিনী, সংকল্পের ভীষণ প্রতিহিংসা, পতিতা উপেক্ষিতা তরলার আশা  
পরিবর্তন, গঙ্গা ও মহাদেবের বিরোধ, আজমীর ও প্রয়াগের ভীষণ সংঘর্ষ  
সেই পুরুষের, চৈতন্য, মদনমালী প্রভৃতি সবই আছে। মূল্য ১১০ টাকা।

উৎসର୍ଗ।



মা মহাশক্তি !

পূজা-উপহার নাও মা !

প্রসন্ন হও !

# ভূমিকা ।

পাঠান সয়াট মহম্মদ তোগলকের ভারতশাসন কি কল্পনাভীত—  
বৈচিত্র্যময় ! উচ্ছৃঙ্খল অপব্যয়—অভাবের জ্বালায় চক্ষুমুদ্রা প্রচলন,  
অবশেষে চতুর্দিক অবরোধ করিয়া পশুবৎ মানুষশিকার ! ইতিহাস  
আবার এই রাজ্যের অবীশ্বরকে খামখেয়ালী রক্তপিপাসু দস্যু বলিতে  
বসিতে বিদ্বান, মিভাচারী, ধর্মপরায়ণও বলিতেছেন । বাহবা ইতিহাস !

মার্ত্ত্য দেশে মিত্রাঘ নধ্যাহ্নে অকস্মাত্ মিল্ক বায়ু আর বৃষ্টিধারার  
মত দিল্লীর রাজ্যের মৃত্যুর মূর্ত্তি সময়ে দাক্ষিণাত্যে দুইটা স্বাধীন রাজ্য  
স্থাপিত হয় । একটা হিজর-নগর রাজ্য, একটা বাহননি রাজ্য ; একটা  
হিন্দু রাজ্য, একটা মুসলমান রাজ্য । একটীর প্রতিষ্ঠা ক্ষত্রিয়বীর বুদ্ধা-  
রায়েব শোভ্যে আর বেদের ভাষ্যকার ঋষি সারণাচার্যের মন্ত্রণায়, একটা  
প্রতিষ্ঠিত গদ্য ব্রাহ্মণের পরামর্শে ও তাঁহার ক্রীতদাস পাঠানবীর জাকর-  
খাঁর অস্ত্রদক্ষতায় ।

এই বিদ্বান-নিষ্ঠুর সর্প-শীতল দোহুলকণার মহাবিস্তারের দিনে, এই  
নির্বাক গলদঘর্ম্ম অশ্রুপূজার কাতর যুগে, এই নিরুপায় অবনত লুপ্তিত  
মস্তকের কলঙ্কিত তালিকায় এই দুই বীর রাজ্যের শির উত্তোলনই এই  
নাটকের অস্তি-মাংস,—কল্পিত মাত্র স্বপ্ন ।

ইতিহাসের মর্যাদাই অক্ষুণ্ণ রাখিলাম, তাহার ধর্ম্ম আমিও গ্রহণ  
করিলাম ; আমিও গ্রাহিলাম সেই মিশ্র রাগিণী দীপকে মল্লারে, দিল্লাম  
মহম্মদের সুপ্রশস্ত কৃষ্ণ ললাটে খেত চন্দনের ফোঁটা । অপরাধ ক্ষমস্ব ।

অনন্ত চতুর্দশী ।

সম ১৩৩৩ সাল ।

}

বিনীত—

প্রহরকার ।

বেঙ্গালিয়ার উন্নয়ন সমাজ পরিষদ

১৮৩২  
মুখ্য শ্রুতি লাইব্রেরী  
কুশীনবগান।

পুরুষ ।

মহম্মদ তোগলক	...	...	ভারত-সম্রাট ।
ফিরোজ-সা	...	...	ঐ জামাতা ।
উমেদ-আলি	...	...	ঐ উজীর ।
জাফর-খাঁ	...	...	{ ঐ মৈত্রাধ্যক্ষ, গঙ্গুর ক্রীতদাস ।
আবেদোন	...	...	
গঙ্গু	...	...	{ উমেদ-আলির পুত্র । মহারাষ্ট্রীয় ব্রাহ্মণ, সম্রাটের গণক ।
বুকারায়	...	...	
হরিহর	...	...	বিজয়-নগররাজ ।
দায়নাচার্য্য	...	...	{ ঐ আশ্রিত ব্রাহ্মণ, বেদের ভাব্যকার ।
আদিদেব	...	...	
জালাল	...	...	ঐ সেবক ।
পীর বাহরাম	✕	...	সম্রাটের গায়ক ।
আমজাদ	...	...	সম্রাটের ভৃত্য ।

মযোধ্যার শাসনকর্তা, আগ্রার নবাব, পাজাবের প্রতিনিধি, সাধক

✓ প্রহরী, ভৃত্য, দূত, মৈত্রগণ, কাঠুরিয়াগণ, কুলকগণ,

প্রজাগণ, নাগরিকগণ ইত্যাদি ।

সাকিনা	...	...	সম্রাট-নন্দিনী ।
সাহারা	...	...	{ সম্রাটের ভগ্নী, ফিরোজের মাতা ।
মজ্জা	...	...	উমেদ-আলির স্ত্রী ।
গায়ত্রী	...	...	বিজয়নগরের রাণী
বাণী	...	...	ঐ প্রতিপালিতা ।
শুলানেগার	...	...	সাকিনার বাদী ।
জুলেখা	...	...	বাইজি ।

কোতোয়ালী, কৃষকপল্লীগণ, বাইজিগণ, নাগরিকগণ,  
দেবগিরিবাসিনীগণ, পল্লীবাসিনীগণ,  
কুমারীগণ ইত্যাদি ।

# দাক্ষিণাত্য ।

## প্রথম অঙ্ক ।

### প্রথম গভাক্ষ ।

কক্ষ ।

মহম্মদ তোগলক একাকী পাদচারণা করিতেছিলেন ।

মহম্মদ । দাক্ষিণাত্য আজ আবার মাথা তুলে উঠতে চায়—কি সম্পর্ক! স্বাধীন হবে আলাউদ্দিনের দখল করা দেশ!—মতিচ্ছন্ন! বুকারায়! আলাউদ্দিন তোমার রাজ্য নিয়ে গেছে, মহম্মদ তোগলক আমি—জীরন্তে তোমার চামড়া খুলে নোবো ।

শশব্যস্তে উমেদ আলি প্রবেশ করিয়া অভিবাদন করিলেন ।

উমেদ । সম্রাট !

মহম্মদ । উমেদ ! এত বাস্ত ?

উমেদ । একটা অভয় দিতে হবে সম্রাট !

মহম্মদ । তোমাকে অভয় তো দেওয়াই আছে উমেদ !

উমেদ । না জাঁহাপনা ! আজ একটা বড় অত্মায় ক'রে ফেলেছি ।

মহম্মদ । তা হ'লে সে অত্মায়টা খোদার ইচ্ছা,—নির্ভয়ে বল ।

উমেদ । আমি আপনার গণক গল্প ব্রাহ্মণের পুত্রকে হত্যা ক'রে ফেলেছি ।

মহম্মদ । [ ক্ষণেক নীরব থাকিয়া ] অপরাধ ছিল সম্ভব ?



উমেদ । না খোদাবন্দ ! প্রথমে মনে করেছিলুম তাই, কিন্তু শেষে বুঝলুম—সে নিরপরাধ ; তখন আর উপায় নাই ।

মহম্মদ । ব্যাপারটা কি ?

উমেদ । গঙ্গু ব্রাহ্মণের পুত্র আমার পুত্রের সমবয়স্ক । অনেক দিন হ'তে আমার বাড়ীতে যাতায়াত কর্তো, এমন কি অন্তঃপুর পর্য্যন্ত তার অব্যাহত ছিল । আমার দ্বিতীয়া স্ত্রী হিন্দু-মহিলা,—তার সঙ্গে সে একত্রে ব'সে হিন্দুশাস্ত্র আলোচনা কর্তো—ধর্ম্মোপদেশ দিত । প্রথমটায় ওদিকটায় আমি ততটা চোখ কান দিই নাই, আজ একটু আড়ালে দাঁড়িয়ে তার কথাবার্তা শুন্ছিলুম । আমার ধারণা হ'লো জাঁহাপনা, উপদেশটা ধর্ম্মসম্বন্ধীয় হ'লেও তার সেগুলো ধর্ম্মের আবরণে রাজদ্রোহ-মূলক ! সম্রাটের নৈমকের চাকর হ'য়ে আমি আর থাকতে পারলুম না ! সাবধান ক'রে দেবার জন্তু তার সাম্মনে গেলুম, সে নানারকমে আমায় বুঝিয়ে দেবার চেষ্টা করলে ; আমি বুঝলুম না, জোর ধরলে—আমিও জোর ধরলুম, সেও জিদ ছাড়লে না । কেমন একটা রাগ হ'য়ে গেল সম্রাট ! ভেবে দেখবার অবসর পেলুম না—একেবারে সাংঘাতিক আঘাত ক'রে বসলুম । তারপর জাঁহাপনা, তার সেই মৃত্যুজড়িত স্বর্গীয় কণ্ঠে সনাতন ধর্ম্মের ব্যাখ্যা—তার সেই নির্ভীক পবিত্র দেবমূর্ত্তি—সকল প্রেমাশ্রুপাত --- আর আমার জীবন নির্বাক তিরস্কার আমার ধারণাটাকে এক নিমেষে ভেঙ্গে চূরমার ক'রে দিলে । আমি অবাক হ'য়ে দেখলুম—আমার ধারণা ভুল—ব্রাহ্মণপুত্র নিরপরাধ—প্রকৃতই তার নির্দোষ ধর্ম্মোপদেশ ।

মহম্মদ । যাক্—হ'য়ে গেছে আর উপায় কি ! এখন এ হত্যা আর কেউ দেখেনি তো ?

উমেদ । এক আমার স্ত্রী ভিন্ন আর কেউ না ।

মহম্মদ । মৃত দেহটা কি সেই অবস্থাতেই প'ড়ে আছে ?

উমেদ । না—সম্রাট ! আমি তাকে একটা কুপের মধ্যে ফেলে চাপা দিয়ে দিয়েছি ।

মহম্মদ । চুকে গেছে । আর তুমি এ নিয়ে মাথা গরম ক'রো না । এখন এদিক্কার ব্যাপার শুনেছ ? দাক্ষিণাত্যে বুকারায় বিদ্রোহী হয়েছে,—সে কর্ণাট আর দ্রাবিড় মিলিয়ে বিজয় নগর নামে একটা নূতন রাজ্য স্থাপন ক'রে আপনাকে স্বাধীন রাজা ব'লে ঘোষণা দিয়েছে । দেবগিরি হ'তে সংবাদ পেয়ে জাফর খাঁ এই মাত্র আমার জানিয়ে গেল ।

উমেদ । এ বিদ্রোহের তো শান্তি করা উচিত সম্রাট !

মহম্মদ । শান্তি নয়—দমন ! তুমি জাফর খাঁকে পরোয়ানা কর, সে যেন এই মুহূর্ত্তে আপনার অধীনস্থ সৈন্য নিয়ে দাক্ষিণাত্য দমনে যায়,—সেখানকার শাসনভার তারই হাতে । লিখে দেবে স্পষ্ট ক'রে—যদি বুকারায়কে ধ'রে আনতে না পারে, চাকরী বাবে । আমি ফিরোজকেও দিল্লীর সৈন্য নিয়ে তার পিছু পিছু পাঠাচ্ছি,—বুকারাকে ধরা চাই ।

### জনৈক প্রহরীর প্রবেশ ।

প্রহরী । [ অভিবাদন করিয়া ] কনোজ হ'তে দূত এসেছে সেখানকার সুবাদারের এংলা নিয়ে,—বল্লে জরুরি ।

উমেদ । [ এংলা লইলেন ]

মহম্মদ । পড় উমেদ !

উমেদ । [ এংলা পাঠ ] ছনিয়ার মালেক মীর মহম্মদ তোগলক হুজুরালি বাহাদুর—

হুজুরে নিবেদন—কয়েক দিবস হইল কর্ণাট অঞ্চল হইতে সাম্যনাচার্য্য নামে এক ব্রাহ্মণ আসিয়া সমস্ত কান্ধুকুজ প্রদেশ মাতাইয়া তুলিয়াছে ।

তাহারা সাম্রাজ্যের প্রচলিত চন্দ্রমুদ্রা লইতে চাহে না—সাহানসার শাসন মানেন না—দণ্ডনৌতিকে দস্ত ভ'রে উপেক্ষা করে। আমি সায়নাচাখ্যাকে গ্রেপ্তার করিবার চেষ্টা করিয়াছিলাম, কিন্তু সে বড় ধূর্ত—বিপদের আভাস বুঝিয়াই আত্মগোপন করিয়াছে। উপস্থিত কনোজের ভাব পূর্ববৎই ; তাহারা সজ্জ বাঁধিয়া পথে পথে ফিরিতেছে—নিরীহ শান্ত সকলকে উত্তেজিত করিতেছে। সংপরামর্শ—প্রলোভন—ভয়প্রদর্শন সকল রকমেই তাহাদিগকে দেখিয়াছি, স্ববশে আনিতে পারি নাই। হুজুরের হুকুম ব্যতীত তাঁবেদার তাহাদের দমনে অত্ন পন্থা অবলম্বন করিতে পারে নাই, যেমত মর্জি হয়।

মহম্মদ। হত্যা—হত্যা ! বিদ্রোহ ! লিখে দাওগে উমেদ ! কনোজের চতুর্দিক বেষ্টন ক'রে পশুশিকারের মত গুলি চালাতে ! শিশু, বৃদ্ধ, নারী বিচার নাই,—আমি সন্তাহ মধ্যে সংবাদ চাই—কনোজে মনুষ্য বলতে একটা প্রাণী নাই।

উমেদ। সম্রাট !

মহম্মদ। কিছু না ! সংবাদ চাই—মনুষ্য বলতে একটা প্রাণী নাই।

উমেদ। অত্ন উপায়েও সেখানে শাস্তিহাপন হ'তে পারতো, যদি সম্রাট এ ভারটা আমায় দিতেন।

মহম্মদ। কি কর্তে ? কথায় বোঝাতে ? ভোবামোদ কর্তে ? তা হ'তো, কিন্তু তা হবে না। সে উপায়ে শাস্তিহাপন অশাস্তির আশ্পর্ক বাড়ানো। আজ কনোজ শান্ত হবে—কাল আর একটা জায়গা ক্ষেপে উঠবে, একজন নাই পাবে—দশজন আবদার ধরবে। আবার তুমি বাবে তাদের পিছু পিছু গায়ে হাত বলুতে ! বুঝে নেবে বিদ্রোহীর দল রাজশক্তির দৌড় ! মিষ্ট কথা ধর্মপ্রচারের উমেদ, সাম্রাজ্য-শাসনের ভিত্তি নয় ! ভয় যতটা মানুষকে কাছে টেনে আনতে পারে, ভালবাসার

দ্বিতীয় গর্ভাঙ্ক ।]

দাক্ষিণাত্য

সে ক্ষমতা নাই ! তুমি লিখে দাওগে সুবাদারকে,—আমি যেন গুণ্ডতে পাই—সপ্তাহের মধ্যে কোনোজ মনুষ্যশৃঙ্খ ।

[ প্রস্থান ।

উমেদ । এক ব্রাহ্মণকুমারকে হত্যা ক'রে রক্তাশ্রমে ছুটোছুটি করছি, আবার এই কান্ডকুজের লক্ষ লক্ষ ব্রাহ্মণ-ব্রাহ্মণীর হত্যাজ্ঞার ছকুম-পত্র স্বহস্তে লিখতে হবে । বাঃ—মন্দ নয় !

[ প্রস্থান ।

## দ্বিতীয় গর্ভাঙ্ক ।

প্রমোদ-কক্ষ ।

বাইজীগণ দাঁড়াইয়াছিল ; বাঁদি ত্বরিতপদে উপস্থিত হইল ।

বাঁদি । ওগো—তোরা বেশ তো নিশ্চিন্দি আছি! তৈরী হ'—  
তৈরী হ' ; শাহজাদাঁ আজ প্রথমেই এইখানে আসবেন ।

বাইজীগণ । ও মা ! ও মা ! সে কি ?

বাঁদি । হাঁ - আজ সকাল হ'তে সন্ধ্যা পর্য্যন্ত যখন যেখানে যাবার তাঁর সরঞ্জাম ছিল গুনেছিলি, সে সব পাল্টে গেছে,—তিনি আগেই তোদের এখানে আসছেন । শুধু তাই নয়—আরও খবর আছে ।

বাইজীগণ । কি—কি ?

বাঁদি । বথুরা দিস্ যেন ! আজ তোদের নাচ-গানে যার যেমন কায়দা, সে তেমনি পুরস্কার পাবি । ছাঁসিয়ার ! খাস-কামরার পরদা উঠে গেছে । তিনি এলেন ব'লে ।

[ প্রস্থান ।

নেপথ্যে সাক্ষেতিক ধ্বনি উঠিল—বাইজীগণ অভ্যর্থনা-

সঙ্গীত আরম্ভ করিল—সাকিনা কক্ষ-প্রবিষ্টা

হইয়া আসন গ্রহণ করিলেন ।

বাইজীগণ ।—

গীত ।

আইয়ে গুলেতর্ খোসবোঁ, আইয়ে আবরে বাহার ।

আইয়ে ছুনিয়া মঙ্গুলওয়ালী, আইয়ে হুর কি সেতার ।

খুদি সে চেঃ চেহে মজিম্ হায় হুরতে বুলবুল,

:আব্ ইন্ চমনমে গুলনেয়ার,—

তিরকে নক্‌সে মাথে পে নিশানি রৌশন্,

আইয়ে পরী বেহস্ত কি কম্ এংবার ।

সাকিনা । আজ আর আমি তোদের ও একঘেয়ে একজোটে গোল-  
মেলে চীৎকার শুনতে চাই না । যে যা কর্বি, একে একে কর,—দেখি,  
এ বিদ্বান কে কতদূর আগিয়েছি। জুলেখা ! তুইই আগে নে ! তোরা  
বোস্ !

অগ্ৰাণ্য বাইজীগণ উপবেশন করিল, জুলেখা অভিবাদন

করিয়া বেশভূষা গুছাইয়া প্রস্তুত হইল, কিন্তু তান

ধরিবার পূর্ব্বে বাঁদি পুনঃপ্রবেশ করিল ।

বাঁদি । হজরৎ ! শাহজাদা ফটকে, ভিতরে আস্‌বার হুকুম চান ।

সাকিনা । কেন—এ সময় ?

বাঁদি । তাঁর না কি হঠাৎ কোথায় একটা যুদ্ধের জগ্ৰ ডাক হয়েছে,  
তাই আপনার সঙ্গে একবার দেখা ক'রে যাবেন ।

সাকিনা । [ চিন্তা করিতে লাগিলেন ]

বাঁদি । কি হুকুম মর্জি হয় ?

সাকিনা । যা বাঁদি ! তাঁকে আমার সাদর স্রীতি জানিয়ে বল্গে—  
আমি বড়ই দুঃখিত তাঁর এ প্রার্থনা পূর্ণ করতে না পারায় । আজকের  
দৈনন্দিন কন্সের বন্দোবস্ত আমার হ'য়ে গেছে—আর তার পরিবর্তন  
করবার উপায় নাই,—একটু আগে জানালেও যা হোক হ'তো । তিনি  
কুশলে ফিরে আসুন, তাঁর সাক্ষাতের জন্ত আমি একটা সময় নির্দিষ্ট ক'রে  
রাখবো,—আর তাঁর কুশলে ফিরে আসবার সম্বন্ধেও আমি সময়ান্তে অবসর  
মত খোঁদার কাছে জানাবো ।

সাহারা উপস্থিত হইলেন ।

সাহারা । খোদা যেন তোমার হাতধরা—কেমন ?

সাকিনা । এ কি ! আপনি এখানে ?

সাহারা । কথাটা বড় বাজলো শাহজাদী ! না এসে থাকতে পারলুম  
না ! তুমি সমস্ত কাজ-কর্ম সেরে বিশ্রামের সময় বিছানায় প'ড়ে  
খোদাকে ডাক্বে, খোদারও আর কোন কাজ-কর্ম নাই, তোমারই  
মাইনে খায়—তোমার ডাক শোন্বার জন্ত তৈরী হ'য়ে আছে । কর্ছো  
কি শাহজাদী ! সাক্ষাৎ চাচ্ছে দ্বারস্থ হ'য়ে—যুদ্ধে যাবার পূর্বে—তোমার  
স্বামী !

সাকিনা । অবশ্য তিনি সম্মানের ; তা হ'লেও সময়ের মূল্য যে  
অনেক বেশী, কর্তব্যের স্থান সবার উচ্ছে । আমি যে এ সময় একটা  
গুরুতর কার্যে ব্রতী ।

সাহারা । গুরুতর কার্য তো তোমার চুলোর ছাই নাচ-গানের  
বিচার করা !

সাকিনা । দেখুন,—এটাকে আপনারা যতটা অপকর্ষ মনে করেন, বাস্তবিক তা নয় । সঙ্গীত-বিদ্যা সকল হৃদয়ে আঘাত করে—চির-সম্ভৃৎকেও জুড়িয়ে দেয়—সঙ্কীর্ণ প্রাণকে অবাধ উন্মুক্ত উদার করে—খোদাতালার তোরণদ্বারে টেনে নিয়ে যায় । এ বিদ্যার উৎকর্ষ-সাধনে সাধারণকে উৎসাহিত করা, এর যোগ্যতামুসারে পুরস্কার, বেতন-বৃদ্ধি, বৃত্তি-বিধান, মনুষ্ক-মাত্রেরই অবশ্য করণীয় ।

সাহারা । তা কর—তুমি যেমন বোঝ । কিন্তু সেটা তো আর পালিয়ে যাচ্ছে না, ছুঁদণ্ড পরেও তো হ'তে পারে ! উপস্থিত আগেকার কাজ আগে কি না ?

সাকিনা । তা—বটে ! স্বামী যাচ্ছেন যুদ্ধে—আর সাক্ষাতের সুবিধা নাও ঘটতে পারে ; তবে কি না কৰ্ম্মমাত্রেরই শৃঙ্খলার অধীন । এখন আমি যে কার্য্যে নিযুক্ত, আমার বেশভূষা তদনুরূপ, শরীর মন সেই ভাবেই চালিত—তন্নয় ; এ সময় তার ওপর স্বামী সাক্ষাৎ করতে হ'লে তাঁরই অসম্মান,—তাঁর অভ্যর্থনার অনেক ক্রটি ঘটতে পারে ।

সাহারা । সৰ্কনাশ ! স্বামীর অভ্যর্থনা করতে আবার সাজ পাল্টাতে হয় না কি ? তার জগ্ন শরীর মনকে সাস্থনা ক'রে ফিরিয়ে আনতে হয় না কি ? কই—তা তো জানি না । আমিও তো ছিলুম সম্রাটনন্দিনী—তোমারই পিতামহ গিয়াসুদ্দিন তোগলকের কন্যা,—আমারও তো আদরের অভাব ছিল না ! এ রকম অসংখ্য ঐহিক সুখ আমায় দিবারাত্র ঘিরে থাকতো, তার মাঝেও তো আমি স্পষ্ট দেখতে পেতুম—স্বামীর অভ্যর্থনায় একটা জিনিষের প্রয়োজন, সেটা নারীর প্রাণ ; আর তার জগ্ন সেও সৰ্কদাই প্রস্তুত ।

সাকিনা । যাক্, আর তর্কে কাজ নাই । বাঁদি ! জানিয়ে আস তাঁকে, সকলের অনুরোধ আর তাঁর আগ্রহাতিশয়ের জগ্ন মাত্র অর্দ্ধ দণ্ড

দ্বিতীয় গর্ভাঙ্ক । ]

সাকিনাত্য

সময় আমি অপব্যয় করতে পারি—তার বেশী না । [ বাদি প্রস্থান করিল ]  
যান আপনি !

সাহারা । [ স্বগত ] করেছি কি ! রাজ্যলোভে রাক্ষসীর সঙ্গে পুত্রের  
বিবাহ দিয়েছি ।

[ প্রস্থান ।

ফিরোজ উপস্থিত হইলেন ।

ফিরোজ । প্রিয়তমে !

সাকিনা । শুনেছেন বোধ হয়—আপনার অর্দ্ধদণ্ড সময় ?

ফিরোজ । শুনেছি ; তুমিও শুনেছ বোধ হয়—আমি যুদ্ধে যাচ্ছি ?

সাকিনা । হাঁ, তার জন্ত আমরা আপনাকে ধন্যবাদ দিই—আপনার  
স্বদেশ-প্রাণতাকে উৎসাহিত করি—আপনার বিজয়-গোরবে আনন্দ  
করবার আশা রাখি ।

ফিরোজ । [ নির্বাক ]

সাকিনা । বলুন—আর কি বলবার ? আমরা চুপ ক'রে থাকলেও  
আমাদের সময় যে দাঁড়িয়ে থাকবে না ।

ফিরোজ । বলবো আর কি সাকিনা ! যাচ্ছি যুদ্ধে—মৃত্যুর মুখে,  
ফিরবো কি না জানি না !

সাকিনা । ক্ষতি কি ? মৃত্যু তো হবেই ! যুদ্ধে যান বা না যান—  
ছ'দিন আগে কি ছ'দিন পরে ! নীচেয় প'ড়ে মাটা কামড়ে পশুর মত  
মরার চেয়ে সম্মানরক্ষায় কর্তব্যের জন্ত লক্ষ দিয়ে মাথা উচু ক'রে  
মনুষ্যের মরণ আমার চক্ষে বড় সুন্দর ! তাই যদি হয়, আমি নগরে  
নগরে—পল্লীতে পল্লীতে—গৃহে গৃহে আপনকার নাম ঘোষণা ক'রে  
বেড়াবো—আপনার স্বাধীনতাপ্রিয় দেবমूर्তি মন্দিরে, মসজিদে সর্বত্র



প্রতিষ্ঠা করাবো,—আপনার বীর-ধর্মের চরণতলে আপামর সাধারণকে  
সবিনয়ে মাথা নোয়াতে শেখাবো। আর কি চান ?

ফিরোজ । যথেষ্ট !

সাকিনা । তবে অপরাধ নেবেন না, সময় অতিবাহিতপ্রায় !

ফিরোজ । উত্তম ! বিদায় !

সাকিনা । গাও সখীগণ ! আমার স্বামীর শুভ বিদায় ।

বাইজীগণ ।—

গীত ।

যাও সখা যাও বঁধু যাও যাও প্রিয়বর !

করমের আবাহন কি বিচার করে ডর ?

কেন চাও মুখ পানে অলস জড়ান চোখে,

সবনে, জীবন-সখা হে—

জয়শায় আঁখিটার দেখ কি চপলা খেল,

কত নবীনতামাখা হে,—

ফিরে এস দেবো বুক ঢুলিত আকুল স্বাসে,

চ'লে যাও পূজা পাবে পৃথিবীর ইতিহাসে,

জীবনে মরণে মোরা স্থতির সে মধুমাংসে,

বীর করুণরসে গাহিব যুগান্তর ।

ফিরোজ । থাক ! কৃতার্থ হ'লুম সাকিনা, তোমাদের এই আশ্চর্য্য  
সম্মান প্রদর্শনে ! চমৎকৃত আমি, তোমার এই অভিনব স্বামী-সৎকারে !  
স্তুতিবিশ্ব, নারী-চরিত্রের এই নূতন আদর্শে ।

সাকিনা । [ হস্ত ধরিয়া ] চলুন—আপনাকে তোরণ-দ্বারে দিয়ে  
আসি ! তোরাও আস ।

[ সকলের প্রস্থান ।

## তৃতীয় গর্ভাঙ্ক ।

গঙ্গুর কুটীর ।

জন্ম-কোষ্ঠীর বিচার করিতে করিতে গঙ্গু ভাবিতেছিলেন ।

গঙ্গু । শনি—রাহু—কেতু ! ত্রিপাপী ! এ কি হ'লো ? কোষ্ঠীখানা তারই বটে তো ? তারই তো বটে ! [ পুনরায় গণনা করিয়া ] সর্বনাশ ! সপ্তশূত্র যে ! তবে কি—তাই হবে ! না হ'লে এত অনুসন্ধানের তার উদ্দেশ্য নাই ! সমস্ত দিল্লীটার মধ্যে কেউবলে না—তাকে দেখেছি ! আর আমায় না জানিয়ে বাইরে যাবারও ছেলে তো সে আমার নয় ! নিশ্চয় হতভাগা বেঁচে নাই ।

জাফর খাঁ উপস্থিত হইল ।

জাফর । পিতা !

গঙ্গু । জাফর ! আর মিছে ঘোরাঘুরি তার জন্ত বাবা,—আমি তার কোষ্ঠী দেখলুম—সে বেঁচে নাই !

জাফর । তাই বটে পিতা ! আমিও স্বকর্ণে শুনলুম—ভাইজীর নিরপরাধ মৃত্যু ।

গঙ্গু । শুন্লে—শুন্লে ? যা ভেবেছি তাই ! গণনা কি মিথ্যা হয়, ঠিক মিলেছে কোষ্ঠীর সঙ্গে,—এই দেখ—শনি, রাহু, কেতু—ত্রিপাপী ; তার ওপর এই সপ্তশূত্র ! ত্রিপাপে চ ভবেন্মৃত্যু, সপ্তশূত্র দিকং যদি । কোথায় শুন্লে জাফর ? কার মুখে শুন্লে ? কি রকমে মৃত্যু হ'লো পুত্রের আমার ?

জাফর। সম্রাটের দক্ষিণ হস্ত উমেদ-আলি তাকে অবিচারে হত্যা করেছে।

গঙ্গু। [ সবিস্ময়ে ] উমেদ-আলি ! অবিচারে !

জাফর। হাঁ—আমি তারই নিজের মুখে শুনেছি—সম্রাটের কক্ষে সম্রাটকে বলতে।

গঙ্গু। সম্রাটকে বলতে ! নিজের এমন একটা অপরাধ !

জাফর। সম্রাটকে বলার উদ্দেশ্য তো আত্ম-অপরাধ স্বীকার ক'রে উদারতা দেখান নয়, সম্রাটকে বলার অর্থ তাঁকে আগে হ'তে সেরে রাখা। আর কি সে সাম্রাজ্য আছে ?

গঙ্গু। তুমি সেখানে উপস্থিত ছিলে ?

জাফর। আমি সম্রাটকে দাক্ষিণাত্যের বিদ্রোহের সংবাদ দিতে গিয়েছিলুম। যে সময়ে বেরিয়ে আসি, ঠিক সেই মুহূর্তে উমেদ-আলি অস্ত্র দ্বারা দিয়ে শশব্যস্তে সম্রাটের কক্ষে প্রবেশ করে। আমার চোখে পড়লো ; সন্দেহ হ'লো—পরদার আড়ালে দাঁড়ালুম। তারপর সে প্রথমে একটু ভূমিকা ক'রে সম্রাটকে বেশ গুছিয়ে নিয়ে তবে কথা তুললে। তার জীর সঙ্গে ভাইজীর ধর্ম্মালোচনা ধর্ম্মের আবরণে রাজদ্রোহিতা অনুমান ক'রে সে তাকে হত্যা করেছে। এ কথাও বললে, পরে সে বুঝেছে—তার অনুমান ভ্রান্ত, ভাইজীর ধর্ম্মোপদেশ নির্দোষ, তখন আর উপায় কি ! তার মৃত দেহটা একটা কুপের মধ্যে ফেলে চাপা দিয়ে দিয়েছে। আমি গলদঘর্ম্ম হ'য়ে উঠলুম—আমার মাথা ঘুরে গেল।

গঙ্গু। হা—পুল। এই তোমার পরিণাম ! হবেই তো ! শনি—রাহু—কেতু—জিরাপী, তার সঙ্গে সপ্তশত ! এ কথা শুনে সম্রাট কি বললেন ?

জাফর। ছাই বললেন ! তিনি কানই দিলেন না ; তাঁর মাথায়

এখন দাক্ষিণাত্যের বিদ্রোহ ঘুরছে, তিনি তাই নিয়ে তাঁর সঙ্গে মাতুলেন ।

আমি আর দাঁড়ালুম না—দাঁড়াতে প্রবৃত্তিও হ'লো না ।

গঙ্গু । ভগবান্ ! মঙ্গলময় ! সবই তোমার ইচ্ছা প্রভু !

জাফর । তা বললে হবে না পিতা ! এর একটা প্রতীকার চাই ।

সায়নাচার্য্য উপস্থিত হইল ।

সায়ন । এর প্রতীকার নাই জাফর খাঁ !

জাফর । আপনি কে ?

সায়ন । প্রতীকারবিহীন হীন ব্রাহ্মণ !

গঙ্গু । এস ভাই এস ! নমস্কার করতে পারলুম না—আমার অশোচ, সম্ভ্রান্ত আমার একটা বড় দুর্ঘটনা ঘটেছে ।

সায়ন । তা বুঝেছি তোমার কুটীরদ্বারে পা দিয়েই । তার আর বিচিত্র কি ! এ রকম কত দুর্ঘটনা এ রাজ্যে ঘটে গেছে—ঘটছে—ঘটবে । তুমি তার কি প্রতীকার করবে জাফর খাঁ ?

জাফর । আমি একবার এ কথাটা সম্রাটকে জানাবো ।

সায়ন । সম্রাট তো জেনেছেন, আবার নূতন করে কি জানাবে তুমি ? তাঁকে জানিয়েও যা, না জানিয়েও তাই ! বুঝতে তো পারছে—জানিয়ে যা হবে !

জাফর । তা পারছি, তবু জানাতে হবে । তাঁকে জানিয়ে আর কিছু হোক না হোক, অন্ততঃ এটাও হবে—তিনি জানতে পারবেন—আমরা জেনেছি, ঘটনাটা তিনি টিপে মারতে পারেন নি । গুপ্ত পাপ চাপা থাকে না, মাথার ওপর ভগবান্ আছে ।

সায়ন । তাতে কোন লাভ নাই জাফর !

গঙ্গু । কিছু না—কিছু না ! একে ত্রিপাপী, তাতে সপ্তশত্ৰু,—তাকে

মরতেই হ'তো, উপলক্ষ্যের কি দোষ ! অপরাধ আমার, আমি তার কোষ্ঠী দেখি নাই—প্রতিবিধানে শাস্তি-স্বস্ত্যয়ন করি নাই ।

সায়ন । কেন কর নাই ? জানতে তো সব ! কোষ্ঠী তো তৈরী করেছিলে নিজেই !

গঙ্গু । তা করেছিলুম, কিন্তু তার ফলাফল কি হ'লো, চোখ মিলে বিচার ক'রে দেখি নাই । কেন দেখি নাই—নিজের পুত্রের সম্বন্ধে মানুষের অনেক বিষয়ে অনেক রকম ভুল হয় । বরাহও না কি এই রকম একটা মস্ত ভুল ক'রে ফেলেছিলেন । দরকার নাই আর ও দেখায় । যা আছে ওতেই থাক, —কখনো প্রয়োজন হয় দেখা যাবে ! একেবারে যে এতটা হবে, তা আমি ভাবতে পারি নাই,—আমার গ্রহ । চেপে যাও জাফর ! ভাগ্যে যা ছিল, হ'য়ে গেছে,—কাজ নাই আর এ সব গোলযোগে । ত্রিপাপীতে সপ্তশৃংখ, তার মৃত্যু হ'তোই ।

মঞ্জুলা উপস্থিত হইল ।

মঞ্জুলা । হ'তো—হ'য়েওছে, তাতেই বা তোমার এতটা বৈরাগ্য কিসের ? সে দিক দিয়েও তো তোমার কাজ রয়েছে ।

গঙ্গু । কে তুমি দেবী ?

মঞ্জুলা । আমি নারী ! তুমি প্রতিশোধ নাও ।

গঙ্গু । প্রতিশোধ ! কার ওপর ?

মঞ্জুলা । ঐ ত্রিপাপী সপ্তশৃংখের ওপর—তোমার ধারণায় যারা তোমায় পুত্রহীন করেছে । তুমি তো গেছই ! জগতে আরও তো পুত্রবান আছে,—তার। যাতে ঘর করতে পার, তার কিছু কর । ত্রিপাপী সপ্তশৃংখের দণ্ড দাও ।

গঙ্গু । ত্রিপাপী সপ্তশৃংখের দণ্ড তো আমাদের জ্যোতিষ শাস্ত্রে বিধান দেয় না মা ! তাদের সাক্ষনার ব্যবস্থা আছে ।

মঞ্জুলা । সাস্ত্রনার সময় আর নাই জ্যোতিষী ! দণ্ড দিতে হবে—  
মহাদেব যেমনি মদন ভঙ্গ করেছিলেন । হয় ?

গঙ্গু । না মা !

মঞ্জুলা । তবে তোমার ছাই জ্যোতিষ ! ফেলে দাওগে ও শাস্ত্র  
অতীত সমুদ্রের জলে । যে বর্তমান যুগ অনুসারে বিধান দেয় না, তার  
একঘেয়ে চৈতানি এ জগতে আর কেউ শুনবে না । [ প্রস্থানোত্ততা ]

জাকর । পরিচয় দিয়ে যেতে হবে তোমায় !

মঞ্জুলা । পাবে না । প্রয়োজন বুঝেছিলুম—এসেছিলুম, কিন্তু  
দয়াকার ছিল না ; আমার আসবার আগেই দেখছি সে প্রয়োজন মিটে  
আছে । ধর্মের ঢাক আপনিই বাজে ।

[ প্রস্থান ।

জাকর । [ স্বগত ] নিশ্চয় এ ভাইজীর মৃত্যু-সংবাদ দিতে এসেছিল  
কে এ ? উমেদ-আলির মুখে শুনেছি—এক তার স্ত্রী ভিন্ন এ সংবাদ আর  
কেউ জানে না । তবে কি সেই ?—হবে !

### জনৈক ভৃত্যের প্রবেশ ।

ভৃত্য । উজীর সাহেবের আরদালী এসে আপনার অপেক্ষা করছে,—  
কিসের একটা পরোয়ানা আছে ।

জাকর । চল । [ ভৃত্যের প্রস্থান ] [ গঙ্গুর প্রতি ] আপনার ও  
জ্যোতিষ-তত্ত্ব আমার মাথায় ঢুকলো না পিতা ! আমি এর প্রতীকার চাই ।

[ প্রস্থান ।

সায়ন । আমি তোমার ত্রিপাপী সপ্তশৃঙ্খকে নমস্কার করি ব্রাহ্মণ !  
কিন্তু এ ষথার্থবাদিনী নারীকেও ধত্ত্ববাদ না দিয়ে থাকতে পারছি না ।  
তুমি উপস্থিত একটা মুহূর্তের জন্তও জ্যোতিষ ছাড় ।

গঙ্গু। একটা মুহূর্তের জন্ত নয় ব্রাহ্মণ, আমি এ জ্যোতিষ একেবারেই ছাড়বো। নারীর প্লেষে নয়—জ্যোতিষের বচন ভিত্তিহীন প্রলাপ বাক্য ব'লে নয়, জ্যোতিষেও স্বাধীনতা নাই ব'লে।

সায়ন। স্বাধীনতা!

গঙ্গু। হাঁ—দেখ, আমি গণনা করেছিলুম—শনি, রাহু, কেতু ত্রিপাপী, তার ওপর সপ্তশৃংখ; ঠিক তার ফল মৃত্যু ঠিক! তার প্রতি-বিধানের ব্যবস্থা যা আছে, সেও তা হ'লে ঠিক! যদি করতুম, তার এ ফাঁড়া কাটাতে পারতুম। কিন্তু আমি সে দিক দিয়েই গেলুম না। মনটা কেমন হ'লো; কোপ্তাখানা চোখ মিনে দেখলুমই না। কই স্বাধীনতা? দৈবের অধীন। স্বাধীনতা থাকলে আমার মনও ঐ পথে ছুটতো। রোগ আছে, ঔষধও আছে; কিন্তু যেখানে মৃত্যুরোগ, ঔষধ গলাধঃকরণই হয় না। অধীন! অধীন! যে যে দিকেই যাক, সব এক সূত্রে গাঁথা—একটার অধীন। আমি জ্যোতিষ ছাড়লুম।

সায়ন। বাঃ! কিন্তু একটা অবলম্বন তো চাই! মানুষ তো শূন্তে থাকতে পারে না। ধরুছো কি?

গঙ্গু। ভগবান্—যাতে জীবের পূর্ণ স্বাধীনতা।

সায়ন। এই তো চাই; কিন্তু একটা সমস্যা—ভগবান্ যে স'রে গেছেন।

গঙ্গু। ভগবান্ স'রে গেছেন?

সায়ন। হাঁ—আমরা সরিয়ে দিয়েছি।

গঙ্গু। কিসে?

সায়ন। কুসংস্কারে—কুশিক্ষায়—কুরুচিতে।

গঙ্গু। তাঁকে আনতে হবে।

সায়ন। আগে হাওয়া ফিরিয়ে আন।

গঙ্গু। কিসের হাওয়া ?

সায়ন। রামচন্দ্রের হাওয়া—বশিষ্ঠ ঋষির হাওয়া—সোণার অযোধ্যার হাওয়া।

গঙ্গু। কে তুমি ? কোথা হ'তে আসছো ? কি উদ্দেশ্য তোমার ?

সায়ন। উদ্দেশ্য মিলন—আসছি দ্রাবিড় হ'তে—নাম সায়নাচার্য্য।

গঙ্গু। সায়নাচার্য্য—বেদের ভাষ্যকার ? মহাপুরুষ ! মহাপুরুষ !

সায়ন। না—না, রোদনসর্কস্ব নারীরও অধম। ব্রাহ্মণ ! তুমিও যা, আমিও তাই। তুমি মহারাষ্ট্রীয় ব্রাহ্মণ, অমূল্য জ্যোতিষ নিয়ে একমুঠো ভাতের জন্তু মাথা বিকিয়ে চাকরী নিয়েছ, আমিও দ্রাবিড়ের আচার্য্য, বেদের ভাষ্য তৈরী ক'রে অর্থ বোঝাবার জন্তু কুসংস্কারের দ্বারে দ্বারে ফিরছি। লোক নাই ! এস তো ভাই, দু-জনে মিলে আগে গোটা কতক লোক তৈরী করি। আমি আমার বেদের ভাষ্য শোনাই, তুমি তোমার জ্যোতিষ নিয়ে তার ওপর ভবিষ্যৎ-বাণী কর। আমি খড় মাটিতে প্রতিমা গড়ি, তুমি তাতে প্রাণ দাও। আবির্ভাব হবে ভগবানের—বিচার পাবো ধর্ম্মাধর্ম্মের—স্বাধীন হবে বেদ, জ্যোতিষ, আমাদের সর্কস্ব অতীতের পবিত্রতায়।

গঙ্গু। উপায় নাই—উপায় নাই আচার্য্য ! আমরাই লোককে কাণা করেছি,—আমরা ব্রাহ্মণজাতি নিজেদের অপ্রতিদ্বন্দ্বী প্রভুত্বের কুহকে সোণার দেশটায় অমৃতের আশ্বাদানে বঞ্চিত রেখেছি। এ কুসংস্কারের নেতা আমরাই। আজ আর হাত কৈ ? আজ সে পরস্বাপহরণের প্রতিশোধের পালা ; এস—এস, কাঁদি এস,—কান্না ভিন্ন আর আমাদের গতি নাই।

সায়ন। কাঁদতেই বা পাছ কৈ গঙ্গু ? তা হ'লেও তো হৃদয়ের ভাব অনেকটা হাক্কা হ'তো। বিনা অপরাধে তোমার পুত্রকে হত্যা করা



হ'লো—সে সংবাদ ধর্ম্মাধিকরণের কানে পর্য্যন্ত উঠলো—তুমি বললে কি না “চেপে যাও জাফর! কাজ নাই আর এ সব গোলযোগে।” কাঁদবার শক্তিই কৈ তোমার? এ যে বুকের খাস বুকেই র'য়ে গেল! বুঝতে পেরেছো বোধ হয়? পুত্র গেছে, ডাকাডাকি ক'রে কাঁদতে গেলে নিজেও যাবে। পালিয়ে এস—পালিয়ে এস গঙ্গু! মুখ ফুটে কাঁদবে তো পালিয়ে এস এ পুত্রঘাতীদের সীমানা হ'তে।

গঙ্গু। কোথা যাবো সায়ন? যাবার স্থান কৈ?

সায়ন। আমি একটু আবিষ্কার করেছি,—অনেক কৈদেছি তাতে। তুমিও এস, পুত্রশোকের গোটা কতক তপ্ত বিন্দু দেবে।

গঙ্গু। ও—বুঝেছি, বিজয়-নগর স্থাপন ক'রে বুক্কারায়কে তা হ'লে তুমিই সম্রাটের বিরুদ্ধে তুলেছ? ভাল কর নাই, টিকবে না।

সায়ন। টেকে, যদি তোমায় পাই।

গঙ্গু। আমার পেয়ে কি হবে সায়ন? আমি তো ও সব বিষয়ে সম্পূর্ণ দীন। আমার শক্তি কৈ?

সায়ন। আছে; এমন আছে, যা আমার দূরদর্শী অভিজ্ঞতাতেও নাই।

গঙ্গু। কি সে শক্তি?

সায়ন। জাফর খাঁ। সে দাক্ষিণাত্যের প্রতিনিধি; তার ক্ষমতা, প্রভুত্ব যথেষ্ট। এ বিদ্রোহদমনে পাঠানোও হবে তাকেই,—আর সে তোমার হাতের—তোমায় মানে।

গঙ্গু। বিশ্বাসঘাতকতা?

সায়ন। ধর্ম্ম-রাজ্য স্থাপন!

গঙ্গু। জাফর যে মুসলমান!

সায়ন। সে প্রকৃত মুসলমান; তার সঙ্গে এ আর্থ্য জাতির কোন

ভেদ নাই। তার পিপাসায় আমাদের আকাঙ্ক্ষায় এক; সে—আমরা সমান সনাতনধর্মী। তাকে আমি চিনি।

জাফর খাঁ পুনঃ প্রবেশ করিলেন।

জাফর। পিতা! আমি চাকরী করি কার?

গঙ্গু। কেন জাফর?

জাফর। সম্রাট আমার হুকুম করেছেন—এই দণ্ডে বুকারায়কে ধরে আনতে যেতে হবে। যদি না পারি, চাকরী যাবে। আমি চাকরী করি কার? সম্রাটের না আপনার?

গঙ্গু। তুমি কার মনে কর?

জাফর। আপনার; আপনি আমার এতটুকু বেলায় ক্রয় করেছেন—শিক্ষায় সুভোগে মানুষ করেছেন—সময় মত আমার উপযুক্ত রাজকার্যে নিযুক্ত ক’রে দিয়েছেন,—আমি নফর একমাত্র আপনার। যারই কাজ করি, ক’রে যাই আপনার দেওয়া কর্ম ব’লে।

গঙ্গু। সম্রাটের সঙ্গে কি তোমার কোন সম্বন্ধ নাই?

জাফর। আছে। আমি তাঁর আঠারো আনা খেটে দিছি, তাঁর কাছ হ’তে চৌদ্দ আনা নিছি! তিনি দিচ্ছেন আমার ছ-খানা আধ পোড়া কুটী, তাঁর দায়ে দিতে যাছি আমি জীবন,—এই পর্য্যন্ত! বিনিময়—আদান-প্রদান! সম্বন্ধ বা, আপনার সঙ্গে। আপনি আমার পিতার অধিক। ক্রয় করেছেন ক্রীতদাস, কাজ করাচ্ছেন পুত্রেরও উচ্ছে আসন দিয়ে।

সায়ন। গঙ্গু! দেখ তোমার শক্তি! দেখ—তোমার ধর্মে, জাকরের ধর্মে এক কি না? তোমার যেমনি প্রতিপালন, তারও তেমনি কৃতজ্ঞতা।

জাফর । এখন আপনার কি অনুমতি ?

গঙ্গু । তোমার কি ইচ্ছা ?

জাফর । আমার ইচ্ছা নয় পিতা, এ জুলুম মাথায় নিয়ে এক পা বাড়াই । তিনি আমায় গোলামী কেড়ে নেবার ভয় দেখান ; তার ওপর আবার অবিশ্বাস ! শুন্‌লুম ফিরোজকেও না কি পিছু পিছু পাঠানো হচ্ছে । আমি যাবো না পিতা ! তবে যদি আপনার আদেশ হয়, উপায় নাই—আগুনে দাঁড়াতে হবে ।

সায়ন । ব্রাহ্মণ ! আর ভাবছো কি ! কাঁদিগে চল—তুমি, আমি, জাফর খাঁ—তোমার পুত্রের জন্ত গলা ছেড়ে, আর যারা রোক্তগ্ধমান তাদের নিয়ে ।

গঙ্গু । না—যাও জাফর ! তুমি না হ'লেও আমি এখনও সম্রাটের চাকর ।

জাফর । প্রণাম ! একটু সাবধানে থাকবেন যে কটা দিন আমি না ফিরি । বতাই তারা নিশ্চিত থাক্ ঘটনাটা কেউ জানে না ব'লে, কিন্তু বিবেক তাদের বুকে ঘা মারছে,—চোখ তাদের এদিকে আছেই ।

[ প্রস্থান ।

সায়ন । খুব পৌরুষ—খুব গৌরব অনুভব করছো গঙ্গু, তুমি সম্রাটের চাকর ! তোমাদের পুত্রেরা এ ভাবে মরবে না তো মরবে কাদের ?

গঙ্গু । তুমি আমায় নিয়ে চল সায়ন ! যেখানে ইচ্ছা—যে ভাবে হোক ; জাফরকে টেনো না, তার মাথা খেতে ব'লো না । আমি তার লক্ষণ দেখেছি,—সে রাজা পর্য্যন্ত হ'তে পারে ।

সায়ন । শুধু লক্ষণে কাজ হয় না গঙ্গু ! লক্ষ্যও চাই ।

[ প্রস্থান ।

গঙ্গু। সায়ন! সায়ন! রাগ ক'রে গেলে? না—বেশ ছিলুম তবু  
আনমনে। জ্বলে উঠলো যে! উঃ—কি ভীষণ পুত্রশোক! উমেদ-আলি!  
করলে কি! না—ত্রিপাপীতে সপ্তশূত্র! যাক—স্নান ক'রে আসি।  
কিন্তু—কি অগ্নায়!

[ প্রস্থান।

## চতুর্থ গর্ভাঙ্ক।

কাণ্ডকুজ—পথ।

নাগরিক ও নাগরিকাগণ ভয়ত্ৰ্যাস্ত ছুটিয়া যাইতেছিল।

১ম নাগরিক। ভাই সব! মা সকল! জীবন আমাদের এই পর্য্যন্ত!  
কনোজের চতুর্দিক আটক পড়েছে, শিকারী কুকুরের মত সৈন্তদের লেলিয়ে  
দিয়েছে। তারা মানুষের ওপর পশুর মত নির্দয়ভাবে গুলী চালাচ্ছে!  
বিচার নাই—পিপীলিকাটির পর্য্যন্ত পথ বন্ধ! কনোজে রক্তের নদী ব'চ্ছে!  
ঐ শোন হাহাকার—ঐ শোন তার ওপর বিকটকণ্ঠে মার—মার!  
আর বিলম্ব নাই—তারা এদিকে এলো ব'লে! মৃত্যু তোমাদের খুব নিকট!  
কাতর হ'য়ো না—হৃদয়কে উচু সুরে বাঁধ—সম্রাটের স্মৃতি কামনা কর।

[ নেপথ্যে ] চালাও গুলী! চালাও গুলী!

[ সৈন্তগণ উপস্থিত হইল ও নাগরিকগণের প্রতি

অবিশ্রান্ত গুলিবর্ষণ করিতে লাগিল। ]

## পঞ্চম গর্ভাঙ্ক ।

কৃষ্ণাতীর—রণস্থল ।

বুকারায় ও হরিহর রণ-প্রতীক্ষায় দাঁড়াইয়াছিলেন ।

বুকারায় । কনোজ মনুষ্যশূন্য—শুনেছ হরিহর ! সম্রাটের আদেশে ।

হরিহর । আ-হা-হা, বেঁচে থাকুন সম্রাট দীর্ঘজীবী হ'য়ে । তাঁর অনুগ্রহে এতদিনে কনোজের মাটি ফিরলো ।

বুকারায় । আচার্য্যদেবও বোধ হয় নাই—তিনিই যখন তাদের নেতা ।

হরিহর । তা যদি হয়, ভাগ্যবান তিনি,—রেহাই পেলেন বেদ ঘাঁটার ছট্‌ফটানি হ'তে ।

বুকারায় । যাক্—এখন পাঠান-সৈন্য কত অহুমান কর্ছো বল দেখি ?

হরিহর । পাঠান-সৈন্য ! তা আন্দাজ কুড়ি কতক হবে ।

বুকারায় । এখনও তোমার রহস্য বন্ধ ! মাথার ওপর মৃত্যুর রক্তাক্ত গদা—বিজয়-নগর সীমান্তে সাগরোশ্মির মত অনন্ত মুসলমান-সৈন্য শ্রেণী-বদ্ধ—কর্ণভূমির পতনোন্মুখ শিথিল অতি অস্থায়ী কিনারায় তুমি, এখনও তোমার পরিহাস গেল না ভাই ?

হরিহর । কি আর করছি ভাই ! এগুলোও রামের বাণ, পেছুলেও রাবণের গুঁতো ! হাসলেও মার খাবো, কাঁদলেও মার খাবো । মৃত্যুতেও আমাদের যা, আর মৃত্যুঞ্জয় হ'য়ে বেঁচে থেকেও আমাদের তাই,—সাপের মালা, বাঘের ছাল আর চিতার ছাই । মিছে তবে মনটাকে ছোট লোক করতে কেন যাই !

বুকারায়। তবু একবারও কি মনে হয় না ভাই, এই বিজয়-নগর রাজ্য কত যত্ন, কত অশ্রুপাত, কত প্রাণচালা পরিশ্রমে প্রতিষ্ঠা করেছে,— কত আকাশ-বাণীর ওপর ভর দিয়ে—কত অতীতের মন্বংশ-শী আদর্শ নিয়ে—কত ভবিষ্যতের শাস্তিময় স্বপ্ন তুলে অতুল প্রীতিতে জড়িয়ে এর বর্তমানের মোহন কণ্ঠে মালা পরিয়েছ ? জন্মের কন্ডই ছিল যার সেবা, আজ তার শেষ। মুহূর্তের জন্তও কি তোমার বুক কাঁপে না ভাই, সে শূন্য স্তব্ধ শ্মশান-চিত্র কল্পনায় ?

হরিহর। আরে কাঁপা বৃকের আবার কাঁপবে কি ? ব'সেই তো আছি এক রকম শ্মশানে—প্রেতের অধিকারে, এর চেয়ে আবার বিকট কি দেখবো বল ? রাজ্য ধ্বংস হবে ? করছি কি ! বিজয়-নগরের যদি বিজয়ই না রইলো, শুধু একটা নগরের জন্ত জগতের অভাব হবে না।

বুকারায়। ধন্য তুমি বন্ধু ! ধন্য তোমার আসক্তিহীন কর্তব্যবোধ ! তবু—তবু হরিহর ! অনেক সাধনার অর্জন—অনেক রক্তপূজার প্রতিদান—অনেক আশীর্বাদের ফল ভেসে গেল ভাই হিংসার অবিচারী জল-প্লাবনে।

গীতকণ্ঠে আদিদেব উপস্থিত হইল।

আদিদেব।—

গীত।

সব ভেসে যাবে কিছুই রবে না, থাকিবে কেবল তুমি,  
আর তোমার এই বিরাট কাহিনী বিশাল করম-ভূমি,  
গেছে অবোধ্যা গেছে সে রাম,  
বন ব্রজভূমি মাই সে শ্যাম,  
রামায়ণ গীত। তবু অবিরাম যুগের বদন চুমি।

হরিহর । আরে থেমে গেলে কেন দাদা ! চলুক তোমার গান  
অক্ষুরস্ত্র আশ্রয়—কাঁপা বৃকের তালে তালে । শুভ্রুক তোমাদের রাজা—  
তোমাদের জাতি—তোমাদের দেশ, নারীর হুপুর-শোনা বধির কানে !  
লাফিয়ে উঠুক পঙ্ক—বাহবা পড়ুক বোবার মুখে—বেঁচে উঠুক নিশ্চেষ্টতা,  
নিরুত্তর, নির্জীব, নিঃশ্ব ।

বুকারায় । হরিহর ! হরিহর ! ঘুম ভাঙাচ্ছ কার ? আমি জাগন্তু ।  
চাবুক খাওয়াচ্ছ কাকে ? আমি তো বিষে জরি নাই ! যুদ্ধে এসেছি—  
যুদ্ধ করবো । বলতে হবে না কিছু, তবে ফল যা হবে বলছিলাম ; পাঠান-  
সৈন্য সাগর প্রমাণ, আমার সৈন্য মুষ্টিমেয় ।

আদিদেব ।—

### পূর্ব গীতাংশ ।

তুমি তো শুভ্র মানুষ পেয়েছ সাগরে কিসের শঙ্কা,

বনের বানরে রাম রঘুমণি জয় ক'রে গেছে লঙ্কা,

যদিও সে আজ গল্পের অংশে,

তবুও তুমি তো তাদের বংশে,

জ্বলিতে না পাও কেন চাপা থাক, ছাড় না খানিক ধুমই ।

[ প্রস্থান ।

বুকারায় । চল হরিহর ! আর দাঁড়াবার সময় নাই । পাঠান-সৈন্য  
অগ্রসর । নিয়তির খেলা আজ বিজয়-নগর-প্রান্তরে ! ঐ ঘন ঘন মৃত্যুর  
ডাক !

হরিহর । মৃত্যুর ডাক নয়, ও বিবাহের বাস্তব ; ওর পরপারেই  
পুনর্জন্ম ।

[ উভয়ের প্রস্থান ।

ফিরোজ ও জাফর খাঁ উপস্থিত হইলেন ।

ফিরোজ । এদের সঙ্গে একটা বন্দোবস্ত করলে হ'তো না খাঁ-সাহেব ?

জাফর । হ'তো ; তা হবে না । সম্রাট বন্দোবস্ত চান না, তিনি চান দমন ।

ফিরোজ । মারামারি কাটাকাটিটাই কি ভাল ?

জাফর । ভাল মন্দ বিচার করবার তুমি আমি কে ?

ফিরোজ । তুমি বন্দোবস্ত কর জাফর খাঁ ! আমি সম্রাটকে বুঝিয়ে বলবো ।

জাফর । সম্রাট বুঝবেন না শাহজাদা ! সম্রাট বুঝবেন না ।

ফিরোজ । কেন বুঝবেন না ? এই সোণার দেশ, এই খোদার সজীব সৃষ্টি, এই জ্ঞানের অনন্ত খনি এ . . . নত হওয়ার অভাবে নষ্ট হ'য়ে যাবে ? খুব বুঝবেন,—তিনিও মানুষ তো !

জাফর । শিশু তুমি ফিরোজ ! মানুষ চেনো না । নত হওয়াই যদি চলতো, কনোজের এ ঝগড়াটা কি মিটতো না ? তার জয় কি হ'য়ে গেল, দেখলে তো ? ভারতের ইতিহাস রাঙ্গা !

ফিরোজ । ভুল মানুষের হয় ।

জাফর । এ ভুল এখন ভাঙবে না ফিরোজ ! ভাঙবে—যবে ঠেকবেন ।

ফিরোজ । তা হ'লে যুদ্ধ অনিবার্য ?

জাফর । অনিবার্য—আর সে এই মুহুর্তে ! ঐ দেখ—বিজয়-নগরের সনা-সজ্জা, গর্বের অপূর্ব গ্রীবাভঙ্গী ! সময় নাই ; তোমার আর কিছু বলবার আছে ?

ফিরোজ । তুমি যদি বন্দোবস্ত করতে ! সম্রাট না বুঝলেও তোমার বিপদে আমি বুক দিই ।



জাফর । তুমি নিজের মাথা সামলাওগে কুমার ! মনে ক'রো না—  
সম্রাটের জামাতা ব'লে তুমি একটা কি—তোমার সাত খুন মাপ ।  
বন্দোবস্ত করা যদি চলতো, জাফর খাঁ কারো সাহায্যের অপেক্ষা রাখতো  
না । সে অনেক কথা ! আর আমি দাঁড়াতে পারলুম না—জয়-পরাজয়  
একটা মুহূর্তের এদিক্ ওদিক্,—আমায় বুঝাকে ধরতেই হবে ।

[ প্রস্থান ।

ফিরোজ । ওঃ—দেশকে উচ্ছন্ন দেওয়াই দেশের গৌরব, রাজ-  
সিংহাসনকে রক্তে ডুবিয়ে রাখাই রাজকৃতি, মানুষের হিংসা করাই  
মানুষের শ্রেষ্ঠত্ব ।

[ প্রস্থান ।

নেপথ্যে কামানগর্জ্জন হুঁতুখুমান উভয় পক্ষীয় সৈন্যগণ

উপস্থিত হইল ও যুদ্ধান্তে প্রস্থান করিল । কামান-

ধ্বনি পূর্ববৎ হইতে লাগিল—উদ্ভ্রান্তভাবে

বুকারায় পুনরায় উপস্থিত হইলেন ।

বুকারায় । আছ কি তোমরা বেদের দেবতা—ইন্দ্র, অগ্নি, বায়ু,  
বরুণ, সোম, সরিতা ? আছে কি তোমাদের সে দৈত্য-নিন্দন শক্তি —  
সে দীনতারণ রীতি—নিঃস্ব ভারতের প্রতি সে মুগ্ধ কটাক্ষ—সে সন্তান-  
বাৎসল্য—সে প্রাণকাঁদা মমতা ? এস—এস, আজ এই ভারতের  
সীমান্তে কৃষ্ণার উপকূলে মহামেধ-যজ্ঞের মহোৎসব ! আহ্বান করছি আমি  
সূর্য্যবংশধর ক্ষত্রিয়, নিয়ে যাও তোমাদের সোম-ভাগ,—দিয়ে যাও তোমাদের  
পদরজঃ—তোমাদের আশীর্বাদ—তোমাদের অদম্য উৎসাহ ।

[ প্রস্থান ।

## গীতকণ্ঠে আদিদেব উপস্থিত হইল ।

আদিদেব । —

গীত ।

নীচে এত ে কালাহল কি দেখে দেবতা সবে ?  
নিরাকার খেলা রাখ নেমে এস ঘোর রবে ।  
আমরা তো মহালস তোমাদেরও চোখে ঘুম,  
হোমরাও মেখে নেবে পদধূলি-কুম্ভুম্ভ ,  
কে দেবে আদরে তবে ভারতের গালে চুম্ভ,  
তোমরা এ অবিচারে যদি না কেউ কথা কবে ?

সায়নাচার্য্য উপস্থিত হইলেন ।

সায়ন । গাও—গাও আদিদেব ! ঐ . উন্মত্ত কামানগর্জনের সুরে,  
ঐ রাশি রাশি বীভৎস মৃত্যুর তালে তালে, গাও তোমার মোহন-কণ্ঠে  
ভারত দেবতার স্তবমালা ! আজ এই মশানভূমির নির্জ্বল পার্শ্বে তুমি  
গায়ক—আমি শ্রোতা । না—না, তুমি কিছু নও—আমি কেউ নই ।  
গাও তুমি অপরের ইচ্ছাধীন বস্ত্র, শুনি আমি আত্মহারা—অচেতন !  
এ গীতের গায়িকা অদৃশ্য মহাশক্তি—এ ভাবের শ্রোতা শূন্যপথে নিয়তি—  
এর পরিণতি অচেতনার রাজ্যে প্রাণপ্রতিষ্ঠা ।

আদিদেব । —

গীত ।

এস ত্রিপুরাস্তক ধূর্জটি ভৈরব চক্রপাল ধবলাঙ্গ,  
এস শিবীবাহন এ ঘোর আহবে শক্তির লীলা কর সাঙ্গ ।  
এস ঘোর গর্জনে বৃ ত্রিবিধাতক বজ্রভীষণ বয়হন্তে  
এস মধুসূদন চক্রগদাপাণি মণ্ডিত কীরিটি মন্ত্রে ।  
এস মা মহিষাসুরমর্দিনী চণ্ডিকে চণ্ডনায়িকে ক্রম্ভঙ্গে,  
এস মা চতুর্ভুজা ঘোরা ভয়ঙ্করী নগ্না মগ্না রণরঙ্গে ।

[ প্রস্থান ।

সায়ন । মাঠেঃ—মাঠেঃ সনাতন ধর্ম্মের সেবকগণ ! ঐ নেমে আসে  
নন্দন-কানন হতে রাশি রাশি পুষ্পবৃষ্টি তোমাদের অভ্রভেদী শিরস্ত্রাণে—ঐ  
বীজন করে উনপঞ্চাশ অংশে বায়ু তোমাদের স্নেদজড়িত প্রশস্ত ললাটে—  
ঐ মহাশূণ্ডে দাঁড়িয়ে অভয় বাহুপ্রসারণে তোমাদের চিগ্নয়ী মা !

### জনৈক সৈনিকের প্রবেশ ।

সায়ন । কি সংবাদ ?

সৈনিক । আপনি এসেছেন ! সর্ব্বনাশ আচার্য্যদেব ! মহারাজ বন্দী

সায়ন । বুঝা ?

সৈনিক । হাঁ প্রভু ! তাঁকে জাফর খাঁ দিল্লী নিয়ে যাচ্ছে—কেউ  
রোধ করতে পারলে না—সব ছত্রভঙ্গ ।

সায়ন । নাই—নাই এ জগতে ত্রায়ের মর্য্যাদা—ধর্ম্মের জয়—কর্ত্তব্যের  
পূরস্কার । মিথ্যা হিন্দুর দেব-দেবী—ভক্তি—প্রেম—বিশ্বাস—ব্যাকুলতা ।  
উদরপূরণের বৃত্তি ভারতের বেদ দর্শন উপনিষদ পুরাণ তন্ত্র । প্রবঞ্চক চোর  
মল্ল কপিল কণাদ জাবালি সমস্ত ব্রাহ্মণ । সৈনিক ! সৈনিক ! তুমি কি জাত ?

সৈনিক । আমি চণ্ডাল ।

সায়ন । বেশ হয়েছে । আমার পৈতেগাছটা ছিঁড়ে দাও তো !  
দেখ্ছো কি হাঁ ক'রে ? ভাব্ছো কি আকাশ-পাতাল ? ছিঁড়ে দাও,  
দরকার নাই আর এতে । যে দেশে দেবতা নাই, জন্ম আর মৃত্যু যে  
দেশের কর্ম্ম, যেখানকার ধর্ম্ম পরাজয়—পরমুখ-প্রত্যাশা, সে দেশে ব্রাহ্মণ  
থাকতে পারে না । যদি কেউ তার অভিমান করে, তার সাজানো  
উপবীত চণ্ডালেরই আকর্ষণের । নাও—নাও বন্ধু ! তুমি আমার বোঝা  
হাকা কর—আমার লজ্জা ঘুচোও । আমার এ কার্পাস ক-গাছা খুলে  
ছিঁড়ে আঙনে পুড়িয়ে ফুঁ দিয়ে উড়িয়ে দাও ।

## হরিহর উপস্থিত হইল।

হরিহর। আরে থাম ঠাকুর, থাম। সব ছেড়ে দিয়ে পৈতেগাছটার ওপর এ দৌরাড্যা কেন? এই শুন্‌লুম তুমি ম'রে গেছ, আবার কোথা হ'তে ঘুরে এলে?

সায়ন। হরিহর! হরিহর! রাজা বন্দী!

হরিহর। হাঁ—তঁার একটু সখ হ'লো বই কি সম্রাটের সঙ্গে দেখা করবার।

সায়ন। যমের সঙ্গে দেখা করবার! তোমরা রোধ করতে পারলে না?

হরিহর। পারলেও করলুম না; সম্রাটের ওপর তাঁর বেজায় টান দেখলুম।

সায়ন। করলে কি, দাঁড়িয়ে বিব খাওয়ালে?

হরিহর। খাওয়ালুম,—দেখলুম একটা মজার ওষুধ আমার হাতে পড়েছে।

সায়ন। কি?

হরিহর। আমিও সম্রাটের জামাই ফিরোজকে ধরেছি।

সায়ন। ফিরোজকে ধরেছ? সম্রাটের জামাতা? বাঃ—না,—ভুল করেছ মূর্খ! এ তো সে সম্রাট নয়; যার ধর্ম যথেষ্টাচার, যার লক্ষ্য আত্ম-তৃপ্তি, যার আত্মীয় একমাত্র অর্থ, সে কি ছার জামাতার মমতায় হীনতা স্বীকার করবে? কত্মার মান মুখ দেখে কেঁপে উঠবে? পরের জন্ত আপনার তাল ভুলবে? কখনও না—কখনও না! করেছ কি হরিহর কৌতুকের বশে! ফিরোজের বিনিময়ে কিছুতেই সে বুঝাকে ছাড়বে না—কত্মার দায়ে মহম্মদ ভোগলক প্রভু হারাতে পারবে না।

হারহর। তবেই তো বেশ বললে ঠাকুর! আমি তো অতটা ভাবি

নাই ; আমি ভেবেছিলুম, সংসারে একমাত্র কল্যাণ—সবেধন জামাই, তাদের সুখ-শান্তির চেয়ে রাজ্য ! এঃ—সব উল্টে গেল ! যাঃ—এ যে সর্ব্বেন্দ্ৰে ভুল ! ঠাকুর ! তুমি খুব পৈতে ছেঁড়ো, আর তার সঙ্গে আমারও একটা কিনারা কর । আমার একটা ধারণা ছিল—আমি চূড়ান্ত ফন্দীবাজ, আমার মাথার যত চুল তত রকম বুদ্ধি । কিছু না—কিছু না ! সব গোবর—সব গোবর ! আমি মহামূর্খ ! কর ঠাকুর ! আমার কিনারাটা আগে কর ; রাজাকে ছাড়ার চেয়ে আমি নিজের মায়্যা ছাড়ি ।

সায়ন । তাতে বিশেষ কিছু নাই হরিহর ! ম'রে যাবে কোথা ? আবার আসতে হবে এই কান্নার রাজ্যেই,—শুধু ঘোরাঘুরি পণ্ডশ্রম । তার চেয়ে যা হ'লো—হ'লো ; বাঁচি এস—ভুগি এস—কাঁদি এস ! প্রতিষ্ঠা করেছিলুম বিজয়-নগর দাক্ষিণাত্যের উচ্চ চূড়ায়—পূজা ক'রে আসছিলুম প্রাণ দিয়ে, আজ তার আশা-ভরসা কৃষ্ণার জলে চির-বিসর্জন ! শ্রানির কিছু নাই ! বিসর্জনও হিন্দুর একটা উৎসব—অনুতাপও একটা পথ—কান্নাও একটা তৃপ্তি ! চল হরিহর, ও উদাস দৃষ্টি লুকিয়ে নিয়ে এ অসহ নীরবতা হ'তে আনন্দে পৈশাচিক কল্লোলে ! বাজিয়ে দিই সমস্ত দাক্ষিণাত্য ; যুড়ে গুরু-গস্তীরে অশ্রাব্য এই বিসর্জন-বাণ ।

[ উভয়ের প্রস্থান ।

# দ্বিতীয় অঙ্ক ।

## প্রথম গভাঙ্ক ।

বিজয়-নগর—রাজ-অন্তঃপুর ।

বাণী ও গায়ত্রী ।

গায়ত্রী । বাণী ! একবার ভগবানের নাম গা তো !

বাণী । তুমি পূজায় বনেছিলে, এরই মধ্যে উঠে এলে যে ?

গায়ত্রী । পূজা হ'লো না ; মনটা কেমন ক'রে উঠলো, ধ্যানে তেমন চন্ময় হ'তে পারলুম না । কর্ তো মা একবার শ্রীহরির নামকীর্তন, দেখি—বদি চিন্তটায় সামলে নিতে পারি ।

বাণী । গান শুনে চিত্ত ফিরবে ?

গায়ত্রী । বড় মধুর তোর মুখের গান—বড় ললিত ভগবচ্ছন্দের গাথা—বড় তৃপ্তির ঈশ্বরগুণকীর্তনের ভাব, অশ্রু, অঙ্গভঙ্গী । চিত্ত ফেরে বই কি ! মানুষকে ফেরানোর জন্তই তো এ গানের রচনা ! গা বাণী, সেইখানা ! পূজার উপকরণ সব ছড়ান আছে । আমায় আবার বসতে হবে—পড়তে হবে নারায়ণের চক্ষে,—আমার স্বামী রণক্ষেত্রে ।

বাণী ।—

গীত ।

চঞ্চল মানস শাস্ত কর প্রভু, যদি তুমি অন্তরবাসী ।

চলেছে জগৎ তব চরণের দিকে দ্রুত আমি শুধু পশ্চাৎগামী ।

কত দিন আর হেথা আকুলিত তোমা ছাড়া,  
একা আমি বহুদূরে ভ্রমিব হে দিশেহারা,  
কবে বা ফুটিবে মম অন্ধ এ অঁধি-তারি দেখিব কি স্থলর আমি ।

গায়ত্রী । [ ভগবদ্ভাবে বিভোর হইয়া ] বাণী ! বাণী ! তোর গান  
নয়—মন্ত্র ! সতাই সুরশক্তি ভগবানের নাম—সকল হুশ্চিন্তার সাধনা ।  
[ গমনোত্ততা হইলেন ]

সায়নাচার্য্য প্রবেশ করিলেন ।

সায়ন । কোথা যাও হতভাগিনী ?

গায়ত্রী । বাবা এসেছ ? যাবো দেবপূজায়—স্বামীর মঙ্গলে মদন-  
মোহনের মন্দিরে ।

সায়ন । যেও না আর, মন্দির শূন্য—দেবতা নাই । স্বামী তোমার  
বিপন্ন—বন্দী—মৃত্যুর মুখে ।

গায়ত্রী । স্বামী বন্দী ! আমার স্বামী ? হবে—হবে—হবারই কথা ;  
তবু মন্দির শূন্য ব'লো না, মন্দির পূর্ণ—দেবতা আছে ।

সায়ন । দেবতা আছে ? কৈ দেবতা ? যে দেবতার পূজাপ্রতিষ্ঠান  
সারা জন্ম প্রাণপাত ক'রে আসছি, যাদের অনন্ত শস্যের আবিলতা  
ধৌত কর্তে সমস্ত আখ্যাজাতির রক্তের উৎস ছুটিয়ে দিয়ে রেখেছি, যাদের  
মুখ চেয়ে আজ আমরা জগতে নিঃস্ব—নির্বিষ—অতি নিম্নশ্রেণীর জীব,  
কৈ তারা ? তারা কি শুদ্ধ সৌভাগ্যের পোষ্য হ'য়ে স্বর্গমন্দিরে শ্বেত ছত্রের  
তলে ব'সে সেবক-সেবিকাদের আঁচলের বাতাস খাবার জন্ত ? পালিয়ে  
চল—পালিয়ে চল মহারাণী এ দেবতাহীনের দেশ হ'তে । পূজা করবে  
কাদের ? তারা নাই—তারা নাই,—তারা থাকলেও নাই । তারা  
আছে—আর তাদের বিত্তমানে বিজয়-নগরের আজ এই অবস্থা ?

গায়ত্রী। তারা আছে—তারা আছে—তারা না থেকেও আছে। তারা আছে ব'লেই শুদ্ধ বিজয়-নগর কেন, বিশ্ব-নগরে এই উত্থান-পতনের অবিরাম জোয়ার ভাটা। ব্রাহ্মণ! কি করেছ তুমি তাদের জাগাতে? সারা জন্ম খেটে বেদের টাঁকা তৈরী করেছ, এই তো? বুথা ঘুরেছ! হ'য়ে পড়েছ তাতে নাস্তিক—তাত্ত্বিক—সত্য হ'তে স্বতন্ত্র। কখনও কেঁদেছ কি ভগবানের নামে? দেবতার পায়ে প'ড়ে? কঁাদ নাই; কাজেই তোমার সব কর্কশ। কৰ্ম্ম করেছ নীরস—ভক্তিহীন—নিষ্ফল! কোথায় খুঁজে পাবে দেবতার অস্তিত্ব? ভাষা নিয়ে চলেছ, ভাষা-ভাষা চ'লে গেছে,—কেমন ক'রে পাবে ভাবের গুপ্ত অধিকার? ব্রাহ্মণ! বিজয়-নগরের এ বাহ্যিক ছুঁদা দেবতার দোষে নয়—আমাদের দোষে,—আমরা তাদের প্রসন্ন রাখতে পারি নাই।

সায়ন। তারা আর আমাদের ওপর প্রসন্ন হবে না বালিকা! তাদের প্রসাদ আজ পরিবেশন হ'চ্ছে উচ্ছিষ্ট কদমভোজা হীন কুকুরের দলে। তাদের রুচি দেখছি এখন মক্ষিকার মত মধুপর্ক পরিত্যাগ ক'রে ক্ষত স্থানের রক্ত-পূষে। তারা কি পায় নাই এই হুঁত্যা জাতির কাছে? মধু, কপিলই নাই—এখনও তো তাদের বংশ আছে, এখনও তো প্রাতি প্রভাতে তাদের স্তোত্র পাঠ হয়, আজও তো সাক্ষা আরতি মন্দির হ'তে লোপ পায় নাই! ভারতের এ ঘোর ছুঁদনেও হিন্দু—হিন্দু; আবার কি দিয়ে তাদের প্রসন্ন রাখতে হবে মহারানী?

গায়ত্রী। গা তো বাণী!

বাণী।—

পূর্ব জীভাংশ।

দেবার দেখি না কিছু যা দেবো তোমারই দান,  
আমারে বলিতে দাও শুধু জয় ভগবান—জয় ভগবান,  
আমি মিলায়ে রসনা মনে, শ্রবণ নয়ন মনে, তোমাতে অবগাহনে নামি।



গায়ত্রী । বুঝ্তে পারলে ব্রাহ্মণ, কি দিলে ভগবান প্রসন্ন ? কিছু না দিলে,—কিছু দেবার নাই ব'লে দীনভাবে দাঁড়ালে ! পেরেছ কি সে দেওয়া দিতে ? তুমিও পার নাই, আমিও পারি নাই, তোমার সমস্ত আৰ্য্য জাতি কেউ পারে নাই ! তুমি বেদের টীকাকার, তোমার একটা মজাগত অভিমান—তুমি ভগবানের মহৎ কার্য্য সাধন করেছ । আমি বিজয়-নগরের মহারানী, আমারও ইষ্টপূজা জাঁক-জমনকে । সমস্ত ভারতীয় হিন্দু—তাদেরও চিরকালে ধারণা, আমরাই জগতের একমাত্র আৰ্য্য জাতি—ঈশ্বরের পরিচিত—সবার উচ্ছে । ভগবানকে প্রসন্ন রাখবো কি ! ভগবানের কাছ হ'তে স'রে দাঁড়িয়েছি । যাও ব্রাহ্মণ ! বিপদ যাবে, ভগবানকে ডাকার মত ডাকগে ।

সায়ন । ভগবানের আর হাত নাই নারী ! বুঝা এতক্ষণ মহম্মদ তোগলকের দরবারে ।

গায়ত্রী । কোন ভয় নাই ব্রাহ্মণ ! প্রহ্লাদও পড়েছিল হস্তী-পদতলে ।

সায়ন । বাঃ—সুন্দর প্রবোধ ! বাক্, তারপর তোমার উপায় ? এখনই যে পাঠান-সৈন্ত প্রাসাদ লুট করবে ! তোমার মান-সম্মত ?

গায়ত্রী । আমার মান-সম্মত ? কুরুসভায় নিঃসহায়্য দ্রৌপদীর মান-সম্মত কে রেখেছিল ব্রাহ্মণ ? যাও—টলিও না আমায় আর ! একটা অমনোযোগে আমার এ সৰ্ব্বনাশ হ'য়ে গেছে, আমি ঢেকে ফেলেছি আমার হৃদয়ের সে দৌর্ভাগ্য । দেখতে পাচ্ছি ভগবানের অপার করুণা ! আমার স্বামী নিরাপদ—নির্বিকল্প—নিঃশত্রু ; কারো সাধ্য নাই তাঁর কেশ স্পর্শ করে,—আমার অনন্ত ঈশ্বরপ্রেম তাঁর পার্শ্বরক্ষী । [ প্রস্থান ।

সায়ন । বাণী ! বাণী ! গা তো আর একটুখানি ; আমি মন দিয়ে শুনি ঐ সুর—ঐ রাগিনী—ঐ গান ।

বাণী ।—

## পূর্ব গীতাংশ ।

আমার বলিতে হেথা যাদেরে চিনিয়েছিলে,

সরাইয়ে নাও যদি আছ তুমি জানাইলে,

তিমিরে তড়িৎবৎ কেন বা ভূলাও পথ স্থির হও সৃষ্টির স্বামী ।

সায়ন । সত্যই কি জন্মটা কাটিয়েছি বৃথা ? সত্যই কি ঈশ্বরারাধনা  
ছাড়া জীবের কৰ্ম্ম নাই ? সত্যই কি ভোগের একমাত্র অবলম্বন ত্যাগ ?

সায়ন । গায়ত্রী ! গায়ত্রী ! তুমি রাক্ষসী না দেবী ? দেখ্বে  
তোমার শক্তি ! রাজনীতি আমার পরাজিত,—পরীক্ষা নোবো তোমার  
বিশ্বাসের ।

[ প্রস্থান ।

বাণী । বা—বা—বা, মন্দ নই তো আমি ! আমিও তো জগতের  
প্রয়োজনীয়,—আমার গুণে দেখছি বেগড়ানো শোধরায় ! নাই বা  
জান্‌লুম তবে আমার জন্ম কোথায়—কি উদ্দেশ্যে ফিরি—কে আমি ?  
ও—হয়েছে ; আমি বিহ্বল—আপনার জ্বালায় জ্বলে মরি—পরের  
চোখে ভালো ; আমার আলোকে লোকে হারানো পথ দেখে নেয়,  
কিন্তু আমার বাস মেঘের চির-অন্ধকারে ।

[ প্রস্থান ।

## দ্বিতীয় গভীর্ণ ।

রংমহল—সাকিনার কক্ষ ।

সাকিনা উপবিষ্টা, বাইজীগণ ও বাদি দাঁড়াইয়াছিল ।

বাদি । ও গো ! আজ যে তোদের পোষাক পাল্টে আসতে বলা হয়েছিল, দেখছি এসেছি তুমি সব ! এর অর্থ বুঝেছি ? আজকে এটা রোজকার মত রঙ্গরসের মজলিস নয় ; আজকের এটা হ'চ্ছে শোক-সভা । আমাদের সম্রাটের জামাই হজরৎ সাহজাদীর স্বামী মহম্মদ ফিরোজ-সা কাফেরদের হাতে বন্দী হয়েছেন ।

বাইজীগণ । কি দুঃখ ! কি দুঃখ !

বাদি । হাঁ ; সেই দুঃখই 'আজ পোষাক-পরিচ্ছেদে হবে-ভাবে কথায়-চাউনিতে সব রকমে সবটা জানাতে হবে, বুঝেছি ? আজ নাচ বন্ধ ক'রে কেবল দাঁড়িয়ে গান হবে ; চলা পা হ'লেও কেউ পা-টা তুলতে পাবে না । সবাইকে মুখ কাঁদ-কাঁদ ক'রে রাখতে হবে ; পেটে খিল ধ'রে গেলেও কেউ ফিক্ ক'রে হাসতে পাবে না । আর সারাদিন তো রোজা, ম'রে গেলেও মুখে সরবৎটা পর্য্যন্ত দেওয়া হবে না ।

সাকিনা । আর কি ! প্রিয় সখীগণ ! পরম সৌভাগ্য আমার । আজ আমি সমব্যথী তোমাদের নিয়ে স্বামীর উদ্দেশে আকুলতা প্রকাশ করবার অবসর পেয়েছি । আমার স্বামী বন্দী—শুদ্ধ অশ্রময় হওয়া উচিত এর অভিনয়, কিন্তু এও কম কথা নয় ! বীরপুরুষ বীরধর্ম্মরক্ষায় রাজ্যের কল্যাণে আত্মবলি দিয়েছেন ! বুঝে দেখ, কি আনন্দ বীরবালার তার অভ্যন্তরে ! গাও সেই মর্মে সঙ্গীত, মেঘমন্ড্রে বিহ্বলতার মত বীর-করণে মিশিয়ে,—ভাষা কাঁদবে ভাবে গ'লে, সুর নাচবে উল্লাসে—উৎসাহে—উচ্চস্তরে উঠে ।

বাইজীগণ ।—

গীত ।

আজি দাঁড়ায়েছ তুমি যে জগতদ্বারে নিয়ে সে তো গো নয় ।

মৃত্যু সেথায় চির-অমরতা পরাজয় মহাজয় ॥

বিরহ তথায় মিলনকেন্দ্র উজল জমাট অন্ধকার,

ক্রন্দনকোলে মধুর হাস্য কণ্টকে ফুল-সস্তার,

স্বললিত সেখা সব হৃদ্য প্রেম সঙ্গীতময় ।

চাহিব শূন্তে তব আশে মোরা উদাস অথচ দীপ্তচক্ষে,

ভয়কণ্ঠে গাহিব মহিমা গৌরবভরা উচ্চ বক্ষে,

বদায়ে তোমারে মানস-কক্ষে দেবো নব পরিচয় ॥

সাকিনা । সুন্দর—সুন্দর ! যাও° সঙ্গিনীগণ ! সমাপ্ত আমাদের  
কর্তব্য ।

[ বাইজীগণ সেলাম করিয়া প্রস্থান করিল ।

বাদি । তা হ'লে এইবার কি করা হবে ?

সাকিনা । এইবার তুই একটা গান কর—তোর যা খুসী ।

বাদি । এই তো ! এইবার তো হাসিখুসিরই পালা ! এ সব বিষয়ে  
হিন্দুদেরও ঠিক এই মত,—একাদশীর পরই দ্বাদশীর পারণা । বেশী কাঁদা-  
কাটা কি ভাল ? স্বামী তো গেছেই, যেমন হোক বর্ষ-বর্ষ করে কাঁদা  
গেল এতক্ষণ ! কে পারে এমন ? শাহজাদীর কি স্বামীর ওপর টান !  
কি জোর ভালবাসা—আ-হা-হা !

বাদি ।—

গীত ।

( আহা ) আমি ভালবাসি তারে কত ।

সিরাজির মত স্বরূপার মত বর্ধার ভূনি খিচুরির মত,

আর আছে ভাল বত ।

সে বে গো আমার পোষা ময়না,  
উড়ে গেছে আজ কোন চুলোতে প্রাণ বুঝি দেহে রয় না ;  
উহ—আহা আর সয় না—আমি বেঁচে আছি না গত ?  
কি করি এখন বল না গো কেউ চাই তো লায়ে কাছি,  
ভোম্বরাই না হয় দেশ ছেড়ে গেছে, আছে তো বোলতা মাছি,  
যদি ময়নার বদল খেঁদা পেঁচা পাই,  
কি ক্ষতি ! ফাঁকা খাঁচা তো ভরাই,  
আমার মাথা ছাতু হায় কেমনে শুকাই ভাবি তাই অবিরত ।

মহম্মদ তোগলক উপস্থিত হইলেন ।

মহম্মদ । সাকিনা !

সাকিনা । পিতা ! আপনি এ সময়ে অকস্মাৎ ?

মহম্মদ । একটা বড় সমস্তায় পড়েছি সাকিনা ! তুমি ভিন্ন তার  
মীমাংসা নাই ! তাই দরবারের আগে তোমার কাছে আসতে হ'লো ।  
তুমি আমার বিপদে মস্ত্রিণী ।

সাকিনা । কি সমস্তা পিতা ? আপনি ছুনিয়ার মালেক—আপনার  
ইচ্ছাই জগতের নিয়ম,—আপনার আবার সমস্তা কি ?

মহম্মদ । না সাকিনা ! তবু এ বিষয়ে তোমার একটা মত নেওয়া  
দরকার । বোধ হয় জান, আমি বিদ্রোহী বুকারায়কে ধ'রে আনবার জন্ত  
জাফর-খাঁর সঙ্গে ফিরোজকে পাঠিয়েছিলুম ; যদিও জাফর বুকােকে বন্দী  
ক'রে দিল্লী এনেছে, কিন্তু হতভাগ্য ফিরোজ শত্রুকরে । উভয় সঙ্কটে  
আমি সাকিনা ! রাজদ্রোহীকে হাতে পেয়ে ছাড়া, এ আমার জীবন্তে  
মৃত্যু ! আর যদি বুকােকে শাস্তি দিই, তোমার স্বামীর অমঙ্গল ।

সাকিনা । এই কথা ! আপনি কঠিন শাস্তি দিন পিতা আপনার

বিদ্রোহীর। আমার স্বামী—রাজ্যের মঙ্গলে নিজের কোন অমঙ্গলে পশ্চাৎপদ হ'তে পারেন না, আর হ'লেও তা আমার বাঞ্ছনীয় নয়।

মহম্মদ। এই তো আমার কথার কথা! আমার একটা গুরু ভাবনায় নিশ্চিত্ত করলে সাকিনা! একেবারে যে তোমার কাছ হ'তে এতটা সহৃদয় পাবো, তা আমি ভরসা করি নাই। তবে সেটা আমার ভুল হয়েছিল,—ভাবা উচিত ছিল তুমি আমার আত্মজা—ভবিষ্যতের একমাত্র অবলম্বন! তোমাকেই পুত্রস্থানীয় হ'য়ে দিল্লীর মসনদ বজায় রাখতে হবে,—তোমাতে সে দৌর্বল্য অসম্ভব! আর সে কাকুতি নারী হ'লেও তোমার পক্ষে প্রশংসার নয়—নিন্দার। দীর্ঘাযুঃ হও। আমি দরবারে চল্লুম,—আজ সর্ব্বাগ্রেই বুঝার বিচার হবে।

সাকিনা। বিচার আবার কি! আপনার শত্রু সে,—আমি তার ছিন্ন মুণ্ড চাই।

সাহারা উপস্থিত হইলেন।

সাহারা। তা চাই বই কি! তার ওপর এ মুণ্ডটা আবার বেজায় দামী—স্বামীর মুণ্ডে কেনা!

সাকিনা। দেখুন, আপনি বড় অনধিকারে আস্তে আরম্ভ করেছেন।

সাহারা। অনধিকার আবার কি? এটা তোমারও পিত্রালয়, আমারও তাই। কি ভাই! নয় কি?

মহম্মদ। হাঁ—তা—সমান বই কি!

সাহারা। সমান তো! তা হ'লে সব কাজে আমারও সমান মতামত দেবার অধিকার আছে?

মহম্মদ। তা—একপ্রকার থাকা তো উচিত!

সাহারা। কৈ ! আজ এই দরবারটায় কত্কার মতের দরকার হ'লো, আমার খোঁজ পড়লো না কেন ? সেও সম্রাটনন্দিনী, আমিও তোমার ভূতপূর্ব সম্রাট গিয়ান্দুদিন তোগলকের কণা। তবে তুমি জীবিত—তিনি মৃত ; তা হ'লেও এ সিংহাসন তাঁর। তোগলক-বংশের প্রতিষ্ঠাতা তিনি ; তুমি তো তাঁর সাজানো ঘরে বসেছ—তাঁরই পাতা খেলায় খেলছো !

মহম্মদ। আমি তো তা অস্বীকার করি না ভগ্নী ! তোমার সম্মানও আমি যথেষ্ট ক'রে আসুছি ; এমন কি আমার অবর্ত্তমানে পিতৃরাজ্য যাতে তোমার উপভোগ্য হয়, তার জন্ত তোমার পুত্রের সঙ্গে নিজের কত্কার বিবাহ পর্য্যন্ত দিয়েছি।

সাহারা। ভালই করেছ। সে দিকে তুমি মহৎ ; কিন্তু এদিকে আবার একি ?

মহম্মদ। এ খোদার ইচ্ছা ভগ্নী ! মানুষের ইচ্ছার উটো।

সাহারা। মিথ্যা ব'লো না মহম্মদ খোদার নামে। এ খোদার ইচ্ছা নয়, এ ইচ্ছা তোমার নিজের। তুমি বুক্কারায়কে এঁটে উঠতে পার নাই, তাই ভয়ে প'ড়ে তার সঙ্গে নিজের ভাগিনেয়—নিজের জামাতা—নিজের পুত্রের প্রাণ বিনিময় করছো। দিল্লীর শাসন-দণ্ড তোমার হাতে প'ড়ে হীন হয়েছে, সামান্য দাক্ষিণাত্যের তাড়ায় সারা হ'য়ে সর্ব্বস্ব দিয়েও যে কোন উপায়ে মান বজায়ের চেষ্টায় আছ ; কেমন—সত্য বল ?

মহম্মদ। যাক্—এখন তুমি কি চাও ভগ্নী ?

সাহারা। কি চাই ? মহম্মদ ! যার পুত্র শত্রুর করে—খড়্গের তলে—মৃত্যুর মুখে, সে আবার কি চায় ? আমার পুত্র এনে দাও।

মহম্মদ। [ নীরব রহিলেন ]

সাহারা । এনে দাও মহম্মদ ! আমি আর তোমার রাজ্য চাই না, সে নেশা আমার কেটে গেছে । তোমার রাজ্য ভোগ করুক তোমার গরবিনী কত্তা ! আমার রাজত্ব আমার সর্বস্ব আমার পুত্র ! এনে দাও ভাই ! হাতে ধরছি, আমি গাছের তলায় থাকবো ।

মহম্মদ । [ নীরব রহিলেন ]

সাহারা । বোবা হ'য়ে গেলে যে ? কত্তার মুখের দিকে চাচ্ছ কি ? তোমায় আমায় কথা, তুমি ভাই—আমি ভগ্নী, ও কি বলবে তার ?

সাকিনা । বলবার আছে বই কি ! আপনার পুত্র, আমারও স্বামী—আমা হ'তে আপনার কিছু বেশী নয় ।

সাহারা । অনেক বেশী ! তুমি তার কি বুঝবে সাকিনা ? তুমি তো কেবল স্বামীই দেখেছ—তাও চোখের দেখা ! পুত্র কি জিনিষ, এখনও আশ্বাদ পেতে হয় নাই । আমি স্বামী নিয়েও সংসার করেছি, পুত্র বুকে ক'রেও বিধবা-জীবন কাটাচ্ছি ; আমি বলতে পারি কে কম, কে বেশী ! অনেক বেশী সাকিনা ! স্বামী হ'তে পুত্র অনেক বেশী ! স্বামী সাক্ষ্য রেখে বরণ করা, পুত্র রক্ত দিয়ে তৈরী করা । স্বামীর মৃত্যুতে ওপর ওপর দাগ পড়ে, পুত্রশোক আঁতের ঘা । স্বামীকে নারী ভালবাস্তেও পারে, নাও পারে, কিন্তু সন্তানকে না ভালবেসে উপায় নাই ! তুমি চুপ কর । মহম্মদ ! বুঝাকে ছেড়ে দাও ।

সাকিনা । তা হবে না, আমার পিতার মস্তক অবনত হবে ।

সাহারা । হ'তেই হবে ; তা না হ'লে আমার পিতার নাম ডুববে ।

মহম্মদ । যাও ভগ্নী ! আমি ভেবে দেখি, যদি ছুটো দিকই বজায় হয় ।

সাহারা । অসম্ভব ! তা হয় না মহম্মদ ! ফিরোজের মুক্তি আর বুকার শাস্তি, ছুটো একসঙ্গে—এ হ'তে পারে না । সূর্যো গ্রহণ আর চন্দ্রে পূর্ণতা একদিনে হবার নয়,—ভুলে যাও । শেষে ছ-দিকই যাবে তোমার ।



মহম্মদ । তোমার কথা তো ফিরোজকে ফিরে পাওয়া নিয়ে ?

সাহারা । তা বটে ! কিন্তু বুঝাকে ছেড়ে দেওয়া ছাড়া আমি যে তার অগ্র উপায় দেখছি না !

মহম্মদ । বুঝাকে আমি ছাড়তে পারবো না ভগ্নী ! অগ্র উপায় থাকে তো সাধ্যমত চেষ্টা করবো ।

সাহারা । পাষণ্ড ! চেষ্টা করবে—সাধ্যমত—অগ্র উপায় থাকে তো ? তারপর ! যখন উপায় না পাবে, সাধ্য না কুলোবে, চেষ্টা বিফল হবে ? তখন বুঝি বলবে, কি করবো ভগ্নী ! খোদার ইচ্ছা । মহম্মদ ! তুমি মানুষ ? সম্রাট গিয়াসুদ্দিনের পুত্র ? আমার ভাই ? না—কে তুমি ছদ্মবেশী, ভাই হ'য়ে ভগ্নীর জন্ত ছুরী শাণাও—সম্রাটের আসনে ব'সে স্বার্থের পূজা কর—মানুষ হ'য়ে মানুষ থাও ? তাও নিজের ভাগিনেয়—জামাতা, পুত্র হ'তেও,—পশুতেও যা পারে না ! তুমি কোন্ জাহান্নমের ? না মহম্মদ ! তোমার দোষ নাই, এ খোদার মার—আমার ছুরাশার পুরস্কার ! এসেছিলুম আমি অনাথিনী তোমার সংসারে, পুত্রকে রাজ্য দেবার লোভে,—দিয়ে চল্লম তোমার রাজ্য-পিপাসার পায়ে সেই পুত্রকে নরবলি ! তুমি বেঁচে থাক—জামাতার রক্তে পরিখা দেওয়া রাজ্য মর্শ্বে মর্শ্বে উপভোগ কর—খোদার চিন্তা ভুলে গিয়ে খাম-খেয়ালীই তোমার জীবনের মূলমন্ত্র হোক । আর তুমি সাকিনা, তোমায় আর কি বলবো ! তোমায় আশীর্বাদ করি, একটা দিনের জন্তও তুমি স্বামী-স্ত্রী সম্বন্ধের আশ্বাদ পাও, আর সংসারের নারী-চরিত্রের সঙ্গে নিজের প্রবৃত্তির তুলনা ক'রে অনুতাপে মাটি হ'য়ে যাও ।

[ প্রস্থান ।

মহম্মদ । সাকিনা ! থাক না হয় আজ বুঝার বিচার ; সে তো আর পালাতে পাচ্ছে না । তুমিও আর একটু ভাব, আমিও আর খানিক দেখি ।

[ প্রস্থান ।

সাকিনা । কি আশীর্বাদ ক'রে গেল আমার বাদি ?

বাদি । তা—খুব ! স্বামীর আশ্বাদ পাও—জন্মায়ত্তি হও—পাকা চুলো সিন্দূর পর, এই রকম আর কি ! কাফের ! কাফের ! কার কথায় কান দিচ্ছ শাহজাদী ? স্বামী জিনিষটা তো আমাদের তৈজসপত্র পোষাক-পরিচ্ছদের মধ্যে । তার জন্ত আবার অনুতাপ—মাটি হওয়া ! মুখে আগুন ! চল—চল, বেলা হ'য়ে এলো ; অনেক কাঁদা গেল, এইবার পেটে কিছু দেওয়া যাক্ গে ।

[ সকলের প্রস্থান ।

## তৃতীয় গর্ভাঙ্ক ।

কক্ষ ।

আমজাদ দাঁড়াইয়াছিল ।

আমজাদ । বড়া বেইমানি ছুনিয়াকা হাল, দিক্ কিয়া হামকো । এতা রূপেয়া খরচা কর্কে সাদি কিয়া, বিবি তো হামকো পছাস্তা নেহি । কাহে এইসা গোসা, খোদাকো মালুম ! হাম্ তো উসিকো ওয়াস্তে জান দেতা, যো হুকুম গোলামকা মাফিক তামিল কর্তা—কুছ কস্বর নেহি, লেকেন উস্কো মতলব বি নেহি মিলা । মুলাকৎ ছোড় দেও—হামকো ওয়াস্তে একঠো মিঠাবুলি বি নেহি ! ই কেয়া বকমারী আল্লা !

শশব্যাস্তে উমেদ-আলি উপস্থিত হইলেন ।

উমেদ । আমজাদ ! সম্রাট কোথায় ?

আমজাদ । আইয়ে হুজুর, বৈঠিয়ে—বান্দাকা একঠো বাৎ শুনিয়ে ।

উমেদ । সম্রাট কোথায় বস ? অবসর নাই আমার !

আমজাদ । সম্রাট তো হায় হুজুর, লেকেন আপ লোক উমদা আদমি, হামকো বোল দিজিয়ে—

উমেদ । এঃ—তুমি বিরক্ত করলে দেখছি ! পরে জবাব করবো তোমার কথার,—এখন সম্রাট কোথায় গেলেন বল ?

আমজাদ । কেয়া জানে হুজুর নবাব বাদসা কা হাল ! হিঁয়া যাতা, হুঁয়া ঘুমতা ! হাম তো বাউরা বন্ গিয়া । থোড়া সবুর কিজিয়ে ; সাহান-সা আবি লেড়কিকা মহলমে গিয়া রাহা ।

উমেদ । ঐ আসছেন না !

আমজাদ । হাঁ—হাঁ, আতা হায়—আতা হায় ।

মহম্মদ প্রবেশ করিলেন ।

মহম্মদ । উমেদ ! ভালই হয়েছে ; আমি তোমায় ডাকতে পাঠাবো মনে করছিলাম । একটা কৌশল করতে হবে, যাতে দু-দিক বজায় হয়,—ফিরোজের মুক্তি আর বুজ্জার শান্তি ! ভাব—ভাব—এখনই !

উমেদ । একটু সময় দিতে হবে সাহান-সা ! আমার মস্তিষ্কের ঠিক নাই ; উপস্থিত বান্দা একটা বড় দুর্ভাবনায় পড়েছে ।

মহম্মদ । কেন—তোমার আবার কি হ'লো ?

উমেদ । নূতন কিছু নয় জাঁহাপনা, সেই যেটার মেহেরবানের অভয় দেওয়া আছে ।

মহম্মদ । ও,—আমজাদ ! তজ্জাব ঠিক রহেনে বোলো ।

[ আমজাদ সেলাম করিয়া চলিয়া গেল ।

মহম্মদ । তারপর ! কি হয়েছে তার ?

উমেদ । গঙ্গু বোধ হয় সে ঘটনাটা জানতে পেরেছে ।

মহম্মদ । জানতে পেরেছে ? কি ক'রে জানলে ? আর তো কেউ জানতো না !

উমেদ । তা জানি না সম্রাট ! তবে আজ সে অতি প্রত্যাশে উঠে সকলের আগে জাফর-খাঁর সঙ্গে দরবারে উপস্থিত হয়েছে । আমি দূর হ'তে দেখি, তারা দু'জনে এক জায়গায় ব'সে ফিস্‌ফিস্‌ ক'রে কথা ক'ছে, দরবারে পা দেবা মাত্রই চুপ হ'য়ে গেল । গঙ্গু আমার মুখপানে ফ্যাল ফ্যাল ক'রে চেয়ে রইলো, জাফর অতকিতে আমার প্রতি একটা হাড়ভেদী কটাক্ষ করলে ; আমি ভাঁৎকে উঠলুম—আমার সর্বাঙ্গ ট'লে গেল, আর সেখানে দাঁড়াতে পারলুম না ; শ্বাস বন্ধ হ'য়ে এসেছিল, সাহান-সার কাছে এগে হাঁফ ছাড়লুম । আমার রক্ষা করুন সম্রাট, আমার রক্ষা করুন !

মহম্মদ । এঃ ! কে কিসের কথা ক'ছে, তা নিয়ে তুমি যে আপনা-আপনি চোর সাজছো দেখছি !

উমেদ । তাই বটে সম্রাট ! আমি যেন কি হ'য়ে গেছি সেই দিন হ'তে । যে যারই কথা কয়, চুপি-চুপি হ'লেই আমার বুকে ঘা পড়ে—মনে হয় আমারই কথা । কেউ আপনার মনে হেসে যায়, ভাবি আমাকেই লক্ষ্য করে—আমি যেন তার বিজ্রপের ; বাতাস একটু জোরে বয়, আমি মাথা বাঁচাবার চেষ্টা করি—এই বাজ পড়ে বুঝি ! আপনি আমাকে অভয় দিয়েছেন, কিন্তু জাঁহাপনা ! আমি নিজে বুকভাঙ্গা । অনেকটা সাহস হ'য়ে আসছিল পাঁচ দিনের পাঁচটা ধারণা মিথ্যা হওয়া দেখে, কিন্তু আজকের এটা সত্য না হ'য়ে যায় না । নিশ্চয় সে জেনেছে, আর নিশ্চয় সে এসেছে জাঁহাপনার কাছে আজ তারই অভিযোগ করতে ।

মহম্মদ । তাই বা হ'লো ! তাতেই বা তোমার এতদূর বিচলিত হবার কারণ কি ? এ অভিযোগ তো সম্পূর্ণ ভিত্তিহীন ! এর সাক্ষ্য কে ?

উমেদ । যদি কেউ দেয় !

মহম্মদ । কে দেবে ? দেখেছে কে ?

উমেদ । অত্ন কেউ দেখে নাই, কিন্তু বাতাস তো দেখেছে—আকাশ তো দেখেছে—ঈশ্বর তো দেখেছে !

মহম্মদ । দেখুক যে দেখে ; বিচার তো আমার কাছে ! কোন অপরাধ নাই তোমার ! আমি তো দেখছি, যে ধারণার বশে তুমি তাকে হত্যা করেছ, সেই ঠিক—অন্ততঃ তার কতকটাও ! তারপর যা দেখে তুমি তার ধর্মোপদেশ নির্দোষ রাজদ্রোহমূলক নয় নির্ণয় করেছ, সেইটেই ভুল । সেটা অভিনয়, তুমি প্রতারিত হয়েছ । সে দেখেছে তুমি প্রকৃত রাজভক্ত ; তোমার কাছে রাজদ্রোহ-অপরাধে স্ত্রী-পুত্র আত্মীয়-বান্ধব কারো নিস্তার নাই,—নিজে তো গেছিই, স্ত্রীলোকটাকে বাঁচিয়ে যাই । সে ব্রাহ্মণ-কুমারের নিশ্চয় পাপ ছিল, পেয়ে গেছে খোদার দেওয়া চরম দণ্ড ! তুমি নির্দোষ—নির্ভয় ! তোমাকে বাঁচাতে যদি আমার রাজনীতির ওলোট-পালোট করতে হয়, তাও করবো ।

আমজাদ পুনঃ প্রবেশ করিল ।

আমজাদ । তজ্জাব তৈয়ার হজুর !

মহম্মদ । যাও উমেদ ! ছেড়ে দাও ও সব ! আজ প্রথম দরবারেই তোমার কাজ । যেখানকার যা এত্তেলা পরোয়ানা আর্জি আছে, সব হাজির করবে ; আর তাববে একটু ওটার বিষয়,—ফিরোজের মুক্তি, বুকার শান্তি এক সঙ্গে—এক কৌশলে । [ প্রস্থান ।

উমেদ । [ স্বগত ] দণ্ড তো আমার মন্দ হ'চ্ছে না ! দণ্ডে দণ্ডে মৃত্যু-বিভীষিকা, পলে পলে চোরের চমক—মর্মে মর্মে গুপ্ত পাপের অবিশ্রান্ত অগ্নিদাহ ! এ হ'তে আর কি হয় !

[ প্রস্থান ।

আমজাদ । আব কো খেয়ালমে ঘুমতা রাজা উজীর ওমরাও সব 'লোক, দরদী কোই কিস্কো নেহি হ্যায় হিয়া,—জানে দেও । আবি হামরা কাম কেয়া ? বিবিকো পর তাল্লক দেকে ফকিরী লেনেসে আচ্ছা হ্যায়, না কাঁহা সে কুছ দাওয়াই মিলায়কে দোসরা দফা দেখ্নেসে আচ্ছা হ্যায় ?

বাদি উপস্থিত হইল ।

বাদি । আমজাদ ! সামজাদ !

আমজাদ । আইয়ে বিবি আইয়ে !

বাদি । তোর বরাত ভাল, সুখবর আছে ; কি দিবি বল্ ?

আমজাদ । কেয়া হয়—কেয়া হয় ?

বাদি । শাহজাদীকে তুই রোজ রোজ দেখ্বে দেখ্বে ক'রে আমার আলিয়ে থাম্—দেখ্বে ?

আমজাদ । হাঁ—হাঁ, কাঁহা—কাঁহা ? হাম তো উদিকো ওয়াস্তে তোমকো বহুৎ উমেদারী কিয়া !

বাদি । তা তো তুই কিয়া, আমিও আজি তার সুযোগ কিয়া ; এখন আমার কি দিচ্ছিস বল্ দেখি, যদি দেখাই ?

আমজাদ । কেয়া দেগা ! আচ্ছা তোমকো হাম একঠো থসম দেগা ।

বাদি । তাই দিস্ ; তোর বিব ক-দিন হ'তে একটা থসমের জন্তে আমার বেজায় ধরেছে, সেটা না হয় তাকেই দোবো ।

আমজাদ । বহুৎ আচ্ছা ! একঠো কেয়া, দশ বিশঠো দে দেও, কুছ দরদ নেহি হামরা ! হাম তাল্লক দে দিয়া উক্কো পর, ছোড় দেও উ বাৎ ! আবি শাহজাদীকো দেখ্নেসে হামকো কেয়া কর্নে হোগা—কাঁহা ঠারনে হোগা, ওহি বাতাও ।

মহম্মদ । কে দেবে ? দেখেছে কে ?

উমেদ । অস্ত্র কেউ দেখে নাই, কিন্তু বাতাস তো দেখেছে—আকাশ তো দেখেছে—ঈশ্বর তো দেখেছে !

মহম্মদ । দেখুক যে দেখে ; বিচার তো আমার কাছে ! কোন অপরাধ নাই তোমার ! আমি তো দেখছি, যে ধারণার বশে তুমি তাকে হত্যা করেছ, সেই ঠিক—অন্ততঃ তার কতকটাও ! তারপর যা দেখে তুমি তার ধর্মোপদেশ নির্দোষ রাজদ্রোহমূলক নয় নির্ণয় করেছ, সেইটেই ভুল । সেটা অভিনয়, তুমি প্রতারিত হয়েছ । সে দেখেছে তুমি প্রকৃত রাজভক্ত ; তোমার কাছে রাজদ্রোহ-অপরাধে স্ত্রী-পুত্র আত্মীয়-বান্ধব কারো নিস্তার নাই,—নিজে তো গেছিই, স্ত্রীলোকটাকে বাঁচিয়ে যাই । সে ব্রাহ্মণ-কুমারের নিশ্চয় পাপ ছিল, পেয়ে গেছে খোদার দেওয়া চরম দণ্ড ! তুমি নির্দোষ—নির্ভয় ! তোমাকে বাঁচাতে যদি আমার রাজনীতির ওলোট-পালোট করতে হয়, তাও করবো ।

আমজাদ পুনঃ প্রবেশ করিল ।

আমজাদ । তজ্জাব তৈয়ার হজুর !

মহম্মদ । যাও উমেদ ! ছেড়ে দাও ও সব ! আজ প্রথম দরবারেই তোমার কাজ । যেখানকার যা এত্বেলা পরোয়ানা আর্জি আছে, সব হাজির করবে ; আর ভাববে একটু ওটার বিষয়,—ফিরোজের মুক্তি, বুকার শান্তি এক সঙ্গে—এক কৌশলে । [ প্রস্থান ।

উমেদ । [ স্বগত ] দণ্ড তো আমার মন্দ হ'চ্ছে না ! দণ্ডে দণ্ডে মৃত্যু-বিভীষিকা, পলে পলে চোরের চমক—মর্মে মর্মে গুপ্ত পাপের অবিশ্রান্ত অগ্নিদাহ ! এ হ'তে আর কি হয় !

[ প্রস্থান ।

আমজাদ । আব কো খেন্নালমে ঘুমতা রাজা উজীর ওমরাও সব লোক, দরদী কোই কিস্কো নেহি হ্যায় হিঁয়া,—জানে দেও । আবি হামরা কাম কেয়া ? বিবিকো পর তাল্লক দেকে ফকিরী লেনেসে আচ্ছা হ্যায়, না কাঁহা সে কুছ দাওয়াই মিলায়কে দোসরা দফা দেখ্নেসে আচ্ছা হ্যায় ?

বাদি উপস্থিত হইল ।

বাদি । আমজাদ ! সামজাদ !

আমজাদ । আইয়ে বিবি আইয়ে !

বাদি । তোঁর বরাত ভাল, সুখবর আছে ; কি দিবি বল্ ?

আমজাদ । কেয়া হুয়া—কেয়া হুয়া ?

বাদি । শাহজাদীকে তুই রোজ রোজ দেখ্বে দেখ্বে ক'রে আমায় আলিয়ে থাস্—দেখ্বি ?

আমজাদ । হাঁ—হাঁ, কাঁহা—কাঁহা ? হাম তো উসিকো ওয়াস্তে তোমকো বহুৎ উমেদারী কিয়া !

বাদি । তা তো তুই কিয়া, আমিও আজি তার স্মরণ কিয়া ; এখন আমায় কি দিচ্ছিস বল্ দেখি, যদি দেখাই ?

আমজাদ । কেয়া দেগা ! আচ্ছা তোমকো হাম একঠো থসম দেগা ।

বাদি । তাই দিস্ ; তোঁর বিবি ক-দিন হ'তে একটা থসমের জন্তে আমায় বেজায় ধরেছে, সেটা না হয় তাকেই দোবো ।

আমজাদ । বহুৎ আচ্ছা ! একঠো কেয়া, দশ বিশঠো দে দেও, কুছ দরদ নেহি হামরা ! হাম তাল্লক দে দিয়া উক্কো পর, ছোড় দেও উ বাৎ ! আবি শাহজাদীকে দেখ্নেসে হামকো কেয়া কর্নে হোগা—কাঁহা ঠার্নে হোগা, ওহি বাতাও ।



বাঁদি। আয় আমার সঙ্গে। এখনি তিনি দিলখোসে আসবেন।  
তোকে একটা জায়গা দেখিয়ে দোবো, চুপ ক'রে প'ড়ে থাকবি;  
খবরদার! নড়াচড়া করিস্ নি, তোরও গর্দান যাবে—আমারও কোতল!

আমজাদ। কুচ পরোয়া নেহি! হাম ঠিক রহেগা খরগোশ কা  
মাফিক। চলিয়ে বিবি চলিয়ে।

বাঁদি। খুব ছঁসিয়ার!

আমজাদ। মৎ ডরো।

[ প্রস্থান।

### চতুর্থ গভীর্ষক।

দরবার।

জাফর খাঁ ও গঙ্গু দাঁড়াইয়াছিলেন :

জাফর। আপনি ভয় করবেন না; আমি থাকতে আপনার  
কেশাগ্র স্পর্শ করবার সাধ্য কারো নাই। যা যা ব'লে দিলুম, বুক  
ফুলিয়ে বলবেন।

গঙ্গু। তা না হয় বললুম, কিন্তু কিছু হবে না বাবা!

জাফর। তা জানি। উমেদ-আলি দরবারে পা দিয়েই আমাদের  
চোখ মুখ দেখে অমনি সম্রাটের কাছে দৌড়িছে—যদি তিনি ভুলে গিয়ে  
থাকেন। কিছু যে হবে না এ নিশ্চয়ই; তবু বলতে হবে,—ভবিষ্যতে  
সম্রাট না বলতে পারেন আমায় বলা হয় নি কেন?

গঙ্গু। বলি,—বল্ছো বলতে—

জাফর। সম্রাট আসছেন। বাঃ! উমেদ-আলিও সঙ্গে! দূড় হোন্—  
ভাবুন একটু পুত্র জিনিষটা!

উমেদ-আলি সহ মহম্মদ তোগলক দরবারে উপস্থিত হইয়া

আসন গ্রহণ করিলেন । পীর বাহরাম উপস্থিত হইয়া

অভিবাদন করতঃ স্বীয় আসনে উপবিষ্ট হইল

এবং নানাবিধ রাগ-রাগিণীর আলাপ

করিয়া প্রস্থান করিল ।

মহম্মদ । জাফর ! আমি তোমায় ইনাম দেবো, তুমি আমার সন্তুষ্ট  
করেছ—বিদ্রোহী বুঝাকে ধরেছ ! তবে—

জাফর । সেটার আমার দোষ নাই সম্রাট ! শাহজাদা আপনাকে হাতে  
দরা দিয়েছেন ।

মহম্মদ । তবু তোমার উচিত ছিল তার ওপর একটু লক্ষ্য রাখা ।

জাফর । আমাকে তো তাঁর ওপর লক্ষ্য রাখতে পাঠান নি সম্রাট !  
বলং তাঁকেই পাঠিয়েছিলেন আমার ওপর লক্ষ্য রাখতে । আমার প্রতি  
পন্থায়ানা ছিল বুঝাকে ধরবার, আমি তাই নিয়ে ব্যস্ত ছিলাম,—ইক  
ছাড়তে পাই নাই হুজুং সে কঠিন জাতি সামান্য থাকতে ।  
বুঝার যে বন্দী হয়ে দিল্লী এসেছে, সেটা নতাস্তই তাদের ওপর খোদার  
মার, আর আমি জাফর খাঁ বলেই ।

মহম্মদ । বাক্—এখন বুঝা কোথায় ?

জাফর । আমার জিন্মাতেই আছে ; হুকুম হ'লেই দরবারে হাজির  
করি ।

মহম্মদ । দরকার নাই এখন তার, পরে বোঝা যাবে । উমেদ !  
তোমার খবর কি ?

উমেদ । আমার সংবাদ বড় ভাল নয় সম্রাট ! চতুর্দিকেই অশান্তি ।  
প্রথমতঃ অযোধ্যার শাসনকর্তার এন্তেলা, সেখানে রৌপ্য-মুদ্রার

বিনিময়ে চর্ম্ম-মুদ্রার প্রচলন,—বড়ই হুঙ্কর ! প্রজারা কেউ তা নিতে চায় না ।

মহম্মদ । নিতেই হবে ; প্রজাদের জানিয়ে দিতে বল আমার হুকুমই টাকা ! তাতেও যদি কেউ ঘাড় না পাতে, কয়েদ করতে বল । তারপর ?

উমেদ । তারপর আগ্রার নবাবের আর্জি—সেখানকার সবাই চর্ম্ম-মুদ্রা নিয়েছে বটে, কিন্তু খাজনার আকারে আবার তা রাজ-সরকারে ফেরৎ করেছে । সেখানকার রাজকোষ তাতেই পরিপূর্ণ ; এখন সে সদরে কি চালান দেয় ?

মহম্মদ । বন্ধ ক'রে দাও সেখানকার খাজনা । বন্দোবস্ত কর প্রজাদের সঙ্গে, রাজকর আজ হ'তে উৎপন্ন ফসলের এক চতুর্থাংশ । তারপর—ব'লে যাও ।

উমেদ । পাঞ্জাবের অধিবাসীদের নালিশ—চীন দেশ জয় করবার জন্ত সেখানে যে নূতন কেল্লা-বসেছে, সেখানকার সৈন্তরা সময় মত বেতন না পাওয়ায় নিরীহ প্রজাদের যথাসর্ব্বস্ব লুট করতে আরম্ভ করেছে । যাতে তাদের সে অত্যাচার নিবারণ হয়, নিয়ম মত বেতনের বন্দোবস্ত আর খাত্তের সরবরাহ হয়—

মহম্মদ । থাম ; তাদের খেতে দেবে কে ? আমি—না তারা ? সৈন্তসংগ্রহ কাদের জন্ত ? রাজার জন্ত না প্রজারই রক্ষায় ? লিখে দাও উমেদ তুমি পাঞ্জাবের সুবাদারকে—যদি সেখানকার অধিবাসীরা স্তম্ভালা চায়, নূতন সৈন্তদলের রসদের জন্ত তাদের ওপর নূতন কর বসবে । খেতে তো হবে তাদিকে ! কি মত তাদের, সম্বরণ জানানো হোক । আর কিছু আছে ?

উমেদ । আর একটা জাঁহাপনা ! দাক্ষিণাত্য হ'তে দেবগিরির

শাসনকর্তার সংবাদ—সেখানকার বড়বল্লভকারীর দল আবার মাথা তুলে  
ওঠবার উপক্রম করছে ।

মহম্মদ । সত্বর জাফর খাঁ সেখানে যাচ্ছে, জানাও তাকে,—~~আজ~~  
পুনরায় দিল্লী হ'তে রাজধানী দেবগিরিতে নিয়ে যাবার সঙ্কল্প আছে,  
আমার সে সব সরঞ্জামও সে যেন ঠিক রাখে ।

উমেদ । আবার রাজধানী পরিবর্তনটা কতদূর সম্ভব, গোলাম  
একটু ভেবে দেখবার ভিক্ষা করে । একবার এই ব্যাপারে অনেক প্রজা  
সর্বস্বাস্থ—নষ্ট হ'য়ে গেছে ।

মহম্মদ । হোক, রাজ্যের মঙ্গলই প্রজার মঙ্গল ; তা না হ'লে  
দাক্ষিণাত্য বশে থাকে না । যাও তুমি—বা যা বললুম, জরুর—

গঙ্গু । আমার একটা অভিযোগ আছে সম্রাট উজীর সাহেবের  
বিরুদ্ধে,—তাঁকে হাজির রাখবার মর্জি হয় ।

মহম্মদ । তোমার অভিযোগ উমেদ-আলির বিরুদ্ধে ! তা ওকে  
এখন আটকে রাখবার আবশ্যক কি ? ওর হাতে এখন জরুরী কাজ ;  
ও তো আর পালিয়ে যাচ্ছে না, প্রয়োজন হয় ডাকানো যাবে । যাও  
উমেদ ! সরকারী কাজ আগে । এ কাজ আমার নয়, সাধারণ প্রজার ।

[ উমেদ-আলি অভিবাদন করিয়া প্রস্থান করিলেন ।

মহম্মদ । জাফর ! তুমিই বা আর দাঁড়িয়ে কেন ? শুন্লে তো,  
তোমায় দাক্ষিণাত্য যেতে হবে ! যাও—প্রস্তুত হও গে, এবার কিছুদিন  
পাক্ষতে হবে **সেখানে** ।

জাফর । [ স্বগত ] বিচার তো অভিযোগের আগেই খতম । ও  
তো জানাই ! আচ্ছা । [ জনান্তিকে গঙ্গুর প্রতি ] নির্ভয়—আমি বাইরে  
রইলুম ।

[ প্রস্থান ।

মহম্মদ। বল তোমার কি অভিযোগ ?

গঙ্গু। সম্রাট বোধ হয় অবগত আছেন, আমার পুত্র নিরুদ্দেশ ?

মহম্মদ। হাঁ—তার সংবাদ পেয়েছ না কি ? কোথায় সে ?

গঙ্গু। বর্গে, না—না, নরকে। সম্রাট! সে হতভাগ্য ইহধামে নাই।

মহম্মদ। ইয়া আল্লা! তোমার পুত্র জীবিত নাই? বড়ই দুঃখের বিষয়! একমাত্র পুত্র! তার আর কি করবে গঙ্গু! তোমার অদৃষ্ট!

গঙ্গু। শুধু আমার নয় সম্রাট, আপনারও। আপনার রাজ্যে এ অত্যাচার অকাল-মৃত্যু, আপনিও বাদ পড়বেন না এ নন্দ অদৃষ্টদের তালিকা হ'তে। আমাদের রামচন্দ্রের যখন রাজ্য ছিল, শোনা যায় এই রকম একটা অকাল-মৃত্যু নিয়ে অনেক কাণ্ড হ'য়ে গেছে। আপনাকেও এর জন্ত উঠতে হবে সম্রাট!

মহম্মদ। আমি আর তার কি করবো গঙ্গু? বাঁচা-মরা যে ঈশ্বরের হাত!

গঙ্গু। তা হ'লেও আপনি তার জন্ত দায়ী, আপনি ঈশ্বরেরই কাজ হাতে নিয়ে বসেছেন। আর আমাদের রামচন্দ্র ভাবতেনও তাই। যাক্—সে কাল আর নাই; আপনাতে ততটা পাবার আশাও রাখি না। তবে এ অকাল-মৃত্যুটা ঈশ্বরের হাত দিয়ে হয় নাই, তাই আপনার ওপর আমার এ জুলুম। মাপ করবেন প্রতিপালক!

মহম্মদ। এ মৃত্যুটা কার হাত দিয়ে হয়েছে তুমি অনুমান কর?

গঙ্গু। অনুমান নয় আশ্রয়দাতা! সত্য, আর এ মৃত্যু নয় হত্যা!

মহম্মদ। হত্যা! কে তোমার পুত্রকে হত্যা করেছে?

গঙ্গু। সম্রাট-দরবারের প্রধান পারিষদ মাতুবর উমেদ-আলি।

মহম্মদ । উমেদ-আলি ! হত্যা করেছে !—তোমার পুত্রকে ? তুমি দেখেছ না শুনেছ ?

গঙ্গু । দেখি নাই সম্রাট, শুনেছি ।

মহম্মদ । মিথ্যা !—মিথ্যা !—শত্রুর ষড়যন্ত্র !

গঙ্গু । না জাঁহাপনা ! যা শুনেছি, প্রতিযোগ্য বটে ।

মহম্মদ । বতই হোক, শোনা কথা ; শোনা কথা কখনও এত বড় একটা গুরু অভিযোগের ভিত্তি হ'তে পারে না । দেখতে হবে চক্ষে ; তুমি না দেখ, অন্ততঃ তুমি বার কাছ হ'তে শুনেছ তাকেও—অন্ততঃ আর কাকেও । যেই হোক, এর একজন প্রত্যক্ষদর্শী সাক্ষ্য চাই । আছে ?

গঙ্গু । সাক্ষ্য ! [ ঈষৎ চিন্তা করিয়া ] আছে ; উমেদ-আলি ।

মহম্মদ । সে তো অভিযুক্ত !

গঙ্গু । সেই বলুক আমার এই পুত্রশোকাতুর সজ্জন-চক্ষে চোখ দিয়ে—ধর্ম্মাধিকরণ জাঁহাপনার সম্মুখে দাঁড়িয়ে—সর্বসাক্ষ্য ভগবানের নাম নিয়ে ; সেই নিজে বলুক—যা বলছি আমি, সত্য কি মিথ্যা ?

মহম্মদ । গঙ্গু ! তুমি গণনাতেই পটু ; এ সব বিষয়ে অপরিণামদর্শী । সে তো মিথ্যা বলবেই ।

গঙ্গু । বলুক । না হয় মিথ্যা অভিযোগের দণ্ডটা আমিই নেবো, তবু আমি একবার দেখবো সম্রাট, কি ক'রে সে আমার চোখে চোখ দেয় ! মিথ্যা বলতে তার রসনা কেমন খেলে ! মনের পাপ ঢেকে মুখে ভগবানের নামে শপথ করা তার পক্ষে কত সহজ ! ডাকানু একবার তাকে সম্রাট ! ছ'জনে মুখোমুখী হই ।

মহম্মদ । তা হয় না গঙ্গু ! উমেদ-আলি যে-সে লোক নয়, সে এ রাজ্যের একজন পদস্থ ব্যক্তি । বিনা প্রমাণে বিনা কারণে শুদ্ধ একটা উড়ো কথার ওপর নির্ভর ক'রে ওরূপ শ্রেণীর লোককে অকস্মাৎ

অপরাধীর মত বিচারস্থলে টেনে আনা, পদের অবমাননা—অসঙ্গত—  
অত্যাচার। আগে তুমি প্রমাণ কর তার বিরুদ্ধে—দোষী সাব্যস্ত কর  
তাকে, সে আস্তে বাধ্য। এর আর কেউ সাক্ষ্য আছে ?

মঞ্জুলা উপস্থিত হইল।

মঞ্জুলা। আছে।

মহম্মদ। কে ?

মঞ্জুলা। আমি ! দেখেছি সত্ৰাট, আমি এ হত্যা—সম্মুখে—স্বচক্ষে—  
শোচনীয়ভাবে।

মহম্মদ। তুমি কে ?

মঞ্জুলা। আমি ঐ অভিযুক্ত হত্যাকারীর স্ত্রী।

মহম্মদ। ও,—তুমি তো ভ্রষ্টা !

মঞ্জুলা। হাঁ সত্ৰাট ! আমি ভ্রষ্টা, তবে নিজের ব্যভিচারে নই।  
আমি ভ্রষ্টা, ভ্রষ্ট স্বামীর স্ত্রী ব'লে। যাক্ সে কথা ; এখন সত্ৰাট ! বেই  
হোক্ একটা প্রত্যক্ষদর্শী সাক্ষী চাচ্ছিলেন ! আমি এসেছি—কিছু জিজ্ঞাসা  
করবার থাকে তো, করুন ; জোর-জুলুম, জেরা-জবরদস্তি বে প্রকার মর্জি !

মহম্মদ। জাহান্নামের সময়তানী তুমি, চাই না আমি তোমার সাক্ষ্য।  
যে নিজের স্বামীকে শূত্রে পাঠাবার বড়মন্ত্রে যোগ দিতে পারে, সে কি না  
পারে ? কি বিশ্বাস তার ওপর ? কত মূল্য তার কথার ?

মঞ্জুলা। [ গঙ্গুর প্রীতি ] কোথায় এসেছ ব্রাহ্মণ ? কেমন ? ভাবছো  
কি ? তোমাদের সেই রামচন্দ্রের কথা ? গল্প—গল্প ! বান্দীকির খেয়াল !  
বাড়ী যাও। সত্ৰাট ! তা হ'লে আমার বৃথাই আসা হ'লো। যাক্—সাক্ষী  
না নিন, আমার জাহান্নামের সময়তানী ভাববেন না। যদিও আমি স্বামীকে  
শূত্রে পাঠাবার পক্ষপাতিনী—সাধারণ নারী-চরিত্র হ'তে নূতন, তা হ'লেও

আমি পতিহন্ত্রী নই—পতিপ্রাণা ! আমি কি চাই জানেন ? আপনার শূলে আমার স্বামীর জীবনান্ত হয় হোক, কিন্তু গুপ্ত পাপ চাপা রেখে গুম্বে গুম্বে জন্ম জন্ম জগদীশ্বরের যন্ত্রণার শূলে যেন তিনি না চড়েন । আমার লক্ষ্য ইহকালের নয়, পরকালের,—আমি স্ত্রী নই, তাঁর জীবন-তোরণের প্রতিহারিণী ।

[ প্রস্থান।

গঙ্গু । সম্রাট্ ! আমার অন্ডায় হয়েছে এ অভিযোগ উত্থাপিত ক'রে । ইচ্ছা হয় আমায় দণ্ড দিন, না হয় আমি আসি । [ গমনোত্তত ]

মহম্মদ । দাঁড়াও গঙ্গু ! একটা কথা শোন ; তুমি কি বুঝে গেলে উমেদ-আলিই তোমার পুত্রহন্তা ?

গঙ্গু । আমি কিছুই বুঝি নাই সম্রাট্ ! এ সব বিষয়ে আমার বুদ্ধি বড় কম !

মহম্মদ । তাই যদি হয়, যা হ'য়ে গেছে, সে তো আর ফিরছে না । এখন তুমি কি নিয়ে সন্তুষ্ট হ'তে চাও ? অর্থ, জায়গীর, তোমার যা ইচ্ছা,—বল, আমি মীমাংসা ক'রে দিচ্ছি ।

গঙ্গু । জয় হোক সম্রাটের ; এমন স্ত্র-মীমাংসা বুঝি আর আমরা পাবো না ! পুত্রের বিনিময়ে অর্থ—জায়গীর ! আমার যখন পুত্রই গেছে, তখন আর কি হবে ও অর্থ, জায়গীর নিয়ে সম্রাট্ ? ভোগ করবে কে ? ও সব প্রলোভন আমার কাছে মিছে !

মহম্মদ । তবে তুমি উমেদ-আলিকে মার্জনা ক'রে যাও, তোমার মহত্ব আছে তাতে ।

গঙ্গু । তা তো আছে সম্রাট্ ! আপনি তো ব'লে খালাস হ'লেন, এখন সে মহত্বটা আমি দেখাই কি ক'রে ? মর্ষ পুড়ে যাচ্ছে পুত্রশোকের তুবানলে—জিব ধ'সে যাচ্ছে পুত্রহাতীর নাম নিতে—বুক ফেটে যাচ্ছে



অত্যাচারের ওপর অবিচারে ! মহত্ব কি আসে ! প্রকৃত মহত্বটা যে মর্ম্মের প্রসৃত সন্মতি ! মুখের তো নয় !

মহম্মদ । দেখ, ভ্রম সকলেরই হয় ; তা ব'লে কি তুমি বলতে চাও, উমেদ-আলির মত একটা লোকের প্রাণদণ্ড করি ? আজ যদি তুমিই হ'তে—তোমার হাত দিয়েই এইরূপ ঘটনা ঘটতো, কি করতুম আমি ?

গঙ্গু । না সন্মতি ! আমি তা বলি না । জীবনের বিনিময়ে জীবন নিয়ে যে কোন লাভ নাই—শুধু প্রতিহিংসা, সে জ্ঞানটুকু আমার আছে । আমি বলতে চাই—এ রকম ভ্রম যাদের হয়, তাদের তো রাজ-সরকারে কার্য্য দিয়ে মাথায় তুলে রাখা ঠিক নয় ! তাও যে-সে কার্য্য নয়, ভারত-সাম্রাজ্যের প্রধান অমাত্য, ভারত-সম্রাটের প্রধান অনুগ্রহভাজন । আজ একটা ভুলে আমি গেছি, কাল আর একটায় সমস্ত ভারতবর্ষ বাবে ; তাতে আপনাতো ক্ষতি । আমায় যদি সন্তুষ্ট করতে চান সন্মতি—আমার তো আর আশা-ভরসা কিছুই নাই, আমার স্বদেশবাসীদের বাঁচান—এ ভ্রমাক্ত শাসনকালের শেষ হোক,—উমেদ-আলিকে পদচ্যুত করুন !

মহম্মদ । গঙ্গু ! তুমি আমার গণক ব'লে তোমায় আলাদা দিয়েছি ; কিন্তু দেখছি, তুমি অনেক দূরে গিয়ে পড়েছো ।

গঙ্গু । পড়েছি সন্মতি ! আর কাছে থাকতে ভয় হ'চ্ছে !

মহম্মদ । তোমায় আমি এখনও অনুগ্রহ করছি—তুমি সন্তুষ্ট হও,—অর্থ, জায়গীর যা নেবে নাও ।

গঙ্গু । সন্মতিকে জগদীশ্বর অনুগ্রহ করুন, এ রকম গায়ে প'ড়ে অনুগ্রহ করার ভ্রম হ'তে রক্ষা ক'রে ।

মহম্মদ । বুঝে দেখ ব্রাহ্মণ ! এখনও তোমায় অবসর দিচ্ছি ; না বোঝ, বিপদ ।

গঙ্গু । বিপদের তো চূড়ান্ত হ'য়ে গেছে সন্মতি ! আবার ভয়

কিসের ? আমার মৃত্যু ? আমি তো মরাই ! খাঁড়ার বা চ'লে গেছে, আর চিম্টি কেটে কি করবেন ?

মহম্মদ । গঙ্গু !

গঙ্গু । সম্রাট !

মহম্মদ । তুমি আনায় কি মনে করছো ?

গঙ্গু । আপনাকে ! বলবো ? বলি—যা হয় হোক । আমি আপনাকে মনে করছি ভারত-সম্রাটের আসনে আমাদের জ্যোতিষ-শাস্ত্রের কক্ষচূত কেতু, আর উমেদ-আলি আপনার ঐ কবন্ধ দেহের কাটামুণ্ড রাছ । বেশ মিলেছেন ! আর কতদিন এমন বোড়া-গাঁথা চলবে ? চোখের জলে ওদিকে যে বস্তুর স্মৃতি হ'চ্ছে ! দেখতে পাচ্ছেন না—বুঝতে পাচ্ছেন না ? কানও কি নাই ? ফিরুন সম্রাট ! এখনও ফিরুন । পাপের প্রশ্রয় দেবেন না—পুণ্যাসনে ব'সে ছুই ছুই করবেন না,—এ বড় কঠিন ঠাই—একটু এদিক-ওদিকে নিস্তার নাই । দূঢ় হোন—আপনার পায়ে ভর দিয়ে দাঁড়ান—সমান ক'রে ধরুন শাসনদণ্ড ! দেবতার মত আমরা আপনার পূজা করি, সূর্য্যাকিরণে পদ্মের মত প্রীতির চক্ষে ঐ পানে চাই, আর প্রেম-ছল-ছল মুগ্ধনেত্রে জন্ম-জন্ম দেখি ! হই না আমরা পুত্রহারা ! আমাদের রাজা আছে—আমাদের পিতা আছে—আমাদের লোক আছে সকল দুঃখ সাঙ্গনার !

মহম্মদ । [ আসন হইতে উঠিয়া ] মার্জ্জনা করলুম গঙ্গু এ ক্ষেত্রে তোমায় ! যাও—এ কথা বেন কোথাও প্রকাশ না হয় । [ প্রস্থান ।

গঙ্গু । এ রাজ্যে আবার মানুষ বাস করে—এ রাজ্যে আবার মানুষ বাস করে ! পালাও—পালাও ! মানুষ পালাও ।

[ প্রস্থান ।

## পঞ্চম গভীৰ্ণ ।

দিল্লী-সান্নিধ্য প্রান্তর ।

সন্ন্যাসীবেশে হরিহর ও সৈন্তগণ ।

হরিহর । নাও ভাই সব ! দিল্লী ঐ দেখা যাচ্ছে ! সাধু তো সব  
রকমেই হয়েছে ; এইবার এক টান ক'রে গাঁজায় দম লাগাও আর  
ব্যোম-শঙ্কর ব'লে ভজন ধ'রে দাও আর কি ! আমি তোমাদের স্বামীজি !  
একধার হ'তে তন্ন দিতে আরম্ভ করি—বাত, পিত্ত, অম্লরোগ, বশকরা,  
ছেলে হওয়া, কিছু বাদ দিচ্ছি না । রাজার খবর পাওয়া গেছে ; এখনও  
দরবারে হাজির হ'তে হয় নাই, জাফর খাঁর জিম্মায় আছে । দেখ তো,  
খাঁ-বাহাদুরের চোখে ভেঙ্কি লাগাই, বেটাদের হাড়ে হাড়ে আক্কেল দিই ।  
লাগাও ভাই, বেশ জমাটীর ওপর প্রেমে গদগদ হ'য়ে ।

সৈন্তগণ ।—

## গীত ।

ব্যোম ব্যোম শিব শঙ্কর ।

ত্রিশূলধর ত্রিপুরহর ত্র্যম্বক বাঘাঘর ।

ভালে অর্ধচন্দ্র ঝলকে, শিরসি গঙ্গা-উর্ধ্বি চলকে,

নীলকণ্ঠ নাগোপবীত শ্রবণে কনক-ধ্বজর ।

নৃত্যকুশল ডমরুরোলে, পঞ্চ বদন ববন্ বোলে,

রক্ত-বসনা গৌরী-কোলে রক্তত ভূধর সুল্লর ।

## গীতকণ্ঠে আদিদেব উপস্থিত হইল ।

আদিদেব ।—

গীত ।

যদি মুখের ওপর পড়লো ছাই—

তবে বুকের ভেতর আর আগুন কেন আয় না রে ভাই সব নেবাই

যার চরণে গঙ্গা হ'লো সে যদি হয় উষ্ণামুখ,

আমাদের আর কদর কেন, কার বা দেশ এ, কিসের দুঃখ,

দেখেছি সব স্পন্দ ভেবে,

তার মনে যা তাই তো হবে,

আমরা শুধু ভেঙ্কি রে তার ক্ষণে ক্ষণে আছি নাই ।

হরিহর । আরে কেও ? দাদা যে ! বেশ—বেশ ! তুমিও এসেছ ?

তা—আমবে বই কি ! তোমারও আমাদেরই মত পত্নীবিয়োগের অবস্থা !

তবে ও রকম বেশরো চোঁচাচ্ছ কেন দাদা ? দলে ভিড়ে যাও না,—

তোমাকেই না হয় স্বামীজি ক'রে দিই, আমি চেলা হই ।

আদিদেব ।—

পূর্ব গীতাংশ ।

দাসের রক্ত ব'চ্ছে দেহে কি হবে আর স্বামী সেজে,

পেখম তোপা ভুলে গেছি দাঁড়কাকের রাগিণী ভেঙ্গে,

প'ড়ে আছি অন্ধকূপে,

চড়বো না আর থাকবো চুপে,

পারি যদি যাবো উপে, হায় কোথা তার মন্ত্র পাই ?

[ প্রস্থান ।

হরিহর । আরে যাও—যাও, বোঝা গেছে ! এ দলে ভিড়বে কেন ?

এখানে তো আর সেবা-দাসীর আখড়া নাই ! গাও ভাই গাও । আজ

শুধু রাজার উদ্ধার নয়—এই সঙ্গে কাণা-খোঁড়া কুঠে-কুপণ বাঁজা-বাঁজী  
যাকে পাবো, নিজ ঙ্গে ছুটে গিয়ে কোল দেবো,—আমি প্রভু মদনানন্দ  
স্বামী ! কৃপাহি কেবলম্—কৃপাহি কেবলম্ ।

সৈন্তগণ ।—

পূর্ব গীতাংশ ।

লট-পট জটা ধুম্বরণ,

চুলু-চুলু আঁখি ভষ্মাভরণ,

বাহত শিব সত্য নিত্য নির্মল জ্যোতিরীশ্বর ।

[ গ্রহণ !

ষষ্ঠ গর্তাঙ্ক ।

উমেদ-আলির বাটা ।

আবেদীন দাঁড়াইয়াছিল ।

আবেদীন । কোন ধর্ম শ্রেষ্ঠ ? হিন্দু-ধর্ম না মুসলমান-ধর্ম ?  
জিজ্ঞাসা করলুম অনেককেই ! হিন্দু বলে হিন্দু-ধর্ম বড়, মুসলমান বলে  
ইসলাম-ধর্ম উচ্চ,—সহস্রের পেলুম না কোথাও । আমি তো দেখি ছই-ই  
সমান । হিন্দু মুখ দিয়ে খায়, চোখ দিয়ে দেখে, কান দিয়ে শোনে,  
মুসলমানও করে তাই । হিন্দুর জন্ম নারীর গর্ভে, পুরুষের ঔরসে,—  
মুসলমানেরও উৎপত্তি আসমান হ'তে নয় । হিন্দু মরে, মুসলমানই কোন্  
অমর ? এ তো গেল শারীরিক ধর্ম,—তারপর মানসিক ধর্ম—তাতেই বা  
কম বেশী কৈ ? হিন্দু যে ভক্তিতে ভগবানকে পায়, মুসলমানেরও জীশ্বর-

সাক্ষাৎকারে সেই ভক্তিই চাই। দয়া, দান, ক্ষমা, পরোপকার যে সকল সদগুণে হিন্দু মানুষ্য, সেই সকল মনোবৃত্তির ক্ষুরণেই মুসলমানেরও মহত্ত্ব! হিন্দুরও কৰ্ম্মাঙ্কুশাঙ্গী স্বৰ্গ-নরক, মুসলমানেরও বেহস্ত-জাহান্নাম। তবে—শারীরিক ধৰ্ম্ম মানসিক ধৰ্ম্ম উভয়ই যখন এক, তখন মানুষ্যের মধ্যে আর কি বাকী—বার ধৰ্ম্ম এমন ছুই-ছুই! আমার ইচ্ছা হ'চ্ছে সমস্ত দেশ বুড়ে এই রকমের একটা প্রকাণ্ড সভা বসাই। দু-দলের ধৰ্ম্ম-ধ্বজা দান্তিকগুণের সঙ্গে খুব ধানিক তর্ক করি; দেখিয়ে দিই চোখে আঙ্গুল দিয়ে, হিন্দু মুসলমান প্রভেদ নয়—এক। ভগবানের রাজ্যে দলাদলি শাস্ত্র-জ্ঞান নয়—ধাঁধা,—ধৰ্ম্ম নিয়ে গণ্ডগোল ধৰ্ম্মবাদ নয়—নাশ্তকতা।

সবেগে মঞ্জুলা উপস্থিত হইল।

মঞ্জুলা। আবেদান! যদিও আমি তোমার গৰ্ভধারিণী মা নই, তা হ'লেও তাঁরই স্থানীয়া—তোমার বিমাতা। আমার রক্ষা কর আবেদান।

আবেদীন। কেন মা, কি হয়েছে?

মঞ্জুলা। বল তুমি আগে, আমার রক্ষা করবার ভার নিলে?

আবেদীন। সে কি মা! তুমিও যেমন আমার মাতৃস্থানীয়া, আমিও যে তেমন তোমার পুত্রস্থানীয়। বল মা অসঙ্কোচে, কেন তুমি এমন আলুথালু? গভ হওয়ায় কি আছে! পাবে তুমি আমার কাছে ঠিক গৰ্ভজেরই মত।

মঞ্জুলা। বাঃ—এই তো চাই! আজ আমি বড় একটা অত্যাচার করে এসেছি আবেদীন!

আবেদীন। অত্যাচার হোক, অত্যাচার হোক, আমার মাগ্নের করা—মৰ্ব্বো আমি তার দায়ে; ব'লে যাও।

মঞ্জুলা । চিরজীবি হও । শোন পুত্র ! তোমার পিতা একদিন আমার কক্ষে একটা অস্ত্রায় হত্যা ক'রে ফেলেন । এতদিন সেটা চাপা ছিল ; আজ সে ঘটনাটা প্রকাশ্য দরবারে অভিযোগের আকারে উপস্থিত । সম্রাটকে আগে হ'তে সারা ছিল, তিনি উড়িয়ে দেবার মতলবে একজন প্রত্যক্ষদর্শী সাক্ষী চান । তিনি জানতেন, ঘটনাটা এক আমি ছাড়া আর কেউ দেখে নাই ; আর কেউ ধারণা করতে পারে না যে স্ত্রীর দ্বারা অভিব্যক্ত স্বামীর অপরাধ সপ্রমাণ হয় । কিন্তু আমি থাকতে পারলুম না আবেদীন ! প্রাণটা কেমন ক'রে উঠলো - ব'লে এলুম বিনা আস্থানে আপ'না হ'তে যত দূর জানতুম ।

আবেদীন । মা !

মঞ্জুলা । পুত্র !

আবেদীন । তুমি হিন্দু-মহিলা না ?

মঞ্জুলা । ছিলুম তাই !

আবেদীন । মুসলমানকে বিবাহ করেছ ?

মঞ্জুলা । হাঁ পুত্র !

আবেদীন । লোকে তোমায় কিছু বলে না ?

মঞ্জুলা । বলে বই কি ! আমার ধর্ম গেছে ।

আবেদীন । একবার ডাক্তারে পার তাদিকে, আমি দেখিয়ে দিই চোখের ওপর—ধর্ম থাকে তো জগতের মধ্যে এক তোমারই আছে ।

মঞ্জুলা । আবেদীন ! তা হ'লে আমার অস্ত্রায় হয়নি ?

আবেদীন । কিছু না ; স্বামীকে বিলিয়ে দিয়েছ, কিন্তু সত্যকে প্রকাশ করেছ ; এই ধর্ম । এ হিন্দু-ধর্ম নয়—মুসলমান-ধর্ম নয়, এ মানুষের ধর্ম ।

মঞ্জুলা । [ কম্পিতকণ্ঠে ] পুত্র !

আবেদীন । এই কথা ? এর জন্ত এত আকুলতা কেন মা ?

মঞ্জুলা । তোমার পিতা বোধ হয় প্রতিহিংসায় আমার পিছু-পিছুই আসছেন ।

আবেদীন । নির্ভয় ! তাঁর অস্ত্রমুখে আমি বুক দিয়ে রইলুম । যাও না আপনার মহলে ।

মঞ্জুলা । তবে সব কথাগুলোই আমার গুনে থাক । এ হত ব্যক্তি কে, জান ? নিরুদ্দেশ যার বোষণা, গঙ্গু ব্রাহ্মণের পুত্র—তোমার বন্ধু ।

আবেদীন । বন্ধু ! বন্ধু ! আমার সেলাম দিও খোদার কাছে ।

মঞ্জুলা । অপরাধটা গুনবে ? বলা চলে না সে কথা তোমার কাছে ! কিন্তু বলতে হবে ; তুমি ভিন্ন মর্মের ছুংথ ভেঙ্গে বলবার আর আমার সংসারে কেউ নাই । অপরাধ—তোমার পিতার অনুমান, আমার কক্ষে এসে সে যে শাস্ত্র-আলোচনা কর্তো, সেগুলো তার রাজদোহিতা । কিন্তু সম্রাট আজ আবার সেটা উল্টে দিলেন—আমি দ্রষ্টা অর্থাৎ আমার সঙ্গে তার একটা কুৎসিত সংসর্গ ।

আবেদীন । যাও—যাও মা ! পিতা অন্ধ ! আর পুত্রকে বধির করো না ।

উমেদ-আলি উপস্থিত হইলেন ।

উমেদ । না পুত্র ! আর বধির হ'তে হবে না তোমায় । আমি তো অন্ধ নই, অন্ধকারে ছিলাম । দাঁড়াও মঞ্জুলা ! যেওনা, হত্যা করবো না—পূজা করবো তোমার ।

মঞ্জুলা । স্বামী ! স্বামী ! অপরাধিনী আমি ।

উমেদ । নিরপরাধিনী তুমি,—শুধু তাই নয়, শিক্ষাদাত্রী তুমি—নারীকুলের আদর্শ তুমি—যথার্থ ইন্দ্রী-রত্ন তুমি । নিজের সুখ-শান্তি চাও



নাই,—সত্যের জয় ঘোষণা করেছে, আর এক মহাসত্যের আবিষ্কার ক’রে দিয়েছ, আমি মর্মে মর্মে বুঝেছি। ব’লে এলে না সম্রাটের কাছে “আপনার শূলে আমার স্বামীর জীবনান্ত হয় হোক, কিন্তু গুপ্ত পাপ চাপা রেখে গুম্বে গুম্বে জন্ম-জন্ম জগদীশ্বরের যজ্ঞগার শূলে যেন তিনি না চড়েন!” অতি সত্য—অতি সত্য! সম্রাট আমার জোর ক’রে মুক্তি দিয়েছেন, কিন্তু মঞ্জুলা! তুমি যা বলেছ, ঠিক। আমি মুক্তি পাই নাই, আমার মন আমার মুক্তি দেয় নাই, বিবেক আমার ছাড়ে নাই,—আমি চ’ড়ে আছি সেই জগদীশ্বরেরই যজ্ঞগার শূলে। মঞ্জুলা! কে তুমি? এমন সত্যবাদিনী—এমন ত্যাগ-পরায়ণা—এত পরিণামবোধ! তুমি কে?

মঞ্জুলা। আমি হিন্দু-মহিলা।

উমেদ। তাই বটে! তাই বটে! ওঃ—মোহের বশে কি ধর্মই পরিত্যাগ করেছি!

আবেদীন। কি পিতা? কি পরিত্যাগ করেছেন?

উমেদ। জান না পুত্র! প্রথম জীবনে আমি হিন্দু ছিলাম।

আবেদীন। মুসলমান হ’লেন কি ক’রে?

উমেদ। মুসলমান-কুমারী তোমারই গর্ভধারিণীকে বিবাহ ক’রে।

আবেদীন। তা হ’লে আবার তো আপনি হিন্দুই হয়েছেন!

উমেদ। কি ক’রে?

আবেদীন। আবার যে এই হিন্দু-কুমারী বিবাহ করেছেন!

উমেদ। তা হয় না পুত্র!

আবেদীন। কেন? এক কথা ক-রকম? বিবাহ নিয়েই যখন আপনার বিচার—জাত্যন্তর, তখন পুরুষের আর জাত কৈ? সে তো বিসর্গের মত আশ্রয়-স্থানভাগী; যখন যে জাতীর নারীর হাত ধরবে, সেও তখন সেই শ্রেণীর। পিতা! মুসলমান-কুমারীকে বিবাহ ক’রেই আপনার

মুসলমান হওয়া যদি সত্য হয়, তা হ'লে স্বীকার কর্তেই হবে—পুরুষের জাত নাই, নারীর জাতই জাত । আর না মানলে চলবে না যে আপনি আবার হিন্দু !

উমেদ । বুঝিয়ে দিতে পার—বুঝিয়ে দিতে পার আবেদীন, এ কথাটা সমাজকে !

আবেদীন । কি হবে তাতে ? সমাজকে বুঝিয়ে আপনার কি লাভ ? একটু পান-আহারের সুবিধা, এই তো ? নাই হ'লো তা ! আপনি নিজে বুঝুন না—আমি হিন্দু । আপনার তো পথ রয়েছে—প্রমাণ রয়েছে—দৃষ্টান্ত রয়েছে । আমার বরং একদিন ভাব্বার কথা ছিল—আমি কি জাত—মুসলমানীর গর্ভে, হিন্দুর গুঁরসে !

উমেদ । কি সিদ্ধান্ত করেছে পুত্র সে বিষয়ে ?

আবেদীন । আমি এই বুঝেছি পিতা, ঈশ্বরের সৃষ্টি মাত্র দু'টি জাতি ; স্ত্রী-জাতি আর পুরুষ-জাতি । আমি হিন্দুও নই, মুসলমানও নই,—আমি ঐ পরমেশ্বরের পরম সৃষ্টি পুরুষ-জাতি ।

উমেদ । [ নীরব রহিলেন ]

আবেদীন । সিদ্ধান্ত কি মন্দ হয়েছে পিতা ? কাজ কি গিয়ে ও হিন্দু-মুসলমানের স্বন্দে ? আক্ষেপের কিছু নাই পিতা যে হিন্দু ছিলেন মুসলমান হয়েছেন,—সেই মানুষই তো আছেন ! মা আজ যে হৃদয় দেখিয়েছেন, সেটা কি শুদ্ধ তাঁর হিন্দুকুলে জন্মের সংস্কারে ? সত্য ধর্ম্মটা কি শুদ্ধ হিন্দুদেরই একচেটে ? তা নয়, ওখানে হিন্দু-মুসলমান নাই, ও ধর্ম্ম মানুষ মাত্রেই ।

উমেদ । তবে এখন আমি কি করি আবেদীন ? ও মানুষ-ধর্ম্ম হ'তে আমি যে অনেক দূরে নেমে পড়েছি । সত্যের সে স্মৃতি যে আর আমার মধ্যে নাই ; আছে কেবল তার তপ্ত অঙ্গার—ভগ্নায় ভগ্নায় ছাইচাপা ।

সে ভিতর ভিতর জলছে, আর মার্ছি আমি মশার কামড়ে সাপের মত নিজের ওপর ছোবল । কি করি আবেদীন ? কোথা যাই পুত্র ? কার কাছে পাই এ হারানিধি ফিরে ? কিসে হই আবার মানুষ ?

আবেদীন । মাকে জিজ্ঞাসা করুন পিতা ! মন্দিরে যখন এনেছেন, দেবতাও দেখাবেন ।

উমেদ । দেখাও দেবী শাস্তির বিগ্রহ-মূর্তি, আনলে যদি দস্যুর হত্যাক্ষেত্র হ'তে টেনে । নাশ দেবী এ অনুতাপের গুপ্তঘাতক, হ'লে যদি আমার জীবনরাজ্যের প্রহরিনী । দাও দেবী এ মর্ম্মক্ষতের প্রলেপ, ধরেছ যদি জীবন-প্রিয় স্বামীর মৃত্যুরোগ ।

মঞ্জুলা । যাও তবে স্বামী সেই পুত্রহারা গঙ্গুর কাছে, ঐরূপ দীন-ভাবে অনুতাপে মাটী হ'য়ে অশ্রুজলে ভেসে ভেসে । এ ব্যাধির বিধান নিদানে নাই—দৈবে নাই, এ পীড়ার পরমোষধি একমাত্র তার সমক্ষে আত্মাপরাধ স্বীকার ক'রে সত্যকে প্রকাশ করা, আর তার দেওয়া দণ্ড যতই কঠিন হোক, অগ্নানে ঘাড় পেতে নেওয়া ।

উমেদ । ঠিক ! ঠিক বিধান দিয়েছ মঞ্জুলা ! আসি তবে দেবী, আসি পুত্র, আর আমি দাঁড়াতে পারছি না, অসহ যন্ত্রণা ! কুষ্ঠব্যাধিতে এ দাহনা নাই—বক্ষা এর অনেক নীচে—এ সেই ভগবানের মর্ম্মভেদী শূল । যদি পরিজ্ঞান পাই, আবার আসবো ; আরও আমার কথা বাকি রইলো পুত্র, তোমায় বলবো । আর তোমার কাছেও ক্ষমা চাইবো মঞ্জুলা, তোমার পুণ্য কক্ষ ব্রহ্মরক্তে অপবিত্র করার ।

[ প্রস্থান ।

আবেদীন । মা ! মা ! তোমার ঐ ধর্ম্মটা প্রচার করতে পার ? ঐ সত্য-ধর্ম্ম—এই সময়—এই দেশে ? আমি তোমার সাহায্য করি ।

মঞ্জুলা । হবে ?

আবেদীন । হবে । ধর্মের জালায় লোকে এখন গলদবর্ষ সারা হ'য়ে উঠেছে । দেখতে পায়নি দেশটা এখনও সত্যের রূপ ; এ সময় তার সামনে সুপথ্য পড়লেই সে মর্মে মর্মে নেবে । কর তো মা একটা নূতন রকমের সংস্কার ! তুমি হাওয়ার মত উঠে কুপ্রথার আবরণগুলো উড়িয়ে দিয়ে প্রকাশ ক'রে দাও সকল বিভিন্ন ধর্মের এক আসল রূপ, আমি আশুগের মত জ'লে ভস্ম ক'রে দিই ও পাপ আবরণগুলো, একেবারে ভবিষ্যতে আর বেন কিছু চাপা দিতে না থাকে ! চল তো মা—চল তো মা ! বাই আজ একসঙ্গে মাতা আর পুত্র, গীতা আর কোরাণ, সত্য আর ভয় ।

মঞ্জুলা । জয়যুক্ত হও তুমি পুত্র ! সফল করুন ঈশ্বর তোমার সাধু উদ্দেশ্য ; সমান হোক হিন্দু-মুসলমান সকল বিভিন্ন ধর্ম এক সত্যের অপূর্ব বিকাশে ।

[ প্রস্থান ।

## সপ্তম পর্ভাঙ্ক ।

দিলখোস ।

আমজাদকে লইয়া বাঁদি উপস্থিত হইল ।

বাঁদি । আচ্ছা আমজাদ ! নিয়ে তো এলুম তোকে সবাইকার চোখে ধুলো দিয়ে ; এখন বল দেখি, শাহজাদীকে দেখবার জন্ত তোর এত থেয়াল চাপুলো কেন ?

আমজাদ । দেখেগা হাম, উ লোক মানুষ হায় না কেয়া হায় !

বাঁদি । কি রকম ?

আমজাদ । যিক্কো সিনান করনেকোবাস্তে বস্রাসে শুলাব জল আতা, পাও বাড়নেকোবাস্তে মসলিন মখমল লাগতা,—হাম লোককো ভুখ্মে একঠো রোটি নেহি, পাঁচ রূপেন্না তলব দেনেসে দরদ লাগতা, আউর উক্কো দিল মজশুল রাখনেকোবাস্তে কেত্তা নাচনেওয়ালী, কেত্তা গোলাম বাদি, কেত্তা মতি জহরৎ, লাখ লাখ রূপেন্না মাহিনামে যাতা, থোড়া নিদ্ নেই হোনেসে কেত্তা হকিম কোতল হোতা, দেখেগা হাম উক্কো । উ লোক মানুষ তো নেহি ; লেকেন উ ছরি হায় না কেয়া হায় ?

বাদি । এই মরেছে গোলামের বেটা গোলাম হাতীর নাদ দেখে । ওরে ও মানুষই হায় ।

আমজাদ । দেখুলাও বিবি, হাম আঁখ্মে দেখেগা এক বকৎ ।

বাদি । আঁখ্মে দেখতে গিয়ে আবার মুণ্ড ঘুরে যাবে না তো ?

আমজাদ । নেহি বিবি, উস্মে হাম সাঁচ্চা হায় । উ কেয়া চীজ্ এহি দেখেগা, আউর কুছ নেহি ।

বাদি । চ' ঐ দিকে—ঐ পরদার আড়ালে । তুই তো মরেছিস্, দেখিস্ যেন আমার মাথাটা থামনি ।

আমজাদ । নেহি বিবি নেহি, ঠিক রহেগা হাম ।

[ উভয়ের প্রস্থান ।

সাকিনা উপস্থিত হইলেন ।

সাকিনা । মেজাজটার বেশ ঠিক নাই, কেমন যেন একটা উড়ো উড়ো ভাব ! কৈ—অল্প তো কিছু নাই, কেন এমন হ'লো ? আরামবাগে গেলুম, দিলখোসে এলুম, কিছুতে কিছু হ'চ্ছে নী ; প্রাণখানা যেন সর্বদা ফাঁকা ফাঁকা ঠেকেছে । কারণটা কি ? বাদি ! বাদি ! কোথায় গেলি ?

ক্রতপদে বাঁদি উপস্থিত হইল ।

বাঁদি । এই যে সাহজাদী, রয়েছে ।

সাকিনা । এরা কোথায় ?

বাঁদি । ঐ যে আসছে ।

বাইজীগণ উপস্থিত হইয়া সেলাম করিল ।

সাকিনা । আজ আমার মেজাজটা বিগড়ে আছে । যদি খোস  
করতে পারিস্, বখসিস্ মিলবে ।

বাইজীগণ ।—

গীত ।

মেয়ে দিল লিরো হর ইয়। সরফ্কে কুরর ।

বব্ সে দরশে দেখায়ো, মোহে পাগল বানায়ো,

জা মে উল্কে পেলায়ো, জগমে রহিয়া করায়ো,

মায় শুধু না লিনা কতি আনকর ।

আব্ না চলেত বনৎ, নেহি জিউয়ে শকৎ,

মেরি নয়নাসে নীর বহে স্বর স্বর ।

আব্ ত জিয়া বউরাণা, ছুটা আপনা বেগানা,

লিয়া কালী কমলিয়া কাঁধনপর,—

উয়ো ডুম্বরিকে ফুলুয়া মেয়ে নাগর ।

সাকিনা । না—যা তোরা, পার্লি না ।

জুলেখা । তবে আর একথানা শোন ।

বাইজীগণ ।—

গীত ।

জাদাদ তুমি নয়ন তব কুলশর নয় কুঠার ।

রতি নয় তব পরিণীতা তুমি ভর্তা নয়ন-স্থার ॥

বন্ধু তোমার সাধু বসন্ত সে তো সাক্ষাৎ প্রভু,  
কোকিলের মুখে যত কুরঙ্গ বহিঁ বর সে মলর,  
সহচরী প্রিয় চাঁদনীর রাত্তি,  
সে বুঝি হবে চণ্ডাল জাতি,  
সন্ধান কর পাতি-পাতি যতেক যুবতী-যুবর,—  
বলিহারী তুমি হলাহল ঢাল আবরণ দিয়ে স্থধার ॥

[ প্রস্থান ।

সাকিনা । তুই সে-দিন গোসলখানায় ব'সে যে গানটা গাচ্ছিলি,  
গা দেখি !

বাঁদি ।—

গীত ।

কাহে হাম সখি ! মান করনু লো, ভাগল চিতচোরা কাল ।

পাগল হউ হাম কি গরল ভাখিনু, কায়সে জিরে ব্রজবালা ॥

যখনা দরশনে দহত তনু,

হুচল লাগত কুহুমরেণু,

বিনু সো মাধব কুলিশ কুহুমব চাঁদে উছ একি জালা ।

চল হ' সজনী লো কাঁহা বঁধুনা মম,

বুঝনু সব সে—সে মম প্রিয়তম,

জীবন বিকায়ব যোগিনী সাজব ধরব শ্রাম-অপমালা ॥

সাকিনা । না—আজ আর কিছুতেই ফিরলো না দেখছি, বরং বেড়ে  
উঠছে। আচ্ছা, এ কোথা গেল বল দেখি দিল্লী হ'তে কাকেও কিছু না  
ব'লে ?

বাঁদি । কে ?

সাকিনা । আমার স্বামীর মা ।

বাঁদি । আর তার কথা ব'লো না শাহজাদী ! তাকে এখন ছেলে-  
রোগে ধরেছে । কেন রে বাপু, তোর এত কেন ? ছেলে তো অসময়ে  
দেখবার জন্তে,—তোর তো সে ভাবনা নেই ! গেলই বা ছেলে, তুই  
আপনার থা না—পর্না—মজা কর্ না ! তা না ক'রে ছেলে—ছেলে !  
ছেলে তো আর কখনও কারো হয় নাই !

সাকিনা । আচ্ছা, সে যাবার সময় আমার একটা কি আশীর্বাদ ক'রে  
গিয়েছিল, তোর মনে আছে ?

বাঁদি । ওমা—তা আবার নেই ! এই ক-দিনের কথা !

সাকিনা । ঠিক যা বলেছিল, বল্ দেখি ; বাড়াবাড়ি করিস্ না ।

বাঁদি । বলেছিল আর কি ! তুমি স্বামী-স্ত্রী সম্বন্ধের আশ্বাদ পাও,  
আর সংসারের নারী-চরিত্রের সঙ্গে নিজের প্রবৃত্তির তুলনা ক'রে অনুতাপে  
মাটি হ'য়ে যাও ; তুমি ভালোর মাথা খাও ।

সাকিনা । আচ্ছা, আজ কিছুতেই আমার মনটার ঠিক হ'চ্ছে না  
কেন বল্ দেখি ? আমি তো ঠাওরাতে পারছি না ।

বাঁদি । তা আমারও তো কৈ ঠাওর হ'চ্ছে না ।

### মঞ্জুলা উপস্থিত হইল ।

মঞ্জুলা । আমি ঠাউরেছি শাহজাদী ! বল্‌বো—কেন তোমার মনটার  
ঠিক হ'চ্ছে না ? তোমার স্বাভাবিক ঐ আশীর্বাদ ধরেছে ।

সাকিনা । মঞ্জুলা বিবি ! এস—এস ! আশীর্বাদ ধরেছে কি ?

মঞ্জুলা । হাঁ ; আজ তোমার স্বামীকে মনে পড়েছে ।

সাকিনা । কৈ—না ! সে রকম তো কিছু দেখছি না ।

মঞ্জুলা । এ বিষয়টা কি রকম জান শাহজাদী ! নিজে দেখতে পাওয়া  
যায় না, অথচ ভিতরে ভিতরে হ'য়ে যায়, অপরে বুঝতে পারে । তুমি



দাঁতে দাঁত চেপে চোখ রাঙিয়ে থাকলে কি হবে, মন আপনার ভাল : ছাড়বে কেন ?

সাকিনা । সে মন আমি রাখি না মঞ্জুলা বিবি ! বিপদে কাঁপে, সম্পদে নাচে, শোকে গলে, স্নেহে টলে, সে হৃদয় আমার নয় । স্বামী-স্ত্রী, নায়ক-নায়িকা, ও সব আমার কাছে এক একটা ভূমিকা । ভালবাসা, প্রেম, মিলন, বিরহ—এক একটা ভাবের সমন্বিত অভিনয় । ভুল বুঝেছ বিবি আমার চিত্ত-চাঞ্চল্য সম্বন্ধে । হ'তে পারে ও রকম ! তা ব'লে আমার ? আমি মহম্মদ তো গলকের কথা—সম্রাট-নন্দিনী ।

মঞ্জুলা । যে নন্দিনীই হও, যার কথাই হও, জন্মটা তো তোমার নারী-জন্ম !

সাকিনা । নারী-জন্মটা কি নিকৃষ্ট জন্ম না কি ?

মঞ্জুলা । পুরুষ হ'তে তো বটে !

সাকিনা । কিসে ?

মঞ্জুলা । সব রকমেই ।

সাকিনা । একটাতেও না । নারী পুরুষের পরম রত্ন ; আলস্তে কস্ম—অবসন্নতায় শান্তি—জীবনের রশ্মি ! নারী নিয়েই সংসার, নারী আছে ব'লেই পুরুষের পুরুষত্ব । ওদিকে আমার নিয়ে যেতে পারবে না বিবি ! মণিহার কঠে স্থান পেলে না ব'লে কাঁদে, না কঠ মণিহারের স্পর্শ পেলে না ব'লে আক্ষেপ করে ? মঞ্জুলা বিবি ! আমার মেজাজ খারাপ অথ কোন কারণে ।

মঞ্জুলা । না শাহজাদী ! ঐ কারণেই । মণিহারও যদি অবদ্বৈত ধূলায় পড়ে থাকে, তারও মণিজন্ম যে বিড়ম্বনা । অথ কারণে যদি ঐ অবসাদ হ'তো, এত কাণ্ড করছো, এতক্ষণ তা থাকতো না । একটা চান্দ্র প্রমাণ আমি হাতে হাতে দেবো, দেখবে ?

সাকিনা । কি ?

মঞ্জলা । আরামবাগও ঘুরলে, দিলখোসেও এলে, নাচ-গান রঙ্গ-রসও চল্লো, কিছুতে তো কিছু হ'লো না ! একবার বুকের চাপা সরিয়ে দিয়ে স্বামীর নাম ক'রে মুখ ফুটে কাঁদ দেখি ! বোঝা যাক, বোঝা হাঙ্কা হয় কি না ?

বাঁদি । বেশ ওষুধ ! আমি বলি মাথা ঘুরছে কেন ? হাকিম বলে উরুস্তন্ত—লাগাও পুলটাস ! কাঁদ শাহজাদী, কাঁদ ! দেখই না কি হয় ? তুমি একাই কাঁদবে, না সেদিনকার মত সেই সব কান্নাওয়ালীদেরও জড় করবো—চাঁদা ক'রে কান্না হবে ?

সাকিনা । মঞ্জলা বিবি ! স্বামীর জন্ত আবার জ্বীতে কি সত্য সত্যই কাঁদে না কি ?

মঞ্জলা । এই ভারতবর্ষটার কাঁদে ; আর শুধু কাঁদে না—সে কান্নাটার সে স্মৃথ পায় । তুমিও যখন এই মাটিতে প'ড়েছ, তখন আর ও দাঁতথামুটা চলবে না—স্বর নামাতেই হবে । শাস্তি পাবে শাহজাদী ! কাঁদ—কাঁদ ; কান্না ছাড়া উপায় নাই । এ এই মাটির ধর্ম ।

সাকিনা । না—আমি উঠলুম ! আর একদিন এস তুমি ! আজ আমার কথা কইতেও কষ্ট হ'চ্ছে । তবে তুমি যা বলছো, পারবো না । যে মাটিতেই পড়ি, ও কান্নাকাটি আমার দ্বারা হবে না ; আমি আপনাকে ততটা হীন ভাবতে পারছি না । নারী-জন্ম নিকৃষ্ট জন্ম নয়, সেও খোদার তৈরী—স্বাধীনতার তারও সমান অধিকার ! সংসার—বন্ধু-বান্ধব—সখা-সখী—স্বামী-স্ত্রী, সব পাতানো সম্বন্ধ ! তার জন্ত আবার কান্না কি ? তার অদর্শনে আবার অভাববোধ কিসের ? আক্ষেপ বা একটু তাঁরই জন্ত, তাঁর এ জন্মটা জগতের কোন কাজে লাগলো না ।

বাঁদি । আর নিজের আক্ষেপ ততটুকু, একখান গহনা হারালে

যতটুকু—সরবতের বাটীটী হাত হ'তে থ'সে প'ড়ে চুরমার হ'লে  
যতটুকু ।

মঞ্জলা । [ জীষৎ হাসিল । ]

সাকিনা । হাস্ছো কি বিবি ? ভাষাট: নিম্নশ্রেণীর হ'লেও বাঁদী যা  
বল্লে, ঠিক ; সব ক্ষণিক—মৌখিক, দাগ পড়'বার নয় ।

আমজাদ । [ আনন্দে উৎফুল্ল হইয়া বাহির হইয়া পড়িল ] হাঃ-হা !-হা !!  
আরে সব একই ছায়—সব্ভি একই ছায় ।

সাকিনা । কোন্ ছায় ? কোন্ ছায় ?

আমজাদ । হাম আমজাদ ছায় হজরৎ ! দেখ্‌তা ছনিয়াকা হাল,—  
সব্ভি একই ছায় ।

সাকিনা । কোতল কর—কোতল কর ।

আমজাদ । করিয়ে বিবি সাব, আপকো যো মর্জ্জি ! জান্‌মে মেরা  
কুছ দরদ্ নেহি । হামরা বড়া একঠো ইয়াদ হো গিয়া, সব্ভি একই ছায় ।  
কাহে হাম ফকির বনেগা ? সব্ভি একই ছায় । হাঃ-হাঃ-হাঃ, সব্ভি  
একই ছায় ।

সাকিনা । এ কে বাঁদি ? কেমন ক'রে এলো ? কি বলে ?

বাঁদি । [ স্বগত ] আর বলে আমার গুপ্তির মাথা ! বাঁদির বাচ্ছা যা  
ভাবলুম, তাই করলে ! [ প্রকাশ্যে ] ও—এ সম্রাটের খাসকামরার বান্দা  
শাহজাদী ! আহা পাগল হ'য়ে গেছে বেচারী ! আজকাল ঐ রকম ক'রেই  
বেড়ায় ! এসে পড়েছে কি রকম ধেমালে । কি বল্‌ছিল আমজাদ ?

আমজাদ । একই ছায় বিবি, সব একই ছায় ! মেরা বিবি হামকো  
পসন্ নেহি, শাহজাদী বি অহি সোয়ামীমে কুছ কদর নেহি । বাদশাজাদী,  
বাঁদি, মেরা বিবি, ছনিয়া বি একই ছায় ।

সাকিনা । না পাগল নয় । এ—হিঁস্‌না কাহে আয়া তোম্ ?

আমজাদ । আপকো'দেখ্নে আয়া হজরৎ !

সাকিনা । হামকো দেখ্নে ?

আমজাদ । শুনিযে হজুর ! হামকো একঠো খেয়াল থা,—সব লোক শাহজাদী—শাহজাদী কর্কে চিল্লাতা, দেখ্নে হোগা উল্লো, উ লোক কিস্মাফিক হায় ! মানুষ হায়, না দেও হায়, না হরী হায় ? বহুৎ উমেদারী দাগাদারী কর্কে আজ রোজ আ গিয়া হিঁয়া । লেকেন্ হামরা খেয়াল ছুটা ; দেখ্তা শাহজাদী, আব হরি নেহি, দেও বি নেহি, আপ মানুষই হায় ; মেরা বিবি বিস্মাফিক হায়, আপবি ওহি হায় ।

বাঁদি । চোপরাও হারামের বাচ্ছা ! তেরা বিবি বেমনি হায়, শাহজাদীও তেমনি হায় ?

আমজাদ । খোড়া তফাৎ হায় বাঁদি ! শাহজাদী আতর গুলাবমে সিনান কর্তা—জড়োয়াকা পেশোয়াজ পিঁধতা, মেরা জানিকো তেইসা আমিরী নেহি হায় । লেকেন উস্মে কেয়া ? উপর সাফা রাখ্নেসে ক্যা ফয়দা ? ভিতর সবকোই একই হায় । মেরা বিবিকা সোয়ামীকো বাস্তে কুছ দরদ নেহি, শাহজাদীবি ওহি ; একই হায়—সব্ভি একই হায় ।

বাঁদি । খোজা ! খোজা !

সাকিনা । থাম । মৎ ডরো—সাচ্ বোলা তোম ! লেও বখ্শিস !

আমজাদ । নেহি হজুর ! ইনাম কাহে লেগা ? হাম আপকো পাশ ইয়াদ লিয়া ।

সাকিনা । নেহি ! হামকো পাশ তোম ইয়াদ লিয়া নেহি, হামকো ইয়াদ দিয়া । লেও বখ্শিস, মায় থুসীসে দেতা হায় । মঞ্জুলা বিবি ! তোমার অনুমান ঠিক ; সত্যই আজ আমার স্বামীকে মনে পড়েছে ! চাপা-দেবার চেষ্টা কর্ছিলুম, থাক্‌লো না । এ বান্দার তিরস্কার নয়, আমার শাশুড়ীর সেই আশীর্বাদ । এস ভাই, আমার কান্না শেখাবে ; ভারতের

মাটির তৈরী তোমরা, আমার তেজোগর্ভ কেড়ে নিয়ে মাটির মত ক'রে দেবে। তুলে নেবে এ কুশিকা, কুসংস্কার, কুরুচির অন্ধকার হ'তে,— খুলে দেবে জীবনের আলোর দ্বার—লজ্জা, দয়া, স্নেহ, প্রেম, সর্বপ্রকার কোমলতায় মাখামাখি। জন্মেছি উচ্চকূলে সম্রাট-প্রাসাদে জগতের লক্ষ্যস্থলে, সমান আমি একটা বান্দার বিবির সঙ্গে! সত্যই আমি মণিহার ধূলায়! রাখ দিদি এ গ্লানি হ'তে! আমি বুঝতে পেরেছি আমার—কর্তব্য করবো,—রত্ন-জন্ম পেয়েছি,—আপন প্রভায় জন্বো,—নারী হ'য়েছি— স্ত্রী হবো।

মঞ্জুলা। আর তোমার শেখবারও কিছু নাই। নারী হয়েছ যখন, নারী-ধর্মও তোমার হাতের মুঠোয়।

[ সাকিনা সহ প্রস্থান।

বাঁদি। দে—দে, কি পেলি ভাগ দে! মরতে বসেছিছ এখনি তোর দায়ে!

আমজাদ। বখরা কেয়া, সব লে লেও তোম! হামকো ইয়াদ মিলা, ওহি হামরা আছি ছায়। বিবিকো পর গোসা কর্কে হাম যব ফকিরী লেগা, শাহজাদীকো যো সায়ামী ছায় উ লোক তব্ কেয়া করেগা? মেরা যো দরজ, শাহজাদীকো ওহি। সব একই ছায়—সব একই ছায়।

বাঁদি। যাচ্ছিলো গর্দান, মিলেগে আস্রফি। খোদার দেওয়া এই রকমই।

[ উভয়ের প্রস্থান।

## অষ্টম গর্ভাঙ্ক।

গঙ্গুর কুটার।

পুঁথিগুলি বাঁধিয়া লইয়া গঙ্গু উপস্থিত হইলেন।

গঙ্গু। এ রাজ্যে মানুষ বাস করা চলে না। মেলে আমার ছেলেকে, আবার আমাকেই উল্টে মার্জনা করে! এ মহৎ আশ্রয় আমাদের মত দুর্বলের নয়। চলা যাক্ যেদিকে চোখ যায়। একটা তো পেট, কেটে যাবে কোন রকমে! ব্রাহ্মণকুলে জন্ম—বনে থাকতেও আক্ষেপ নাই। লজ্জাবরণ বস্ত্র—জোটে উত্তম, না জোটে কিসের লজ্জা? আমাদের বালখিল্যরা যে উলঙ্গই থাকতো। কিছু না! অভাবটা আমাদের স্বভাবেরই সৃষ্টি করা। এতদিন মানুষের রাজ্যে রইলুম, এইবার জগদীশ্বরের রাজ্যে বাস করবো।

জাফর খাঁ উপস্থিত হইল।

জাফর। পিতা!

গঙ্গু। এস বাবা! আমি তোমার জন্তই যেতে পাই নাই। এত বিলম্ব?

জাফর। বলছি—এখন আপনি কি বেরিয়েছেন?

গঙ্গু। দেখুছো না? দিল্লীর মাটি আমার কামড়াচ্ছে জাফর! এক তিল আর এখানে দাঁড়াতে ইচ্ছা নাই।

জাফর। ওগুলো আপনার সঙ্গে কি?

গঙ্গু। এই পুঁথি ক-খানা। আর আমার পুঁজি কি আছে বাবা?

জাফর। দিন—ওগুলো আমি মাথায় ক'রে নিই।

গঙ্গু। দরকার নাই। তুমি আর এ নিয়ে কতদূরই বা যাবে? বড় জোর দিল্লীটা পার ক'রে দেবে বই তো নয়! তাতে আর বিশেষ কি লাঘব হবে আমার?

জাফর। সে কি! আমি আপনার সঙ্গে যাবো না?

গঙ্গু। আমার সঙ্গে! তুমি? পাগল! আমার কি গন্তব্যের ঠিক আছে?

জাফর। সেই জন্তই তো আমার যাওয়ার আরও দরকার। আপনি পুত্রহারা উদ্ভ্রান্ত—দ্বিধাদিক জ্ঞানশূন্য—দেঁশ ছেড়ে চলেছেন, এ সময় আপনার পিছু যাবার একজন যে চাই!

গঙ্গু। জগদীশ্বর আছেন জাফর!

জাফর। আমি যে সেই জগদীশ্বরেরই নিষুক্ত নফর।

গঙ্গু। আশীর্বাদ করি তোমায়; জগদীশ্বরের করুণায় চিরদিন রাজ-ছায়াতলে সুখে থাক।

জাফর। অভিষাপ দেবেন না পিতা! যদি ভালবেসে থাকেন, বলুন—আপনার সঙ্গে আমার তরুতলে বাস হোক,—সেই আমার অক্ষয় স্বর্গ।

গঙ্গু। পুত্র!

জাফর। পুত্র বলেছেন, শত্রুতা করবেন না,—পালন করেছেন, অনুগামী করুন,—ঋণ দিয়েছেন, কতকটাও পরিশোধ নিন।

গঙ্গু। ঋণ দিই নাই পুত্র, ঋণ দিই নাই,—যা দিয়েছি তোমায় দান।

জাফর। আমিও তার প্রতিদান দিচ্ছি না পিতা! দিতেও পারবো না। ক্রাতদাসকে পুত্র করা—সে কি দান! সে দানের প্রতিদান নাই! আমিও যা দিচ্ছি, যৎকিঞ্চিৎ পূজা।

গঙ্গু । যথেষ্ট পূজা তুমি আমার করেছ জাফর ! আবার কি চাই ?  
মুসলমান বালক তুমি ; এ দীন ব্রাহ্মণকে পিতা বলেছ ।

জাফর । মুখেই বলেছি পিতা, কাজে কিছু করে উঠতে পারি নাই ।  
আজ আমি কাজ পেয়েছি । আজ বিতাড়িত অবসন্ন আপনার হাত  
ধ'রে আগে আগে পথ দেখিয়ে নিয়ে যাবো, অনশন-ক্লিষ্ট পিপাসাতুর  
আপনার জন্ত দ্বারে দ্বারে ভিক্ষা করবো, পুত্রহারা মর্ম্মাহত আপনার পুত্র  
হ'তে না পারি, অন্ততঃ ভৃত্যও হবো ।

গঙ্গু । প্রয়োজন নাট জাফর ! আমি যাচ্ছি নিয়তির ঘৃণিত—  
ভাগ্যের তিরস্কৃত—ঈশ্বরানুগ্রহে বঞ্চিত—নিজের কর্ম্মফলভোগে । তোমায়  
আমি সঙ্গে নেবো না ; সে কষ্ট তুমি সহ করতে পারবে না ।

জাফর । খুব পারবো, আমিও কম সহিষ্ণু নই পিতা ! ক্রীতদাস  
হ'তে ভারত সাম্রাজ্যের সেনাপতি হয়েছি ।

গঙ্গু । আরও হও—তুমি আরও হও । সেনাপতি হয়েছ, রাজ্যলাভ  
কর ।

জাফর । রাজ্যও আমি পেয়েছি পিতা !

গঙ্গু । রাজ্য পেয়েছ ?

জাফর । সে রাজ্য নয়,—সে রাজ্য হ'তেও মহান্ ।

গঙ্গু । কি ?

জাফর । আপনার সেবা ।

গঙ্গু । জাফর ! জাফর ! ভাল করিনি আমি তোমার সঙ্গে সাক্ষাৎ  
করতে অপেক্ষা ক'রে ! পারি নাই ও মুখখানার মায়ী কাটতে ! সব  
গেল—সব গেল, আমার চুপে-চুপে চ'লে যাওয়াই ভাল ছিল ।

জাফর । কোথায় যেতেন ? জগতে এমন অন্ধকার স্থান কোথায়,  
যা জাফরের অন্তর্দৃষ্টির অতীত ? যেতেন আপনি আমার ফেলে—



ছুটতুম আমি উন্মাদ অশ্রুনেত্র, নদ-নদী গিরি-মরু সমুদ্র-প্রান্তর উপেক্ষা  
ক'রে সমস্ত পৃথিবী। মৃত্যুর রাজ্যে লুকিয়েও আপনার পরিভ্রাণ ছিল  
না ; জাফর সেখানেও যেতো, আপনাকে ধরতোই ধরতো। ভুলে যান  
আমায় ছেড়ে যাবার কথা, দিন ও পুঁথির বোঝা। আমি মাথায় করি—  
আমি ধত্ত্ব হই—আমার জন্ম সার্থক হোক। [ গঙ্গুর হস্ত হইতে পুঁথির  
বোঝা লইয়া মাথায় করিল। ]

আবেদীন উপস্থিত হইল।

আবেদীন। এখানে আমার মা এসেছিলেন ?

উভয়ে। [ আশ্চর্য্যান্বিত হইয়া ] মা !

আবেদীন। আমার মা ! লুকোচ্ছে কি ? নিশ্চয় এসেছিলেন ; তা  
না হ'লে এ ধর্ম তোমরা পেলে কোথায় ? এ সনাতন অভেদ সত্যধর্ম—  
মুসলমানের ছেলে হিন্দুর শাস্ত্র মাথায় ক'রে বয়, হিন্দুর শ্রেষ্ঠ ব্রাহ্মণ  
মুসলমানের মুখে আদরে চুমো খায়, এ মহান ধর্মের প্রবর্তক যে তিনি।  
চিন্বে না তাঁকে ! যিনি তোমার অভিযোগে সত্যপালনে স্বামীর বিরুদ্ধে  
সাক্ষ্য দিয়েছেন।

গঙ্গু। ও—তিনি এসেছেন বালক ! আছেন এখানেই।

আবেদীন। কৈ—কোথায় ?

গঙ্গু। আমাদের প্রাণের ভেতর লুকিয়ে।

আবেদীন। ছেড়ে দিও না—ছেড়ে দিও না। রেখো তাঁকে  
এখানেই অধিষ্ঠাত্রী দেবী ক'রে—পান ক'রো স্নানজলের মত মর্মে মর্মে  
তার কথামৃত—চ'লে যাও ঐ রকম গলা ধ'রে এক তীর্থে হিন্দু-মুসলমান।  
[ উদ্দেশ্যে ] পিতা ! পিতা ! আহ্নন—আহ্নন, এখানে আর চোরের মত  
পা টিপে আসতে হবে না,—এ ধর্মের সমভূমি। এখানে দাস আর

প্রভুর আলিঙ্গন—সত্য আর প্রেমের স্নেহ-চুষন ; এখানকার মাটী মার্জনার  
—এই মাটীতে তৈরি হবে জরাগ্রস্ত বৃদ্ধ যুগের নব-জীবন ।

উমেদ-আলি উপস্থিত হইলেন ।

উমেদ । ব্রাহ্মণ ! ব্রাহ্মণ ! তুমি আমার দণ্ড দাও । আমি তোমার  
পুত্রহত্যা করেছি, আমার অপরাধের ইয়ত্তা নাই,—আমায় দণ্ড দাও ।  
পদচ্যুত করতে চেয়েছিলে, তাতেও দেখছি এ পাপের প্রায়শ্চিত্ত হবে না ;  
এমন দণ্ড দাও, যাতে ভগবানের দণ্ড হ’তে অব্যাহতি পাই ।

গঙ্গু । [ সাস্চর্য্যে ] উমেদ-আলি ! দণ্ড চাচ্ছ ?

উমেদ । হাঁ গঙ্গু ! সাস্চর্য্য হ’চ্ছে ? হবারই কথা । এই দণ্ডভয়ে  
এক দিন আমি চোরের মত লুকিয়ে লুকিয়ে ফিরেছিলুম, তুচ্ছ জীবনের জন্ত  
যার তার হাত ধ’রে কাঁদেছিলুম, মৃত্যুর রাজ্যে বাস ক’রে তার সঙ্গেই  
ফাঁকির চাল চালিছিলুম । আর আমার সে প্রবৃত্তি নাই ; এখন আমি দণ্ডই  
চাই । দেখেছো কি, আমার সাহস খুলে গেছে,—মনের পাপ প্রকাশ ক’রে  
আমার এতটুকু বুক এতখানি হ’য়ে দাঁড়িয়েছে । ভগবানের দণ্ড ভয়ানক  
দেখে মানুষের দণ্ডে আর আমার ক্রম্পন নাই । দাও ব্রাহ্মণ দণ্ড !

গঙ্গু । যাও উমেদ ! যাক্ আমার পুত্র, আমি মার্জনা করলুম  
তোমায় । তুমি অন্ততপ্ত—অপরাধ স্বীকার করছো—অশ্রু তোমার চোখে,  
আর কিছু চাই না ।

উমেদ । অবাক করলে আবেদীন ! এত মহৎ ! মার্জনা—পুত্রহত্যা  
অপরাধের ! এক কথায়—একটা কাকুতি—এক বিন্দু অশ্রুতে !

গঙ্গু । আমাদের শিবকে জান উমেদ ? শিব ব’লে আমাদের এক  
দেবতা আছে । সে একটা কথায় ব্রহ্মাও জুড়ে আগুন জালায়, আর  
এক বেগপাতায় জল ।

আবেদীন। আর কি ! আমুন তবে পিতা, ঐ বেগপাতার জলে  
আপাদমস্তক ডুবিয়ে আনন্দে অবগাহন ক'রে ।

[ প্রস্থান ।

উমেদ । দেখো ব্রাহ্মণ ! এ জলে আর বাড়বানল না থাকে ।

[ প্রস্থান ।

গঙ্গু । আমি শুদ্ধ তোমাকেই মার্জনা করলুম উমেদ ! তোমার  
সম্রাটকে না,—তিনিই আমার মার্জনা করেন । কি ভাবছো জাফর ?

জাফর । ভাবছি এর স্ত্রীর কথা ; চমৎকার চরিত্র ! একটা আদর্শ  
বটে ! না—আর এখানে দাঁড়ানো হবে না পিতা ! আমি একটা বড়  
ভয়ানক কাজ ক'রে এসেছি, আর সেই জন্তই আমার বিলম্ব হয়েছিল ।  
চ'লে আমুন, পথে বলবো ।

কতিপয় রক্ষীসহ মহম্মদ তোগলক উপস্থিত হইলেন ।

মহম্মদ । আর যেতে হবে না হতভাগ্যগণ ! বলী কর ।

গঙ্গু । একি ! সম্রাট ! এ আবার কি অত্যাচার ?

মহম্মদ । চুপ কর । জাফর ! বুঝা কৈ ?

জাফর । বুঝাকে আর পাবেন না সম্রাট ! সে এতক্ষণ দিল্লীপার ।

মহম্মদ । জানি ; গেল কি ক'রে ?

জাফর । আমি তাকে ছেড়ে দিয়ে এসেছি ।

মহম্মদ । ছেড়ে দিয়ে এসেছ ! কার হুকুমে ?

জাফর । স্বৈচ্ছায় ।

মহম্মদ । কুকুর ! জীবন বিক্রয় করেছ আমার কাছে, তুমি তো  
ইচ্ছাহীন ।

জাফর । জীবন বিক্রয় করতে পারি, কিন্তু বিবেক আমার নিজস্ব ।

মহম্মদ । বিবেক কি এ কথাটা বলে নাই মুর্থ, বুঝাকে ছাড়তে গেলে নিজেকে বদল দিতে হবে ?

জাফর । বলেছিল । আর এও বলেছিল আমার জীবন হ'তে বুঝার জীবন অনেকগুণ মূল্যবান ; যদি বদলই হয়, কাচ যাবে—কাঞ্চন থাকবে ।

মহম্মদ । আমি তোমায় হত্যা করবো

জাফর । কাচ নিয়ে সম্ভ্রষ্ট হ'তে হয় হোন ।

মহম্মদ । এখনও বুঝাকে ধ'রে দাও, মার্জনা করছি ।

জাফর । আবার ! আর না সম্ভ্রাট ! একবার চাকরীর ভয় দেখিয়ে যা-না তাই করিয়ে নিয়েছেন, আর মার্জনার লোভ দেখাবেন না ।

মহম্মদ । বিশ্বাসঘাতক !

জাফর । ও বিশেষণটা আমাতে ছিল না সম্ভ্রাট ! শিখেছি আপনার দেখে ।

মহম্মদ । আমার দেখে ?

জাফর । যার ওপর সমস্ত ভারতবর্ষের ভার দিয়ে বিশ্বাস, তিনি যদি তার ভেতর লুকোচুরী খেলেন, বিচারস্থলে ব'সে আত্মপরিবেচনায় আপনার কোলে ঝোল টানেন, আমাদের আর কতখানি প্রাণ—কতটুকু কাজ হাতে ? কি যায় আসে তাতে ? ও বিশ্বাসঘাতক বিশেষণ আমাদের গ্লানি নয় মর্যাদা !

মহম্মদ । বেইমান ! [ অস্ত্র ধরিলেন ]

গঙ্গু । [ বাধা দিয়া ] মার্জনা করুন সম্ভ্রাট ! ছেলেমানুষ—বুঝতে পারে নাই ।

জাফর । না সম্ভ্রাট ! আমি বুঝেই ছেড়েছি । না বুঝলে ছাড়তুম না । এ বোঝা আজকাল এত শক্ত নয় যে বুঝাকে আপনার সামনে ধ'রে দিলে সে তো আর বিচার পাবে না, পাবে ব্যভিচার ।

মহম্মদ । নিয়ে চল বেতমিজকে, কুকুর দিয়ে খাওয়াবো ।

রক্ষীগণ বন্দী করিবার উপক্রম করিল ; হরিহর

উপস্থিত হইয়া বাধা দিল ।

হরিহর । আর কুকুর দিয়ে খাওয়ার দরকার কি ? জাঁহাপনাই  
রাংয়ের মাংস দেখে ছ-কামড় দিয়ে ছেড়ে দিন না—ফল একই !

মহম্মদ । তুমি কে ?

হরিহর । আজ্ঞে আমি সর্বনাম, সবাইকার বদল খাড়া হই । জনাব  
দেখলুম বুকারায়ের বদল জাফর-খাঁকে নিতে চাচ্ছেন ; তা কি হয় আমি  
ধাক্তে ! তা হ'লে আমি সর্বনাম, আমার নাম ডুববে যে ! ছেড়ে দিন  
জাফর-খাঁকে । বদল নিতে হয় আমায় নিতে হবে ; আমি সর্বনাম ।

মহম্মদ । তোমার স্পর্ধা তো কম নয় দেখছি !

হরিহর । কি করবো হজরৎ !

মহম্মদ । দূর হও—দূর হও এখান হ'তে ।

হরিহর । দূর করছেন আর কাকে সম্রাট ! আমি সর্বনাম যখন  
উদয় হয়েছি, তখন আপনাকে পর্যন্ত বদলানোর দরকার হবে ; নিজের  
দিকে চান । [ সঙ্কেত করিল ]

অস্ত্র ধরিয়া সম্ম্যাসীবেনী সৈন্তগণ উপস্থিত হইল ।

মহম্মদ । একি ! সৈন্ত ! অস্ত্রধারা ! অসংখ্য ! কোথা হ'তে এলো ?  
স্পষ্ট বল, কে তুমি ?

হরিহর । চিন্বেন না আমায় ভারতেশ্বর ! বলি তবে আমার দুঃখের  
কথা । আমি বুকারায়ের অনাথ-আশ্রমের উচ্ছৃঙ্খল করা ধর্ম-বাঁড় ; আর  
এ ক'টা আমারই ভায়রা-ভাই । খাচ্ছিলুম মজা ক'রে জাবটা চোকলটা

নির্ভাবনায় লেজ নেড়ে, জাঁহাপনার আর সেটা সহিলো না,—ভেসে দিলেন চুরমার ক’রে একদিনে সে সাধের গোয়াল-ঘর। আর আমরা সেখানে থেকে কি করি ? আস্ছিলুম জাঁহাপনার খোঁয়াড়েই চালান, পথে শুনলুম জাফর-খাঁ আপনা হ’তেই আমাদের সবে ধন সে গলার শিকলগাছটী ফিরিয়ে দিয়েছে। ইচ্ছে হ’লো একবার তার গা চেটে বাই। এখানে এসে দেখি, আপনি আবার তার ওপর চড়াও। কাজেই গা চাটা ছেড়ে দিয়ে এখন তার দায়ে বুক দিয়ে দাঁড়াতে হ’চ্ছে। বুঝে কাজ করবেন হজরৎ ! জাফর-খাঁকে তো বন্দী করবেন, নিজের অবস্থাটা দেখুন।

মহম্মদ। যুদ্ধ কর—যুদ্ধ কর বর্বর ! যতই অসহায় হই এ সময়, শৃগালের ব্যাহে সিংহ বন্দী হয় না।

গঙ্গু। থাক্ সম্রাট ! আর যুদ্ধে কাজ নাই। এ আমার কুটীর—ব্রাহ্মণের আশ্রম। বহু দিন ধ’রে এ জায়গাটায় ব্রত, পূজা, হোম, যাগ, শাস্ত্রপাঠ, ভগবানের নাম ক’রে এগেছি—এখনও এখানে দাঁড়িয়ে আছি ; কাজ নাই আর আমার চোখের ওপর এ মাটিটা রক্তে কাদা ক’রে। আপনি মুক্ত—যান আপনার যেখানে ইচ্ছা।

মহম্মদ। আচ্ছা ! দিল্লী ছাড়লে ; সংসারেই থাকতে হবে !

[ রক্ষীগণ সহ প্রস্থান করিলেন ।

হরিহর। ভাল করলে না ঠাকুর ! লেটা বাড়ালে। যা হ’লো—হ’লো, চল এখন—পালিয়ে চল। রাজা তোমাদের জন্ত পথে দাঁড়িয়ে আছে।

সায়নাচার্য্য উপস্থিত হইলেন।

সায়ন। বুঝা কোথায় হরিহর—বুঝা কোথায় ?

হরিহর। আরে—তুমি আবার কোথা হ’তে এলে ?

সায়ন। অন্ধকার হ’তে—শরতের গর্জনের মেরাশি হ’তে—

আশ্চর্য্যরিতার অশ্রু-সিক্ত চিতা-বহ্নি হ'তে। বুঝা কোথায় বল, আমি একবার তাকে দেখুবো।

গঙ্গু। বুঝার জন্ত আর চিন্তা নাই সায়ন! সে মুক্ত; তার গায়ে কাঁটার আঁচড় লাগেনি। জাফর তাকে যত্নেই রেখেছিল, জাফরকে তুমি আশীর্বাদ কর।

সায়ন। জাফর তাকে যত্নে রেখেছিল? ঐ ভুল নিয়েই আমি সারা-জীবনটা ব্যথায় ঘুরেছি গঙ্গু! সে ভুল ভেঙ্গেছে। জাফর তাকে যত্নে রাখে নাই; আমার কানে বেজেছে—তাকে যত্নে রেখেছিল সে, হাতীর পায়ের তলায় প্রহ্লাদকে রেখেছিল যে।

গঙ্গু। যাক, এখন আমার কথা শোন; তোমার আশা পূর্ণ। আমি জ্যোতিষ ছেড়েছি; আমায় রাজনীতি শেখাতে হবে।

সায়ন। জ্যোতিষ ছেড়েছ? বাঃ! কিন্তু বড় অসম্মত হ'য়ে গেছে যে গঙ্গু! আমিও যে রাজনীতি ভুলে গেছি।

গঙ্গু। রাজনীতি ভুলে গেছ?

সায়ন। গেছি গঙ্গু! ইচ্ছা ক'রে। ওতেও কিছু নাই, কেবল মাথা ধরানো। ওর যা ক্ষমতা, আমি হাড়ে হাড়ে বুঝেছি। যদি কিছু থাকে, গায়ত্রীতে—সামগানে—ভগবানে নির্ভর বিশ্বাসে। এক দিন তুমি এই পথ ধরতে গিয়েছিলে, আমি বা-না-তাই তোমায় আবোল-তাবোল উল্টো বুঝিয়ে দিয়েছিলুম। বলেছিলুম—ভগবান স'রে গেছে, হাওয়া ফিরিয়ে আনতে হবে। কিছু না! হাওয়া ঠিক ব'চ্ছে, আমরা ধরতে পারছি না। ভগবান অটল—আমরা অন্ধ। যেও না গঙ্গু আর ও পথে!

গঙ্গু। না সায়ন! যতই বল তুমি, যেতেই হবে আমায়—ধরতেই হবে ও পথটা একবার—অন্ততঃ একটা দিনের জন্তও। আমি বিচার পাই নাই—পুলহত্যা-অভিযোগের—বিচারকর্তার কাছে কৈদে! পেয়েছি

কি জান ? উণ্টো—মার্জনা । আ-হা-হা, দয়ার দ্বিতীয় বৃদ্ধ অবতার !  
বিচার কাকে বলে, আমি একবার দেখাবো সায়ন ! স্বতি, দায়ভাগ, মনু,  
যাজ্ঞবল্ক্যকে আমি একবার জাগাবো ঘুম হ'তে । প্রজার মনোরঞ্জে  
সীতার বনবাসটা আমি একবার শোনাবো প্রভুদেয় । রাজনীতি না  
শেখাও, দরকার নাই । আমিও ব্রাহ্মণ ; সব নীতি আমার জন্মগত  
সংস্কার । একবার চোখ বুজলেই পাবো । টলিয়ে না আমায় ; উপকার  
করতে না পার, অনিষ্টটী ক'রো না । গায়ত্রী জপ্তে হয়, সামগান ধরতে  
হয়, ভগবানে বিশ্বাস রাখতে হয়, যা করতে হয় চুপে-চুপে একা-একা  
করগে । আমি এখন আর গায়ত্রী জপ্তো না—বেদগান করবো না—  
ভগবান চাইবো না,—আমি একবার রাজা হবো ! এই ভারতবর্ষে—এই  
অরাজক উচ্ছন্ন জাতির উদ্ধারে ! এস জাফর ! এস বুদ্ধার বন্ধু !

[ অগ্রসর হইলেন, জাফর-খাঁ পশ্চাৎ পশ্চাৎ চলিল ।

হরিহর । এই যা—গাল দিয়ে বস্লে ? বন্ধুটা যে আমি জানি একটা  
বদনাম । [ প্রস্থান ।

সায়ন । ভগবান ! ভগবান ! তুমি কন্ঠের কেউ নও ; তুমি  
বিশ্বাসের—তুমি নির্ভরতার—তুমি নিষ্কাম নিঃস্বার্থ ত্যাগের ।

[ প্রস্থান ।



# তৃতীয় অঙ্ক ।

## প্রথম গর্তাঙ্ক ।

বিজয়-নগর—অন্তঃপুর ।

গায়ত্রীর হস্ত ধরিয়া গীতকণ্ঠে বাণী উপস্থিত হইল ।

বাণী ।—

গীত ।

যদিও কিছুই বুঝি নাই—

আমি তবুও বুকেছি পথ ভুলে গেছি, কোথা যেতে যেন কোথা বাই ।

মাথ্বে নীলাকাশ স্থান্য ধরাতলে চারিদিকে রূপের রক্তধারা,

তারও মাঝে আমি অসীম শূন্নে সব ধোঁয়া ধোঁয়া কি যেন হারা,—

সকলই পেয়েছি যত বা চেয়েছি,

আশামেটা গান কত না পেয়েছি,

তবুও চলেছি সেই চাওয়া নিয়ে অজানা যেন আরও কি চাই ।

এ চাওয়ার শেষ, এ চলার সীমা কত দিনে পাব কিসে,

কোথা হার এর চরম বিরতি, কার কাছে—কে সে—কিসে ?

কেমনে জানাবো এ নীরব ব্যাথা,

কে বুঝাবে বল ভাবাহীন কথা,

বুঝিরাছি আমি—আসিরাছি ল'য়ে অসীম ভ্রমণ আর অসীম ঠাই ।

বাণী । দেখ মা ! অন্তরের দুয়ারে একখানা পাঙ্কি লাগলো কার ?

পাহারাওলারা ছেড়ে দিচ্ছে না । মা ! একি ! শুনতে পাচ্ছ না ?

গায়ত্রী । [ বিভোর হইয়া ছিলেন, চমকিয়া উঠিয়া বলিলেন ] এঁা !  
কি বল্ছিচ্ ?

বাণী । তুমি কোন কথা একবারে কানে তোল না কেন বল দেখি ?  
এক কথা একশো বার না বললে আর তোমার চৈতন্য নাই ।

গায়ত্রী । একটু আনমন হ'য়ে গিয়েছিলুম বাণী ! কি বল্‌ছিস,  
বল না ।

বাণী । আনমন আর তুমি কখন হও না ? বল্‌বো—আর ছাই,  
দেখতেও তো পাও না । ঐ দেখ—কে তোমার সঙ্গে দেখা করতে  
আসছে ; ছয়দুই চুকতে দিচ্ছে না ।

গায়ত্রী । যা না তুই । তার আর বল্‌ছিস কি ? নিয়ে আসবে না  
সঙ্গে ক'রে ।

বাণী । যা হোক্‌ মা ! রাণী না হ'লে—এত দিন তুমি কালা—  
কাণা—কত রকম হ'য়ে যেতে । [ প্রস্থান ।

গায়ত্রী । সেও ভাল ছিল । রাণী হওয়ার সুখ তো এই ! কানে  
উঠছে অবিরাম কান্নার সুর, আর চোখে পড়ছে কি ঘুমন্ত কি জাগন্ত  
সকল অবস্থাতেই শোকের শীর্ণ ছবি । এ হ'তে কাণা কালা মন্দ কি ?  
কেড়ে নাও পরমেশ্বর এ রাণী-উপাধি—ভেঙ্গে দাও প্রভু আশ্রয় এ মিথ্যা  
অভিনয়—শান্তি দাও আমার সর্বত্যাগিনী ক'রে ।

সাহারা সহ বাণী উপস্থিত হইল ।

সাহারা । আমি মুসলমান ।

গায়ত্রী । স্বচ্ছন্দে এস মা ! মাহুয তো ? সেই করুণাময়েরই পুত্র-  
কন্যা ! এক তাঁর কোলে ওঠবার জগ্‌ই হিন্দু-মুসলমান পৃথক্ পৃথক্  
পথ,—পতিতা নও তুমি ।

সাহারা । সত্য ! সত্য ! যা শুনে এসেছি—অকরে অকরে সত্য ।

গায়ত্রী । কি শুনে এসেছ মা ?

সাহারা । বিজয়-নগরের মহারানী মানবী নন—দেবী ।

গায়ত্রী । এইখানটায় তুমি একটু পড়লে যে মা ! দেবী শুদ্ধ কানেই শুনে রেখেছ, বিচার ক'রে দেখে নাই । আমি দেবী নই,—তবে দেবী ছিলেন আমাদেরই বংশে—সীতা, সাবিত্রী, দ্রোপদী, দময়ন্তী, আর বর্তমান যুগে চিতোরেশ্বরী পদ্মিনী । চেন কি তাঁদের ?

সাহারা । পড়েছি আমি তাঁদের চরিত্র । দেবী তাঁরা নিশ্চয়ই, তবে তাঁদের মধ্যেও একটা না একটা খুঁত ছিল ; সীতায় ভয়, সাবিত্রী আত্মপরায়ণা, দ্রোপদীতে প্রতিহিংসা, দময়ন্তীর লালসার রূপ-বহি, আর পদ্মিনীর পতির উদ্ধারে প্রবঞ্চনা । আপনাতে তাও নাই ; আপনি নির্ভয়—আত্মপর-ভেদজ্ঞানশূন্য—হিংসা-দ্বेष-বর্জিতা—কামগন্ধহীন মাতৃ-মূর্তিময়ী অপূৰ্ণ সুন্দরী । স্বামী যবনগৃহে বন্দী, আপনি জগদীশ্বরের পদপ্রান্তে নিবিষ্টা—নির্বিকারা—স্থিরা । আপনি দেবী, সীতা-সাবিত্রী হ'তেও ; যেমন দেবী আপনাদের মহাদেবী দুর্গা ।

গায়ত্রী । বল মা তোমার পরিচয় ? কি জন্ত এসেছ ?

সাহারা । পরিচয় তো পেয়েছেন ! মুসলমানী,—এসেছি ভিক্ষার জন্ত ।

গায়ত্রী । ভিক্ষার জন্ত ? ভিক্ষা তো আমি কাকেও দিই না মা !

সাহারা । ভিক্ষা দেন না ! বিজয়-নগরের ধনভাণ্ডার উন্মুক্ত কেন ? এ রাজ্যে দারিদ্র্যের সে শীর্ণ মলিন মূর্তি কৈ ? এখানে ভিক্ষকের দল পথে পথে রাণীজির জয় গেয়ে যাচ্ছে কি জন্ত ?

গায়ত্রী । সে ভিক্ষা নয় মা, সে আমার ভিক্ষা নয় । যার যা গচ্ছিত ছিল এখানে, নিয়ে যাচ্ছে তারা জোর ক'রে আপনার আপনার বুকে পেড়ে আমার কাছ হ'তে । আমি ভিক্ষা দেবো কার ধন মা ? আমি নিজে ভিখারিণী প্রজার দ্বারে এক মুঠি অন্নের, আর পরমেশ্বরের

দ্বারে একটু শান্তির। বল মা, তোমার যদি কিছু রাখা থাকে এই বিজয়-নগর-ভাঙারে ?

সাহারা। আছে—আছে ! তবে সে-তো আমার গচ্ছিত রাখা নয় মা, অসাবধানে হারাণো। আর সে রত্ন আমার বিজয়-নগর-ভাঙারে নাই, আছে বিজয়-নগর-কারাগারে।

গায়ত্রী। কারাগারে ? কার কাছে শুনেছ মা ? ভুল বলেছে সে। বিজয়-নগরে কারাগার ব'লে তো কোন স্থান নাই, এখানে বন্দী হ'য়ে কেউ তো কখনও আসে না ! বিজয়-নগর মুক্তির রাজ্য,—এ মাটিতে পা দিলে সকল বন্ধন শিথিল হ'য়ে যায়, সুদৃঢ় শৃঙ্খল আপনা হ'তে খ'সে পড়ে। হিংসা-দেষ, হিন্দু-মুসলমান, বিজিত-বিজিতা সব ভুলে সবাই মিলে সেই এক বিশ্বপতির করুণা-রাজ্যের প্রজা হ'য়ে দাঁড়ায়। এখানকার কারাগার হৃদয়—এখানকার বন্ধন বাহু—এখানকার বন্দী ভোগ, ভালবাসা, প্রেম, ভগবানের প্রসাদ। তোমার যদি কিছু হারিয়ে থাকে, আর যদি বিজয়-নগরেই এসে প'ড়ে থাকে, নিশ্চয় তা আছে রত্নের মত যত্ন ক'রেই রাজভাঙারে তোলা। কি রত্ন তুমি হারিয়েছ মা ?

সাহারা। পুত্ররত্ন দেবী !

গায়ত্রী। ঐ দেখ নিম্নের প্রকোষ্ঠে তোমার সে রত্ন রত্ন-পালকে নিশ্চিতমনে নিদ্রিত ! নিয়ে যাও—ইচ্ছা হয়।

সাহারা। [ নির্ঝাঁকু-বিশ্বয়ে একবার পুত্রের প্রতি, একবার গায়ত্রীর প্রতি চাহিতে লাগিল ]

গায়ত্রী। দেখছো কি মা ! কেউ বাধা দেবে না। নিয়ে যাও তোমার রত্ন তোমার তত্ত্বাবধানে।

সাহারা। থাক—থাক, ও রত্ন এইবার তোমার কাছেই গচ্ছিত রাখলুম ; শুধু ও নয়, আমাকেও তোমার দাসীরূপে।

বাণী । আমার মায়ের দাসীর প্রয়োজন হয় না, আমার মায়ের মেয়ের প্রয়োজন ; তাও শুক্রবা নিতে নয়—আদর দিতে । এই দেখ,—আমি আছি—কোথাকার কে ঠিক নাই—কুড়িয়ে পাওয়া, দাসী হ’য়ে নয়—মেয়ে হ’য়ে । মায়ের যত্ন করি না, কেবল করি তার ঘন ঘন চুমের দাবী ।

গায়ত্রী । যাও মা পুত্রকে নিয়ে । কৃতজ্ঞতা দেখাতে হবে না তোমায়, বরং নিশ্চিন্ত কর আমায় অপরের বস্ত্র আপনার দায়িত্বে রাখার দুর্ভাবনা হ’তে ।

সাহারা । এ দায়িত্ব আজ নিতেই হবে । আর যে এ রত্ন রাখবার আমার দ্বিতীয় স্থান নাই মা !

গায়ত্রী । কেন ?

সাহারা । দস্যুভয়—দস্যুভয় । পথের দস্যু নয়—ঘরের দস্যু ; প্রকাশ আঘাত নয়, গুপ্তাঘাত—গাঁটের ছুরী ।

গায়ত্রী । কোন ভয় নাই ! এ জগদীশ্বরের শৃঙ্খলার রাজ্য । এখানে দস্যুবৃত্তি চলবে না—লুকোচুরি খাটবে না, যতই মাথা তুলুক—যতই গায়ের জোর দেখাক, তাঁর নীতি টলবে না । ঠিক পথে থাকগে—রত্ন রাস্তায় ফেলে রাখগে,—হাত বাড়ায়—হাত খ’সে যাবে, চোখ দেয়—কাণা হবে, জোর ধরে—স্বংস হবে । তোমার রত্ন থাকবে ঈশ্বরের রক্ষার উজ্জল—চির-জাজ্জল্যমান ।

সাহারা । প্রণাম ! প্রণাম ! আর কি করবো মা ! তোমার নারী-জন্মে এই নিরাশ্রয়া মুসলমান-কণ্ঠার শতকোটি প্রণাম । বিদায় তবে দেবী ! পুত্র নিয়ে চলুম—গচ্ছিত রেখে চলুম হৃদয়ের সার-রত্ন ভক্তি ঐ পায়ের তলায় ।

[ প্রস্থান ।

গায়ত্রী । বাণী ! তুই আমার কুড়িয়ে পাওয়া, কে বললে তাকে ?

বাণী । তুমিই ।

গায়ত্রী । আমি ! কখন বল্‌লুম ?

বাণী । প্রতি মুহূর্ত্তে—প্রতি কথায়—প্রতি আদরে ! মুখে না বললে বুঝি আর বলা হয় না ? তুমি আর চাপা দেবে কি ? আমি বুঝে নিয়েছি—পরের পাওয়া না হ'লে তার ওপর মাহুষের এত লোভ এত টান হয় কি ?

গায়ত্রী । তাই যদি হয়, তোর তাতে কোন অসুখ আছে ?

বাণী । কিছু না । যার হোক একজনের ~~কেন~~ <sup>হয়</sup> তো হ'তেই হ'তো ! হয় তো কোন রাক্ষসীরা হাতে পড়'তুম ; তার চেয়ে কোথা হ'তে তোমার কোলে উঠে গেছি । তপস্বী করা ছিল বলতে হবে ।

গায়ত্রী । আমি তের বিবাহ দেবো বাণী !

বাণী । বেশ তো, আর গান শুন্‌তে পাবে না ।

গায়ত্রী । আমাকে গান শোনাবার জন্তে কি তুই চিরকালটা আইবুড়ো থাক'বি ?

বাণী । ক্ষতি কি !

গায়ত্রী । আর তাই বা হ'লো ! গান শোনা আমার বন্ধ হ'চ্ছে কিসে ? বিয়ে দিলেই যে ছেড়ে দিতে হয়, তার এমন কি কথা আছে !

বাণী । আশ্বাস না ছাড়, কিন্তু গান শোনা ছাড়'তেই হবে ।

গায়ত্রী । কেন ?

বাণী । গানে কি, আর এ রস থাক'বে ? তার ভেতর সংসার ঢুকে বস'বে । ঐ মহারাজ আমুছেন, আমি যাই ।

গায়ত্রী । মহারাজ ! জন্ম ভগবান ! তা তুই যাবি কেন ?

বাণী । না—আমার ভয় করে ।

[ প্রস্থান ।

বুকারায় প্রবেশ করিলেন ।

বুকা । গায়ত্রী !

গায়ত্রী । আসুন মহারাজ !

বুকা । তুমি বন্দীকে ছেড়ে দিয়েছ ?

গায়ত্রী । আমি ! কৈ—না ।

বুকা । আবার মিথ্যা কথা ! কে ছেড়ে দিলে তবে ?

গায়ত্রী । আপনাকে মুক্তি দিলে কে ?

বুকা । আমাকে মুক্তি দিয়েছেন ভগবান ।

গায়ত্রী । বন্দীকেও ছেড়ে দিয়েছেন তিনি । তিনি ভিন্ন আর মুক্তি দাতা কে হ'তে পারে প্রভু ?

বুকা । তার উপলক্ষ্য তুমি তো !

গায়ত্রী । আপনার মুক্তিরও একজন উপলক্ষ্য আছেন তো ?

বুকা । আছে, তাতে কি ? তোমায় দণ্ড নিতে হবে ।

গায়ত্রী । আপনাকে ছেড়ে দেওয়ার উপলক্ষ্য যিনি—তিনি দণ্ড পেলে যদি আপনি সুখী হন, আমিও দণ্ড নিতে প্রস্তুত !

বুকা । তুমি যে এই বন্দীকে অগ্রপশ্চাৎ না ভেবেই মুক্তি দিয়ে দিলে, আগে আমার মুক্তির সংবাদ পেয়েছিলে ?

গায়ত্রী । তা না পেলেও আমি জান্তুম—আপনি মুক্তি পাবেন ।

বুকা । জান্তে ! যদি না পেতুম ?

গায়ত্রী । আমার কৰ্ম্ম আমি ভোগ কর্তুম, তার দায় আর অশ্রে পোহায় কেন ? কাঁদিয়ে কি কান্নার প্রতিশোধ হয় ? আদান-প্রদানটা কি একই বস্তু, নিষ্কির ওজনে দিয়ে ? বৈধব্যের আগুন নেবে কি জগৎময় বিধবা দেখে ?

বুকা । থাক—বোঝা গেছে !

গায়ত্রী । কি বুঝলেন ?

বুঝা । আমার জীবনে তোমার বিন্দুমাত্র মমতা নাই ।

গায়ত্রী । অত্ৰ দিকে বুঝিয়ে দেবার তো ক্ষমতা নাই ?

বুঝা । বোঝাবে কি ? আমি কি তোমায় আজ নূতন দেখছি ? তোমার সঙ্গে আমার কি এই প্রথম সাক্ষাৎ ? এ অশান্তি আমার বিবাহ-রজনীর কুপ্রভাত হ'তে । আমি আসি কৰ্ম্মশ্রান্ত—দগ্ধ-অস্তুর—শাস্তির আশায় পিপাসিত, তুমি যাও মুগ্ধকরী মরীচিকা দূরে—আরও বাড়িয়ে দিয়ে সে উদ্দাম পিপাসার তীব্রতা । শুনতে যাই সংসার-কোলাহল মুহূর্তের জন্ত সরিয়ে দিয়ে আকুলপ্রাণে তোমার কণ্ঠস্বর, তুমি থাক নীরবতার রাজ্যে অচেতনা—মোন—মুক—ভাস্কর-গঠিত মুগ্ধাী প্রতিমা । দেখতে চাই হান্ততরঙ্গায়িত একটি তোমার অপাঙ্গ দৃষ্টি, দেখি তুমি অন্ধা—ফুরিতাধরা—বিষাদের ক্ষীণ স্নান শোকোদীপক শুষ্ক মূর্তি । মৃত্যু-যন্ত্রণা ! মমতা নাই বিন্দুমাত্র তোমার এ জীবনে, এ অহুমান আমার বহুদিনের ; আজ তার এই হাতে হাতে প্রমাণ ! তোমায় দণ্ড নিতে হবে হতভাগিনী !

গায়ত্রী । অপরাধ হ'য়ে থাকে, দিনু দণ্ড !

বুঝা । ক্ষমা চাও না ? চরিত্র-সংশোধনের সময় ভিক্ষা কর না ?

গায়ত্রী । না । স্বামীর কল্যাণ-কামনা-অপরাধের ক্ষমা না চাওয়াই ভাল, আত্ম-আলিঙ্গিত চরিত্রে দৈহিক মিলনের জন্ত সাধনা ক'রে লালসা আনবার সময় যত সম্ভব কুরিয়ে যায় ।

বুঝা । স্বামীর কল্যাণ-কামনা কি ~~ক্ষমা~~ গায়ত্রী তার জীবনটাকে শুষ্ক, মরুভূমি, মৃত্যুবৎ ক'রে রাখা ?

গায়ত্রী । জীবন সরস করার কি প্রণালী স্বামী, তাকে মোহের মালা পরিয়ে ইন্দ্রিয়ের হাত ধরিয়ে কামের সাগরে সাঁতার দিতে ছেড়ে রাখা ?

বুঝা । কাম ! স্বামী-স্ত্রী-সম্মেলন কাম ?



গায়ত্রী। না—স্বামী-স্ত্রী-সম্মেলন প্রেম। কিন্তু আপনি আমার যে ভাবে চাচ্ছেন, সেটা কি তাই? আকাজ্জক ইচ্ছন দেওয়াই যে কাম, প্রেম আকাজ্জক নিবৃত্তি। কাম—নেশা, তৃপ্তিহীন উন্মত্ততা; প্রেম—পরিণতি, নির্বিকার, শান্তি। ভোগের রূপান্তর কাম, ত্যাগের মূর্তি প্রেম। কাম মিলন-সজ্জাত, প্রেম বিরহের মধ্যে প্রতিভাত। কামের ক্রীড়া মনে-মনে—রূপে-রূপে—দেহে-দেহে, প্রেমের খেলা প্রাণে-প্রাণে—আত্মায়-আত্মায়—শূন্তে-শূন্তে। স্বামী-স্ত্রী-সম্মেলন সেই প্রেমে—সেই বিরহের ছদ্মবেশে,—তাদের কথোপকথন সেই মহানীরবতায়—তাদের কটাক্ষ-বিনিময় সেই এক মহান দৃশ্যে সমান দৃষ্টি রেখে।

বুঝা। তোমার সন্ন্যাসিনী হওয়া উচিত ছিল গায়ত্রী! এ রাজসংসারে কেন?

গায়ত্রী। মার্জনা করবেন প্রভু! আমার ধারণায় আসে নাই যে রাজসংসারটা উপভোগের জায়গা।

বুঝা। [ রোষনেত্রে ] গায়ত্রী!

গায়ত্রী। দণ্ড দিন—দণ্ড দিন, আমি অপরাধিনী। আপনি যা চান, দিতে পারিনি।

বুঝা। উচিত ছিল—অন্ততঃ তার চেষ্টা করাও। আজও তুমি তার সময় চাও না। গায়ত্রী! মানি আমি তোমার যুক্তি একপক্ষে অকাটা—অভ্রান্ত—পরমার্থময়। কিন্তু এটা সংসার, এখানকার নিয়ম ও নয়। এখানকার ধর্ম স্বামী-সেবা—সৃষ্টিরক্ষা—~~কাম~~—ও হ'তেও গভীর। আর পুত্রার্থে যে স্বামী-সঙ্গ, কে বলে তাকে কাম? তেমন নিকাম কোথাও নাই। এও বড় কঠিন ঠাই গায়ত্রী! এখানে এক অগ্নের পাত্র নিয়ে শুধু অল্পপূর্ণা সেজে থাকলে চলবে না, পানীয়ের জন্ত প্রয়োজনে জাহ্নবীর মতও বইতে হবে। সঙ্ক্যার ছায়াটা হ'লে মায়া-বিজ্ঞান জগতের অস্পৃশ্যভাবে

শুধু মাতৃহতীকু ফুটিয়ে রাখা এখানকার প্রথা নয়, সময়ে তার সঙ্গে উর্ধ্বশী মেনকার কলাবিজ্ঞাও চাই। এখানকার ভোগের ক্ষয় ত্যাগে হয় না, এখানকার ভোগের ক্ষয় বিচারের দ্বারা ভোগেই। কি ছার তপস্তা তোমার ! দেখ—এ কি চমৎকার। এক চক্ষে হাসতে হবে মায়া'র গানে, এক চক্ষে কাঁদতে হবে ভগবানের নামে। এক মুখে বলতে হবে মন-ভোলান উপকথা, অণু মুখে করতে হবে বেদান্তের ব্যাখ্যা। নিক্তির ওজনে রাখতে হবে এক হাতে কাম, অণু হাতে প্রেম। দেখ কি সমস্তা—আলোক-অন্ধকার, আগুন-জল, ব্রহ্ম-মায়া,—একসঙ্গে জড়িয়ে নিয়ে দেখ, এ কি ভয়ানক সাধনা ! তুমি অপমান করেছ নারী এ মহান ধর্মের। জন্মেছ সংসারে, প্রবেশ করেছ সংসারে, দাঁড়িয়ে আছ এখনও সেই ধর্মক্ষেত্র কর্মভূমি মহাপ্রতিদ্বন্দ্বীতার মিলন-কেন্দ্র সংসারে। বিধর্মী তুমি, ব্যাভিচার তার ওপর ! বল অপরাধিনী ! তুমি কি দণ্ড চাও ?

সায়নাচার্য্য উপস্থিত হইলেন।

সায়ন। তুমি এ অপরাধের কি দণ্ড স্থির করেছ রাজা ?

বুঝা। আচার্য্য !

সায়ন। অপরাধিনী যে, সে কি দণ্ডটা মনোমত বেছে নিতে পারে ? বিচারকর্তারই বিবেচনা-সাপেক্ষ। তুমিই বল—এ অপরাধের কি দণ্ড যোগ্য ?

বুঝা। সংসার-অবমাননার যোগ্য দণ্ড সংসার হ'তে সরিয়া দেওয়া।

সায়ন। চুপ—চুপ ! কাকে সরিয়ে দেবে সংসার হ'তে ? এখনই এ কথা শুনে পেলো সংসারই স'রে বাবে অন্ধকার দিয়ে উৎসর্গের পথে—নরকের আড়ালে। অপরাধিনী আছে ব'লেই এখনও তুমি আছ—আমি আছি—এ বিজয়-নগর-সংসার সজীবিত, সচল, স্বর্গপ্রায়।

খুব অপরাধ ঠাউরেছ তো ! তোমায় পুত্রদান করতে পারে নাই, কিন্তু তোমায় কত লক্ষ সন্তানের পিতা ক'রে রেখেছে, বুঝ্ছো ? নারী-জন্মের উদ্দেশ্য মা হওয়া,—কিন্তু মাতৃস্থ বার মজ্জাগত, শত্রু-মিত্র সর্বত্র সমান-ভাবে বার অপত্যস্নেহ, যে জন্ম-জন্ম আপনা হ'তেই মা, কাজ কি তার পশুর মত প'ড়ে প'ড়ে প্রসব করায় ? পুত্রার্থে ক্রীয়তে ভাষ্যা,—ছেড়ে দাও ও কামুকের কথা । পুত্রলাভই যদি জীবনের পরম পুরুষার্থ হ'তো, তা হ'লে বারা গভীর গবেষণায় জগতের আদি কারণে লক্ষ্মী-নারায়ণ নাম নিরূপণ ক'রে গেছেন, অত্যাশ্রয় দেব-দেবীর মত তাঁদেরও একটা পুত্র কল্পনা ক'রে যেতে পারতেন না ? কিন্তু সে কল্পনা সেখানে খাটে নাই, সেখানে নামকরণ হয়েছে—জগৎপিতা জগন্মাতা পুস্ত্রের মূল্য এই—প্রকারান্তে কাম-ক্রীড়ার সুযোগ । পুত্র চেয়ো না রাজা ও গায়ত্রীরূপিণী জগন্মাতার কাছে ; তার চেয়ে তুমিও উঠে যাও ঐ হাত ধ'রে, হ'য়ে যাও ঐ সঙ্গে জগৎপিতা । লালসার ছায়া কি ওখানে পড়ে রাজা ? ও দুর্ব্বীর অগ্রে প্রভাত-শিশির ! দেখ্ছো—দেখ মুক্তার আকার, ধরতে যাবে—জল ।

বুকা ! যাক্ ; কিন্তু এটা কি আচার্য্য ? আমার মুক্তি-সংবাদ না পেয়েই আমার প্রতিভূকে ছেড়ে দেওয়া ?

সায়ন । নিজের সুখ-শান্তি বিসর্জন দিয়ে পরের ছেলের মা হওয়া,—প্রণত হও এর জন্ত রাজা ! এটা ঐ জগন্মাতৃস্বেরই চরম পরিস্ফুটন । আর কে বল্লে তোমায়, মা আমার তোমার মুক্তি-সংবাদ পায় নাই ? তোমায় মুক্তি দিলে কে ? জাফর-খাঁ তোমার মুক্তিদাতা নয়, তোমার মুক্তিদায়িনী আমার এই মা—তাঁর একান্ত জীষ্ম-নির্ভরতা, তাঁর অমানুষিক পাতিব্রত্য জাফর-খাঁর প্রতিমূর্ত্তিতে ।

বুকা । বড়ই দুর্ব্বল হ'য়ে পড়েছেন আচার্য্য এই ক-দিনে ! দেখ্ছি—আপনাতে আর সে পুরুষত্বের চিহ্নমাত্র নাই ।

সায়ন। নাই—নাই ; ঠিক ধরেছ রাজা ! নারীর শক্তি দেখে সব তেজোগর্ব বিলিয়ে দিয়ে নারীর অধম হ'য়ে গেছি। আমি যে দেখেছি এ মূর্তিটা তোমার পরাজয়ের দিনে। সে কি বিশ্বাস—কি নির্ভর—কি অনন্ত ইচ্ছাশক্তিতে জ্বলন্ত, স্থির, অটল ! তুমি দেখ নাই—তুমি দেখ নাই, —যদি দেখতে, তোমাকেও দিতে হ'তো সমস্ত পুরুষত্বের বলি ঐ মানস-প্রতিমার সামনে। বড়ই দুর্ভাগ্য তুমি রাজা ! ভেকের মত সরোবরে পদ্মকে আঁকড়ে প'ড়ে আছ, —মধু পাও নাই—আ-হা-হা !

বুকা। আচ্ছা আচার্য্য ! আমি দেখবো—সে কি ভেঙ্কি, আপনার মত কর্ম্মীকে অলস অসাড় পশু ক'রে তোলে ! দেখবো সে মন্ত্রশক্তি, একটা কুংকারে কেমন ক'রে এ সাগর-গভীর বুকের দাগ মিলিয়ে দেয় ! সম্মুখে আবার সমর-আয়োজন ! যুদ্ধ করবো—বন্দী হবো—মরবো,—পরীক্ষা নেবো, প্রকৃত মুক্তি দেওয়া কার ! প্রণাম আচার্য্য ! থাক তুমি গায়ত্রী সংসারেই,—আমিই চল্লুম সংসার হ'তে স'রে।

[ প্রস্থান।

সায়ন। এইখানেই তো তুমি মুক্ত হ'য়ে গেলে রাজা ! আবার পরীক্ষা নেবে কি ?

গায়ত্রী। না বাবা ! এ তো সংসার-বিরাগ নয়, এ যে আমার ওপর রাগ।

সায়ন। অনুরাগ করিয়ে নে না মা ! কতক্ষণকার কাজ ? তুই তো ইচ্ছা করলে সব পারিস্ ! দাঁড়া না মা একবার সেই রকম ইচ্ছাশক্তিতে আলুলায়িতা হ'য়ে কর্ম্ম-ভক্তি-জ্ঞান ত্রি-নয়ন উন্মীলন ক'রে সৃষ্টি-স্থিতি-প্রলয়-ত্রিশূলহস্তে,—দাঁড়া না মা পতিত-পাবনী ত্রিগুণাতীতা ত্রিধারা ! যেমন ক'রে এই ব্রাহ্মণের জন্ম সার্থক করেছিল—তাকে কাঁটার বন হ'তে-হাত ধরে কুসুম-কাননে এনেছিল, দাঁড়া না মা একবার সেই জগদ্ধাত্রী-

মুষ্টিতে, ও স্বামী-স্ত্রী পাতানো সম্বন্ধ বাদ দিয়ে মাতৃভাবে ও হতভাগ্যের সামনে ! তোর কটাক্ষে বিশ্ব আলোকিত, আর তুই যাকে ইষ্টদেব স্বামী বলিস্, তার এ অন্ধকার-বাস কি ভাল দেখায় ?

বাণী উপস্থিত হইল ।

বাণী । মন্দই বা কি দেখায় ! যে গঙ্গায় একবার গা ডুবিয়ে বিশ্ব-ব্রহ্মাণ্ডটা হিংসা-দ্বেষমুক্ত, সেই গঙ্গার গর্ভে বাস ক'রে হাজার কুমীরে যে মানুষ খায় !

সায়ন । তুই কথা ক'স্ না—তুই কথা ক'স্ না বাণী ! কি বুঝি তুই মায়ের ইচ্ছা ? তুই কেবল গান কর্ মায়ের হাত ধ'রে—যা পারবি ; সেই গান—সেই রাগিণী—সেই সুর । মা আমার সেই রকম আনন্দের আল্লাহ হ'য়ে যাক্, আমরাও আস্তে আস্তে সেই এলানো আঁচল জোর ক'রে জড়িয়ে ধরি—যেন জন্মজন্মান্তরেও আর না পড়ি ।

বাণী ।—

গীত ।

আমি উঠিব না তব মন্দির-দ্বারে দেখিব না চাক্ষু কান্তি ।  
আমার ভ্রমণই যখন দাঁড়ায়েছে ব্রত দীর্ঘায়ু হোক্ ভ্রান্তি ।  
আমায় পবনের মত উধাও কর গো ব'য়ে যাই তব গন্ধ,  
দাও প্রভু তব জ্যোতির অনুভূতি এ আঁধারে করি অন্ধ,  
বধির কি মুক কিবা তার হৃৎ খাকুক বিরাট বোম,  
আপ্তন আমাতে জলুক অহরহঃ চলুক তোমারই হোম,—  
সকল অভাব আহুক আমাতে, সব সম্পদ থাকুক তোমাতে,  
আমি যে তোমার এই গরিমাতে পেয়েছি অপার শান্তি ।

[ উভয়কে ধরিয়া গ্রহণ ।

## দ্বিতীয় গর্ভাঙ্ক ।

দিল্লী-সান্নিধ্য পথ ।

গীতকণ্ঠে পল্লীবাসিনীগণ উপস্থিত হইল ।

পল্লীবাসিনী ।—

গীত ।

আমরা সব পল্লীবাসিনী ।

দিল্লী দেখা স্বকুমারী সই হ'লো কেবল হায়রাগী ।

শোনা ছিল স্বাক্ষর সহর গুজব কত সোজা নয় এক মুখে বলা,

এগানকার বসতি যারা নিতি খায় তারা,

রাপোর বেগুন, সে'ণার পট্টা হীরের কাঁচকলা,—

দিদিলো ! সব ভুয়ো—সব ভুয়ো—

এরা লাড্ডু ব'লে লোকের কাছে লুকিয়ে থাকে কানমলা,

এদের শোবার ঘরে দরজা গলা দরবারেতে কানাকানি ।

গড় করি বোন্ ! সহরের পায়, আমাদের পাড়া গাঁ ভালো,

গাছের ছাওয়া খোলা হাওয়া প্রদীপের মিটমিটে আলো,

হাতে করি সকল কাজই খোদা যা দেয় তাতেই রাজি,

না হোক ভাতার উজ্জীর কাজি নাই বারটান বেইমানি ।

[ প্রস্থান ।

সাহারা ও ফিরোজ উপস্থিত হইল ।

সাহারা । পুত্র ! ফেরো ।

ফিরোজ । মা !

সাহারা । যেও না পুত্র আর ও পাপ দিল্লীর পথে, ফেরো—আমার কথা শোন ।

ফিরোজ । কোথায় যাবো মা ? স্থান কৈ ?

সাহারা । পারস্ত চল—তোমার পিতৃভূমি ।

ফিরোজ । সেখানে আর কি আছে মা ?

সাহারা । আর কিছু না থাক, তোমার পিতার সমাধি আছে ।

ফিরোজ । যাবো না মা এ অবস্থায় । সে সমাধিতে বাতি দেবার যে নাই কিছু !

সাহারা । হৃদয় তো আছে ?

ফিরোজ । হৃদয় অন্ধকার—ঘোর অন্ধকার ! একটি বিদ্যুৎ-বিকাশ পর্য্যন্ত নাই । না মা, যেতে হয় তুমি যাও, কাঁদগে সে সমাধিতে প’ড়ে—ক্ষমা চাওগে উদ্দেশে সে মহাপুরুষ পাশে রাজ্যাশার কুহকে স্বামী-স্থান পরিত্যাগ অপরাধের । আমার একবার দিল্লী যেতেই হবে ।

সাহারা । দিল্লীতে তোমার কি আছে পুত্র ?

ফিরোজ । দিল্লীতে আমার জ্ঞী আছে ।

সাহারা । ফিরোজ ! পিতার সমাধি, মায়ের কোল, এ হ’তেও জ্ঞী তোমার উচ্চ হ’লো ?

ফিরোজ । তা না হ’লেও নীচে নয় মা ! অন্ততঃ পাশাপাশিও বটে । মা ! পিতা—মাতা তোমরা কি গাছ হ’তে প’ড়ে হয়েছ ? আজ যে তুমি আমার কাছে মাতৃস্বের দাবী করছো, সেটা এক দিন এক জনের জ্ঞী ছিলে ব’লেই তো ? তাঁর অনুগ্রহ পেয়েছিলে, সেই জোরেই তো ?

সাহারা । হাসালে ফিরোজ ছুঃখের ওপর ! “এই কি তোমার সেই জ্ঞী ?

ফিরোজ । সেই জন্তই তো এ আরও অনুগ্রহের পাত্রী । জ্ঞী যদি

স্বামীপরায়ণা, সুশীলা, আদর্শ-চরিত্রা আপনা হ'তেই হয়, তাকে আদর করতে—সে তো সবাই পারে ; সেখানে আর স্বামীর কাজ কি ? না মা, আমায় বাধা দিও না ; যতই হতভাগিনী হোক, তবু আমার স্ত্রী । ধর্ম্ম শাক্য ক'রে আমি তাকে শত অপরাধেও সঙ্গে নেবার অঙ্গীকার করেছি । আর ভাব্বার সময় নাই । কাঠুরিয়া হ'লেও আমার তলে যখন এসেছে, আমায় ছায়া দিতেই হবে ।

সাহারা । পারবে না পুত্র প্রতিজ্ঞা রাখতে । বালক তুমি, চেনো নাই এখনও এ নারী-জাতিটিকে । এ জাতি কাঠুরিয়া হ'তেও সাংঘাতিক ! কাঠুরিয়া শুদ্ধ মূল কেটেই ক্ষান্ত হয় ; এ জাতি মূল বজায় রেখে ভিতরে ভিতরে জেরে দেয় ।

ফিরোজ । আমি একবার দেখবো মা নারীর সে প্রচ্ছন্ন মুষ্টিটা ! কতদূর বিভীষিকাগর্ভ, কতখানি পিশাচস্ফভরা, কেমন ক'রে পুরুষের প্রাণের সমস্ত সদ্ভূতি এক ফুঁয়ে উড়িয়ে দেয় ! আমার বিশ্বাস হয় না মা, নারী এত নিকৃষ্ট ! যে জাতির সর্ব্ব অবয়বের একটা স্থানেও কঠিনতা নাই, যাদিকে তৈরী করবার সময় খোদার প্রাণে এক বিন্দু ক্রুরতা—ক্লপণতা ছিল ব'লে বোধ হয় না, যে জাতির মধ্যে মাধুরিমাময়ী স্বভাবকোমলা মা আমার তুমি, তাদের মধ্যে এমন একটা কিছু চাপা থাকতে পারে না, যা জগতের সহিষ্ণুতার অতীত ।

সাহারা । ফিরোজ ! তা হ'লে আমি কি এখন এই বুঝবো যে আমি তোমার বিবাহ দিই নাই—তোমায় বিলিয়ে দিয়েছি ?

ফিরোজ । অভিমান করছো কেন মা ! এ কথা যে এখন আর অস্বীকার করবার উপায় নাই যে, আমি যেমন তোমার পুত্র, তেমনি এখন তারও স্বামী ।

সাহারা । যাও ফিরোজ ! তোমাতে আর আমার কোন দাবী নাই ;



তুমি আর এখন আমার পুত্র নও, তুমি এখন তারই স্বামী । এ কথাটা সেও এক দিন বলেছিল আমার মুখের ওপর । আমি এই বুকখানা খুলে দিয়েছিলুম, উড়িয়ে দিয়েছিলুম তার সব কথা—সমস্ত দাবী পত্নীত্বের, মাতৃস্নেহের অনন্ত প্রবাহে । ভুল হ'য়ে গেছে পুত্র ! মিছে হয়েছে আমার সে জোর দেখানো । জানতে পারি নাই যে তুমি তার দিকে । যাক্—আক্ষেপের কিছু নাই,—এ ভগবানের শাস্তি । মা-জাতিটা বড়ই এক চ'খো ; সে সবাইকে ফাঁকি দিয়ে সন্তানের সুখ অব্বেষণ ক'রে বেড়ায় । মরেও তেমনি এই রকম আঁতের ঘায়ে, ভিতরে ভিতরে শুকিয়ে শুকিয়ে । যাও ফিরোজ ! যাই হোক আমার, সে জন্ত তুমি নির্ভয় ; আমি ম'রেও তোমায় আশীর্বাদই করবো । তবে তোমার সঙ্গে দেখা শোনা আমার এই পর্য্যন্ত । আমি ফেটে যাবো তোমার অদর্শনে, তবু ও পাপ দিল্লী আর যাবো না । যার পরিচর্যা পাবার কথা, উণ্টে তার নীচের প'ড়ে থাকবো না ; পুত্রবধূর ওপর প্রভু হারাতে আমি পারবো না । এ গৌরব আমার ম'লেও যাবার নয় যে, যদিও আজ আমি নিঃশ্ব, কিন্তু তাকেই যথা-সর্বস্বটা হাতে তুলে দান ক'রে ; সে আমার অনেক নীচে ।

[ প্রস্থান ।

ফিরোজ । মা ! মা ! যাক্ স্ত্রী ; তুমিই আমার সংসার দেখিয়েছ, যাবো আমি তোমার সঙ্গেই—[ গমনোচ্ছত ] কিন্তু—

বালকবেশে সাকিনা উপস্থিত হইল ।

সাকিনা । যান ; তবে আবার দাঁড়াচ্ছেন কেন ?

ফিরোজ । তুমি কে বালক ?

সাকিনা । যেই হই, শুনেছি আপনাদের সব কথা । মা যে চ'লে গেলেন !

ফিরোজ । হ'লো না বালক আর মায়ের সঙ্গে যাওয়া,—কে যেন পিছু দিক হ'তে আমার পা ধ'রে টান্লে ।

সাকিনা । কে টান্লে, বুঝতে পারছেন ?

ফিরোজ । আমার স্ত্রী ।

সাকিনা । আপনার সর্বনাশ । পায়ে ধ'রে নয়—চুলের মুঠি ধ'রে, প্রণয়ে নয়—লালসায় । মায়ের সঙ্গে যান—মায়ের সঙ্গে যান, মঙ্গল হবে ।

ফিরোজ । নিজের মঙ্গলের জন্ত আমি আর এখন ততটা বাগ্ন নই বালক ! তার মঙ্গলই এখন আমার লক্ষ্য ।

সাকিনা । তার মঙ্গল ? আপনার দেওয়া মঙ্গল সে চায় না । তাকে কি আপনি চেনেন না ?

ফিরোজ । চিনি ; সেই জন্তই তো আমার এত আকুলতা—যদি ফেরাতে পারি ।

সাকিনা । পারবেন না—পারবেন না ; ফেরবার পথে সে আর নাই । পৌছে গেছে অন্ধ দৃষ্টির লক্ষ্যস্থলে—প'ড়ে গেছে হামির মত বিষ্ঠাকুণ্ডে—বিলিয়ে গেছে তার পত্নী-জীবন অনাচারে ।

ফিরোজ । বালক ! বালক ! কি বল্ছো ?

সাকিনা । যা বল্ছি, ঠিক—আমার দেখা । সে পাপিষ্ঠার নাম আর মুখে আনবেন না,—মায়ের ছেলে হোন গে ।

ফিরোজ । বালক ! চিন্তে পার্ছি না, তুমি কে ? মনে হ'চ্ছে, ও মুখখানা কোথায় দেখেছি । বুঝতে পার্ছি না তোমার উদ্দেশ্য—তুমি আমার বাধা দিচ্ছ, কি আরও উত্তেজিত কর্ছো ! যা বল্ছো, সে সব তার কুৎসা—না গুণবর্ণনা, সে পাপিষ্ঠা না পতিব্রতা ? না বালক, যাই হোক, সে আমার স্ত্রী । আমি একবার তাকে দেখুবো,—পূজা পাই

কি দাগা পাই, যা হয় একটা শেষ নেওয়া নেবো ; জীবনধারণ—কি জীবনপাত কোনটা শেষ, এইবার আমি স্থির করবো । [ প্রস্থান ।

সাকিনা । এই স্বামীর স্ত্রী হ'তে পারি নাই ! মাকে ছেড়েও ভরা বুক ছুটে যায়, এত ভালবাসার প্রতিদানে দিয়েছি—মা ! মা ! তুমি আমায় কি আশীর্বাদ ক'রে গেলে মা ! মাটা হওয়াও যে ছিল ভাল ; সেও পায়ের তলায় স্থির হ'য়ে প'ড়ে থাকতে পায় । এ কি যন্ত্রণা—কি যন্ত্রণা—কি লজ্জা ! স্বামী ! স্বামী ! আবার দিল্লী চললে ! ভাল করলে না ! আমি তোমায় সম্মুখীন হ'তে দেবো না । পাবে তুমি আমার কাছ হ'তে যা পেয়ে আস্ছো তাই ; তবে প্রভেদের মধ্যে এই—এতদিন যা করেছি তোমায় জ্বালাতে, এইবার যা করবো, নিজে জ্বলতে ।

পুরুষবেশে বাঁদি উপস্থিত হইল ।

বাঁদি । বলি হ'লো গো ! আমি যে মলুম তোমার সঙ্গে এসে । আঃ, কি যন্ত্রণা—ঝোপের ভেতর মুখ বুজে ব'সে থাকা, তাতে আবার এই হতচ্ছাড়া পুরুষ জেতের বেশে—গোঁফের বোঝা নাকের ডগে নিয়ে ! সর্দি-গর্শ্বি ধ'রে যাবার যোগাড় ! আর কেন ! ফিরে চল । মেঘ না চাইতেই তো জল, বাড়ী হ'তে বেরিয়ে না আসতেই আসতেই তো দেখা ! আঃ, আমি আগে গিয়ে পীরের সিন্ধী দেবো । এই ক-পা এসেই জীবন যায় ; এর ওপর যদি সেই বিজয়-নগর পর্য্যন্ত যেতে হ'তো, আর একটা জন্ম নিয়ে যেতুম ; বাচলুম । হাঁ—বলি পরিচয় দিলে না কি ?

সাকিনা । পরিচয়ের আর কি আছে বাঁদি ?

বাঁদি । যাই হোক, এখন দিল্লীই গেলেন তো ? চল—বাড়ীতে ব'সেই ভাল ক'রে দেবে । [ উভয়ের প্রস্থান ।

## তৃতীয় গভীক্ষ ।

কৃষ্ণাতীরস্থ কানন-পথ ।

গীতকণ্ঠে কাঠুরিয়াগণ যাইতেছিল ।

কাঠুরিয়াগণ ।—

### গীত ।

লকড়ি খুঁজি চুঁরি বন বন-বন-বন ।

শাল সেস্তন না চলবে, চাহি মেহগি চন্দন ।

পেটের দায়ে করবে না আর কতি ছোট কান্,

ছুটবে তুরান্ন মিলবে যিসে বহুৎ সহুৎ ইনাম্,

আসমান্ ফুঁড়ে তুলবে শির,

ফকির কিসের, হাম আমীর,

উঁচু বকে চলবে বীর কাপিয়ে মাটি হন-হন-হন ।

ধরম্ অধরম্ সবুত্তি ধাধা, দুনিয়াতে ভাই দুই-ই মুখোস,

আসলদেখা আপনার দিক্, আসল কথা আপন খোস্,

মরণ বাচন সব আপশোষ খাঁটি কর্ এ ভেজাল মন ।

[ প্রস্থান ।

গঙ্গু, জাফর-খাঁ ও হরিহর উপস্থিত হইল ।

গঙ্গু । তোমাদের বিজয়-নগর আর কতদূর হরিহর ?

হরিহর । ঐ তো দেখা যাচ্ছে,—আর বড় জোর একদিনের পথ ।

গঙ্গু । তবে আর তুমি আমাদের সঙ্গে যুঁছো কেন ? বাড়ী যাও ।

হরিহর । সে কি ঠাকুর ? রাজা যে তোমাদের সঙ্গে ক'রে সেখানে

নিম্নে যেতে ব'লে গেল !

গঙ্গু । তোমাদের রাজাকে আমি দু-হাত তুলে আশীর্বাদ করছি, তোমারও মুখের চুমো খাচ্ছি । আমরা আর যাবো না সেখানে, তুমি যাও ।

হরিহর । এরই মধ্যে আবার মতলব বিগড়ে গেল ? বেশ তো যাচ্ছিলে পাঠশালার মার খাওয়া ছেলের মত স্ক্রু-স্ক্রু ! আবার কি হ'লো ?

গঙ্গু । ঐ মারটাই মনে প'ড়ে গেল হরিহর ! পুত্রহত্যা-আবেদনে মার্জনা—মারের ওপর মার ! দেখ তো—দেখ তো হরিহর ! আমার কোথাও ফুটে গিয়ে রক্ত পড়ছে না কি ? না—রক্তই নাই, তার পড়বে কি ? যা কোথাও হয়েছে ? হবে না—হবে না, তা হ'লেও অনেকটা গ্লানি বেরিয়ে যেতো । এ মারটা কি রকম জান ? নিরাকার চৈতন্য স্বরূপ । না হরিহর, তুমি বাড়ী যাও, লোকালয়ে আশ্রয় আর আমি নেবো না । এ জায়গাটা আমার বেশ ভাল লেগেছে । মনুষ্য সমাগম-শূন্য নিবিড় ঘোর কণ্টকারণ্য—বেশ আপনাকে লুকিয়ে রাখবো । পার্শ্বে প্রবাহিতা সস্তাপহারিণী ক্রম্বা,—বেজায় গায়ের জ্বালা ধরবে, আর জয় মা ব'লে উবুড় হ'য়ে পড়বো ।

হরিহর । এঃ—পাগল হ'লে দেখছি বে !

গঙ্গু । না—হরিহর ! এতদিন বরং পাগল ছিলাম, কোশা-কুশী, পাঙ্ক-অর্ধ, পুষ্পাঞ্জলি নিয়ে পড়েছিলাম পঞ্চাচারের পাদপদ্মে । [ চমকিয়া ] পৈতেগাছটা আছে তো ? আছে—আছে, তবে আ-হা-হা, এত মলিন হ'য়ে গেছ বন্ধু ! চেনা যায় না তোমায় ! হরিহর ! আজ আমি প্রকৃতিস্থ ; আজ আমি আপনাকে ফিরে পেয়েছি—আজ আমি ব্রাহ্মণ । এইখানে তপস্তা করবো ।

হরিহর । তপস্তা করবে কি ? ঢাল নাই, তলোয়ার নাই, নিধিরাম সর্দার !

গঙ্গু । সে তপস্তা নয় হরিহর !

হরিহর। তবে আবার কি তপস্তা ?

গঙ্গু। রাজা হবার তপস্তা ।

হরিহর। এই কথা ! তা তার জন্ত এত কেন ? চল, আমি তোমার রাজা ক'রে দিচ্ছি চল ।

গঙ্গু। কারো ক'রে দেওয়া রাজাগিরি আমি করবো না হরিহর ! আমি রাজা হবো ঠিক রাজার মত ।

হরিহর। রাজা বুঝি আবার ভিখারীর মত হয় ?

গঙ্গু। যদি হ'তো হরিহর রাজার জাতি ভিখারীর মত ? রাজার শ্রী মুখে, অন্তরে ভিখারীর অনুভূতি ? না—তা হয় না, ভিখারীর মত হয় না, রাক্ষসের মত হয় । আমি রাজা হবো রাজার মত—দেবতার মত—কিসের মত রাজার আবশ্যক, সেই মত ।

হরিহর। আরে নাও ঠাকুর, ভিটকিলি করতে হবে না,—যাবে তো চল !

গঙ্গু। তুমি যাও না হরিহর ! জ্বালাতন করছো কেন ?

হরিহর। ও—তা হবে । খাঁচা-কলে পড়েছিলে, খুলে আনলুম ব'লে বুঝি ?

গঙ্গু। তুমি আনলে ? আমার চৈতন্য তোমার চুলের স্মৃতি ধ'রে আনালে ।

হরিহর। দেখ ঠাকুর, ভাল চাও তো চল ; এ জায়গা তোমাদের নিরাপদ নয় ।

গঙ্গু। ও আপদ-বিপদের ভয় আর আমাতে নাই হরিহর ! তবে আর তপস্তা করলুম কি ? যখন যেখানে থাকবার প্রয়োজন হবে, আপদ হোক—বিপদ হোক—রোদ হোক—জল হোক—বিদ্যুৎ হোক—বজ্রাঘাত হোক, মাথা পেতে নিয়ে থাকতে হবে ।

হরিহর । থাকো, আমার দোষ নাই কিন্তু ! আমি রাজাকে গিয়ে বলিগে—ঠাকুরের পথে আস্তে আস্তে আর ছুটো পা বেরোলো,—তাকে উন্টে নিয়ে গেল—আর এলো না ।

জাফর । যাও হরিহর ! পিতাকে বিদ্রূপ ক'রো না ।

হরিহর । বাঃ ভাই বাঃ ! পারলে হয় । তবে আমি চল্লুম ; কিন্তু দাদা, এই কাঠুরে ক-টা যে সাম্নে দিয়ে গেল, এদের ওপর একটু নজর রেখো,—আমার খটকা লেগেছে ।

[ প্রস্থান ।

গঙ্গু । [ জাফরের বুকে মূহ্ মূহ্ করাঘাত করিতে করিতে ] পারবি জাফর আমার কাছে থাকতে ? না হয় হরিহরের সঙ্গে যা ।

জাফর । হরিহরের সঙ্গে যাবো ? ভারতবর্ষের সেনাপতিত্ব এক মুহূর্তে ছেড়েছি, কি পাবো তার সঙ্গে গিয়ে পিতা ? জীবন ? জীবন তো আপনারই রাখা ! যাম—আপনার কোলে যাবে ।

গঙ্গু । পুঁথিগুলো খোল তো !

[ জাফর পুঁথিগুলি খুলিল ; গঙ্গু বাছিয়া একখানি লইয়া তাহার মধ্যে একটা জায়গা বাহির করিয়া একবার পুঁথি দেখিল, আর একবার জাফরের ললাটদেশ পরীক্ষা করিয়া দেখিল ]

গঙ্গু । [ পুঁথি ফেলিয়া দিয়া ] থাক—থাক, আমার কোলেই থাক । কিছু যাবে না বেটা তোর ! রাজা হওয়া তো সামান্য কথা, তোকে নিয়ে আমি রাজার বাবা হবো । কিছু খেয়েছিঁস্ আজ দিনভোর ?

জাফর । সেই আপনার চরণামৃত খেয়েছি ।

গঙ্গু । ভগবান ! ভগবান ! একবার দাঁও না তোমার ইচ্ছাশক্তিটা আমায় ! আমি যে আর দাঁতে দাঁত চেপে থাকতে পারছি না । [ জাফরের

প্রতি ] পুঁথিগুলো ঝেড়ে দেখে দেখি,—ছোটো ফল এনেছিল আজ ব্রহ্মণ্য-দেবকে দিতে ।

জাফর । সে ফল আর দেখে কি হবে পিতা ?

গঙ্গু । তুই খাবি, আবার কি হবে !

জাফর । দেবতার ভোগ্য ফল ?

গঙ্গু । দেবতাতে ছেলেতে সমান ।

জাফর । আমার তো কোন কষ্ট হয় নাই পিতা ! আপনার চরণামৃত খেলে আর আমার ক্ষুধাই থাকে না ।

গঙ্গু । পরমেশ্বর ! তুমি কি কম দয়ালু ! একটা কেড়ে নিয়েছ, একটাকে ঠিক খাড়া ক'রে দিয়েছ ! তোমার এমন রাজ্যোও অবিচার ? [ জাফরের প্রতি ] তবে খাস্ যেন ক্ষুধা হ'লে, বলার সুযোগ হবে না আর আমার,—আমি ধানে বসবো ।

জাফর । এখন কিছু প্রয়োজন হবে কি আপনার ?

গঙ্গু । কিছু না—কিছু না । করবো রাজলক্ষ্মীর আবাহন ; কি হবে ফুল বেলপাতা আতপ চাল রসুন ? মরেছে দেশটা ঐ ক'রেই । এ পূজার চাই পুরুষকার,—পরমেশ্বর আমার তা অটল দিয়েছে । আমার চিন্তা—তোমার শক্তি, আমার অশ্রু—তোমার রক্ত, আমি বলি—তুই হোমের অলস্ত কাষ্ঠ ! [ উদ্দেশ্যে ] মা ! মা ! মাতঃ কমলদলবাসিনী কমলাক্ষ্য-প্রিয়া কমলে ! বড়ই অনাদর ক'রে আসছে তোমার এ ব্রাহ্মণ-জাতিটা অর্ভাৎ বুগের অভ্যাস হ'তে ! সেই অভিমানেই বুঝি আজ গিয়ে পড়েছিল্ ফারোদনন্দিনী শূকরের ক্রীড়া-পললে ডুব দিতে ? ফিরে আয় অভিমানিনী ! ফিরে আয় । বাম্বাকি, বশিষ্ঠাদি যত বনবাসী ছিল, তাদের সবার হ'য়ে আমি গঙ্গু—সেই বংশের, করযোড়ে ক্ষমা চাচ্ছি । একবার উঠে আয় মা ও কদর্য অধঃপতন হ'তে ! একবার কোলে নে মা আমার



গায়ের ধূলো বেড়ে দিয়ে! একটা দিন আমার রাজা করু তোর  
শৃঙ্খলার রাজ্যের শূন্যাসনে! [ উপবেশন ]

সহসা কাঠুরিয়াগণ আসিয়া আক্রমণ করিল।

জাফর। এ কি! কে তোরা?

১ম কাঠুরিয়া। বুঝতে পারছো না মূর্খ?

জাফর। বুঝছি—জাহান্নমের সম্মতান তোরা! কিন্তু এ মতিচ্ছন্ন  
কেন তোদের?

১ম কাঠুরিয়া। ধ'রে ফেল—ধ'রে ফেল ছটোকেই এক সঙ্গে।

জাফর। সাবধান কুকুরগণ! ওদিকে এক পা বাড়াস্ না। ধ্যানশুপ্ত  
আমার পিতা, জাগন্ত আমি পার্শ্বে তাঁর পুত্র—তাঁর দাস—তাঁর রক্ষা।  
এ জীবনের একটা স্পন্দন বাকী থাকতে ও পবিত্র অঙ্গ স্পর্শ করে,  
পৃথিবীতে এমন কেউ নাই।

কাঠুরিয়া। নে—নে, দাঁড়িয়ে কেন? দেখিস্ যেন না মরে,—বেঁধে  
নিয়ে যেতে হবে। অনেক পুরস্কার!

জাফর। থাকুন পিতা ঐরূপ ধ্যানশুপ্ত তন্ময় বাহ্যজগতের অন্তরালে।  
প্রণাম শ্রীপাদপদ্মে! আশ্রয় তবে দস্যু-কিঙ্করগণ!

[ যুদ্ধ করিতে করিতে প্রস্থান।

গল্প। অকুটী করছিস কেন মা? ভয় দেখাচ্ছিস কেন জননী?  
ভীষণ জলদাবগুপ্তনে পুণিমা প্রকৃতির আত্মগোপনের মত কেন মা ও পক্ষ  
বিস্মোক্তে কালিমাময় আকস্মিক ক্ষুরণ? কেন মা ও করুণায়ত কমল চক্ষে  
ক্রুর কটাক্ষ? কোথায় পেলি এ গীর্ণা ছিন্নবসনা নরকঙ্কাল-অলঙ্কারা  
কপালমালিনী, রক্তকেশ সর্কনাশিনী বেশ? এ মূর্তি তো তোর নয়  
মা! তুই যে আমার রাজ-রাজেশ্বরী! তুই যে আমার সেই “পদ্মাসনস্থঃ

ধ্যয়েচ শ্রীং ত্রৈলোক্যমাতরম্, গৌরবর্ণাং সুরূপাঞ্চ সর্বলঙ্কারভূষিতাম্,  
রৌক্সপদ্ম-ব্যগ্রকরাং বরদাং দক্ষিণেন তু ।” সব খুইয়েছিঁস্ ? করেছিঁস্ কি  
সর্বনাশী ! স’রে আয়—স’রে আয় ! আমি আবার তেমনি ক’রে তোঁর  
মাথা বিনিয়ে দিই—আবার তেমনি ক’রে তোঁর পায়ের তলায় স্থলপদ্ম  
ফুটিয়ে দিই—আবার তেমনিধারা তোকে ভুবনমোহিনী জগদ্ধাত্রী মা  
ক’রে দেখাই ।

নিরন্ত্র অবস্থায় জাফর-খাঁর পুনঃ প্রবেশ ।

জাফর । ভগবান ! ভগবান ! একি কর্লে ? একি কর্লে ? অনন্ত  
বিষ্ণুর গিঙ্ক পার ক’রে নিয়ে এসে কোথায় ডুবুলে আজ—গোপ্পদে ?

কাঠুরিয়াগণ উপস্থিত হইল ।

কাঠুরিয়া । বেঁধে ফেল্—বেঁধে ফেল্, হাঁ ক’রে আবার দেখছিঁস্  
কি ? [ বকনোত্তত ]

সৈন্তগণ সহ বুকারায় উপস্থিত হইলেন ।

বুকারায় । যমের বাড়ী—মৃত্যুর মূর্তি—কশ্মের ফল ।

[ সৈন্তগণ কাঠুরিয়াগণকে বন্দী করিল । ]

গঙ্গু । [ স্বগত ] এই এসে পড়েছিঁস্ দেখছিঁ । সেই গুরু নিতম্ব-  
ভারে গজেন্দ্র-গমনে, সেই নূপুর-নিষ্কণ-তরঙ্গায়িত ধীর পাদক্ষেপে, সেই  
মাতৃস্বভাব-স্নলভ মধুর মৃচ্ছ-কম্পনে এই এসে পড়েছিঁস্ অতীতের সেই  
স্বপ্নময়ী মূর্তিখানি নিয়ে স্নেহের অফুরন্ত খনি ! আয়—আয়, আরও  
দ্রুত—আরও দ্রুত,—আমি হাত বাড়িয়ে আছিঁ—আমি আসন পেতে  
রেখেছিঁ, ভগীরথের গঙ্গা আনার মত আমি শাঁক ঘণ্টা নিয়ে খাড়া হ’য়ে  
দাঁড়িয়েছিঁ ।

জাফর । বিজয়-নগররাজ ! আপনি এখানে কি ক'রে—সসৈন্তে ?

বুকা । আমি দিল্লী অবরোধে চলেছি জাফর-খাঁ ! সম্রাটকে প্রতিশোধ দিতে, আর আত্মার ওপর প্রতিশোধ নিতে ।

গঙ্গু । ধরেছি—ধরেছি, আর যাবি কোথা বেটা ! দে তো মা—দে তো মা, এইবার একবার পদ্মহস্ত বুলিয়ে আমার এই বুকের জ্বালাটার ওপর । খা তো মা—খা তো মা, একটা অগাধ স্নেহের চুমো আমার এই চির-বিষন্ন বিকট মুখের । শোনা তো মা—শোনা তো মা, কানে-কানে সপ্ত সুর-নাধা স্বর্গীয় বীণা ! আঃ—শান্তি—শান্তি—শান্তি ! [ সোৎসাহে ] জাফর ! জাফর ! আমি রাজা হয়েছি—আমি রাজা হয়েছি ! দেখেছিস কি অবাক হ'য়ে ? আমার তপস্বী সিন্ধু—আমার মা আমার কোলে ক'রে,—আমি রাজা হয়েছি ! এ কে ? বুকারায় ? বাঃ ! এরা কারা বাঁধা ?

বুকা । এরা তোমাদের হত্যা করতে এসেছিল ব্রাহ্মণ ! সম্রাটের গুপ্তচর ।

গঙ্গু । আমরা অমর—আমরা অমর । ওরা চিন্তে পারে নাই, আর তোমরাও ভুল করেছ । ছেড়ে দাও ওদের ।

বুকা । ছেড়ে দেবো কি ? ওরা ছাড়ান পেলে যে সম্রাটকে সন্ধান দেবে তোমাদের !

গঙ্গু । ওদের দিতে হবে না, আর ওদের দিতে হবে না ; এইবার আমিই দেবো আমার সন্ধান,—চেনাবো আমি কে—দেখাবো আমার পরিমাণ ! [ বন্দীদের মুক্ত করিয়া ] দূর হও—দূর হও নরকের কুমিগণ !

[ কাঠুরিয়াগণ নিঃশব্দে প্রস্থান করিল ।

গঙ্গু । রাজা ! কতগুলো সৈন্ত আছে তোমার সঙ্গে ?

বুকা । সামান্যই ।

গঙ্গু । যথেষ্ট ! সৈন্ত ক-টা আমার দাও ।

বুকা । সে কি ? আমি যে যুদ্ধে চলেছি !

গঙ্গু । যুদ্ধ আমি তোমায় দিচ্ছি । করছিলে আজ, না হয় করবে কাল । এ যুদ্ধে কি স্মৃতি পাবে রাজা ? এমন যুদ্ধ আমি দেবো, ম'রে যাবে, কিন্তু থেকে যাবে ভারতের ইতিহাসে অমর আশ্রয়—অনন্তকাল ।

বুকা । দেখো, যেন মিথ্যা না হয় ।

গঙ্গু । নির্ভয় ! চল জাফর !

**বুকা** । কোথায় যাবে পিতা ?

গঙ্গু । দেবগিরি,—সেই বিদ্রোহ-দমনে । সেই শাসনকর্তা তুই সেখানকার । ওকি ! মুখ লাল হ'লো কেন ? মাটি পানে তাকাচ্ছিস্ কি ? কিছু না—কিছু না,—ছুটে চ' । ঐ শোন, মা কি বলছে ? চুরী কর—দাগাবাজি কর—জুকিয়ে নে আমার । আমি চোরের—আমি বিশ্বাস-বাতকের—আমি আর কারো নই ; যে হাতেও ধরতে পারে, আর মাথাতেও চড়তে পারে, আমি তার ।

[ সৈন্তগণ ও জাফর-খাঁ সহ প্রস্থান ।

বুকা । ব্যর্থ হ'লো আজকার এ উত্তমটা ! জানি না এ কার আকর্ষণ—কান্ অজ্ঞাত সূত্র—কি এ অচিন্ত্যনীয় ! না—আমি যুদ্ধ করবো—আমি যুদ্ধ করবো ! আমার জীবন আলোকশূন্য, তৃপ্তিশূন্য, মহাশূন্য গহ্বর,—আমি যুদ্ধ করবো !

[ প্রস্থান । ]

## চতুর্থ গর্ভাঙ্ক ।

দরবার ।

মহম্মদ তোগলক ও উমেদ-আলি উপবিষ্ট ।

মহম্মদ । অযোধ্যার পাজীর দল কারাগারই বেছে নিলে, চন্দ্রমুদ্রা  
নিলে না ?

উমেদ । হাঁ জাঁহাপনা !

মহম্মদ । আগ্রার বেতমিজরা উৎপন্ন ফসলের চতুর্থাংশ সরকারে দিতে  
অস্বীকৃত ?

উমেদ । জনাব !

মহম্মদ । মূর্থ পাঞ্জাবীরা নূতন সৈন্তদলের রসদের জন্ত নূতন কর  
দেবে না ?

উমেদ । সেখানকার রাজপ্রতিনিধির সংবাদ তো তাই ।

মহম্মদ । আর একবার আমায় ধরতে হবে নিজের মূর্তিটা । মনে-  
করেছিলুম কনোজের ছবিখানা আর ভারতবর্ষকে দেখাবো না, কিন্তু এরা  
দেখছি সেই দৃশ্য দেখবার জন্তই জলজলে চোখ বের করেছে । আমি  
বাঁচাতে গেলে কি হবে ? খোদা যে তাদের মরণ-পাখা দিয়েই পাঠিয়েছে ।  
আচ্ছা—থাক্ তোরা কুকুরের দল আর দিন কতক মুখোমুখী ক'রে । এ  
চীৎকার থামাতে আমি জানি—আর থামাবো তা একেবারেই, বেন আর  
গগুগোলের গন্ধ না থাকে ! এদিককার কিছু খবর নাই উমেদ ?

উমেদ । কৈ জাঁহাপনা ! আশ্রয় নেবার যতগুলো জায়গা ধারণায়  
আসে, গুপ্তচররা সর্বত্রই তন্ন তন্ন ক'রে খুঁজে এসেছে । কেউ জাফর-খাঁ,  
গঙ্গুর সন্ধান বলতে পারলে না ।

মহম্মদ । আচ্ছা, এরা কি পাখী হ'লো ? না—আছে তো যেখানে  
হোক ? নাসির কোথায় ?

উমেদ । সে এইমাত্র এদের খুঁজে ঘুরে এলো । আবার যাচ্ছে  
বিজয়-নগর, সাহানসার জামাতা ফিরোজের উদ্ধারে !

মহম্মদ । রেখে দাও ফিরোজের উদ্ধার, এদের সন্ধান আগে !

দেবগিরির সুবাদার উপস্থিত হইয়া অভিবাদন করিল ।

মহম্মদ । কে ?

সুবাদার । বান্দা দাক্ষিণাত্য হ'তে আস্ছে—দেবগিরির  
সুবাদার !

মহম্মদ । সংবাদ কি সেখানকার ? বিদ্রোহের দমন হয়েছে ?

সুবাদার । হাঁ জাঁহাপনা ! জাফর-খাঁ সেখানে গিয়ে—

উভয়ে । জাফর-খাঁ—

সুবাদার । হাঁ সম্রাট ! আপনার সৈন্যধ্যক্ষ জাফর-খাঁ !

উমেদ । জাফর-খাঁ দেবগিরিতে ?

সুবাদার । আশ্চর্য্য হ'চ্ছেন যে ? তাঁকে তো সেখানকার বিদ্রোহ-  
দমনেই পাঠানো হয়েছে !

মহম্মদ । মুর্থ ! তুমি জাফর-খাঁকে দেবগিরি ছেড়ে দিয়েছ ?

সুবাদার । সাহানসার হুকুম তো সেই রকমই ছিল !

মহম্মদ । শির নাও—শির নাও উমেদ ! জল্লাদ ! জল্লাদ !

উমেদ । ওর তো অপরাধ নাই সম্রাট ! ও ইতিপূর্বে সাহানসার  
দরবারে দাক্ষিণাত্যের বিদ্রোহের আজ্ঞা করেছিল ; ওকে পরোয়ানা করা  
হয়েছিল, জাফর-খাঁ সম্বর সেখানে যাচ্ছে । তারপর জাফর যে পদচ্যুত  
হ'লো, সে সংবাদ তো আর ওকে দেওয়া হয় নাই !

মহম্মদ । ওঃ—ভুল হ'য়ে গেছে উমেদ ! জাফর-খাঁ সে সময় দরবারে হাজির ছিল—না, যখন এই পরোয়ানার কথা বলি ?

উমেদ । ছিল জাঁহাপনা ! শুধু সে নয়, গঙ্গুও তার সঙ্গে ।

মহম্মদ । [ সুবাদারের প্রতি ] মূর্খ ! তোমায় সুবাদারী কে দিলে ? দেখেও ঠাওরাতে পারলে না তাদের ?

সুবাদার । কি ক'রে ঠাওরাবো খোদাবন্দ ? তিনি বরাবর যেমন ভাবে সর্বৈক্সে দেবগিরি যান, ঠিক সেই ভাবেই গেলেন ; যেমনরূপ কার্য্য করেন, সেই রকমই করতে লাগলেন । তিনি আমার উচ্চপদস্থ কর্মচারী—আরও সম্রাটের পরোয়ানা তার পূর্বে আমি পেয়েছি । আমি তাঁকে বিনা আপত্তিতে সমস্ত ছেড়ে দিতে বাধ্য হ'লুম ।

মহম্মদ । খুব চাল চেলেছে—খুব চাল চেলেছে ! উমেদ ! দেখ্ছো কি ?

উমেদ । আর দেখ্বো কি সম্রাট ! সে দেবগিরি দখল ক'রে বসেছে ।

মহম্মদ । তার সঙ্গে একটা ব্রাহ্মণ আছে ? শীর্ণকায়—পাঁগুটে বর্ণ—কুক্ষিত-ললাট ?

সুবাদার । আছে সম্রাট ! জাফর-খাঁ তার খুব সম্মান করে ।

উমেদ । তোমায় এখন এখানে পাঠালে কে ?

সুবাদার । জাফর-খাঁই পাঠিয়েছেন ।

উমেদ । কিছু ব'লে দিয়েছে ?

সুবাদার । ব'লে দিয়েছেন—সম্রাট না কি দিল্লী রাজধানী পুনরায় দেবগিরিতে নিয়ে যাবার সঙ্কল্প করেছেন, তাই তিনি তার সব সরঞ্জাম ঠিক ক'রে সম্রাটকে দেখ্বার জন্ত উদ্গ্রীব হ'রে দাঁড়িয়ে আছেন ।

মহম্মদ । চূপ কর—চূপ কর । ওঃ—কি স্পর্দ্ধা উমেদ ! আমায় দেখ্তে চায় । এই—তুমি যে প্রকারে পার, তাদের কাটা মুণ্ড ছটো

আমার সামনে নিম্নে এস ! আমার এইখানেই দেখুক জাহান্নম হ'তে—  
ঘোলা চোখে ।

উমেদ । ওকে আর বুঝা আদেশ সম্রাট ! ও কি আর দেবগিরি  
প্রবেশ করতে পাবে ? তাদের হত্যা করা এখন আর নিতান্ত সহজসাধ্য  
নয় হজরৎ ! তারা সমস্ত দাক্ষিণাত্য গ্রাস ক'রে বসেছে ।

মহম্মদ । দিল্লীর সমস্ত সৈন্ত পাঠাও ; এও সঙ্গে যাক । আমি এদের  
মুণ্ড চাই !

উমেদ । তা তো পাঠানুম জাঁহাপনা ! কিন্তু সৈন্তচালনা করছে কে  
জাফর-খাঁর বিরুদ্ধে ?

মহম্মদ । এঃ—এ সময় ফিরোজ থাকলে—

### দূতের প্রবেশ ।

দূত । [ অভিবাদন করিয়া ] সম্রাট-জামাতা ফিরোজ-সা সুস্থশরীরে  
দিল্লী পৌঁছেছেন ।

মহম্মদ । ইয়া আল্লা ! ফিরেছে ? ফিরেছে ? ফিরোজ ফিরেছে ?  
সুস্থশরীরে ? আর যায় কোথা ! কোথায়—কোথায় সে দূত ?

দূত । তোরণদ্বারে ।

মহম্মদ । যাও—তার সম্বন্ধিনার শোভাবাত্রা কর, তোপ দিতে বল ।

[ দূত প্রস্থান করিল ।

মহম্মদ । ইয়া আল্লা—মেহেরবান ! সাবধান জাফর ! উমেদ ! চল  
আমরা নিজে গিয়ে তাকে নিয়ে আসি । সে আমার ভাগিনেয়—আমার  
জামাতা—আমার পুত্র হ'তেও । বহুদিন তাকে আমি দেখিনি ।  
[ স্বেদাদারের প্রতি ] এই—তুমি হাজির থেকো ।

[ উমেদ-আলি সহ প্রস্থান ।



[ নেপথ্যে তোপ হইতে লাগিল । ]

স্ববাদার । মানুষ নিজে ঠকে—আর বোকা সাজাতে চায় অগ্ৰকে ।  
চাকরী করি কি না, মাথা বে-ওয়ারিশ ! আমি দেখছি, যাই করুক—  
মনিব চিরকালই বুদ্ধিমান, আর চাকরের জাত একধার হ’তে বোকা ।  
যাক্ মাথা, জাফর-খাঁর জয়-জয়কার হোক ।

[ প্রস্থান ।

### পঞ্চম গর্তাঙ্ক ।

সাকিনার কক্ষ ।

সাকিনা স্থায় আসনে আসীনা ।

সাকিনা । স্বামী আসছেন সাক্ষাৎ কর্তে, আবার সেই রকম বুদ্ধে  
যাবার আগে । না—এবার আর সম্মুখীন হ’তেই দেবো না । আমি  
অভিশপ্তা,—এ ঘৃণা, লজ্জা, অমৃত্যুতাপের কলুষিত নিশ্বাসে সে নির্দোষ  
গোলাপকে ফুটন্ত—সরস—মিষ্ট রাখতে পারবে না । যদি মলয় বন,  
অভিশাপ যায়, হ’তে পারি স্ত্রী, দেবো আবার সে চোখে চোখ,—নতুবা  
এই পর্য্যন্ত । জুলেখা !

জুলেখা উপস্থিত হইল ।

সাকিনা । যা বলেছিছু তোকে, করেছিস্ ?

জুলেখা । হাঁ—না—তা—[ ইতস্ততঃ করিতে লাগিল ]

সাকিনা । ওকি, খতমত খাচ্ছিস্ কেন ? ভুলে গেছিস্ না কি ?

জুলেখা । না হজরৎ ! সব ফটকেই খবর দিয়েছি—আজ যেই আমুক আপনার সঙ্গে দেখা করতে, সবাইকেই ছেড়ে দেবে—না হজরৎ !  
রুখবে—রুখবে !

সাকিনা । এঃ—তুই কি বলতে কি বলেছিস্ দেখছি । আবার যা—  
স্পষ্ট করে বলে আস, কেউ যেন আজ আর আমার কক্ষে না আনে ।

জুলেখা । বলেছি হজরৎ ঐ রকমই—আর বেতে হবে না ।

সাকিনা । ঠিক তো ?

জুলেখা । ঠিক ।

সাকিনা । [ স্বগত ] তবে ! কি নিষ্ঠুরতা ! কি ঘোর কদর্যতা !  
মৃত্যুর মুখে যাবার আগে স্বামী আস্ছে স্ত্রীর কাছে বিদায় নিতে—  
আবার তাই । কিন্তু এ ভিন্ন আপনাকে সরিয়ে রাখবার আর দ্বিতীয়  
উপায় নাই । কদর্যতা তো আগাগোড়াই ! আমি অভিশপ্তা ! রাখতে  
হবে আপনাকে এই রকম সরিয়ে—লুকিয়ে—মুখথানায় ছাই মাখিয়ে ।

বাইজীগণ সহ পুরুষবেশে বাঁদি উপস্থিত হইল ।

বাঁদি । আস—আস সব, আজ আমার একটা সখ মেটাতে হবে  
তোদের ।

সাকিনা । আরে ম'লো, তুই এখনও এ সব খুলিস্ নি ?

বাঁদি । খুলবো কি ! এ সব আমাতে বেশ খুলেছে,—আমি আয়না  
নিয়মে দেখেছি—ঠিক যেন বিয়ের বরটা ।

সাকিনা । যা—খুলে আসগে যা !

বাঁদি । না শাহজাদী ! আমি এর চূড়ান্ত না ক'রে ছাড়বো না ।  
পুরুষের সাজ যখন চড়িয়েছি গায়ে, তখন তাদের সব কাজগুলোই ক'রে  
দেখবো, মেয়ে মানুষ হওয়া ভাল কি পুরুষ হওয়াই अच्छা ? আমি এরই

মধ্যে অনেক কাজ করেছি। এই মেজাজে দিল্লীর অর্ধেকটা ঘুরেছি, ঘোড়ায় চড়েছি, তলোয়ার খেলেছি, হো-হো হেসেছি, ধেই-ধেই নেচেছি, বীর-রসে বহুতা করেছি, সবই একরকম দেখেছি,—এইবার একটা বাকী।

সাকিনা। কি ?

বাঁদি। তুমি যদি অভয় নাও তো বলি।

সাকিনা। বল না !

বাঁদি। তুমি ঐ রকম মুচ্কি-মুচ্কি হাস, আর আমি তোমার, পাশটীতে ব'সে গলাটি জড়িয়ে ধ'রে বলি—প্রাণেশ্বরী !

সাকিনা। আরে ম'লো, তোর তাতে কি হবে ?

বাঁদি। তবু দেখা যাবে পোড়ারমুখোরা এতে কি রস পায় !

সাকিনা। দূর হ' বলছি—দূর হ' !

বাঁদি। আচ্ছা, তবে না হয় এই আমি একটু দূরে বসি। তুমি যা করবে কর, আমি তোমার মুখপানে ফাল্-ফাল্ ক'রে চেয়ে থাকি। সে রকমও তো হয় ! তাতেই না কি আবার বেশী জমাটী ! [ উপবেশন ও বাইজীগণের প্রতি ] এই ! তোরা গান কর ! আমি যেন তোদের পিয়ারের বঁধু ! আমার না দেখলে তোরা দিশেহারা ! আজ যেন বহু-দিনের পর আমার পেয়েছি, বুঝেছি—এই রকম !

বাইজীগণ।—

গীত ।

ও আমাদের প্রাণের বঁধু ! ও আমাদের কানের ঢুল !

আমরা তোমার লগ্না কৌচায় জড়িয়ে ধরা সেরাকুল ।

ফুলের বাসর আমরা তোমার, আমাদের তুমি কাণ্ডণ মাস,

আমরা তোমার আতরদানি, তুমি আমাদের গোলাপ-পাশ,

আমাদের তুমি বন্দা-কাস, আমরা তোমার অঙ্গশূল

তুমি আমাদের চোখের বালি, আমরা তোমার পিঠের ছড়ি,  
নুখে আশ্রন আমরা তোমার, তুমি আমাদের গলার দড়ি,  
আজ টয়ের পেঁচায় জড়াজড়ি মসজিদেতে যে'টু ফুল ।

বাঁদি । আরে তোরা খেমে গেছিস্ ! আমার একটু অলস এসেছে,  
অমনি চুপ ! আমি যে লম্বা স্বপন দেখছিলুম—কত পরী আসমান হ'তে  
নেমে এসেছে, আমার চারিদিকে বিরে দাঁড়িয়েছে ; কেউ বাতাস করছে—  
কেউ গোঁফে চারা দিয়ে দিচ্ছে—কেউ ছুটে এসে কোলে পড়ছে ! এঃ !  
সব মাটি করলি—সব মাটি করলি !

জুলেখা । এইবার ঐ পরীরা আসমান হ'তে নেমে এসে তোমার  
কোলে হোঁচট খেয়ে পড়বে ।

বাইজীগণ ।—

### গীত ।

জান বাতি হার দিল লাগানে সে ।  
শুনলো অয়র জানে মন ঠিকানে সে ॥  
ওয়ারায়ে ওয়াস্লে পর ল্যাগে মেহ্দি,  
খুন হোতা হার কি বাহানে সে ।  
খুব জনোয়া দেখা দিয়া তুনে,  
কোই পুছে তো বাস্ ঠিকানে সে—  
কোন্ দিল্‌সে ভাল লাগায়ে দিল্  
আপ্ মান্‌হর হার জমানে সে ।

ফিরোজ উপস্থিত হইয়া দ্বারদেশে দাঁড়াইয়া পড়িল ।

ফিরোজ । একি ! সাকিনার কক্ষে পুরুষ ! অসংবত—অবাবস্থ—  
অনুগৃহীত অবস্থায় ! কোথায় এলুম—কোথায় এলুম ! এই কি নারীর  
? এই কি জগতের গুপ্ত রহস্য ? মা ! মা ! সত্য বলেছ

তুমি ; আমি এতটা ভাবতে পারি নাই, কখনও পড়ি নাই এরূপ ক্ষেত্রে ।  
সতাই এ দৃষ্টে আর পুরুষের প্রাণে কিছুই থাকতে পারে না । কিন্তু মা !  
আমি অল্পতপ্ত নই তোমার সঙ্গ ছেড়েছি ব'লে ; তোমাতে পর্যাপ্ত আমার  
স্বর্ণা আসছে—তুমিও এই জাতি । কি করি—কি করি ? কি উপায় এ  
আলা-নির্বাণের ? হত্যা ! হত্যা ! না—নারী-হত্যা—নারীর এ হুঁস্বাবহার  
হ'তেও পুরুষের অপকীর্তি । কিন্তু—এর প্রতিবিধান—না, আমি পুরুষ !  
[ উদ্দেশে ] বালক ! বালক ! তুমি কি জ্যোতিষ জানতে ? কেন শুনি  
নাই তোমার কথা ! না—ঠিক হয়েছে ! আমার মজ্জাগত একটা ধাঁধা  
কেটে গেল ! বুঝতে পারলুম, জীব ওপর স্বামীর দাবী কতটুকু—  
কতক্ষণের ! স্থির হ'য়ে গেল এ জীবনের লক্ষ্য—প্রার্থনা—পরিণতি ।

[ প্রস্থান ।

সাকিনা । কার পায়ের শব্দ—কার পায়ের শব্দ ? কে চ'লে গেল ?  
জুলেখা !

জুলেখা । কৈ—কেউ তো নাই !

সাকিনা । না—কে এসেছিল—নিশ্চয় এসেছিল ! সামনের পাহারা  
এখন কার ?

জুলেখা । কোতোয়ালীর ।

সাকিনা । কোতোয়ালী ! কোতোয়ালী !

কোতোয়ালীর প্রবেশ ও অভিবাদন ।

সাকিনা । কোন আয়া হিঁয়া ?

কোতোয়ালী । আউর কোই নেই আয়া ইজুরাইন ! শাহজাদা  
আকে চলা গিয়া !

সাকিনা । শাহজাদা ! সর্বনাশ ! উল্কা কাহে ছোড়া তোম্ ?

কোতোয়ালী । হজুরাইনকো হকুম তো উসিমাফিক থা !

সাকিনা । উসিমাফিক থা ?

কোতোয়ালী । হাঁ হজরৎ ! জুলেখা হামকো বাতায়—আউর কোই কো মৎ ছোড়ো, শাহজাদা আনেসে সেলাম দেও ।

জুলেখা । [ ভীতকণ্ঠে ] আমার দোষ নাই হজরৎ ! বাঁদি আমার ঐ রকম বলতে বলেছিল ।

বাঁদি । বাঃ—তা বলবে না ! একবার এই রকম ফটক আটকে, ভাল ক’রে কথা না ক’য়ে, কত আক্ষেপ কত কাণ্ড ব’য়ে গেল ; আবার তাই ! আবার তোমার সঙ্গে কে সেই বনে বনে বিজয়-নগর বেরোবে বল দেখি ? তাই বলি, তোমাদের মেলা-মেশা ভাব-সাব হ’য়ে যাক্ । মন্দ করেছি কি ?

সাকিনা । বাঁদির বুদ্ধি কি না ! তাই যদি করলি, তার মাঝে আবার এ রঙ্গ নিয়ে বসলি কেন ? কি হ’লো, বুঝলি ? আমার পোড়া নসিব যে আরও পুড়ে গেল । বা হ’চ্ছিলো, তার মার্জ্জনা ছিল,—এ দাগা যে মিলোবার নয় !

বাঁদি । ও—আমি বুঝতে পারি নাই শাহজাদী, যে তিনি এরই মধ্যে এসে পড়বেন ! আমার ঝকমারি হয়েছে ।

সাকিনা । তোর ঝকমারি নয়—তোর ঝকমারি নয় ! ঝকমারি আমার—তাকে মাথায় তুলেছি । [ বাইজীগণের প্রতি ] এই—তোরা বা ! [ বাইজীগণ চলিয়া গেল ] স্বামী ! স্বামী ! নিজে জলবার জন্ত উপকরণ সংগ্রহ করছিলুম, কিন্তু আবার তোমাকেই যে জালার ওপর জালালুম । বিষ খাবো ? না ; নিজেই নিষ্কৃতি পাবো—কিন্তু তাঁর আগুন ? [ কিছুক্ষণ চিন্তা করিয়া ] বাঁদি ! আমার মহল আগ্লাস, কেউ যেন না জানতে পারে আমি এখানে নাই । যতদিন না ফিরি, কারো দেখা করতে আসা নিষেধ ; কারো না—এমন কি পিতারও না । [ প্রস্থান ।

বাঁদি । কি হ'তে আবার কি হ'য়ে গেল দেখ । কি আর করছি,  
ভালোর তো কাল নাই । যাই এখন এ সব খুলিগে, আর খানিক থাকলে  
বমি হ'য়ে যাবে । ধন্তি তোরা পুরুষ জাত ! গড় করি তোদের গৌফ-  
দাড়ীর সহিকে ! চরম হ'য়ে গেল তোদের বেশ ধরার,—বদনাম পর্য্যন্ত !  
খুব তোরা !

### ষষ্ঠ গভাক্ষ ।

আবেদীনের কক্ষ ।

আবেদীন ও উমেদ-আলি ।

উমেদ । আজ আমার বাকী কথাগুলো বল্‌বো পুত্র তোমায় ? আর  
বোধ হয় অবসর হবে না ।

আবেদীন । কেন পিতা ?

উমেদ । আমি দাক্ষিণাত্য যাচ্ছি—গঙ্গু, জাফর-খাঁর বিরুদ্ধে যুদ্ধে ;  
তারা দেবগিরি দখল করেছে ।

আবেদীন । দখল করেছে ? বাঃ—ধর্ম্মরাজ্য বসেছে ।

উমেদ । শোন পুত্র আমার জীবনী । আমি মহারাষ্ট্রীয় ক্ষত্রিয়  
নাম ছিল উমেশ্বর সিং ; ঐ দেবগিরিই আমার জন্মভূমি ।

আবেদীন । সুন্দর ! সুন্দর আখ্যায়িকার প্রথম পরিচ্ছেদ ।

উমেদ । তারপর আমি মুসলমান হ'লাম, মুসলমান-কুমারী তোমার  
জননীকে বিবাহ ক'রে ।

আবেদীন। আরও সুন্দর! আরও সুন্দর এর দ্বিতীয় পরিচ্ছেদ! প্রেমের রাজ্যে জাতিভেদ নাই।

উমেদ। না পুত্র! এইখানটায় তোমার সঙ্গে আমার অনৈক্য। আমি তোমার জননীকে বিবাহ করেছিলুম আর্সাক্তিতে নয়—বিরক্তিতে। মুসলমান-ধর্ম গ্রহণ করেছি প্রেমের বশে নয়—প্রতিহিংসায়।

আবেদীন। ব'লে যান—ব'লে যান, শেষ পর্যন্ত এ অনৈক্য থাকবে না। সকল উপাখ্যানেরই প্রথমাংশটা নানা প্রকার রহস্যগর্ভ, সারভাগ এক।

উমেদ। শোন পুত্র সে রহস্য। বোধ হয় জান, মহারাষ্ট্রীয় প্রদেশটা পূর্বে হিন্দুর অধিকারে ছিল? যদিও আমি চক্ষু দেখি নাই আর্য্যগণের সে মধ্যাহ্ন, জন্মাবধিই মুসলমানের অধীন,—তা হ'লেও বাল্যকালে বৃদ্ধদের মুখে তার গল্প শুন্তুম, প্রতি বর্ণনায় তাদের দীর্ঘশ্বাস অনুভব কর্তুম, সে কাল আর এ কালের তুলনায় তাদের চোখ দিয়ে শতধারা ছুটতে দেখ্তুম। ভাবতুম—মানুষ চেষ্টা করলে আবার আসে না কি সেকালটা ফিরে? জীবনটা সেই সময় হ'তেই কেমন এক রকম হ'য়ে গেগ। যৌবনে পা দিয়েই তার স্মরণ খুঁজতে লাগলুম। কিন্তু দেখলুম—দেশের দ্বারা কোন সাহায্যের ভরসা নাই। দেশটা কাঁদলে কি হবে। মেয়ে মানুষের কান্নার মত সামর্থ্যহীন—নির্জীব—অশ্রুসার। এর উপায়—একমাত্র শত্রুর সঙ্গে ঘনিষ্ঠতা। যাক্ আমার জন্ম, উদ্ধার হোক দেশ। মুসলমান হ'লুম—রাজসরকারে চাকরী নিলুম, লুকিয়ে রাখলুম প্রাণের ভিতর—ছুঁচ হ'য়ে ঢুকছি, কাল হ'য়ে বেরুবো।

আবেদীন। তা তো কৈ পারেন নি! হয়েছেন তো সম্রাটের দক্ষিণ হস্ত, সাম্রাজ্যের সর্ব্বো-সর্ব্বা, কিন্তু হ'লো কৈ সে উদ্দেশ্যসাধন? দেখুন এর পরিণতি,—বরং ছুঁচ ছিলেন, এখন আবার তা অপেক্ষাও



লঘু হ'য়ে পড়েছেন। কোথায় রইলো সে অনৈক্য ? যাকে নষ্ট করতে এসেছিলেন, আজ তারই রক্ষার জন্ত অস্ত্র ধ'রে এদেশ ওদেশ করছেন,— পড়েছেন সেই প্রেমেই।

উমেদ। বলতে পার—বলতে পার আবেদীন ! কেন আমার এমন হ'লো ? বলতে পার পুত্র, সম্রাট আমায় কি খাইয়ে দিলেন, আমি আমার সত্তা হারিয়ে বস্লাম ? ভুলে গেলাম—দেশ, জাতি, খালোর দেখা বৃদ্ধদের সে অশ্রুখেলা,—সার ভাবলুম শত্রুর পূজা ?

আবেদীন। মাকে ডাকি—মাকে ডাকি ; রাজনীতিতে এসে পড়লেন ! এর কারণটা আমি বেশ গুছিয়ে বলতে পারবো না ; তাঁর এ সব বিষয়েও চমৎকার ব্যুৎপত্তি। মা ! মা !

মঞ্জুলা উপস্থিত হইল।

মঞ্জুলা। না পুত্র, এটায় আর আমার কথা চলবে না ! আমারও অবস্থা ঠিক ঐ মত। আমিও তোমার পিতাকে যে বিবাহ করেছিলুম, সেও প্রেমে নয়—ঐ প্রতিহিংসায়। শোন তবে আমারও সে রহস্যটা ! আমার জন্মস্থান পাঞ্জাব—আমিও ক্ষত্রিয়-কন্যা। পাঞ্জাবীরা যে সময় বিদ্রোহী হয়, সম্রাট তোমার পিতাকে সসৈন্তে সেখানে পাঠান। তিনি অতি নিষ্ঠুরভাবে সেখানকার বিদ্রোহ দমন করেন। অগ্নিদাহ, অবৈধ অত্যাচার, আমার পিতা—ব্রাতা—আত্মীয়বর্গের অত্যাচার মৃত্যু আমি চোখের সামনে দেখি। আমারও প্রতিহিংসা জাগে, আমিও ভাবি ঘনিষ্ঠতা ব্যতীত এর শোধ নেবার দ্বিতীয় উপায় নাই। কুমারী ছিলাম—বিবাহ করি তোমার পিতাকে। প্রেম-অভিনয়ে নয়—বুকে ছুরি বসাতে। কিন্তু পুত্র, আমিও আমার খেই হারিয়ে ব'সে আছি। বিবাহ-কালীন সেই কর-স্পর্শের সঙ্গে সঙ্গে কি যে তাড়িতশক্তি তোমার পিতা

আমার মধ্যে প্রবেশ করালেন, আমিও দেখতে পাচ্ছি না আবেদীন, আমার সে পিতৃহত্যা, দেশধ্বংস কোন্ দিকে গেল—কি হ'লো ?

উমেদ । তুমিই বল—তুমিই বল পুত্র, যা জান । এ সব আমাদের কি ? কেন হ'লো এমন মতিভ্রম ? কোথায় গেল আমাদের আমিষ ?

আবেদীন । আপনি কি আবার ফিরিয়ে নিতে চান পিতা আপনার প্রেমে পরিণত সে প্রতিহিংসায় ?

উমেদ । পেলে মন্দ হ'তো কি ? অন্ততঃ এই সময়টার জন্ত ! দেখ না কি হ'য়ে গেছি ! যে জন্মভূমির উদ্ধারে জাতি-ধর্ম ত্যাগ ক'রে জীবনপণে এতদূর নেমে এসেছি, আজ চলেছি—অপরের উদ্ধৃত তারই ধ্বংসে । এ প্রেম না মদিরা ? সম্রাটের এ ভালবাসা না ভেদনৌতি ? উচ্চপদ দান না বশীকরণ ?

আবেদীন । মা !

মঞ্জুলা । আমি আর চাই না পুত্র, যা গেছে । মদিরাই হোক—বশীকরণই হোক, আমি যখন তাকে প্রেম ব'লে মেখে নিতে পেরেছি, তাতেই আমার তৃপ্তি ! মরীচিকাকে জলাশয় দেখা, সেও একটা আনন্দ । পিপাসার না হোক, চক্ষুর শাস্তিও বটে । ভুল করেছি গোড়ায়, এখন আর তার বিচার করলে কি হবে ? এ পথে প্রতিশোধ নেওয়া হয় না,—মাখামাখিতে মমতা আছে—প্রাণ গলে—স্বার্থ জাগে । এতদিন যদি ফাঁকে থাকতুম, কিছু না কিছু করতুম,—কিন্তু আর উপায় নাই । তবে এখন আমি এই চাই, আমার স্বামীতে আর যেন সে পাশবিকতা দেখতে না পাই ।

আবেদীন । এই তো নীমাংসা হ'য়ে গেল পিতা আপনার ও সকল জিজ্ঞাস্তের—সব কর্তব্যের । যে পথ ধ'রে এসেছিলেন, সে পথে

প্রতিহিংসা এই রকম প্রেমের দাঁড়িয়ে যায়। আগুন নেবাবার আশায় জল যদি চোরের মত বাষ্প হ'য়ে তার নিকটে যায়, কি হবে তাতে ? ররং সেই আগুনের উদগীরিত ধূমে—সে আপনাকে পরিপুষ্টই দেখবে—আরও অনুগৃহীতই ভাবে। পিতা ! আত্মার ধর্ম ভালবাসা ; তাকে যতই চাপা দিতে যান, সে বিকাশ হবার জন্য ততই ব্যগ্র। আর সে বিকাশ হ'লে সেখানে শত্রু নাই—মিত্র নাই, স্বদেশ নাই—বিদেশ নাই, হিন্দু নাই—মুসলমান নাই, সব সমান—সব এক—সব সেই সনাতন সত্যধর্মের বিমল সম্ভাব ! ভালই করেছেন সম্রাটকে ভালবেসে,—তবে আর একটু করুন না—এইবার মায়ের দুষ্টান্তে, ভালবাসার বস্তুরে যেন আর ঘৃণার দাগ দেখতে না হয়—সম্রাট যাতে আর এ অগ্রায় হত্যাকাণ্ডগুলো না করেন।

উমেদ। তা হবে না পুত্র ! সম্রাট বা চিরদিন ক'রে আসছেন, তাই করবেন। আর যত বড়ই হই আমি, সম্রাট—সম্রাট, আমি—আমি ! কি ক্ষমতা আমার তাঁকে ফেরাবার ? আর থাকলেও সে শক্তি প্রয়োগের প্রবৃত্তি আমি হারিয়েছি। পূজাই যখন দাঁড়িয়ে গেছে এ জীবনের পরিণতি, তাঁর তৃপ্তিই আমার শান্তি।

মঞ্জুলা। ওকে ঠিক পূজা বলে না স্বামী ! ও তোমামোদ। তোমার পূজা করি আমি, তোমায় ভক্তি করি, ভালবাসি ; কিন্তু তার মাঝে তোমার পদস্থলন দেখলে ছাড়ি না। যদি প্রকৃত পূজা করতে চাও, সম্রাটকে ফেরাও,—না পার, স'রে দাঁড়াও। এ যুদ্ধে তিনি অগ্র কাকেও পাঠান।

উমেদ। না মঞ্জুলা ! এ যুদ্ধটার আমায় যেতেই হবে। এ যুদ্ধ বে আমারই দায়। গজু, জাকরকে সম্রাট শত্রু করেছেন, সে যে আমাকেই বাঁচাবার জন্য।

মঞ্জুলা । না স্বামী ! তোমাকে বাঁচাবার জন্ত নয়, প্রকারান্তে সম্রাটের নিজে বাঁচবার জন্ত ।

উমেদ । নিজে বাঁচবার জন্ত ?

মঞ্জুলা । হাঁ,—তিনি বুঝে নিয়েছেন—তোমাকে বাঁচিয়ে রাখলে অনেক দিক্ দিয়ে তাঁর বাঁচোয়া, অনেক কাজ তিনি তোমার দ্বারা করিয়ে নিতে পাবেন । তাঁর উৎকট চণ্ডনীতির নির্বিবাদী সহচর একমাত্র তুমি,—তুমি গেলে আর তোমার জোড়াটা মিলবে না ।

আবেদীন । ক্ষান্ত হোন পিতা এ যুদ্ধে । শুদ্ধ সম্রাটকে ভালবাসলে তো আপনার চলবে না ! সাম্রাজ্যকে ভালবাসাই প্রকৃত রাজভক্তি । ভালবাসার মূর্তি অত শীর্ণ সীমাবিশিষ্ট নয় যে, তাকে গভীর মধ্যে সম্বুচিত জড় ক'রে রেখে দেবেন । সে অনন্ত—অনাবদ্ধ, দিবালোকের মত অবাধ উন্মুক্ত । পেয়েছেন তো তার আভাস, শত্রুকেও যখন ভালবেসেছেন ! বুঝেছেন তো তার আশ্বাদ, সে ভালবাসায় যখন আপনি সুখী ! আর কেন তবে নূতন ক'রে শত্রু তৈরী ক'রে শত্রু আলিঙ্গন করা স্বভাবটায় তিক্ত ক'রে তোলেন ! এনেছেন যখন প্রতিহিংসায় প্রেম, হোক না প্রেমের একাধিপত্য,—ফুটেছে যদি পল্ললে ফুল, পড়ুক না সে দেবতার পায়ে—দেশের ঘাণে—দেশের পূজায় !

উমেদ । [ নীরব ]

মঞ্জুলা । দেৱী আছে পুত্র, দেৱী আছে । তোমার ধর্ম জীর্ণ করবার দেশের এখনও দেৱী আছে । যাও স্বামী যুদ্ধে ; তবে অস্ত্র তোলবার পূর্বে এই কথাটা বিচার ক'রো, সম্রাট যেমনি তোমায় জোর ক'রে মৃত্যু হ'তে বাঁচিয়েছেন, গঙ্গু ব্রাহ্মণও তেমনি মার্জ্জনা ক'রে জয় জয় অমৃত্যু হ'তে তুলেছেন । কে বড় ? কে প্রীতির ? কার ছায়া কুণলময় ?

[ প্রস্থান ।

উমেদ । পুত্র ! পুত্র ! অনেকটা যেন দেখতে পাচ্ছি আমাকে—  
অনেকটা যেন শুন্তে পাচ্ছি আবার সেই বৃদ্ধদের অশ্রুমাখা গল্ল,—  
অনেকটা যেন কেটে আসছে এ ওষুধ করার নেশা ।

ফিরোজ উপস্থিত হইলেন ।

ফিরোজ । উজীর সাহেব ! এখনও দাঁড়িয়ে আছেন যে ? দিল্লীর  
সমস্ত শক্তি সজ্জিত—শ্রেষ্ঠ বৃদ্ধ—গমনোন্মুখ । সম্রাট সকলের সমক্ষে স্বহস্তে  
আপনাকে অসি-চর্ম শিরস্ত্রাণ দিয়ে সম্মানিত করবার জন্ত ব্যস্ত ; পথে  
দাঁড়িয়ে আপনি এখনও করছেন কি ? চলুন ।

উমেদ । [ স্বগত ] আবার অন্ধকার—আবার বধিরকরণে আবার  
সেই নেশা ।

ফিরোজ । এ কি ! কথা ক'চ্ছেন না যে ? এই কি আপনার বিদায়  
নিতে আসা ? বাধা পেয়েছেন বুঝি ? ছিঃ ! ভারত-সম্রাটের অনুগ্রহ,  
দিল্লী-মসনদের বিশ্বাস, মহম্মদ তোগলকের ভালবাসা, এর কাছে বাধা ?  
এখনও নীরব যে ! স্পষ্ট বলুন, এ সম্মান আপনি চান, না প্রত্যাখ্যান  
করেন ? আমার দাঁড়াবার সময় নাই ।

উমেদ । কুমার ! আপনিও দেখছি তা হ'লে সম্রাটের আদেশ-  
পালনে বদ্ধপরিকর !

ফিরোজ । যদিও প্রকাশ তাই, কিন্তু এখন আর আমি ঠিক সম্রাটের  
আদেশে পরিচালিত নই উজীর সাহেব ! আমি চলোছি, জীবনের  
উপেক্ষিত—মস্মাহত—মৃত্যুর উপাসক, বজ্রা-ক্ষান্ত হৃর্জয় তরঙ্গের স্থায়  
অনাথ—অবিরাম—অনন্তের আলিঙ্গনপ্রিয়সী ; একটা নিমেষও এ জগতে  
দাঁড়াবার অধিকারী নই ব'লে ।

উমেদ । চলুন কুমার ! সত্ত্বর আমি সম্রাটকে সেলাম দিচ্ছি ।

ফিরোজ । আসুন, একটা মুহূর্তও যেন আর অনর্থক না যায় !  
সম্রাট উৎকণ্ঠিত জয়াশায়—ধরিত্রী শুষ্ককণ্ঠ পিপাসায়—আমি উন্নত  
জগতান্তরে যাবার নেশায় ।

[ প্রস্থান ।

উমেদ । যেতেই হ'লো পুত্র ! পারলে না তোমরা আমার হাত  
ধ'রে তুলতে । পারবে না ; হাত দুখানা বড়ই তৈলাক্ত পিছল হ'য়ে  
গেছে । আর একটা কথা আমার বলতে বাকী থেকে গেছে পুত্র !  
চেপে রেখেছিলুম, না—আর কাজ নাই, শুনে নাও । তুমি যখন  
কাশীতে সংস্কৃত অধ্যয়ন কর, তোমাকে সংবাদ দিয়েছিলুম—তোমার  
গর্ভধারিণী আর সহোদরা শিশু ভগ্নীর একসঙ্গে মৃত্যু হয়েছে । মিথ্যা সে  
সংবাদ । পাঞ্জাবে আমার এই দ্বিতীয়বার বিবাহ করা শুনে আমার দিল্লী  
প্রত্যাগমনের পূর্বেই তোমার মা অভিমানে তিন বৎসরের শিশুকন্যাকে  
নিষে গৃহত্যাগিনী হয়েছেন । আমি বহু অনুসন্ধানেও তাদের কিনারা  
পাই নাই । পাছে তুমিও হুঃখিত হও—দোষারোপ কর আমার এই  
বিবাহের ওপর, তাই বাধ্য হ'য়ে তোমায় ঐ মত সংবাদ দিয়েছিলুম । বোধ  
হয় তারা বেঁচে নাই, তবু পার তো খুঁজে দেখো ।

[ প্রস্থান ।

আবেদীন । [ বজ্রাহতের শব্দ শুদ্ধিত হইল । ]

মঞ্জুলা উপস্থিত হইল ।

মঞ্জুলা । চ'লে গেল ?

আবেদীন । হাঁ মা ! বুকে আর একটা নূতন ঘা মেরে ।

মঞ্জুলা । শুনেছি তাও । কি করবো পুত্র ! শত চেষ্টাতেও বাঁচাতে  
পারলুম না ।

আবেদীন । বাঁচাতে পারলে না ! তবে কি এরা বেঁচে নাই ?

মঞ্জলা । এরার কথা বলতে পারি না, তবে তোমার মা আর নাই ।  
শোন তার পরের ঘটনা । এ গৃহে প্রবেশ ক'রেই বখন আমি শুনলুম  
এ গৃহের কর্ত্রী একজন ছিলেন—স্বামী দ্বিতীয় বিবাহিত, অপরের প্রণয়-  
পিপাসু শুনে তাঁর নির্বিবাদ স্নেহের জন্ত সর্বস্ব জলাঞ্জলি দিয়ে  
নিরুদ্দেশ, প্রাণে বড় আঘাত লাগলো আবেদীন ! আমার জন্তই তার  
এ স্নেহের হাট লগুভগু ! তোমার পিতা যদিও খুঁজছিলেন, তাতে  
আমার তৃপ্তি হ'লো না ; পুরুষ জাত একটার বদল আর একটা পেয়েছে ।  
নিজেই বেরোলুম—তোমার পিতার কাছে তীর্থদর্শনের ভাণ ক'রে ।  
অনেক ঘোরাঘুরির পর একদিন সন্ধ্যার সময় কাশীতে নির্জন গঙ্গাতীরে  
তাকে ধরলুম,—বোধ হয় গিয়েছিল তোমারই সন্ধানে ; তখন তার কোলে  
সেই শিশুকন্যা ঘুমন্ত অবস্থায় । হৃ-জনে দাঁড়িয়ে অনেক কথাবার্তা  
হ'লো । আমি বলতে পারলুম না পুত্র, বড়ই ভুল ক'রে ফেললুম ; আপনার  
পরিচয় প্রকাশ ক'রে দিলুম । কি বলবো আবেদীন, তখন তার মুষ্টিটা !  
কোটরগত চক্ষু ছোটো জল্ জল্ ক'রে জ'লে উঠলো—শীর্ণ অঙ্গ-প্রত্যঙ্গ  
শুষ্ক কাঠ সোজা হ'য়ে দাঁড়ালো,—মুখে একটা কথা নাই, কেবল ঘন ঘন  
অধরোষ্ঠের স্ফূরণ । আমি আঁৎকে উঠলুম—গিলে নেম্ন বুঝি ! পরক্ষণেই  
আবার সে মুষ্টি শিথিল—সলজ্জ—দেবকান্তি । চক্ষে বিন্দু বিন্দু অশ্রু—  
অধরে নৈরাশ্রের হাসি—সর্বদা ত্যাগের উজ্জল দীপ্তি ! আস্তে আস্তে  
ঘুমন্ত কন্যাটিকে আমার কোলে তুলে দিলে । আমি একটু আনমনা  
হয়েছি মাত্র কন্যাটির চুমু খেতে, ফিরে দেখি সে আর নাই—একেবারে  
গঙ্গার গর্ভে । আমি চৈতিয়ে উঠলুম, কিন্তু কেউ ছিল না সেখানে ; কি  
করি তখন, শিশুটিকে সেইখানে শুইয়ে নিজেই ঝাঁপিয়ে পড়লুম—  
ধরলুম ! কিন্তু আবেদীন ! অদৃষ্ট প্রতিকূল, উঠতে পারলুম না,—একটা

ঘূর্ণিতে হু-জনকেই কোন্ দিকে তুলিয়ে নিয়ে চ'লে গেল । তারপর কাশীর খানিক দূরে কি একটা জায়গায় কতকগুলো মাঝি আমাদের হু-জনকে সেই জড়াজড়ি অবস্থাতেই তোলে, অল্প চেষ্টাতেই আমার চেতন হয় । আমি উঠে দেখি—বহু ব্যাপারেও সে হতভাগিনীর চেতনা আর ফিরলো না, তার মানব জীবনের শেষ । আমি কপালে বা মার্লুম,—মানুষের বা পুঁজি । তারপর একটু সামর্থ্য পেয়ে শিশুর অব্যবধে উঠলুম ; তখন প্রায় রাত্রি প্রভাত হ'য়ে এসেছে । কিন্তু আবেদীন, সেখানে গিয়ে আর সে শিশুকেও পেলুম না ; বিফল-মনোরথে বরে ফিরলুম । ভ্রুখ ক'রো না পুত্র ! যা যাবার গেছে ।

আবেদীন । কিছু যায় নি মা, কিছু যায় নি ! মা গেছে, আবার আমি মা পেয়েছি আরও মহিমময়ী—আরও কর্ণকুশলা—আরও ধর্মপ্রাণা—গর্ভধারিণী আমার সে মা হ'তেও । সে মা সপত্নী-হিংসায় আমার মা হ'য়েও হ'তে পারে নি, আর তুমি সেই সপত্নী-স্নেহে আপনাকে বলি দিতে গেছ—আমার মা না হ'য়েও হ'য়েছ । আমার প্রাণে আর কোন অভাব নাই মা ! আক্ষেপ একটু সেই অসহায় বালিকার জন্ত । আমি তো মা হ'তেও মা পেয়েছি ; সে যদি বেঁচে থাকে, অভাগিনী আজ মাতৃহারা !

মঞ্জলা । না আবেদীন ! সে যদি বেঁচে থাকে, সেও নিশ্চয় মা পেয়েছে । জগতে আরও নারী আছে তো ! স্থির জেনো পুত্র, সংসারে এই নারী-জাতিটা শুদ্ধ মা হওয়ার জন্তই ঘুরে বেড়াচ্ছে, তার জন্মের আর কোন উদ্দেশ্য নাই । তবে কেউ গর্ভে ধ'রে মা, আর কেউ মর্মে ধ'রে আপনা হ'তেই মা !

আবেদীন । তুমি আমার সেই মা ! তুমি আমার সেই মর্ম হ'তে প্রসব করা, মহা শক্তিশালিনী মা ! চল মা, আজ মাতা-পুত্রে এক সঙ্গে ব'সে একটু আক্ষেপ করিগে—গর্ভে ধরা মায়ের ছেলে যারা তাদের জন্ত ।



এ মায়ের মুখ তারা দেখে নাই—এ মর্ষ-বীণা তাদের কানে বাজে নাই—  
এ বৃকের শক্তি-সুধার একটা চুমুকও তারা আনন্দ করতে পায় নাই ।

মঞ্জুলা । চল পুত্র, কাজ এসেছে । সত্যিই কাঁদবার পালা এইবার  
আমাদের মাতা-পুত্রের । [ উভয়ের প্রস্থান ।

## সপ্তম গাভীক্ষি ।

বিক্ষাচল ।

সাধক ।

সাধক ।—

গীত ।

অন্ধকার ! অন্ধকার !

কি বিরাট তুমি বিশেষণাতীত তোমাতে কোটি নমস্কার ॥  
এলয়ে যখন ছিল না কেউ শব্দ স্পর্শ রূপ কি রস,  
ছিল না ক্ষিতি তুমি ছিলে শুধু একাই ব্যাপ্ত এ দিক দশ,  
জননীগর্ভে শিশুর মতন আলোক তোমাতে ছিল অচেতন,  
তুমি প্রসবিলে প্রথম প্রভাত তোমারই মুখের এ ওঁকার ।  
আবার যখন এ চপলা প্রজ্ঞা নিভিবে কালের ফুৎকারে,  
আবার যখন রুদ্ধ ত্রিশূল গর্জিবে ভীম হুৎকারে,  
আবার তুমি সে অন্ধকার অসীম অর্ঘ্যেত চমৎকার,  
তোমাতেই সাজে সকল পরিমা তোমারই সত্য অহংকার ।  
তোমার প্রসূত ভারত আজ কাঁদিছে বিনায়ে আকুলপ্রাণে,  
জননী তুমি ধাত্রী তুমি এস গো ঘনারে তনয়া ত্রাণে,  
পাতালগ্রবেশ যেমন সীতার, ব্রহ্মে বিলয় মায়ার বিকার,  
তোমারই বিশ্ব তোমাতে মিলাও লুকাও এ দুঃখের আবিষ্কার ॥

## অষ্টম গর্ভাঙ্ক।

বিদ্যাচল—শিবির-কক্ষ।

ফিরোজ একাকী ভ্রমণ করিতেছিলেন।

ফিরোজ। কতদূর আর দেবগিরি! ক-দিনের পথ এ উদ্দাম পিপাসার সে শান্তি-সরোবর? কতখানি ব্যবধানে আর মৃত্যুর সঙ্গে আমার? সৈন্যগণ পথশ্রান্ত, নিশ্চিত্তমনে বিশ্রাম করছে, কিন্তু আমি বিশ্রামের মাঝেও ছুটেছি নক্ষত্রবেগে নিয়তির হাত ধরে—জীবনের পরপার লক্ষ্য করে। মা! অভাগিনী জননা! জানি না তুমি কোথায়? অশ্রু আসছে তোমার জন্ত চোখের কোণ ছাপিয়ে, কিন্তু আবার শুকিয়েও বাচ্ছে, যে মুহূর্তে স্মরণ হচ্ছে—তুমিও এই স্ত্রী হ'তেই মা হয়েছ! কে?

জনৈক প্রহরী আসিয়া অভিযাদন করিল।

প্রহরী। একজন বালক আপনার সহিত দেখা করতে চায়। এর পূর্বে একবার দেখা হয়েছিল।

ফিরোজ। ওঃ—বোধ হয় সেই বালক! পাঠিয়ে দাও প্রহরী!  
[ প্রহরীর প্রস্থান ] কে এ বালক আমার পিছু-পিছু ঘোরে?

বালকবেশে সাকিনা উপস্থিত হইল।

সাকিনা। আপনি এখনও জেগে আছেন যে? শিবির শুদ্ধ ঘুমুচ্ছে!

ফিরোজ। আমি এ নিদ্রাকে জয় করে ফেলেছি বালক আর একটা নিদ্রার আশায়। এখন তুমি কি করে এ ঘোর রাত্রিতে?

সাকিনা। আমিও রাত্রি দিনকে সমান করে নিয়েছি শাহজাদা আর

একটা আলোকের নেশায় ! এখন জান্তে এলুম এই ছ দিনের মধ্যে শাহজাদার আবার এ বৈরাগ্য এলো কেন ?

ফিরোজ । বৈরাগ্য আসক্তি তো এর মধ্যে কিছু নাই বালক ! বলেছিলুম তোমার কাছে, স্থির করবো আমার কোন্টা শ্রেয়ঃ ? জীবনধারণ না জীবনপাত ? তাই তার একটা স্থির করেছি ।

সাকিনা । বুঝেছি, যা হয়েছে । স্ত্রীর কক্ষে অশ্রু পুরুষকে দেখেছেন না ?

ফিরোজ । তুমি কে ? তুমি কে ? সম্রাট-হারেমের সকল সংবাদ রাখ, তুমি তো সামান্য নও দেখছি !

সাকিনা । সম্রাট-হারেমের সংবাদ রাখলেই কি সে জগতে একজন অসামান্য হ'য়ে গেল শাহজাদা ? কত জন যে তা হ'তেও কত গুহ্য বিষয়ের সন্ধান জানে ।

ফিরোজ । তবে তুমি কি জ্যোতিষ জান বালক ?

সাকিনা । কেন কুমার ?

ফিরোজ । যা বলছো, বর্ণে বর্ণে সত্য । যা বলেছিলে, গিয়েও দেখলুম ঠিক তাই ।

সাকিনা । আমি কি বলেছিলুম আপনাকে ?

ফিরোজ । আমার স্ত্রী—

সাকিনা । কৈ—না ! তবে হাঁ, বলেছিলুম বটে তার যথেষ্টাচারিতার কথা । অতদূর তো কৈ বলিনি !

ফিরোজ । বল নি,—স্পষ্ট বলতে হয় তো সঙ্কোচ হয়েছিল । কিন্তু তোমার কথার উদ্দেশ্য ছিল তাই, যখন আমি প্রত্যক্ষই তা দেখলুম ।

সাকিনা । না শাহজাদা ! আপনার গুণ্ডিতে ভুল হয়েছে, আর আপনি দেখেছেনও ভুল ।

ফিরোজ । ভুল দেখেছি ? আমি—এই চোখ দুটোতে ?

সাকিনা । যে চোখ দিয়ে মানুষ সত্য দেখে, ভুলও দেখে সেই চোখ দিয়েই কুমার ! যাকে পুরুষ ব'লে আপনি ধারণা করছেন, সে পুরুষ নয়—নারী । তবে ছিল বটে সে সময় পুরুষের পরিচ্ছদেই ।

ফিরোজ । বালক ! বালক ! তোমার প্রত্যেক কথাই সত্য ব'লে আমার বিশ্বাস ; কিন্তু এ অসম্ভব হ'তে পারে না । তবে সত্য হোক—মিথ্যা হোক—যা বল্ছো, ঐটে কোন রকমে দিন কয়েকের জন্ত আমার প্রাণে বদ্ধমূল ক'রে দিতে পার, আমি শান্তিতে মরি ?

সাকিনা । এ বদ্ধমূল ক'রে দেবার কিছু তো আমার কাছে নাই শাহজাদা ! সত্য চিরদিনই সত্য, তাকে প্রকাশ করবার জন্ত কোন ভাব, কোন ভাষা কোন প্রমাণ-প্রয়োগ আজও খাটে নাই ; সে স্বতঃই স্বপ্রকাশ । আপনি শুদ্ধ আপনার প্রাণের ভেতর হাতড়ে দেখুন—ভ্রান্তির সঙ্গে তর্ক করুন—বিবেকের উপর সন্দেহ ছাড়ুন ; সবাই এক বাক্যে বল্বে—সে হতভাগিনী আর যাই হোক, এ বিষয়ে নিষ্পাপ ।

ফিরোজ । সে কে ? সে কে তবে বালক, পুরুষের বেশে ?

সাকিনা । তার হ্রদৃষ্ট—তার নিয়তি—পবিত্র হবার উপকরণে তার পূর্নকৃত কর্ম-বীজের অঙ্কুরিত সর্বনাশ ! [ চক্ষে অশ্রুবিন্দু ঝরিল ]

ফিরোজ । ওকি বালক ! তুমি কঁাদছো ?

সাকিনা । পুরুষের বেশে যে ছিল শাহজাদা, সে সেই অভাগিনার সমব্যথী বাদি ।

ফিরোজ । বাদি ! তার ও বেশ ধরার কারণ ?

সাকিনা । আপনারই জন্ত শাহজাদা ! আপনাকে বিজয়-নগর হ'তে উদ্ধার করতে পাঠাবার জন্ত সে তার বাদিকে নিজের হাতে ঐ বেশে

সাজিয়েছিল ; তবে যেতে হয়নি আর, তার পূর্বেই আপনি মুক্ত । কিন্তু শাহজাদা ! কস্ম জিনিষটা বড় সাংঘাতিক, সে এক দিক না কেটে যায় না । যদি তাকে ঠিক সময়মত নিয়মমত ধর্মমত না করা হয়, সে বর্ষার মত ঘুরে নিজের বকেই এসে পড়ে । আকাশ পৃথিবীকে শাস্ত করবার জন্ত মেঘ তোলে, কিন্তু যদি সেটা শরৎকাল হ'য়ে যায়, সে মেঘ বর্ষণ করতে না পেয়ে বজ্রের জ্বালায় তারই বুক দীর্ণ ক'রে দেয় ! জাল রচনা করেছিল আপনার উদ্ধারে, কাজে লাগলো না, কাজেই সে তো আর শুধু শুধু যাবার নয়, যার জাল তাকেই জড়িয়েছে ।

ফিরোজ । এ সব আবার তুমি কি বলছো বালক ? আমার উদ্ধারে তার এত উত্তোগ ? স্বামীর প্রতি তার এত মনতা ? সে আমার ভালবাসে ?

সাকিনা । ভালবাসা কাকে বলে, সে কখনও জানে না শাহজাদা ! তবে সে আর সে নাই । তার অগ্নিগর্ভ চক্ষে এখন অবিরাম অশ্রুধারা—গর্কক্ষুরিত অধর-ওষ্ঠে দগ্ধ স্মৃতির ছাইপড়া—আত্মপরায়ণ হৃদয় এখন অনুতাপের দখল করা । তার মৃত্যু হয়েছে কুমার, আপনি যার কথা বলছেন ! এ বোধ হয় তার শরীরে আর কেউ ! এর দেহ, মন, চিন্তা চৈতন্য, অস্তিত্ব, জীবন—সব একমাত্র আপনি ।

ফিরোজ । বালক ! বালক ! যার মুখ দিয়ে কোরাণের বাণী নির্গত হয়েছিল, দেখছি তার মুখ হ'তেও তোমার মুখ পবিত্র । আমার ইচ্ছা হ'চ্ছে, তোমার মুখচুষন করি, তুমি কাছে এস—বুকে এস ।

বালক । না কুমার ! ভাগবেসে থাকেন, দূর হ'তেই দেখুন আমার, মাথামাখি করবেন না আমার সঙ্গে । আমি ইষ্টপূজার ধূপ—গন্ধ পাচ্ছেন বেশ, কিন্তু আমি পুড়ছি ; আগুনের ক্রিয়া আমার শিরায় শিরায় । কারো বুকে ওঠা বিড়ম্বনা—কাছে যাওয়া নিষেধ—চুষনদানেরও অধিকারী

নই আমি । আমার ধর্ম—অপরাধীর মত মাথা গুঁজে এক পার্শ্বে প'ড়ে থাকা ।

ফিরোজ । তুমি কে ? তুমি কে ? বালকের বেশে বল তুমি কে ?

বালক । আমি ধূপ—আমি ধূপ ! আশীর্বাদ করুন, আমি পুড়ে ছাই হ'য়ে যাই—আমার গন্ধ যেন আমার দেবতাকে শাস্ত, পবিত্র, প্রসন্ন করতে পারে ।

[ বেগে প্রস্থান ।

ফিরোজ । প্রহেলিকা ! প্রহেলিকা ! বালকের গতি-বিধি, তর্ক-যুক্তি সব আশ্চর্য—সব অদ্ভুত ! কেমন যেন চেনা-চেনা, কিন্তু স্মরণের অতীত । কি যেন সুস্পষ্ট, অথচ ভীষণ আবৃত । মিলনে-বিরহে—আনন্দে বিষাদে, আশায়-নৈরাশ্রে, একাধারে মেশানো এ কি ? যাই হোক, এ আমায় মরতে দিলে না । এর মুখের বাণী অমৃতময়ী, এর চাহনি নবীন সজীবতা, এর সম্মুখে যেন জীবনের পরপার—উদ্ভ্রান্তের বিশ্রাম—মোহ-পরিত্যক্ত মহামৃত্যু ।

[ প্রস্থান ।

নবম গর্ভাঙ্ক ।

নদীতীর ।

দেবগিরিবাসিনীগণ ।

দেবগিরিবাসিনীগণ ।—

গীত ।

আজ দেশের রাজা দেশে ।

শাস্তি এলো, ভাবনা গেল—

ও দিদিমো ! উঠলো আবার কুঞ্জে কুহ কাক-বঁধু গেল ভেসে ।

সাঁজের বেলায় জলকে গিয়ে শুন্বি না কেউ আর সে শীশ,

মানের দারে আধ ফোটাতে হবে না আর খেতে বিধ,

চলুক আমোদ অহনিশ, ওলো ! শিং ভেঙ্গেছে মেঘে ।

চ' দিদি ! আজ ভাসান খেলি খোলা নদীর জলে,

খোলা মুখে খোলা প্রাণে খোলা আকাশতলে,

চলবে না আর বসন-চুরি, ঝোপে ঝোপে কামাণ্ডুড়ি,

চোকাঁরা কি হাতের তুড়ি, দাঁড়ানো গা যেসে—

হাত নেড়ে চ' উচু বৃকে দিদি ঘোমটা খুলে হেসে ।

[ প্রস্থান ]

## দশম গর্ভাঙ্ক ।

দেবগিরি—প্রাসাদ-কক্ষ ।

গঙ্গু ও জাফর-খাঁ ।

জাফর । এখানকার সুবাদার বোধ হয় এতদিন দিল্লী পৌঁছেছে ?

গঙ্গু । পৌঁছেছে ছেড়ে ফিরলো । পুরস্কার পাবার লোভ আছে তো তার !

জাফর । সে কি আর ফিরবে ?

গঙ্গু । কেন ? তার আর অপরাধ কি ? সে তোমার নিম্নপদস্থ, তার ওপর তোমার আস্‌বার পরোয়ানা পেয়েছে,—তার প্রতি অত্যাচারের তো কোন সূত্র দেখি না । না—তা বলাও যায় না, বিচার তো সেখানকার সেই রকম ! ছেলে মারে আবার উন্টে মার্জনা করে ! চুলোয় থাক্‌গে । ফেরে ভালোই, মরে—তাও মন্দ হবে না,—বৈঁচে যাবে নরককুণ্ড আগলানো চাকরী করা হ'তে । এখন এদিককার কি বল দেখি ? আমরা যে এখানে জুড়ে বসলুম, সাধারণ প্রজার মতামত ? মুখে তো সকলেই দেখছি গঙ্গার জল ! আন্তরিক ?

জাফর । হাঁ—তাই পিতা ! আমি ছদ্মবেশে ধনী দরিদ্র, ফকির ওমরাও সকলের সঙ্গে আলাপ ক'রে দেখেছি, সকলেই একমত । কি হিন্দু, কি মুসলমান সকলেই আপনাকে পেয়ে সুখী । হিন্দুরা বলে রাম-রাজত্ব, মুসলমানরা বলে মহম্মদের প্রেরিত ।

গঙ্গু । বাঃ !—ভিখারীর ছেলেও রাজা হয় ! স্বপ্ন নয়—সত্য ! এক রাত্রে । এক কাজ করতে হবে জাফর ! মাসখানেকের মধ্যে আমার এই



কটা জিনিবের দরকার ; হিন্দুদের মনোমত গোটাকতক মন্দির, মুসলমানদের সুবিধামত স্থানে স্থানে মসজিদ, পথিকদের জন্ত জলাশয়, অনাথ-আশ্রম, সন্ন্যাসী ফকিরদের জন্ত অতিথিশালা, পীড়িত আতুরদের জন্ত চিকিৎসালয়,—আর সমস্ত দেবগিরিবাসীদের নিয়ে আমি বস্তে পারি এমন একটা সভা । রাজা যেমন প্রজাদের নিয়ে বসে, সে রকম নয় ; বাপ যেমন ছেলেদের নিয়ে বসে, সেই রকম । যাও—তুমি যোগাড় দেখগে । [ জাফর প্রস্থান করিল । ] ওঃ—ভুল হ'লো যে ! একটা বিছালয় চাই—আগেই ; স্বভাবগঠন না হ'লে মন্দিরে মসজিদে কি করবে ! জাফর ! জাফর !

সায়নাচার্য্য উপস্থিত হইলেন ।

সায়ন । গঙ্গু !

গঙ্গু । সায়ন ! এস—এস ! তুমি আমার রাজনীতি শেখাও নাই—ব'য়ে গেছে । এইবার তুমি আমার কাছে শিখবে ? পারি এখন তাও । দেখ, রাজা হয়েছে, এক চালে—এক রাত্রে—এক ফোঁটা রক্তপাত না ক'রে ।

সায়ন । আশ্চর্য্য রাজনীতি তোমার গঙ্গু ! সত্যি আমি তোমার ছাত্রস্থানীয় । তাই একবার দেখতে এলুম, সেই তুমি কি ক'রে এমন হ'লে । যাক—রাজা তো হয়েছে, এখন কেমন স্থখে আছ বল দেখি ?

গঙ্গু । সুখ ? সায়ন ! কুকুরের চোয়াল ছিঁড়ে যায়, তবু সে হাড় চিবুতে ছাড়ে ? অসুখের লোভে কি ?

সায়ন । না—সুখের লোভেই ! কিন্তু সুখ পায় কি ?

গঙ্গু । সুখ তুমি কাকে বল সায়ন ? আমি বলি সুখের আশাই সুখ, হুঃখকে যে কোন উপায়ে চাপা দেওয়াই সুখ ।

সায়ন । আমিও তাই বলি ; কিন্তু চাপা পড়ছে কি ? সত্য

বলবে! আমি যা দেখছি, এ হ'চ্ছে তোমার আগুনের ওপর পাতা চাপা, সূর্যের উত্তাপে হাতের আড়াল, পারার ঘায়ে ছাইয়ের প্রলেপ। এক দিকে চাপা দিচ্ছ, আর এক দিক দিয়ে উথলে উঠছে। নয় কি?

গঙ্গু। সায়ন! সায়ন! আমি তোমার রাজনীতি নিয়েছি, তুমিও দেখছি আমার গণনা-বিজ্ঞাটী আত্মসাৎ ক'রে বসেছ। ঠিক বলেছ তো! চাপা দিতে যাচ্ছি, কিন্তু দরিদ্রার অঙ্গে ছিন্ন বস্ত্রের মত এক দিক টানতে আর এক দিক বেরিয়ে পড়ছে। তবে কি করবো সায়ন! এই রকম টানা-টানিই করতে হবে। লজ্জায় খেয়েছে—লজ্জায় খেয়েছে! উপায় নাই।

সায়ন। উপায় আছে বই কি! সে দিকে যাচ্ছ কৈ? ও চাপা দেওয়া বাদ দিয়ে আগুন নেবাও, সূর্যের তাপে রক্ষা পাবে—বর্ষায় মেঘ তোল, পারার ঘা দেরে যাবে—বিষ হজম ক'রে নাও। এক কথা—তুমি স'রে এস গঙ্গু এ পথ হ'তে।

গঙ্গু। ঐ তো তোমার রোগ! তুমি স'রে গেছ, বেশ করেছ, আবার সবাই মিলে স'রে যেতে গেলে এদিকটা চলবে কি ক'রে? এদিকেও এক জম চাই তো?

সায়ন। এদিক্কার জন্ত ভগবান আছেন! তুমি কে? তোমার কেন এত মাথাব্যথা? যার অদৃষ্ট মন্দ, সেই এদিকে থাকবে।

গঙ্গু। তা হ'লেও সায়ন, তোমার ওদিকে যাবার প্রধান রাস্তাও এও একটা। নিজের জালা গায়ে মেখে পরের মুখ চাওয়া, রাহুর দশায় আপনাকে দিয়ে দেশের সেবা করা, প্রাণ-বিনিময়ে দমন-নীতিতে বালাপালা দেশের উদ্ধার,—ত্যাগটাকেই পাকাপাকি ক'রে নেওয়া নয় কি?

সায়ন। বটে! কিন্তু তুমিই এক দিন বলেছিলে না—আমায় রাজনীতি শেখালে না সায়ন, দরকার নাই! আমি ব্রাহ্মণ; সব নীতিই

আমার জন্মগত সংস্কার, একবার চোখ বুজলেই পাবো ! সত্যই তুমি ব্রাহ্মণ ! আমি সেই জন্তই তোমাকে এখান হ'তে সরিয়ে নেবার আমারও এত আকিঞ্চন । তবে ব্রাহ্মণ, তুমি আবার পাকাপাকি করবে কি ? সবই তো তোমার জন্মগত, জানা—সবই তো তোমার পাকা !

গঙ্গু । সায়ন ! সায়ন ! তোমার হাতে ধরছি—বোঝাটা ঘাড়ে পড়েছে, এক জনকে বুঝিয়ে দেবার সময় দাও ।

সায়ন । বুঝিয়ে দিতে দিতে পাছে নিজেও বোঝা চাপা পড় ।

গঙ্গু । কোন ভয় নাই ! কোন ভয় নাই সায়ন ! এক রাত্রে রাজা হয়েছি । রাজা হয়েছি, কিন্তু গেরুয়া নামাবলী গোছান ঠিক করা আছে । ইচ্ছে করবো কি ধরবো, এই রকম—এক রাত্রেই । করি না দিন-কতক লাফালাফি ! ক্ষতি কি ? তুমিও থাক—তুমিও থাক সায়ন ! তুমিও তো বলেছিলে—কাঁদিগে চল গঙ্গু, তোমার পুত্রের জন্ত—তুমি, আমি, জাফর-খাঁ । বেশ তো মিলেছে !\* আমি রাজা, জাফর সেনাপতি, তুমি হও মন্ত্রী,—হোক অশ্রুজলের ত্রিবেণী । দাক্ষিণাত্য গিলেছি, এস না ভাই ! এইবার এক তুড়ীতে উড়িয়ে এনে গোটা ভারতবর্ষটার আঁচলে পুরি !

সায়ন । না গঙ্গু ! আর ও উড়োন বিত্তা আমার খাটবে না । ও হ'তে চমৎকার বিত্তা আমি একটা পেয়েছি—ব্রাহ্মণের যা নিজস্ব বিত্তা ব্রহ্মবিত্তা । যত দিন এর প্রকৃত আশ্বাদ পাই নাই, তত দিনই পড়েছিলুম বিত্তার কাপড়ে ঘোমটা দেওয়া ও অবিত্তায় আঁকড়ে । আর আমার কান্না আসে না গঙ্গু কারও ছেলে ম'লে । আর ও মন্ত্রীত্বে আমার বাসনা নাই ব্রাহ্মণ ! বিশ্ব-রাজ্যেশ্বরের রাজসভা দেখেছি ; সামান্য ভারতবর্ষটার আর আঁচলে পুরে কি করবো ? গোটা ব্রহ্মাণ্ডটার সংবাদ তুমি আমার কাছে নাও ।

গঙ্গু। যাও—যাও তবে সায়ন ! বীজ রাখগে তুমি এক ধার হ'তে সব জিনিষের ! যখন যেটার দরকার হবে, পায় যেন সবাই । যদিও তুমি আমার রাজনীতি শেখাও নাই, কিন্তু এ বীজ পাওয়া তোমার কাছ হ'তেই,—তুমিই আমার কানে প্রথম তুলেছ রাজনীতি শব্দ । রাখগে ও ব্রহ্মবিষ্ণুর বীজ, আমি সত্ত্বরই যাচ্ছি ।

সায়ন । সাবধান ! যেন ক্ষেত্র ঠিক থাকে ; কাঁটার গাছ না হয় ।

[ প্রস্থান ।

গঙ্গু। কিসের ভয় ? লক্ষা রইলো ঠিক, কি করবে আমার বিষয়ের কামড়ে ? জলে তেল ভাসবে ।

জাফর-খাঁ পুনঃপ্রবেশ করিল ।

জাফর । আপনি আমার আবার খুঁজেছিলেন পিতা ?

গঙ্গু। হাঁ বাবা ! একটা ভুল হ'য়ে গেছে, অথচ সেইটেই প্রধান—আগে দরকার,—একটা বিদ্যালয় ।

জাফর । এই কথা ! তা আগেই হবে ; তিন দিনের মধ্যে এটা তুলে দিচ্ছি ।

গঙ্গু। না জাফর ! ও বিদ্যালয় না বিদ্যালয় ! ও চলবে না ; এটা হবে প্রকৃত বিদ্যালয় । অর্থ উপার্জনের শক্তিসংগ্রহালয় নয়, পাকা রকমের জোচ্চুরী-শিক্ষালয় নয় । এটা কি রকম হবে জান ? হিন্দু-মুসলমান এক সঙ্গে বসবে, বেদ-কোরাণ এক মুখে পাঠ চলবে ; বুঝিয়ে দিতে হবে একেবারে, গুণগোলের কিছুই নাই,—যাই বলুক যে, শেষে গিয়ে এক সোহং । তিন দিনের কর্ম নয় জাফর ! আগে এই রকমের এক জন শিক্ষকই খোঁজ ; দেখ, আবার তোমার দেশে পাওয়া যায় কি না ?

আবেদীন উপস্থিত হইল ।

আবেদীন । খুব পাওয়া যাবে ব্রাহ্মণ ! দেশে অভাব কি ? রত্নপ্রসূ ভারতবর্ষ—এখানে যা নাই, তা সৃষ্টিই হয় নাই । যা দেখতে পাচ্ছ না, তা লুপ্ত নয় গুপ্ত । সব আছে ব্রাহ্মণ ! সব প্রাণেই ব'চ্ছে অন্তঃশীলা ফল্ল ! অভাব ছিল এক জন অৰ্জুনের, এক বাণে পাতাল ফুঁড়ে সে ভোগবতীর ধারা ফোয়ারার মত তুলে দিতে,—তাও আর নাই ! তুমি দাঁড়িয়েছ এ বিশাল কুরুক্ষেত্রে গাণ্ডীবে জ্যা যোজনা ক'রে । কিসের অভাব আর ? কার ভয় তবে ? ভগবান রথরজ্জুধারী ! তোমার এ শিক্ষকতার ভার আমি নিলুম ব্রাহ্মণ !

জাফর ! আবেদীন ! তুমি এখানে কি ক'রে ?

আবেদীন । এই রকমেই একটা কাজ খুঁজতে ! অনেক দিন হ'তে ইচ্ছা ছিল, সুর্যোগ ঘটে নাই !

জাফর । তুমি পারবে এ শিক্ষা-বিভাগ চালাতে ?

আবেদীন । পারি তো এক আমিই পারবো । আমার উপরে দেখুচ্ছে মুসলমানী পোষাক, ভিতরে আছে হরিনামের ছাপ ; রক্ত ব'চ্ছে মুসলমানের, হাড়ের কাঠামো হিন্দুর । জানা আছে আমার কোরাণ, বেদান্ত দুইই,—দেখাতে পারি উভয়ের একত্ব । জান্বে না আমায় জাফর-খাঁ ! আমি ছাড়া এ কাজ আর কেউ পারবে না ।

গঙ্গু । তুমি পারবে—তুমি পারবে আবেদীন ! তোমার এক চক্ষে নিম্নল অশ্রুধারা, অগ্র চক্ষে প্রীতির হাশু-তরঙ্গ ! এক হস্ত ফুল দিচ্ছে মহম্মদের সমাধিতে, অগ্র হস্ত মার্জন করছে বিষ্ণুধরের মন্দির ! এক পদ অগ্রসর কর্ণের আহ্বানে, অগ্র পদ অচল আত্মজ্ঞানে ! মন তোমার সমাধিস্থ খোদায়, প্রাণ প'ড়ে আছে নারায়ণের শ্রীপায় ; জিহ্বায় বলছে

“এল্লাহি”, অনাহত উঠছে “ওঁ—ওঁ”। তুমি পারবে! তোমায় আমি প্রাণ খুলে ভার দিলুম ; যা করতে হয় কর।

আবেদীন। ভারতবর্ষ! আমি তোমায় মানুষ করবো। তুমি পশু ছিলে, তা বলি নাই। তুমি পণ্ডিত ছিলে—মৌলবী ছিলে—মহারাজ ছিলে—বাদশাহ ছিলে—হিন্দু ছিলে—মুসলমান ছিলে,—সবই ছিলে তুমি—সবই ছিল তোমার। আমি তবে কি করবো জান? ঐ যা যা ছিলে তুমি—যা কিছু ছিল তোমার, সব ঘুচিয়ে দিয়ে শুধু মানুষ—উপাধিশূন্য—জাতিশূন্য—অহংশূন্য, যাতে আর ব্রহ্মে কোন ভেদ নাই।

মঞ্জুলা উপস্থিত হইল।

মঞ্জুলা। তা তো করবে পুত্র; কিন্তু যা করতে এলে, আসল কাজটাই ভুলে গেলে! ধর্মের নামে এত আত্মহারা? ধর্ম তোমার চলবে কি ক’রে?

আবেদীন। মা রয়েছ তুমি—সর্ব-ধর্মপ্রসবিনী! পথ সাক্ষ ক’রে দাও না মা!

মঞ্জুলা। ব্রাহ্মণ! নিয়েছ যদি দাক্ষিণাত্য, নিশ্চেষ্ট থেকে না। দিল্লী হ’তে সৈন্য আসছে,—অসংখ্য—অগণিত—সমুদ্রতরঙ্গের তায় উন্নত প্রাবনে।

গঙ্গু। আসছে আসছে? কিসের ভয় মা, অভয়া যদি তুমি আমাদের প্রতি পদস্থলনে বুক দিয়ে? জাকর!

জাকর। প্রস্তুত পিতা তার জন্ত পুত্র আপনার প্রতিক্ষণই। আমুক দিল্লীর শক্তি অনন্ত—অপরিমেয়, উড়ে যাবে জাকরের অত্যাচার-নিঃসৃত দীর্ঘ নিশ্বাসে—পুড়ে যাবে নেত্র-উদগীরিত পিতৃ-অপমানের আগ্নেয়প্রাবে—লয় হ’য়ে যাবে এ হৃদয়ের অনন্ত ক্রতজ্ঞতার অসীম অনন্তে। আজ

দেখাবো পিতা এই দাক্ষিণাত্যে ব'সে, দিল্লীখবের শক্তি শুধু দিল্লীর আসন হ'তে নয়,—দীন গঙ্গু ব্রাহ্মণও ছিল তার একটা প্রধান অঙ্গ । দিল্লী-সেনার এখন চালক কে দেবী ?

মঞ্জুলা । দিল্লী-সেনার চালক—বুঝতে পার্ছো না—আর আছে কে ? আমার স্বামী ! সম্রাট আর এমনটী কাকে পাবেন ?

জাফর । তবেই তো মা !

মঞ্জুলা । না জাফর ! সে বিষয়ে আমি ঠিক ক'রে নিয়েছি । এক দিকে স্বামী, এক দিকে তোমরা পুত্র ! এক পথে নারীর সর্বস্ব, অল্প পথে দেশ ! এক দিকে আত্ম-তুষ্টি, অল্প দিকে সর্ব শান্তি । আমি বেছে নিয়েছি জাফর শেষের দিক্‌টাই । পুত্র—দেশ—সর্ব শান্তি !

গঙ্গু । [ উদ্দেশে ] সায়ন—সায়ন ! আমি হয় তো এইখানেই থাক্‌বো । এখানেও ত্যাগের সঙ্গে সাক্ষাৎ হয় । দেখ, এ কি ত্যাগ ! জাফর ! যাও নিঃসঙ্কোচে, যদিও উপায় নাই ; তা হ'লেও লক্ষ্য রোখো বাবা, রক্তপাতটা যত কম হয় ।

জাফর । ও শিক্ষা আপনার কাছ হ'তে আমার অনেক দিনের পাওয়া । পিতা ! এই একটা সুযোগ । এই সূত্রে এখানকার অধিবাসীদের আর একবার বুঝে নেওয়া যাক্‌ না । ডেকে যাই আমি তাদের প্রত্যেককে, দেখি কে কে রণক্ষেত্রে যায় ? কার কার কণ্ঠে মান্-মান্ ওঠে ? কতগুলো প্রকৃত দেশভক্ত ?

গীতকণ্ঠে প্রজাগণ ও প্রজা-বালকগণ উপস্থিত হইল ।

গীত ।

প্রজা ।— হেথায় সকল কণ্ঠে এক হ্রস্ব আজ সকল নেত্র দীপ্তমান ।

বালক ।— হেথায় বালুকণাটীও সমান উষ্ণ সূর্য্যকিরণে পেরেছে প্রাণ ।

প্রজা ।— আজ হয়েছে অরণ বেদ-বেদান্ত আর্ধ্য-রাজ্যের অতীত কাল,

বালক ।— আল বলছে বিবেক তার তুলনায় বর্তমান এ কি ইলজাল,

প্রজা ।— এসেছে বেঁচে সে ব্যাসের ব্রত অর্জুনের সে অমোঘ বাণ—

বালক ।— দুর্বোধনের দৃঢ় প্রতিজ্ঞা আবার ভারতে মূর্ত্তমান ।

প্রজা ।— নহে হেথা আর আগ্নেয়গিরি অন্তর্ধূমে কস্পিত,

বালক ।— মিথ্যা বুঝি সে ফল্গুপ্রবাহ অন্তঃশীলা শঙ্কিত,

প্রজা ।— জলুক বহি খেলুক প্লাবন চলুক অনন্তে এ জয়-গান,

বালক ।— অথবা মৃত্যু ধরুক বন্ধে করুক এ দুঃখে পরিজ্ঞাপ ॥

গঙ্গু । [ উদ্দেশে ] সায়ন—সায়ন ! তুমি আর সে বীজ আমার জন্ত যুগিয়ে রেখে না ভাই, দিয়ে দাওগে যে নেয়,—আমাতে আর হয় তো নাই ! আমি এই এখানেই র'য়ে গেলুম,—এও কম আনন্দ নয় । বেঁচে থাক বাবারা—বেঁচে থাক ; আর কিছু না, শুদ্ধ বেঁচে থাক তোমরা !

জাফর । তোমাদের যাবার আর প্রয়োজন নাই ভাই সব, তোমরা অতীত অত্যাচার স্বরণ ক'রে ঘরে ব'সেই দীর্ঘশ্বাস ফেলগে ; মন্দিরে, মসজিদে, যার যেখানে বিশ্বাস—করযোড়ে জানাও গে,—প্রাণের সমস্ত আশীর্বাদ হিমালী-প্রভাতের মত সমস্ত দাক্ষিণাত্যের ওপর ছড়িয়ে রাখ গে । সেই সাহায্যই তোমাদের যথেষ্ট । যে কণ্ঠে মৃত্যুর জয় দিতে দিতে এখানে এসেছিলে, যাও এইবার সেই কণ্ঠে স্বাধীনভাবে ভগবানের গুণকীর্তন করতে করতে ।

মঞ্জুলা । না জাফর ! ও উদাসীনতার দিন এখন এদের আসে নাই । শুদ্ধ এক দল সৈন্ত আমার স্বামীর অধীনে দাক্ষিণাত্যে অগ্রসর নয়, তার পশ্চাতে আবার ফিরোজ অসংখ্য সৈন্ত নিয়ে আসছে ; তুমি একা—মুষ্টিময় সৈন্ত তোমার । হও না যতই পিতৃভক্ত ধর্ম-বীর, ক' দিক সাম্ভাবে ? ছেড়ে দিও না এদের—পাঠাও এদিকে ফিরোজের সামনে ! যুদ্ধ জানা তেমন না থাকলেও এদের প্রাণ আছে—এরা পারবে,—এদের এক জন চালক দেখে দাও ।



বুকারায় উপস্থিত হইলেন ।

বুকা । আমি আছি ! আমি এদের চালক হবো—আমি এদের নিয়ে যাবো সিংহগতিতে ফিরোজের সামনে ।

গঙ্গু । বুকারায় ! বিজয়-নগররাজ !

বুকা । হাঁ—[ প্রজাগণের প্রতি ] চল ভাই সব ! আজ তোমাদের বড় গোরবের দিন । আজীবনটা রক্তচক্ষুর নীচে মাথা গুঁজে পড়েছিলে, চিন্তে পার নাই তোমরা কে, জানতে পার নাই তোমাদের কতখানি সন্তা ! চল ভাই সব, কিছু করতে হবে না তোমাদিকে ; তোমাদের একটা সমবেত জয়নাদ শুন্লেই সব মস্ত্র ভুলে যাবে । কাঁটার আঁচড় লাগবে না তোমাদের গায়ে । রক্ত যা ঢালতে হয়, ঢাল্বে আমি ; তোমরা শুদ্ধ নিয়ে আস্বে বিজয়-লক্ষ্মীকে কোলে ক’রে নাচতে নাচতে ।

প্রজাগণ । জয় বিজয়-নগরেশ্বর বুকারায়ের জয় !

জাফর । তবে আমাকেও পদধূলি দিন পিতা ! বিদায় ! আশীর্বাদ করুন, যেন আপনার পুত্র ব’লে পরিচয় দিতে পারি—বিনা রক্তপাতে এ যুদ্ধ জয় হয়—বীরবর উমেদ-আলিকে বন্দী ক’রে এনে আপনার সামনে ধ’রে দিই ।

উমেদ-আলি উপস্থিত হইলেন ।

উমেদ । উমেদ-আলি বন্দী—উমেদ-আলি বন্দী ! এক ফোঁটা রক্ত-পাত না ক’রেই ! তোমার এ যুদ্ধ জয় হয়েছে জাফর ! চমৎকার তুমি গঙ্গুর পুত্র !

মঞ্জুলা । এ আবার কি স্বামী ?

উমেদ । মঞ্জুলা ! এ কে ? আবেদীন ! বাঃ ! তোমাদের একি দেবী ?

মঞ্জলা । সেই তোমার পূজা—তোমারই পবিত্রতা-রক্ষার প্রয়াস—  
তোমাতেই ভবিষ্যৎ অনুরূপ হ'তে বাঁচাবার ষড়যন্ত্র ।

আবেদীন । বুঝেছি পিতা আপনাতো যা অবস্থা ; সেই প্রেম—সে  
শত্রু আলিঙ্গন করা স্বভাবের ক্রমোন্নতি । ছিল সত্রাটের ওপর, এইবার  
তা পড়েছে জননী জন্মভূমি ওপর ।

উমেদ । তাই বটে পুত্র, তাই বটে । সত্যই আমি পরাজিত—বন্দী—  
আত্মহারা জন্মভূমির প্রেমে । এসেছিলুম আমি আবেদীন উন্নত—উধাও—  
অত্যাচারের ইচ্ছাশক্তিতে চালিত হ'য়ে—তার গহ্বরময় জীবন পূরণের  
উপকরণ সংগ্রহে । কিন্তু পুত্র, এ আবার কি অদ্ভুত তাড়িৎ ? দূর হ'তে  
দেবগিরির ধূম্রময় অস্পষ্ট মূর্তি যে মুহূর্তে আমার চোখে পড়লো, উন্নত  
ছিলুম—আরও উন্নত হ'লুম ; উধাও হ'য়ে আসছিলুম, আরও উধাও—  
আরও আকুলপ্রাণে আগে ছুটে এলুম । স্পষ্ট হ'লো বাল্যের বিনোদ  
ছবি সেই দেবভূমি ! সেই গ্রাম-পল্লবিত ঘন বৃক্ষরাজি—সেই নাতিদূর-  
বিস্তৃত খণ্ড গিরিশ্রেণী—সেই রজত-মেখলা কুলুনাদিনী তটিনী-প্রবাহ !  
সেই স্নদীর্ঘ প্রান্তর—সেই পাখীর গান—সেই চির-বসন্তের হাওয়া—  
সেই—সেই—সেই সব । ব'সে পড়লুম ধূলয়, কাঁদলুম কত বিনিয়ে  
বিনিয়ে ; ভাবলুম, কোন্ অন্ধকারে ছিলুম এত দিন এ নিত্যধাম ছেড়ে ?  
ভুলে গেলুম, কি ক'রে এলুম আবার ! কত খুঁজলুম ; পিধানেও আর  
অস্ত্র নাই ! উড়ে গেল সব—হুয়ে পড়লো মাথা জন্মের মত ধগ্ধ হ'য়ে ।  
আমি একা সপ্তরথীতে ঘেরা ! পরাজিত—বন্দী—নাই ! গঙ্গু ! জান্বে  
না আমার ভূমি ; এ আমার জন্মভূমি । যদিও আমি অধঃপতিত—পামর—  
আমার জন্মভূমি বন্বার অধিকারী নই, তা হ'লেও বা করেছে, তারই জন্ত—  
তারই উদ্ধারে । তবে আমার গ্রহ ; আমি পারি নাই পড়েছি ; তুমি  
পেরেছ প'ড়ে প'ড়েও । ধগ্ধ ভূমি ! তোমায় প্রণাম । [ পদতলে পড়িলেন ]

গঙ্গু। [ উমেদকে তুলিয়া ] এ আবার কি ! এ আমার রাজনীতি, না সায়েন যে বলেছিল এদিক কার জন্ত ভগবান আছেন, এ তাঁরই খেলা ?

জাফর। উজীর-সাহেব ! শাহজাদা কত দূরে ?

উমেদ। খুব কাছে জাফর !

বুকা। আমি যাচ্ছি—আমি যাচ্ছি তার বাধায় ! আমার আজ একটা যুদ্ধের বড় দরকার। [ গমনোচ্ছত ]

ফিরোজ-সা উপস্থিত হইলেন।

ফিরোজ। আমি কিন্তু আপনার সঙ্গে যুদ্ধ করবো না রাজা ! আপনার সঙ্গে তো দূরের কথা, আপনার নাম-গন্ধ যেখানে আছে, সেখানে ফিরোজ দাঁড়িয়ে মরবে—চক্ষুটি পর্য্যন্ত বিকৃত করবে না।

বুকা। কেন ?

ফিরোজ। আপনি বিজয়-নগরেশ্বর—আমার রক্ষাকর্ত্রী মুক্তিদায়িনী মহিমাযিতা বিজয়-নগরেশ্বরী মায়ের ইষ্টদেবতা স্বামী—আমার পিতা।

গঙ্গু। [ স্বগত ] তারই খেলা—তারই খেলা ! আমার রাজনীতি নয়, এ তারই খেলা। রাজনীতির এত শক্তি হয় ? এক বিন্দু রক্ত পড়লো না, হাসতে হাসতে জয় ! শুধু আমার নয়—শত্রু-মিত্র জয়ী-পরাজিত সকলেরই। এমন সমভাবে জয় আর কার ? তার। সায়েন—সায়েন ! তুমি বীজ নিয়ে যাও নাই, দেখছি ভিতরে ভিতরে ছড়িয়ে দিবে গেছ ! একটু নরম হাওয়া পেয়েছে, অমনি অঙ্কুর।

বুকা। করলে কি ফিরোজ ! বড় আশায় এসেছিলুম আমি।

ফিরোজ। আমিও সে বিষয়ে ঠিক তাই। আমারও বড় সাধ ছিল ঐ পুনর্জন্মের। কিন্তু যখন শুনলুম, আপনিও উড়ে এসে পড়েছেন এই আবর্জনায়, ছাড়তে হ'লো সব, নিতে হ'লো বুকের বাধা বুকের ভিতরই

মিলিয়ে । ভালো হয় নাই আমাদের এ পথে আসা । ভুল হ'য়ে গেছে  
ছ-জনেরই,—আশাভঙ্গ আপনারও, আমারও ।

### হরিহর উপস্থিত হইল ।

হরিহর । [ বুকাকে ধরিয়া ] চল এইবার, ঘরের ছেলে ঘরে চল ।  
যেমনি আগায় কিছু না ব'লে গোঁ ধ'রে চুপি-চুপি চ'লে এসেছিলে, হ'লো  
তো ? বুঝতে পারলে, মুক্তি দেওয়া কার ? এলে তুমি আসক্তির ছট্-  
ফটানিতে জগতের ওপর রাগ ক'রে—ম'রে জুড়াবো ব'লে, তা কি হয় ?  
তোমার জীবন-কাটা যে সেখানে যত্নে তোলা ! মরা তো দূরের কথা, এক  
ফোঁটা ঘাম পর্য্যন্ত পড়লো না । দেখ, সে কি শক্তি ! ভাব, সে কি টান !  
চেন, সে কি ইচ্ছা ! সে ইচ্ছা সর্বব্যাপিনী—সে ইচ্ছা সর্বশক্তিময়ী—  
সর্বকারিণী—সব অঘটন-ঘটন-পটীয়নী । সেই ইচ্ছায় তুমি, আমি,  
সায়নাচার্য্য, বিজয়-নগর, সমস্ত বিশ্ব-ব্রহ্মাণ্ড ! প্রণাম কর সে শক্তিকে ।  
মার্জনা চাও তাকে অবিশ্বাস অবমাননা করায় ! ফিরে চল হৃদয়ভরা  
শান্তি নিয়ে । [ গমনোত্তত ]

আবেদীন । দাঁড়াও ; আমার সঙ্গে যেতে হবে একবার তোমাদের  
সবাইকেই । আমি একটা ভোজ দেবো ; আমি বৃত্তি পেয়েছি । আমি  
এ নব বিদ্যালয়ের শিক্ষক শুনেই সঙ্গে সঙ্গেই দেশ শিক্ষিত ! দেশে আর  
শত্রু মিত্র নাই । দেশ যুড়ে প্রেমের বত্মা,—অনাদি—অনন্ত—আশার  
অতীত । চ'লে এস ।

[ গঙ্গু ব্যতীত সকলের হরিহরের পশ্চাদ্ভ্রমণ ।

গঙ্গু । অঙ্কুর যে আবার এর মধ্যেই গাছ হ'য়ে উঠতে চায় !

[ প্রস্থান ।

# চতুর্থ অঙ্ক

## প্রথম গর্তাঙ্ক।

দিল্লী—দরবার।

সিংহাসনে মহম্মদ তোগলক, পার্শ্বে অযোধ্যার শাসনকর্ত্তা,

আগ্রার নবাব, পাঞ্জাবের প্রতিনিধি আসান।

মহম্মদ। তোমরা শাসন করছো কি রকম? চতুর্দিকে বিদ্রোহ  
বিশৃঙ্খল, অথচ তোমরা এক এক জন নামজাদা শাসনকর্ত্তা!

অযোধ্যা। আমাদের শাসনের তো কোন ক্রটি হয় নি খোদাবন্দ!

মহম্মদ। হয় নি? তোমার অযোধ্যা চন্দ্র-মুদ্রা নেয় নি কেন?

অযোধ্যা। তাতে আর আমার কি অপরাধ শাহান-সা?

মহম্মদ। অপরাধ তোমারই,—তুমি নেওয়াতে পার নি।

অযোধ্যা। চেষ্টা যথেষ্টই হয়েছিল হজরৎ!

মহম্মদ। বাজে চেষ্টা! যতই হোক, তারা প্রজা তো! তুমি রাজ-  
প্রতিনিধি, তোমার হাতে তাদের জীবন-মরণ,—যাও। আগ্রার নবাব!  
তুমিও তোমার আগ্রা হ'তে রাজকরের বিনিময়ে উৎপন্ন ফসলের চতুর্থাংশ  
আদায় নিতে পারলে না?

আগ্রা। আর নেবো কাদের কাছে সম্রাট? কৃষক-পল্লী আগ্রা  
হ'তে উঠে গিয়ে বনে আশ্রয় নিয়েছে।

মহম্মদ। সে বনটা কি আমার অধিকার ছাড়া?

আগ্রা। সেখানে যে তাদের সব দিন এক মুঠো জুটছে না সম্রাট!

মহম্মদ । ওঃ—এ বিষয়ে তোমার পোষকতা আছে দেখছি ! তুমি আমার চাকরী কর না ? তা হবে না নবাব ! না জোটে, দেখতে চাই না,—কিন্তু যে দিন জুটবে, ঐ এক মুঠো হ'তে সিকি মুঠো আমায় দিতে হবে । তারপর পাঞ্জাব-প্রতিনিধি ! তুমি তো চীন জয় করতে পারলে না ; এত অর্থব্যয়, সৈন্তসংগ্রহ সব বৃথা হ'লো ।

পাঞ্জাব । কি করবো হজরৎ ! হিমালয় পার হ'তে গিয়ে শীতে সমস্ত সৈন্ত নষ্ট হ'য়ে গেল ।

মহম্মদ । যাক্—তুমি ফিরে এসেছ তো প্রাণ নিয়ে ? এখন তোমার পাঞ্জাবীরা যে নূতন সৈন্তদলের রসদের জন্ত নূতন রাজকর দেবো না বলেছিল, তার কিছু করেছে ?

পাঞ্জাব । তার কিছু করবার তো আর প্রয়োজন হয় নি খোদাবন্দ ! নূতন সৈন্তই নেই, আর রসদসংগ্রহ কি জন্ত ?

মহম্মদ । তবু তাদের একথাটার উত্তর দিতে হবে না ? প্রয়োজন নাই ব'লে কি আদেশ অমান্যটাকে মেখে নিতে হবে ? এর শাসন চাই না ? আবার তো এমন দিন আসতে পারে ! শোন—আমি তোমাদের সকলকেই বলছি, দেশ শাসন করাটা ছেলেখেলা নয় । শাসনকর্তার পদটা উচ্চ প্রাসাদের উজ্জ্বল কক্ষে আউরং আর আস্রফির নেশায় মসৃণ হ'য়ে থাকবার জন্ত নয় ! [ অযোধ্যার শাসনকর্তার প্রতি ] তুমি অযোধ্যাকে চর্ম্ম-মুদ্রা নেবার জন্ত আর একবার বল—এই শেষ, না হয় সমস্ত অযোধ্যা আগুন দিয়ে জালিয়ে দাও । আগ্রার নবাব ! তুমি কৃষকদের আগ্রায় ফিরে আসতে বল ; না আসে, বনেও থাকবার দরকার নাই । গুলী ক'রে মার—নংসার হ'তে তাড়িয়ে দাও । পাঞ্জাবের প্রতিনিধি ! তোমার আর কাকেও কিছু বলতে হবে না, তুমি পাঞ্জাবে পা দিয়েই একেবারে চতুর্দিক বেড়ে লুট আরম্ভ ক'রে দাও, যেন কেউ

একটা কুটো সরাতে না পারে। দেখি—সব ঠাণ্ডা হয় কি না! চুপ করে যে সব! কথা নাই কেন অযোধ্যার শাসনকর্তা?

অযোধ্যা। সম্রাট! আমি আপনার পিতার শাসনকালের কর্মচারী, বৃদ্ধ হ'য়ে পড়েছি; এরূপ অগ্নিদাহ আমার হাত দিয়ে কখনও হয় নি, আর এ শেষ সময়টার—

মহম্মদ। তুমি কর্মত্যাগের আর্জি কর।

অযোধ্যা। সম্রাটের জয় হোক! [ পদত্যাগ-পত্র লিখিয়া সম্রাটকে দিলেন ]

মহম্মদ। যাও বৃদ্ধ! কি বলবে—আমার স্বর্গীয় পিতার অনুগৃহীত ছিলে।

অযোধ্যা। আমার স্বর্গীয় প্রভু সম্রাটের স্মৃতি দিন।

[ প্রস্থান ।

মহম্মদ। তোমার কথা কি আগ্রার নবাব?

আগ্রা। আপনি আমার গুলী করুন সম্রাট, নিরীহ কৃষকদের গুলী করতে বলার চেয়ে!

মহম্মদ। কে আছে?

জনৈক প্রহরী উপস্থিত হইল।

মহম্মদ। বাঁধ নেমকহারামকে; কারাগারে নিয়ে যাও। এরই প্রশ্নে কৃষকেরা আগ্রা হ'তে উঠে গেছে। আমি মুর্থ নই।

আগ্রা। সম্রাট বুদ্ধিমান। সত্যই আমি তাদের হুখে হুখী। সম্রাট দয়ালু—এ কারাবাস-আজ্ঞা অত্যাচার নয়, অনুগ্রহ। সম্রাট সুবিচারক; আমার নিয়ে আমার জীবন্তে জাহান্নাম হ'তে মুক্তি দিলেন। চল প্রহরী!

[ প্রহরী সহ প্রস্থান ।

মহম্মদ । তারপর তুমি পাঞ্জাব লুট করতে পারবে কি না ?

পাঞ্জাব । সম্রাটের কার্যে যখন আত্মোৎসর্গ করেছি, তাঁর আদেশ-পালনই এ জীবনের একমাত্র ব্রত ।

মহম্মদ । তুমি পুরুষ—তুমি প্রভুভক্ত—তুমিই প্রকৃত বীর । এই নাও পাঞ্জা । আজ হ’তে আমি তোমার বিশ-হাজারির পদ দিলুম । পাঞ্জাব লুট ক’রেই তুমি সিদ্ধমনে যাও, পাজী সিক্কুরাজও এই সুযোগে স্বাধীন হ’তে চায় ।

পাঞ্জাব । একটা নিবেদন ! পাঞ্জাবে যে সকল জাতি বাস করে, তাদের মধ্যে মুসলমানও আছে ; সকলের প্রতিই কি সমান নীতি ?

মহম্মদ । সমান—সমান ! ও সব পক্ষপাতিত্ব আমার রাজ্যে নাই । আমার কাছে মাত্র দুটো জাতি—রাজা আর প্রজা ।

পাঞ্জাব । যথা আজ্ঞা ।

[ প্রস্থান ।

মহম্মদ । এই আগ্রা আর অযোধ্যা আমার নিজেকে যেতে হবে । দেখাতে হবে—আমি মহম্মদ তোগলক, আমার আদেশ ভিক্কুরের কাকুতি নয় । [ গমনোদ্ভূত ]

### জালালের প্রবেশ ও অভিবাদন ।

মহম্মদ । জালাল ! দাক্ষিণাত্য হ’তে ফিরছে ? সংবাদ কি ? ভাল তো ?

জালাল । না সম্রাট ! বড়ই দুঃসংবাদ ; উমেদ-আলি সসৈন্তে গন্ধুর পক্ষে বোগ দিচ্ছে ।

মহম্মদ । উমেদ-আলি—আমার চির-বিশ্বস্ত ! যার জন্ত এ যুদ্ধের সূচনা ? তুমি মিথ্যা বলছে ।



জালাল । না সন্নাট ! শোনাচ্ছে মিথ্যার মতই ; কিন্তু আমি স্বচক্ষে দেখে আসছি । উজীর সাহেব না কি হিন্দু-কুলোদ্ভব, দেবগিরি তাঁর জন্মভূমি, তিনি এখন সেই প্রেমেই উন্মত্ত—তন্ময় ।

মহম্মদ । এঃ—তোমার অন্ধ হওয়া উচিত ছিল । তারপর ফিরোজ !

জালাল । শাহজাদার অবস্থাও তাই সাহান-সা ! তিনি আবার বুকুয়ারের পৃষ্ঠপোষক ।

মহম্মদ । ওঃ ! আমারও এর পূর্বে বধির হ'তে পারলে ভাল হ'তো । তুমি কি করছিলে ?

জালাল । আমি আর কি করবো খোদাবন্দ ? আমার কাছে সন্নাটের অনুগ্রহের কোন চিহ্নই নাই । সৈয়রা কেউ আমার কথা নিলে না ।

মহম্মদ । [ অর্দ্ধ স্বগত ] সৃষ্টিটা কি উন্টে গেল ? মানুষ কি ছ-মুখো ? বিশ্বাস, বন্ধুত্ব, আত্মীয়তা, এ সব কি নিতান্তই বাজে ? ফিরোজে না হয় সব সাজে ; দিল্লী-মসনদ তার লক্ষ্য, একজন সহায় তার চাই ; কিন্তু উমেদ ! এ হৃদয়-রাজ্যটা যার অধিকৃত ? জালাল ! তুমি একবার আমার দাক্ষিণাত্য নিয়ে চল ! একটা মুহূর্তের জন্য উমেদ-আলির সঙ্গে আমার দেখা করিয়ে দাও । দ্বন্দ্ব করবো না, এ পরাজয়ে আমার ক্ষোভ নাই,—আমার গোটাকতক কথা আছে ।

সঙ্কুচিতপদে উমেদ-আলি উপস্থিত হইল ।

উমেদ । গোলাম হাজির জনাব !

মহম্মদ । উমেদ ! বাঃ ! এস বন্ধু এস । অমন চোরের মত কেন ?

উমেদ । চোরই বে হয়েছি সন্নাট !

মহম্মদ । না উমেদ ! চোর তুমি নও—চোর আমি ! তোমার মত স্বদেশবৎসল বীরকে কোন্ অন্ধকার গুহায় এতদিন চুরী ক'রে রেখেছিলুম,

তোমার এ উদ্যম প্রবৃত্তিকে কি মন্ত্রে চাপা দিয়ে রেখেছিলুম ! জান না আমার কোন্ কুহকে জন্মভূমির সেবক তুমি, মুগ্ধ আত্মবিশ্বস্ত অলস হ'য়ে ছিলে ! চোর আমি উমেদ, চোর আমি ! তুমি যে চোর—আমি তার ওপর ।

উমেদ । সম্রাট !

মহম্মদ । বেশ করেছ বন্ধু—বেশ করেছ ! তবে আবার দিল্লী ফিরলে কি জ্ঞা ? লোহ-শৃঙ্খল কেমন ছিঁড়েছ দেখাতে ? অপহৃত বস্তু উপে গেলে চোরের নির্বাক অনুশোচনা নিষ্ফল হা-হতাশ কত মর্মান্তিক, দেখতে ।

উমেদ । না সম্রাট ! নেমকহারামীর দণ্ড নিতে ।

মহম্মদ । উমেদ ! তুমি নূতন হ'য়ে এসেছ, আমি নূতন হই নাই । তুমি গঙ্গুর পুত্রকে হত্যা করেছিলে, কিন্তু বুঝে দেখ—সে গঙ্গুর পুত্র হত্যা করা হয় নাই, আমারই পুত্র হত্যা করেছ,—তার জ্ঞা আজ আমার রাজ্যের অর্ধেকটা বেরিয়ে গেল । রাজার রাজ্য বাওয়া পুত্রশোক হ'তে কোন অংশে কম নয় । আমি তোমায় মার্জনা করেছি—তোমার জ্ঞা রাজনীতির ওলোট পালোট করেছি । আমার ধর্ম, খোদা, বেহেশ্ত এক দিকে, আর তোমায় এক দিকে দেখে এসেছি,—সেই আমি ! আমার কাছে দণ্ড চাও ? তুমি যতই আমার কাছে হ'তে দূরে স'রে যাও উমেদ, আমার মার্জনা সূর্যালোকের মত সেই তোমার সহযাত্রী ।

উমেদ । বড়ই দুর্ভাগ্য আমি সম্রাট ! এত অনুগ্রহের প্রতিদানে দিলুম আপনার প্রাণে মর্মান্তিক বেদনা ! হ'লুম বিশ্বাসবাতক ! কিন্তু জগদীশ্বর জানেন, যা হয়েছে—আমার স্তানকৃত নয় সম্রাট ! আমি গিয়েছিলুম ঠিক যুদ্ধ করতেই ; কিন্তু মুহম্মান হ'য়ে গেলুম জন্মভূমির মায়ায় ।

মহম্মদ। উমেদ ! এত দিন এ জন্মভূমিটা কোথায় ছিল তোমার ? দিল্লীর সম্রাটই ছিলুম আমি, কিন্তু সাম্রাজ্য যে ছিল প্রকৃতপক্ষে তোমার। তাতেও যদি তোমার তৃপ্তি না হয়েছিল, করলে কি ? কার হাতে ফেলে দিলে ? একবার ইঙ্গিতেও বল নাই কেন ? আমি কি কখনও তোমায় কৰ্ম্মচারী ভূত্যের চোখে দেখে এসেছি ? হৃদয় দিয়েছি, বা পাবার নয়—জগতে কেউ পায় নাই, দাক্ষিণাত্য দিতে পারতুম না ? দাক্ষিণাত্য তো সামান্য, তুমি দিল্লী চাও ? এই নাও মুকুট ! ধর—দেখ, মহম্মদ তোগলকের মার্জ্জনার পরিমাণ ! দেখ—সে আজও কেমন তোমায় অভয় বেষ্টনে ঘিরে আছে—কতদূর সে তোমাগত !

উমেদ। থাক্ সম্রাট ! ও মুকুট ঐ শিরেরই যোগ্য ! আমার শুদ্ধ অহুমতি দিন—আমি পুনরায় যুদ্ধযাত্রা করি,—দেবগিরি জালিয়ে দিই—এ কলঙ্ক মুছে ফেলি !

মহম্মদ। উমেদ ! আমার এই আকুল-আবেগটার অর্থ তুমি কি এই বুঝলে যে আমি আবার তোমায় হস্তগত করতে চাই ? আবার তোমার শক্তির আড়ালে দাঁড়িয়ে আত্মরক্ষার আশা করি ? না উমেদ ! দিল্লীর সম্রাট এখনও এত দুর্বল হয় নি যে, আত্মমর্য্যাদা উদ্ধারের জন্ত এক জন পদত্যাগীর কাছে মাথা নুইয়ে কাকুতি করবে ! মহম্মদ তোগলক এত হীন নয়, যাকে প্রীতির চক্ষে দেখে এসেছে, নিজের স্বার্থের জন্ত তার স্বার্থে বা মারবে। সে দাঁড়িয়ে মরবে, তবু তোমার ও স্বদেশ-অনুরাগের উদ্যম স্রোতে একটা তুণের বাধা দিতে যাবে না। বরং পার তো আরও অস্থির, আরও উন্মত্ত প্রলয়-তাণ্ডবে ছুটিয়ে দেবে। যাও বন্ধু ! বিদায় ! আর আমার সাক্ষাৎ পাবে না। সাক্ষাতের প্রয়োজন হয়, এসো রণস্থলে—শত্রুপক্ষের অগ্রণী হ'য়ে—মুখখানায় রক্তপ্রবাহে রঞ্জিত ক'রে। জালাল ! তুমি আজ হ'তে ভারত-সাম্রাজ্যের সৈন্যধ্যক্ষ। সমস্ত শক্তি নিয়ে

ছোট—বেথানে পাও ফিরোজকে ধর,—আমি ফার্মাণ লিখে দিচ্ছি। দেখছো কি উমেদ ! সহস্র অভাবেও মহম্মদ—মহম্মদ ! লক্ষ বিবর্তনেও সে ক্রব-তারার মত স্থির ! অনন্ত বিশৃঙ্খলার মাঝেও তার রাজ্যশাসন জগতের একটা যুগান্তর !

[ প্রস্থান ।

উমেদ । জগদীশ্বর ! এ জীবনের যবনিকা কোথায় ?

[ প্রস্থান ।

জালাল । বাঃ-বাঃ-বাঃ ! অদৃষ্ট-চক্র মন্দ নয় ! ছিলুম দেবগিরির সুবাদার, হ'লুম দিল্লীর সেনাপতি । এর ওপর আর ধাপ আছে কি ? [ ঈষৎ চিন্তা ] আছে—আছে ! উঃ—বড় উচ্ছে ! কিন্তু—না—বাই, ফার্মাণ-নিই গে । আমার ফিরোজকে ধরতে হবে—ধরতেই হবে ।

[ প্রস্থান ।

## দ্বিতীয় গর্ভাঙ্ক ।

কৃষ্ণাতীরস্থ সায়নাচার্য্যের কুটীর ।

ভাষ্যহস্তে সায়নাচার্য্য ।

সায়ন । সব ভুল ! সব ভুল ! ভাষ্য তৈরী করি নি, কতকগুলো ঋতিমধুর ভ্রান্তিকে চমৎকার লিপিবদ্ধ করেছি । ভাষ্য কি ব্রহ্মের ব্যাখ্যা হয় ? ভাব কি মুখে প্রকাশের ? সচ্চিদানন্দ-সাক্ষাতের সত্য তত্ত্ব কি এই জীর্ণ তালপত্রে, মসীর চিত্রাঙ্কনে, বর্ণমালার সমষ্টিতে ? ভুল—ভুল ! বৃথা ঘুরেছি উদ্ভ্রান্তের মত, বাজে খেটেছি জীবনভোর ! আকাশের নীলিমা-প্রকাশের সামর্থ্য নাই, সমুদ্রের গভীরতা পরিমাণে উপায়হীন,

বালুকণাটীরও উদ্ভব তিরোধান ধারণাতীত, অনাদি কারণ অচিন্ত্যনায়  
বিশ্বরূপ বোধগম্য করাবো ভাষ্যে ? যাও সায়ন-ভাষ্য কুব্ধার জলে ! [ ভাষ্য  
নিষ্ক্ষেপ করিলেন । ]

গীতকণ্ঠে আদিদেব উপস্থিত হইয়া ভাষ্য ধরিলেন ।

আদিদেব ।—

গীত ।

এ নয় প্রলয়ে ডুবিবার

ছার ও কৃষ্ণা, কত গভীরতা কতখান বল তুফান তার ?

ভক্তি-সিদ্ধুর এ জ্ঞান-বাড়বা,

জ্বলিবে যাৰৎ জগৎ-জদয়, কে নিবারিবে কি তেজ কার বা,

বাজিবে এ নব নারদের বীণা উঠুক হস্ত কি হাহাকার ।

সায়ন । কিছু নাই—কিছু নাই ওতে আদি ! কেবল কতকগুলো  
ভিত্তিহীন অসার বাক্যের আড়ম্বর—উন্মাদের প্রলাপ—আলস্যে জীবন  
অতিবাহিত করার আশ্র-প্রবোধ ! কোন লাভ নাই ওকে বাঁচিয়ে রেখে ;  
বরং—

আদিদেব ।—

পূৰ্ণ গীতাংশ ;

মহাশত্রু যে সেও থাক্ বেঁচে,

দেবতার গীত হোক্ সুখময়, দানবে কি দোষ সেও যাক্ নেচে,

সুখা হলাহল দুই প্রয়োজন, জগতে দৌহারই সমান অধিকার ॥

[ প্রস্থান ।

সায়ন । যাক্—তবু আমার বোঝাটা হাল্কা হ'লো । জ্ঞানী নাই, পুল  
নাই, সংসারের বন্ধন বলতে কিছু নাই, কিন্তু কি আশ্চর্য্য ! এই ভাষ্য-

চিন্তা কোথা হ'তে উড়ে এসে ঠিক যেন নাগপাশ হ'য়ে আমায় পিছমোড়া ক'রে বেঁধে রেখেছিল,—নিশ্বাস ফেলতে দেয় নাই । আজ আমি মুক্ত । এইবার জয় ভগবান ব'লে অর্দ্ধেক প্রাণ বের ক'রে একটা তৃণের হাঁফ ছাড়ি । করুণাময় ! আর কেন ? সায়নাচার্য্যের সব অভিমান লুপ্ত । এইবার উড়িয়ে দাও তোমার মঙ্গলালয়ের গুপ্ত ধ্বজা, আমি স্থিরলক্ষ্যে শূত্রের সমতল পথে তীরের মত ছুটে বাই । [ গমনোত্তত ]

বাণী উপস্থিত হইল ।

বাণী । কোথা যাচ্ছ ঠাকুর ?

সায়ন । বাণী !

বাণী । শুধু বাণী নই, আজ দৈববাণী । মা একবার তোমায় স্মরণ করেছেন ।

সায়ন । দৈববাণীই বটে ! তা হ'লেও মাকে বলগে বাণী, আমায় বিস্মৃত হ'তে ।

বাণী । কেন বল দেখি, মায়ের ওপর আজ এত অনাদর ? মাছুষ হ'য়ে গেছ বুঝি ?

সায়ন । তাই বটে বাণী ! সমুদ্রের গুঞ্জি হাঁ ক'রে উপরে উপরে ভেসে বেড়ায় ততক্ষণ, যতক্ষণ না তার মুখে স্বাভাৱ-নিষ্কব্রের এক বিন্দু জল পড়ে । পড়লে আর সে উপরে থাকে না ; বুকভরা তৃপ্তি নিয়ে দ্রুত-গমনে গভীর তল দিয়ে নেমে যায় । আমারও ঠিক তাই ; আর মাকে চাই না বালিকা ! মায়ের বর পেয়েছি,—আমি তীর্থে চলেছি ।

গায়ত্রী উপস্থিত হইলেন ।

গায়ত্রী । কোন্ তীর্থে চলেছ ব্রাহ্মণ ?

সায়ন । এই যা ! এসে পড়েছিস ?

গায়ত্রী । চক্ষু তোমার পুতঃসলিলা জাহ্নবী-প্রপাতের পুণ্য তীর্থ গোমুখী—ললাট তোমার স্বেদাধবলিত সর্ব তীর্থে শিরো-মুকুট কৈলাস-চূড়া—হৃদয় তোমার পারিজাত-গন্ধ-মুখরিত বিশ্বনাথের মন্দির । তুমি আবার কোন্ তীর্থে যাবে ব্রাহ্মণ ?

সায়ন । [ নীরবে গায়ত্রীর মুখপানে চাহিয়া রহিলেন ] ।

গায়ত্রী । শুনতে পাচ্ছ না, কর্ণকুহরে জগতের সুর-সমষ্টিতে অবিরাম কার মঙ্গল আরতি বাজছে ? বুঝতে পাচ্ছ না, প্রতি নিশ্বাসগ্রহণে পবন দেব ধীরপ্রবাহে কার অনন্ত শয্যায় বীজন ক'রে আসছে ? দেখতে পাচ্ছ না, অগাধ অন্ধকার ভেদ ক'রেও আপন আলোকে উদ্ভাসিত ক'রে একখানি বরদ হস্ত দণ্ডে দণ্ডে তোমার আয় আয় ব'লে ডাকছে ? সব তীর্থই যে তোমার মধ্যে ।

সায়ন । এ আবার কোথায় নিয়ে চলিস্ মায়াবিনী ?

গায়ত্রী । পরম তীর্থে—জ্ঞানের গহ্বরহীন পর্বতশৃঙ্গ সমতল ভূমে ।

সায়ন । যাবো না—যাবো না আর ও পথে । সর্বনাশ করতে এসেছিস্ যাহুকরী ! এই জ্ঞান-গর্বেই যে আমি গিয়েছিলুম ।

গায়ত্রী । এ সে জ্ঞান নয় ব্রাহ্মণ ! এতে ভাষ্য-টীকার সে অহমিকা নাই ; এ বক্তৃতা-স্তব্ধের অভিমান-বর্জিত । এর আবির্ভাবে যার না কেউ কোথাও । এখানে আছে ব্রাহ্মণ শূদ্রের অভেদ, বেদবাক্য আর কুলটী-সঙ্গীতের সমত্ব, এর বিকাশ আপনাকে নিত্য অক্ষয় ক'রে রাখবার জন্ত,—এখানকার অশ্রু-রেখা, রক্তচক্ষু, সকল প্রতিদ্বন্দ্বী সমস্বরে বলছে—আমরা সেই । এখানে অভিসম্পাত, আশীর্বাদ উভয়েরই আন্তরিক উক্তি—আমরা তারই মঙ্গলাগ্নয়, পাঞ্চজন্তের নির্ধোব । এ রাজ্যে তীর্থযাত্রী আর লম্পট দু-জনেই গলা ধরাধরি ক'রে ঘোষণা করছে, আমরা একই

রসাস্বাদনে উন্নত—একই শান্তি-অনুসন্ধিৎসু—একই পরম পথের পথিক ।  
এ সে জ্ঞান নয় ব্রাহ্মণ ! এ জ্ঞান নিরহঙ্কার—নির্দ্বন্দ্বকার—নিঃশ্রেয়স্ ।

সায়ন । কিন্তু নীরস—হৃৎজের—জটিল । নিয়ে বাস্ না মা আর  
ও সমতলের সুবিস্তার দেখিয়ে অনন্ত জ্বালায় মরুভূমে, দিয়েছিষ্ যদি  
দয়াময়ী ভক্তির তুষার-শীতল সরস প্রবাহে ছেড়ে ।

গায়ত্রী । এ ভক্তি ঠিক ভক্তি নয় ব্রাহ্মণ ! জ্ঞানবিহীন ভক্তি গন্ধ-  
বিহীন পুষ্পের মত নিম্নপ্রয়োজনীয়—ইষ্টপূজার অযোগ্য । ভক্তির জগৎ  
ভাবতে হবে না তোমায় ; জ্ঞানকে দৃঢ় ক’রে জড়িয়ে ধর, দেখবে ভক্তি  
ঠিক তার মাথার ওপর ব’সে আছে—তোমার জগৎ আদর ক’রে কোল  
পেতে রেখেছে । আর সেই ভক্তিই ভক্তি—সেই ভক্তিই পরমার্থ-  
প্রদায়িনী—সেই ভক্তিই মুক্তির মা ।

সায়ন । মা ! মা ! বথার্থ ই তুই মা । আপনা হ’তে পতনোন্মুখ  
সন্তানকে প্রতি পদস্থলনে হাত ধ’রে কোলে তুলে নিচ্ছিষ্, সত্যই তুই  
মঙ্গলময়ী মা । আমার ভুল হয়েছিল তোমার ছায়া পরিত্যাগ ক’রে তীর্থ-  
ভ্রমণে শান্তি পাবার আশা করা । আবার আমার দর্প চূর্ণ ; আমার ভুল  
ভেঙেছে । আর আমার কোন তীর্থে প্রয়োজন নাই ; আমার ভিতরে  
সকল তীর্থ না থাকলেও আমার সম্মুখে পরম তীর্থ তুই ! বল্ মা, এখন  
আমায় কি করতে হবে ?

গায়ত্রী । কৰ্ম্ম ।

সায়ন । কৰ্ম্ম—আবার সেই কৰ্ম্ম ! যে কৰ্ম্ম জন্ম-মৃত্যুর বীজ ?

গায়ত্রী । যে কৰ্ম্ম গমনাগমন-নিবারক, যে কৰ্ম্মে কুরুক্ষেত্র, যে  
কৰ্ম্মে উৎসাহিত করেছিলেন ধনঞ্জয়কে গীতাচ্ছলে শ্রীকৃষ্ণ, সেই আসক্তি-  
শূন্য ফলাকাজ্জাহীন কত্বহাভিমান-বর্জিত জ্ঞান আর ভক্তিতে  
মাথা ।



বাণী ।—

দীপ্ত :

নিরাকার তুমি আমাতে মিশায়ে নিষ্ক্রিয় তুমি আমার করায় ।  
আপনারে দিয়ে পাঠালে আমারে উড়াতে তোমারই পতাকা ধরায় ॥

যা করি আমি সকলই তোমার, তোমারই যা পাই পুরস্কার,

তোমাতে আমাতে অভিন্ন—

কেন যাবো প'ড়ে,                      কে বাঁধিবে মোরে,

আমার এ বেশ তোমারই চিহ্ন,—

থাক চারি দিকে শত বন্ধন,

সব ইন্দ্রিয় ছুটুক কপ্পে চরণে কেবল থাকুক নয়ন,

কিসের অনুতাপ. কার প্রলোভন, কোন ক্ষোভ নাই বাঁচা কি মরায় ॥

গায়ত্রী । কৰ্ম্ম রাখতে হবে ব্রাহ্মণ ! কৰ্ম্মই কৰ্ম্মত্যাগের সোপান,  
ঔদাসীন্ধ্য অধঃপতনের বীজ    বিজয়-নগর রাজা বহু আয়াসে প্রতিষ্ঠা  
করেছ, এইবার তাকে দৃঢ় কর—তার বংশরক্ষার উপায় কর,—  
ভগবানেরই কার্য্য করা হবে। আমি ভেবে দেখলুম, সত্যই আমি মহারাজের  
জীবন তৃপ্তিশূন্য মরুভূমি করে রেখেছি ; সরস করবার উপায়ও স্থির  
করেছি। শুনলুম, দিক্কুরাজের সৰ্ব্ব সুলক্ষণা এক অনুচর কণ্ঠা আছে ;  
তোমায় এই দণ্ডে সিদ্ধ যেতে হবে, আমি মহারাজের সঙ্গে এই কণ্ঠার  
বিবাহ দিতে চাই ।

বুকারায় উপস্থিত হইলেন ।

বুকা । থাক্ গায়ত্রী ! কাজ নাই আর সমুদ্রের পিপাসায় শিশির-  
বিন্দু দিয়ে । জীবনের জ্যোৎস্না তুমি থাক্বে অমাবস্তার অবগুষ্ঠনে ঢাকা,  
আমার সামনে জেলে দেবে খণ্ডোতের ক্ষণস্থায়ী ক্ষীণ আলো ! স্বভাবের

মলয় হিল্লোল তুমি থাক্বে অবরুদ্ধ—অনল্পভূত—মুহূর্তের লগাটুঘনে  
বীতস্পৃহ, নিদাঘ-সন্তপ্ত বর্ষাক্ত আমার হাতে তুলে দেবে তালবৃন্তের বীজনী !  
খেলেবে তুমি ক্রীড়াপরায়ণা বিদ্যুতলা মেঘের আড়ালে দাঁড়িয়ে আপনমনে  
লুকোচুরী, মোহমুগ্ধ আমার ভুলিয়ে দেবে একটা খেলনায় ! চমৎকার !  
গায়ত্রী ! তুমি কি আমার এতই হীন ভেবেছ ?

গায়ত্রী । এতে আর হীন ভাবা কি ক'রে হ'লো প্রভু ?

বুকা । আবার হীন কেনন ক'রে ভাবতে হয় গায়ত্রী ? এর উপরটা  
দেখতে যদিও আশ্চর্য্যাগ, কিন্তু ভিতরটা যে ঘণায় ভরা ! তুমি আমার  
অর্দ্ধাঙ্গিনী—জীবন-মরণের সঙ্গিনী । আজ স্বেচ্ছায় আপনার আসন উঠিয়ে  
নিয়ে চুপে চুপে স'রে যাচ্ছ, বসিয়ে দিয়ে যাচ্ছ সেই স্থানে রামচন্দ্রের  
অশ্বমেধ-যজ্ঞে স্বর্ণ-সীতার মত একটা পুতুল তৈরী ক'রে এনে । আমি যেন  
কানের সেবক—ইন্দ্রিয়ের দাস—লালসায় জ্বর-জ্বর,—ভুলে যাবো একটার  
বদল আর একটা পেয়ে ! সাবধান গায়ত্রী ! জেনো, আমি তোমার স্বামী !

সায়ন । তুমি গায়ত্রীর স্বামী—সেই তুমি !

বুকা । হাঁ—সেই আমি গায়ত্রীর স্বামী ! আমি ক্ষুদ্র কোন কালেই  
নই ব্রাহ্মণ ! আমি গায়ত্রীর স্বামী ব'লেই আজও গায়ত্রী ঠিক গায়ত্রী ! বুঝে  
দেখুন আচার্য্য, গায়ত্রী আমার পরিণীতা ভার্য্যা—সম্পূর্ণ আমার অঙ্গভূত,  
কিন্তু রেখে এসেছি তাকে অনুচ্চ কামগন্ধহীনা চির-কুমারীটা সাজিয়ে ।  
আমার সম্মুখে ছিল যৌবন-ক্ষুধার গ্রাস, আমি উঠে এসেছি বুদ্ধশ্রিত  
পিপাসাতুর উৎকর্ষার অস্থির আবেগ বুকের ভিতর মিলিয়ে । ছিলুম  
সহস্র উন্মুখ বাসনার মাঝখানে দাঁড়িয়ে, কিন্তু ক'রে এসেছি আত্মজয় ।  
তাই আজ আপনার গায়ত্রীর পরিচয় । শ্রেষ্ঠ সে নয়, যে জগতে নিঃশত্রু,  
যার ইন্দ্রিয় আপনা হ'তেই অবশ—অসাড় ; শ্রেষ্ঠ সে, যে অসংখ্য প্রবল  
ইন্দ্রিয়-পরিবেষ্টিত হ'য়েও যুদ্ধ ক'রে এক দিন না এক দিন মাথা তোলে ।

গায়ত্রী । আমি অপরাধ করেছি প্রভু, আমার পদতলে স্থান দিন !

বুঝা । এস দেবী এইবার বক্ষে ! আর এখানে সে দাবদাহ নাই ; এ এখন অনন্ত শান্তির আধার । আমি বুঝে নিয়েছি গায়ত্রী, আমাদের বিবাহ-ভবিষ্যতে জলপিণ্ডের প্রত্যাশায় নয় ; আমাদের বন্ধন কর্ম্ম আর ভক্তির, যুদ্ধ আর মার্জনার, ভ্রমণ আর শান্তির,—জগতের জন্ত একটা চির-স্মৃতি উৎপাদন ক’রে রেখে যেতে । থাক তুমি গায়ত্রী সেইরূপ উদাসদৃষ্টি—আত্মহারা—আত্মপ্রায় অন্তর্জগতের চিন্তায়, ছুটি আমি এই রকম উন্নত—উদাৎ—আজীবন এই বহির্জগতের মঙ্গলবিধানে । সূর্য্য আর ছায়ায়, শক্তি আর ভক্তিতে, শঙ্কর আর আত্ম-গন্ধে পৃথিবীখানা আনন্দময় পুঙ্কিত হ’য়ে উঠুক । আমার জন্ত আর ভেবো না গায়ত্রী ! রাজ্যের মঙ্গল-কামনা যদি বাসনা থাকে, তা হ’লে পার তো এ বিবাহ-সম্বন্ধটা হরিহরের জন্ত কর ।

হরিহর উপস্থিত হইলেন ।

হরিহর । তা বই কি ! যাক্ শত্রু পরে পরে । যাও ঠাকুর ! তবে আর দেবী করছো কেন ! শীগগির সিদ্ধ যাও,—ভাষা লেখা তো ছেড়ে দিয়েছ, দিনকতক ঘটকালি ক’রেই দেখ ! সিদ্ধরাজকে গিয়ে বলবে, এমন জামাইটা তিনি আর দেশ খুঁজে পাবেন না । রূপে রামধনু, গুণে গাঁজার জটা, গমনে বিশ্বেশ্বরের ষাড়, ভোজনে খাণ্ডবদাহনের হুতাশন শর্মা ! আর কথাবার্তা কি মিষ্টি, যেন সকাল বেলায় চাচার বাড়ীর মোরগের ডাক । যাও ঠাকুর ! পার তো তোমার ধুতি উড়ুনি ফস্কাচ্ছে না ।

বুঝা । আর রহন্ত নয় হরিহর ! রাণী যখন স্তর তুলেছে, আমারও প্রাণে যুদ্ধ বেজেছে । আর তোমার নিস্তার নাই ; আমরা তোমায় একটা যোড়া-গাঁথা করবোই করবো ।

হরিহর । আমি যোড়া-গাঁথাই আছি রাজা ! ওর জন্ত আর তোমাদের কষ্ট করতে হবে না । আমার মা-বাপ পাছে আমি উপযুক্ত হ'য়ে গালা-গালি করি ব'লে ও যোড়া-গাঁথার কাজটা আগে হ'তেই সেরে রেখে গেছে । নাম রেখেছে দেখদোখ হরি—হর ! কেমন যোড়া-গাঁথা—গালভরা ! দোহাই রাজা ! রক্ষে কর ; আর এর সঙ্গে কিছু যুড়ে দিও না, তেরস্পর্শ পড়বে—আমার সব ছাড়াছাড়ি হ'য়ে যাবে ।

বুকা । তা হোক, তোমায় সংসার করতেই হবে হরিহর ! জগৎ শুদ্ধ উদাসীন হ'লে চলবে না । এ বিজয়-নগর রাজ্য তোমার মাথাতেই পড়লো !

হরিহর । আমার ঘাড়ে অত জোর নাই রাজা ! আমি বড় জোর নিতে পারি বুচুঁকিটা-বাচুঁকিটা—হাত ঝুলিয়ে বতদূর যায়, তার বেশী না ।

বুকা । আমি তোমার শক্তি জানি হরিহর ! আমা হ'তেও তুমি অনেক বিষয়ে উচ্ছে । রহস্য রাখ বন্ধু ! তুমি বিজয়-নগর নাও, আমার সকল চিন্তা মুক্ত হ'য়ে স্বাধীনভাবে ভারতবর্ষের কল্যাণ চিন্তা ক'রে যেতে দাও ।

### মঞ্জুলা উপস্থিত হইল ।

মঞ্জুলা । ভারতবর্ষের আজ আবার নূতন অকল্যাণ মহারাজ ! যদিও অমঙ্গলে তার আকর্ষণ ডোবানো, তবুও সে উদ্ধাম প্রাবনের মধ্যে মরণ-কালের মনবোঝান আশ্রয় একটা মাত্র যে তৃণ ছিল, তাও আজ ভীষণ আবর্তে ঘূর্ণ্যমান—ক্ষিপ্ত বজ্রায় কম্পিত—রাক্ষসী উচ্ছ্বাসে ডুবু-ডুবু । মহারাজ ! ভারতের ভবিষ্যৎ আশার ক্ষীণ রশ্মি আপনার পুত্রস্থানীয় ফিরোজ-সা লঙ্কটাপন্ন—শত্রুর কবলে—মৃত্যুর গ্রাসে ।

বুকা । কি হয়েছে দেবী ফিরোজের ? কে তার শত্রু ? কোথায় এখন সে ?

মঞ্জুলা । পারশ্বের পথে, দাক্ষিণাত্য-বিজয়ে এসে ফিরোজ আপনাকে পিতা ব'লে আপনার সঙ্গে যোগ দিয়েছে শুনে সম্রাট ক্রোধে অধীর হ'য়ে জালালের সঙ্গে লক্ষাধিক সৈন্য দিয়ে তাকে গ্রেপ্তার করতে পাঠিয়েছেন । বিদ্রোহে উভয়ের সাক্ষাৎ ; তুমুল যুদ্ধ ! কিন্তু মহারাজ ! জালালের হৃদয়ভরা কূট দুরভিসন্ধির কাছে ফিরোজের সরলতা টিকতে পারলেন না । তাঁর সৈন্যবাহু হতভঙ্গ হ'লো, তিনি আত্মরক্ষার জন্ত পিতৃভূমি পারশ্বের দিকে ছুটেছেন । কিন্তু বোধ হয় আর পারন্ত পৌঁছাতে হয় না ; জালালও বায়ুবেগে তাঁর পশ্চাৎগামী । পারেন তো তাঁকে বাঁচান মহারাজ ! গৌরব আছে—ধর্ম আছে । বালক আপনাকে পিতা বলেছে ।

বুকা । দেখ হরিহর ! বিজয়-নগরের সিংহাসনে ব'সে স্মৃণুজালায় রাজ্যভোগ করবার জন্ত আমার জন্ম হয় নাই ; আমার উৎপত্তি কি যেন একটা অজানা উদ্দেশ্যে—অনন্তের প্রেরণায়—গ্রহের মত অবিরাম-গতিতে পৃথিবীর চতুর্দিক ঘোরবার জন্ত ! বিজয়-নগর নাও বন্ধ ! ঘুচে যাক আমার পশ্চাতের আকর্ষণ । গায়ত্রী ! এই ফিরোজের মা হয়েছিলে তুমি, তাই সে ব্যাকুল-আগ্রহে আমার পিতা ব'লে গেছে । মনে রেখো—আমি তোমার স্বামী ! প্রণাম আচার্য্য ! সাহায্য করবেন হরিহরের বিজয়-নগর রক্ষায় । সাবধান জালাল ! সাবধান মহম্মদ তোগলক !

[ প্রস্থান ।

হরিহর । আর সাবধান তুমি হরিহর ! চুলোয় যাক বিজয়-নগর তোমার, এ ভাঙ্গা লামে কোন মতে যেন জল না ঢোকে ।

[ প্রস্থান ।

মঞ্জুলা । তুমিও সাবধানে পা ফেল মঞ্জুলা ! মহম্মদ তোগলক তোমার স্বামীর স্মৃণু, আর ভারতবর্ষ তোমার প্রাণের । [ গমনোত্তত ]

বাণী । হাঁ-গা, তুমি কে গা ? উড়ে এলে আর উড়ে চললে ?

মঞ্জুলা । এই আসা যাওয়াই আমার জন্মের ব্রত বালিকা ! আমি  
যেন কার দুঃখময় জীবনের নিশ্বাস-প্রশ্বাস । [ প্রস্থান ।

বাণী । মা ! আজ একটা কথা তোমায় বলতে হবে ! না বললে  
ছাড়বো না । অনেক দিন হ'তে বলবো বলবো ক'রেও বলতে পারি নাই ।

গায়ত্রী । কি ?

বাণী । আমায় তুমি কোথায় পেলে ?

গায়ত্রী । এই কথা ? এ শুনে আর তোর লাভ কি ?

বাণী । তোমারও তো ক্ষতি কিছু নাই ! বল মা, কোথায় পেলে  
আমায় ?

গায়ত্রী । কাশীতে—বিশ্বনাথদর্শনে গিয়ে । হ'লো তো ?

বাণী । আমার একবার কাশী দেখবার ইচ্ছে হ'চ্ছে যে মা !

গায়ত্রী । কাশীর আর কি দেখবি বাণী ! সেখানে তোর কেউ নাই

বাণী । সে মাটিটা প'ড়ে আছে তো, যেখানে তুমি আমায় প্রথম  
কোলে তুলেছিলে ?

গায়ত্রী । সে মাটি আজ হয় তো তোকে জালিয়ে দেবে !

বাণী । তুমি থাকবে তো সঙ্গে ? জ্বালায় ওপর হাত বুলিয়ে দেবে ।  
চল না মা, এখনই—এই দণ্ডে !

গায়ত্রী । যাবি ? তাই চ' । আমারও আর এখানে থাকতে ইচ্ছা  
নাই । স্বামী ছুটেছেন আপনার নির্দিষ্ট কক্ষপথে—স্বরিতগমনে—স্থির-  
লক্ষ্যে, আমিও চলি সেই শূন্যদৃষ্টিতে—ধীরে ধীরে—করুণার জোয়ারে  
গা ভাসান দিয়ে । মিলিত হবো সেই অনন্তে—বিরাট মহিমার জ্যোতিঃ-  
প্রপাতে ! চল ব্রাহ্মণ ! ভ্রমণ-বাসনা তোমার বলবতী ; আমারও কৰ্ম্ম  
শেষ । এত দিন আমি তোমায় নিয়ে এসেছি মায়ের মত, এইবার তুমি  
আমায় নিয়ে চল পিতার মত ।

সায়ন। আমি পিতা হ'লুম মা তোর, যেমন পিতা জনক ঋষি  
অযোনিসম্ভবা জগন্মাতা সীতার ।

[ সকলের প্রস্থান ।

## তৃতীয় গভীর্ণ ।

দেবগিরি—রাজসভা ।

গঙ্গু ও জাফর আসীন ।

গঙ্গু। দিল্লীর আর কোন সাড়া-শব্দ পাচ্ছ কি জাফর ?

জাফর। দিল্লীর সাড়া-শব্দ বোধ হয় আর এখন পাওয়া যাবে না  
পিতা ! সম্রাটের খাম-খেয়ালী মেজাজ ! তাঁর চোখে যখন যেটা পড়ে,  
তাই নিয়ে তিনি ব্যস্ত হ'য়ে ওঠেন ; বাধা পেলে আর সে দিকে যান না,  
সঙ্গে সঙ্গে আর একটা নূতন কিছু ধরেন । এখন বোধ হয় তাই ;  
দাক্ষিণাত্য ছেড়ে দিয়ে আবার হয় তো কোন দুর্ভাগ্য দেশের ওপর  
ঝুঁকেছেন ।

গঙ্গু। তাই বটে ! একটা জীবনে ইনি অনেক রকমই দেখলেন ।  
তবে তাঁর সঙ্গে একবার দেখা করার কি হয় জাফর ?

জাফর। এখন তো আর তিনি নিজে দেখা দিতে আসবেন না  
পিতা ! তাঁর সঙ্গে দেখা করতে হ'লে আমাদেরই যেতে হবে ।

গঙ্গু। পারবে—পারবে পুত্র আমার নিয়ে যেতে সম্রাটের কাছে ?  
তাঁকে একবার দেখবার আমার বড় ইচ্ছা । আগে যে দেখেছিলুম,  
সে দেখায় আমার তৃপ্তি হয় নাই ; আমি চাইতেই পারি নাই তাঁর পানে

পুরো চোখ ছুটো দিয়ে । তিনি ছিলেন সম্রাট, ভারতের শীর্ষে—বহু উচ্চে—সাধারণের দৃষ্টি যতদূর চলে না, সেইখানে,—আমি ছিলুম তাঁর সভাভলে গণক ব্রাহ্মণ—বাচকের বৃত্তি নিয়ে মুখাপেক্ষী—ভগবানের জীব যতটা নামতে পারে না, তত নীচে । তাঁর হাতে ছিল দণ্ডাঙ্গা, মার্জনা, দণ্ডে দণ্ডে নুতন নুতন কত কি ! আমার কাছে ছিল শুদ্ধ একটা তথাস্ত । তিনি করতেন মুহূর্মুহুঃ অনল-উদ্গার, আমার ছিল প্রবল হজমশক্তি সর্বভুককেও জীর্ণ ক’রে নেবার । একবার দেখা করাতে পার পুত্র এই সময় ? দেখি, এ দেখাদেখিটা কি রকম ? তিনি সম্রাট, আমিও রাজা । তাঁর আর্ঘ্যাবর্ত, আমারও দাক্ষিণাত্য । ভারত-আকাশের এক দিকে তিনি প্রচণ্ড সূর্য্য, আমিও অগ্র দিকে শীতাংশু চন্দ্র ।

জাফর । দেখা করাবো পিতা ! পুত্রে যখন নরক হ’তে পরিত্রাণ ক’রে পরমেশ্বরের সঙ্গে দেখা করাতে পারে, আমি দিল্লীশ্বরকে দেখাতে পারবো না ? আদেশ করুন, সেনা-সজ্জা করি ।

গঙ্গু । না—কাজ নাই । ছ-জন্য সংঘাতে এখনই আকাশখানা দীর্ণ হ’য়ে যাবে । গোরব নিয়ে লোফালুফি করবো আমরা, মরবে কতকগুলো নিরীহ । না জাফর ! রক্তপাত ক’রে আর এ জিদ রাখতে চাই না ! সময় আসবে না কি ? তবে—আমারও আর সময় নাই কিন্তু ! সায়নাচার্য্যের সে বীজের চারা দিনে দিনে ডাল-পালা মিলছে, ফুল ধরলো ব’লে । না—থাকে এ আপ্শোষটা না হয় থেকে যাক, জীবনটায় দমন করবার একটা কিছু চাই তো ! ও কারা আসছে জাফর ?

জাফর । আজ নববর্ষ পিতা ! এখানকার পদ্ধতি এই, বৎসরের প্রথম দিনে দেবগিরির সমগ্র কুমারীরা সমবেত হ’য়ে এখানে যিনি রাজা বা রাজ-প্রতিনিধি থাকেন, তাঁর কপালে মঙ্গল-ফোঁটা দিয়ে যান ; তাই বোধ হয় তাঁরা আসছেন ।



গঙ্গু । ও আমারই যে ভুল হ'চ্ছে । এই রকম নববর্ষে আমারও মা-ভগ্নিরা যে এই রকম বার তার কপালে এই ফোঁটাই দিয়ে গেছেন । এস—এস মা সকল !

### গীতকণ্ঠে কুমারীগণ উপস্থিত হইলেন ।

কুমারীগণ ।—

#### গীত ।

আজি এ নব বরষে নবীন হরষে  
হসিত দেবগির নব রবিকর পরশে ।  
শ্রামল তনুখানি সোহাগে শিহরিত,  
স্বভাব পেয়েছে ফিরে ঘুচেছে যা অভিনীত,  
সেই মুখ সেই হাস্য, যুক্ত জলদরাশি,  
সেই সে নীলিম আঁখি পুলকধারা বরষে ।

গঙ্গু । ও ফোঁটাটা মা ! তোমরা এই জাকরের কপালে দাও ।

জাকর । আমার কপালে ? ও যে রাজফোঁটা !

গঙ্গু । একই কথা ! দিচ্ছিলো রাজার কপালে, না হয় দেবে রাজ-পুত্রের কপালে । দাও মা, দাও ।

জাকর । তবে মা, তোমাদের ও ফোঁটা আগে আমার পিতার পা ছুঁইয়ে তারপর আমার কপালে দাও ।

গঙ্গু । তাই কর মা ! আর এই তোমাদের এ ফোঁটা দেওয়ার শেষ । আমি এ প্রথা এর পর হ'তে উঠিয়ে দিলুম । যদি তোমাদের একান্তই এটা রাজার কল্যাণ ব'লে মনে হয়, যখন যিনি রাজা থাকবেন, তাঁর নাম ক'রে এই ফোঁটা উমা-মহেশ্বরের মন্দিরে গিয়ে দিও ; তা হ'লেই রাজার পাওয়া হবে । আর তোমাদের রাজসভায় আসতে হবে না ।

কুমারীগণ ।—

## পূর্ব গীতাংশ ।

মঙ্গলময় তুমি স্নেহান্বিত কর দান,  
বাড়ালে আদরে যদি অপরাধিনীর মান,  
অতীতের যত ব্যথা,  
ভুলেছে সে উপকথা,  
চুঘন দাও এবে বসায় পবিত উরসেদা।

[ গ্রহান ।

গঙ্গু । জাফর ! কি সুন্দর বাবা এই নারী-জাতিটা, কেবল মঙ্গল নিয়েই মেতে আছে !

## আবেদীন উপস্থিত হইল ।

আবেদীন । এদের জন্ত একটা কিছু করা উচিত নয় কি ? সবাইকার জন্ত তো সব রকম হ'লো ; কিন্তু এরা যে জগতে এত মঙ্গল বিলিয়ে বেড়াচ্ছে—অবাচিতভাবে আশা না রেখে, আপনার দিকে না চেয়ে, এদের পানে তো দেখা হয় নাই !

গঙ্গু । এদের জন্ত কি করা যেতে পারে আবেদীন ?

আবেদীন । আমার ইচ্ছা এদের পূজার ব্যবস্থা হোক । এর নাম হবে মাতৃপূজা । এরা এই রকম দশভূজার মত দিব্য মूर्তি নিয়ে দশ দিকে মঙ্গল-শঙ্খ বাজিয়ে বেড়াবে, আমরা সমগ্র পুরুষ-জাতি প্রতি গৃহে প্রতি প্রভাত সন্ধ্যায় এদের পায়ে অঞ্জলি দেবো, আর শারদ উৎসবের শানাইয়ের মত সব প্রাণটুকু দিয়ে সুধাকর্ষে গাইবো—জয় মা ! জয় মা ! এদের মধ্যে আর অবরোধ প্রথা থাকবে না, বরদার মত অবাধগতিতে সম্পদে বিপদে বুক দিতে ছুটবে । আমরাও আর সে লালসার চক্ষু রাখবো না ।

অসঙ্কোচে অঞ্চলাগ্র জড়িয়ে ধরবো। এদের নিয়ে আর সে কামক্রীড়া চলবে না, এরা থাকবে শুদ্ধ মা হ'য়ে। আমাদের মধ্যেও আর স্বামী হওয়া উঠে যাবে, হ'য়ে থাকবো যুগ-যুগান্তর এদের পুত্র।

গঙ্গু। উচ্চ ইচ্ছা আবেদীন তোমার! উচিৎ ছিল এই রকম হওয়াই। কিন্তু প্রকৃতির তা ইচ্ছা নয়; সৃষ্টি থাকবে না।

আবেদীন। কেন থাকবে না? এদের এই রকম ক'রে রাখতে পারলে সৃষ্টির জন্ত যখন যে রকম সম্ভাবন দরকার হবে, এরা বিনা গর্ভধারণে ইচ্ছামাত্রেই দেবে। মা দুর্গা মানসপুত্র গণেশকে দেয় নাই? যিনি সর্ব সিদ্ধিদাতা, সকল যজ্ঞে যার আহ্বান আগে!

### মঞ্জুলা উপস্থিত হইল।

মঞ্জুলা। তুমিও আমার অনেকটা সেই গণেশই আবেদীন! অগ্র দিকে সাদৃশ্য যতটা থাক বা না থাক, তঁার মত বেশ আপনার মনে গান গাইতে পার। কেউ শুধুক না শুধুক—কারো ভালো লাগুক না লাগুক, তুমি নিজে গাও—নিজে শোন—আপনার ভাবে আপনি মাতোয়ারা—স্বীয় গুণপনায় স্বয়ং সাবাস দাও। আমি কি তোমায় এই জন্ত এখানে পাঠিয়ে দিয়েছিলুম পুত্র? কি বলতে ব'লে দিয়েছিলুম—মনে আছে, না ভুলে গেছ যা তা নিয়ে?

আবেদীন। বড় যা তা নিয়ে নয় মা! আমি তোমাদের পূজার ব্যবস্থা করছি। কি রকম হবে জান?

মঞ্জুলা। থাক—আর জেনে কাজ নাই। আমারই ভুল হয়েছিল তোমায় এ সব কাজে পাঠানো,—তুমি এদিককার নও।

আবেদীন। ঠিক ধরেছ মা এত দিনে! আমি ওদিককার নই। আমি গণেশ, থাকবো কেবল ঐ গণেশজননীর কোলে চ'ড়ে। তোমার

ওদিককার জগৎ আমার কার্তিক ভায়রা আছেন শক্তি নিয়ে—ময়ূরাসনে—  
মায়ের মুখাপেক্ষী হ'য়ে ।

মঞ্জুলা । ব্রাহ্মণ ! আৰ্য্যাবর্তের কোন সংবাদ রাখ, না দাক্ষিণাত্য  
পেয়েই দরকার মিটিয়ে ফেলেছ ? আর অবসর নাই কোন দিক্ দেখবার ?

গঙ্গু । কি সংবাদ আৰ্য্যাবর্তের দেবী ?

মঞ্জুলা । পাঞ্জাব লুট হবে—আগ্রার কৃষকদের গুলী ক'রে মারবে—  
তোমাদের রামচন্দ্রের অযোধ্যায় আগুন দিয়ে পোড়াবে ।

জাফর । ও—সম্রাট ! এই কি মানুষের শাসন ? এ পালন না  
গ্রাস ?

গঙ্গু । গ্রাস—গ্রাস—সর্বগ্রাস ! এখন আমরা কি করি মা ?

মঞ্জুলা । যা তোমাদের অভিক্রটি ! আমি নারী, সংবাদ এনে দিলুম,  
এই ঢের । এইবার কি করবে না করবে, সেটা তোমরা পুরুষ—তোমাদের  
বিবেচ্য । তবে আমি আমাদের মত এই পর্য্যন্ত বলতে পারি,—আমরা  
এই নারী-জাতিটা রাজা-বাদশাহ দীন-দরিদ্র বাছি না, কায়মনে পূজা  
করি সেই পুরুষদের, যারা প্রবলের বিরুদ্ধে আপনা হ'তে আর্ন্তের জন্ত  
বুক দেয়—নিজের আত্মীয়-বন্ধু মা-ভগ্নীর সঙ্গে তুলনা ক'রে পরের পানে  
চায়—যূপের মতন আপনি পুড়ে জগৎখানায় আমোদিত করে । আর যুগা  
করি তাদের, যারা কুকুরের মত আপনার স্নেহে লালায়িত, নদীস্রোতের  
মত নিজের দাঁড়বার জায়গা খুঁজতে ক্রমাগত নীচের দিকেই যায় ।  
পাথরের প্রতিমূর্তির মত সূর্য্যতাপে শুষ্ক তাতে, কিন্তু দেশের হৃদিশায়  
উদাসীন—প্রতীকারবিহীন—দাঁড়িয়ে দেখে । এস আবেদীন ! আমারও  
ওদিককার এই শেষ,—তোমার পিতা অপেক্ষা করছেন ।

[ প্রস্থান ।

আবেদীন । কি ভাবছো ব্রাহ্মণ ? এদের পূজা করতে হবে না ?

প্রকৃত পূজা পাবার অধিকারী এরাই । এত তেজস্বিতা, তার সঙ্গে এত কাতরতা, দৈতের হার গলায় প'রে মূর্তিনান গর্ব, অসি মুণ্ড আর বরাভয় একাধারে সাজানো । আমরা মাটীর ঠাকুর গড়ি, মস্জিদে যাই, আমাদের ঘরে ঘরে চতুর্ভুজা—গৃহে গৃহে খোদার চেয়াক ! ভাব—ভাব এদিকে নিয়ে একটু ।

[ প্রস্থান ।

গঙ্গু । জাফর !

জাফর । পিতা !

গঙ্গু । পারবি আর্ঘ্যাবর্ত যেতে ?

জাফর । যমের মুখে যেতেও জাফর পশ্চাৎপদ নয়, যদি আপনার ইচ্ছা হয় ।

গঙ্গু । আমার ইচ্ছা—আমার ইচ্ছা বাবা ! এমন একটা বিত্তা পাই, উড়ে গিয়ে ঐ যমের চুলের মুঠা ধরি—তার হাতের ঐ রক্তাক্ত গদা টান মেরে কেড়ে নিয়ে তার মাথাতেই বসাই ; জগদীশ্বরের রাজ্যে চাকরী নিয়ে প্রকাশ্যে প্রভুর মাথায় ওঠার কেমন মজা, বেশ ক'রে বুঝিয়ে দিই । আর একবার আমি তপশ্চায় বসবো ; সেই রকম ! সেই মার্জনার আগায় অধৈর্য্য হ'য়ে কৃষ্ণার তীরে যেমন এক দিন বসেছিলুম । একবার চোখ বুজে এত বড় দাক্ষিণাত্য পেয়েছি, আর এই একটা সামান্য বিত্তা বেশে আসবে না ?

জাফর । ও বিত্তা আপনার বশীভূতই আছে পিতা ! ওর জন্ত আপনারে আর ধ্যানমগ্ন হ'তে হবে না । আমি আপনার ঐ ইচ্ছার মত উড়েই যাবো, মৃত্যুর দেবতাকে মুমূর্ষু অবস্থায় আপনার সামনে এনে ধ'রে দেবো ! দেখাবো—আপনার এ তপশ্চা অনেক দিনের করা,—তার ফল-লব্ব সে বিত্তা আমি ।

গঙ্গু । পারবি ? পারবি জাকর ? যা বঙ্গলি, পারবি ? একটা দিন—  
অন্ততঃ একটা মুহূর্তের জন্ত ?

জাকর । না পারি, এ মুখ আর আপনাকে দেখতে হবে না পিতা !  
জাকরের নাম-গন্ধও আর জগৎ খুঁজে পাবে না,—তার সেবক-ব্রতের  
এইখানেই উদ্দাপন । আবার পিতা ব'লে ডাক্বো, যদি আবার আস্তে  
পারি এই ক্রৌতদাসের জন্ম নিয়ে ফিরে ।

গঙ্গু । [ চমকিত হইয়া ] ধীরে জাকর ধীরে ! আমি অস্তায় উত্তেজিত  
হয়েছিলুম বাবা ! যাক্ আগ্রা অবোধ্যা পুড়ে ছারখারে—হোক্ পাঞ্জাব  
লক্ষ্মীছাড়া—থাকুক্ মহম্মদ তোগলক রক্তপিপাসা নিয়ে যুগ-যুগান্তর বেঁচে !  
থাক্ আর্ধ্যাবর্ত যেতে, তোর মরা হবে না ।

জাকর । এ আবার কি পিতা ? পরের সর্বনাশ চোখের ওপর দেখে  
এরূপ অনুমতি তো আপনার মুখে কখনও শুনি নাই ।

গঙ্গু । গুনিস্ নাই ব'লে কি গুন্তেও নাই ? আজ শোন, তোর  
মরা হবে না ।

জাকর । পিতা ! জীবনে কখনও আপনার প্রতিবাদ করি নি !

গঙ্গু । আজও কর্তে পাবি না । তোর মরা হবে না ।

জাকর । যুদ্ধে গেলেই কি সবাই মরে ?

গঙ্গু । আমার পা ছুঁয়ে শপথ কর, আপনার মাথা বাঁচিয়ে যুদ্ধ  
করবি ?

জাকর । সে আবার কি রকম যুদ্ধ পিতা ?

গঙ্গু । যে রকমই হোক্, যতটা থাকে না থাকে । তোর মরা হবে  
না । তুই মরলে আগ্রা অবোধ্যা বাঁচবে, এমন যদি কোন দৈববাণী করা  
থাকতো, তুই আমার এত আদরের—আমি নিজে হাতে তোর গলা টিপে  
মারতুম ! তা যখন হবে না—শুধু মরাই সার, কি লাভ ওতে ? বীরত্ব

## দাক্ষিণাত্য

[ চতুর্থ অঙ্ক ।

দেখানো ? ও বাহাজুরি আমি পছন্দ করি না । তার চেয়ে তুই বাঁচ, অমন আগ্রা অযোধ্যা আমি এই ভারতবর্ষটার শত সহস্র গ'ড়ে দেবো ।

জাকর । তাই হবে পিতা ! আপনার অনুমতি । আমি হৃদয়ের সমস্ত শক্তি দিয়ে যুদ্ধ করবো, মাত্র প্রাণটাই বাঁচিয়ে । তারপর পরমেশ্বরের ইচ্ছা—নিয়তির নেমি—আর আগ্রা অযোধ্যার অদৃশ্য চিত্রিত ভাগ্য । বিদায় !

[ পদধূলি গ্রহণান্তর প্রস্থান ।

গঙ্গু । আগ্রা অযোধ্যা থাকবে না ; পুড়বেই পুড়বে ! শেষ নিশ্বাস ছাড়বে তো এইখানেই ! তবে আর হ'য়ে এসেছে ! জাকর গেছে—উমেদ-আলি নাই—ফিরোজও যাওয়াই ; কিস্তি রুখবে কে ? মাং সামালো মহম্মদ ! গজ বোড়া দৌড়াদৌড়ি ক'রে কিছু করতে পারে নাই ব'লে আপনাকে এত বড় দেখো না । ব'ড়ে যাচ্ছে দাবার বরে সাংঘাতিক হ'য়ে ।

[ প্রস্থান ।

## চতুর্থ গর্ভাঙ্ক ।

অযোধ্যা—পথ ।

গীতকণ্ঠে আদিদেব যাইতেছিল ।

আদিদেব ।—

গীত ।

ওঠ রে কে কাদিস্ আর মরা মায়ের বৃকে প'ড়ে ।

ছেড়ে দে অভাগিনীর মায়', ও ফাঁকি দেয় হায় এস্নি ক'রে ॥

আস্ছে রে ওর চিতার কাঠ ঘূতের কলস ভারে ভার,  
 আগুন দেবে সতীনপুত্র নূতন স্মৃতির আবিষ্কার,  
 আজ সীতার দেশে লঙ্কাকাণ্ড বাস্তবিকর যায় বৃদ্ধি হ'রে ।

[ প্রস্থান ।

জ্বলন্ত মশালহস্তে সৈন্যগণ, পশ্চাৎ মহম্মদ তোগলক

উপস্থিত হইলেন ।

মহম্মদ । আগুন লাগাও ! গর্জিত অবোধ্যা কদর্যা বারাক্ষনার মত  
 কল্লিত সজ্জায় বেশ সেজে আছে । লাগাও আগুন ওর বাহ্যিক চাকচিক্য,  
 সৌন্দর্যের অহঙ্কার ফলানো রূপের মাথায় । তোমরা এক এক জন এক  
 এক দিকে উদ্ধার মত ছুটে যাও, সঙ্গে সঙ্গে সেদিকগুলোয় দিক্দাহী অনল-  
 শিখা দাউ-দাউ ক'রে খেলে উঠুক । আমি এইখান হ'তে দাঁড়িয়ে  
 দেখি অগ্নির রাক্ষসী ভোজন, আর তোমাদের ক্ষিপ্ত হস্তের পরিবেশন ।  
 কারও অনুন্নয় শুনবে না ; বাধা দেয়, গুলী চালাবে । আমি দেখতে চাই  
 দগুের মধ্যে এই অবোধ্যার একটা পল্লী—একখানি কুটীর—একগাছি  
 ভূণ পর্য্যন্ত নাই ।

সৈন্য জাফর-খাঁ উপস্থিত হইলেন ।

জাফর । এত অবিচার খোদারও সহ্য হবে না ।

মহম্মদ । জাফর ! বিবপত্রভোজী কাফের গঙ্গু ব্রাহ্মণের নফর !

জাফর । নফর তো গৌরবান্বিত শব্দ সম্রাট আমার ধারণায় ; এ  
 হ'তে যদি কোন হীন শব্দ অভিধানে থাকে, গঙ্গু ব্রাহ্মণের আমি তাই ।  
 তিনি নিরাশ্রয় আমায় আশ্রয় পুত্রস্নেহে প্রতিপালন ক'রে আস্ছেন,  
 যৌবনে কশ্মীর দ্বার উদ্ঘাটিত ক'রে দিয়েছেন, তাঁরই অপার করুণায় এ  
 নির্ভুর পাষণ-প্রতিম পাঠানের মধ্যে মনুষ্যত্বের উন্মেষ । আমি অকৃতজ্ঞ



নই সম্রাট, যেমন আপনি । যে প্রজা আপনার দীর্ঘ জীবনের জগ্ন প্রাতঃ-সন্ধ্যা পরমেশ্বরের পায়ে মাথা ঠুক্ছে, পুত্রের মত প্রতিনিয়ত যারা আপনার প্রয়োজনেই বিক্রীত, যাদের হৃদয়-রক্ত শোষণ ক'রে আপনার রাজভাণ্ডার, যা দিকে নিজে আপনি সম্রাট, আজ এসেছেন তাদের ঘর জ্বালাতে—সর্বস্বান্ত করতে—স্ত্রী-পুত্রের হাত ধ'রে পথে বসাতে ! কি অপরাধ করেছে এই অযোধ্যা সম্রাট ?

মহম্মদ । তার কৈফিয়ৎ আজ আমায় তোমায় দিত হবে না কি জাফর-খাঁ ? তুমি তার কি বুঝবে মুখ ! দীন ব্রাহ্মণের পর্ণকুটীর পরিমার্জন ক'রে উচ্ছিষ্ট আতপ-অন্ন ভক্ষণ করা তোমার বৃত্তি, এ সব রাজা-প্রজা, অপরাধ-নিরপরাধ, দণ্ড-মার্জ্জনায তোমার খোঁজ কেন ? অযোধ্যা কি অপরাধ করেছে, সে আমি বুঝবো ।

জাফর । শুধু আপনি বুঝলে হবে না সম্রাট ! জগতও বুঝতে চায়—তাকে বোঝাতে হবে । সে আপনার প্রচলিত চন্দ্রমুদ্রা নেয় নাই, এই তো ?

মহম্মদ । কেন নেয় নি ? কি ক্ষতি ছিল তাতে এদের ? আমার সাম্রাজ্যে সর্বত্রই যখন এই প্রচলন, তখন ক্রয়-বিক্রয় আদান-প্রদান কোন দিকেই তো এদের কোন অসুবিধা হ'তো না ; কিন্তু এটা জিদ ! বিচারে বসলো—বিদ্রোহের সুর তুললো—মাথা ফুঁড়ে উঠতে গেল । কোথায় রইলুম আমি তাদের একান্তনির্ভর রাজা ! কোথায় রইলো তারা আমার প্রয়োজনে বিক্রীত পুত্র ? ভাবা উচিত ছিল যে, আমি আজ রৌপ্যমুদ্রার বিনিময়ে চন্দ্রমুদ্রা দিচ্ছি, সেই আমি হয় তো এমন দিন আসতে পারে—ঐ চন্দ্র-মুদ্রা ফিরিয়ে নিজে ছ-হাতে স্বর্ণ-মুদ্রা বিতরণ ক'রে যাবো ।

জাফর । এ কখনও ভাবা যায় না সম্রাট যে আপনার জীবনে আবার স্বর্ণরুষ্টির দিন আসবে ।

মহম্মদ । তুমি সাবধানে কথা কইবে জাফর-খাঁ !

জাফর । আপনিও খুব সতর্কে পা ফেলবেন সাহান-সা !

মহম্মদ । আমাকে সতর্ক কর জাফর-খাঁ—তুমি ?

জাফর । আমার কি সম্রাট এত ক্ষুদ্র দেখেন ?

মহম্মদ । তুমি কি দাফিনাতটা নিয়ে তোমার এত বড় বিবেচনা কর ? তুমি যতই মাথা তোল জাফর-খাঁ, আমি তোমাকে আমার এই পয়জারের নিম্নেই দেখবো। কাপ আমি তোমার হাতে আমার অজীর্ণটা বমন ক'রে দিয়েছি, তুমি প্রসাদের মত চেটে খেয়ে ধুত্ব হ'য়ে গেছ। আজও তুমি একজন ব্রাহ্মণের কৃতদাস, আমি এখনও দিল্লীর সম্রাট ; তুমি রবিতপ্ত বালুকণা, আমি স্বয়ং সূর্য্য ।

জাফর । মেঘ ক'রে এসেছে সম্রাট চারিদিক ছেয়ে,—সূর্য্যের গৌরব যে যায় !

মহম্মদ । জানি—উঠেছি যখন, অন্তও যেতে হবে ; জলতে ছাড়বো কেন ?

জাফর । খুব জলেছেন সাহান-সা ! আপনার এই খ-ধূপের মত আকস্মিক জলায় সমস্ত ভারতবর্ষটা জ'লে পুড়ে থাক হ'য়ে উঠেছে,—আর জলবেন না। এইবার জলতে গেলে নিজেই ছাই হ'য়ে যাবেন। মঙ্গলের জন্তই বলছি আপনার, অযোধ্যা ছাড়ুন ।

মহম্মদ । জাফর ! অনেক দিন হ'তে আমি তোমার খুঁজছিলুম,—খোদা বেশ সময়েই মিলিয়ে দিয়েছে। আজ অযোধ্যা জালাবো, আর তোমার জিবটা উপড়ে টুকরো-টুকরো ক'রে সেই আগুনে পোড়াবো ।

জাফর । তা হ'লে জাঁহাঙ্গীরও জীবন সম্বন্ধে জগৎ সন্দিহান ।

মহম্মদ । সৈন্তগণ ! প্রভুদ্রোহী বেইমান যেন আর একটা কথা আমার সামনে না কইতে পারে ।

জাকর । নীরবতা কিন্তু আরও ভয়ঙ্কর সম্রাট !

[উভয় পক্ষের যুদ্ধ ও সৈন্য জাকরের রণভঙ্গ ও প্রস্থান ।

মহম্মদ । পালাস্ না—পালাস্ না জাকর ! মেব হ'য়ে এসেছিলি স্বর্ঘ্য ঢাকতে, চেনন ছিল না বুঝি, যত বড়ই হোক মেঘ—সে স্বর্ঘ্যেরই তৈরী করা ? পালিয়ে যাবি কোথায় মূর্খ ? মৃত্যুর লক্ষ্য জগৎ জুড়ে । সৈন্যগণ ! চলুম আমি কাফেরের শাস্তি দিতে ! তোমরা থাক অগ্নি-কাণ্ডে অযোধ্যার ধ্বংসে, মায়াহীন—করুণাশূন্য—কুলিশ-কঠোর প্রেত-মূর্ত্তি ধ'রে ।

[ প্রস্থান ।

সৈন্যগণ । আল্লা—আল্লা—হো !

[ প্রস্থান ।

### নেপথ্যে অযোধ্যাবাসীগণ ।

অযোধ্যাবাসীগণ । আশুন ! আশুন !

সৈন্যগণ । আল্লা—আল্লা—হো !

অযোধ্যাবাসীগণ । সর্বনাশ হ'লো—সর্বনাশ হলো !

সৈন্যগণ । আল্লা—আল্লা—হো !

অযোধ্যাবাসীগণ । রক্ষা কর ভগবান্ ! বিচার কর পরমেশ্বর !

সৈন্যগণ । আল্লা—আল্লা—হো !

গীতকণ্ঠে আদিদেব উপস্থিত হইল ।

আদিদেব ।—

### পূর্ব গীতাংশ ।

আজ কোথায় তুমি ঐরামচন্দ্র কোথা তোমার সে শাসনকাল,

আজ তোমার অযোধ্যা অগ্নিসাৎ তোমার সরযু রক্তে লাল,—

বেশ মা জানকী জগদারাধ্যা, এক দিন এই পাপ অবাধ্যা,  
তোমার কুৎসা শুনায়ে শ্রবণে,  
শ্রীরামচন্দ্র করি'ন বাধ্য সীতারে তাক্ষিতে বনে,—  
তারই গোধ বুঝি হ'লো এত দিনে প্রকৃতি ছিল সে দাগাটী অ'রে ।

[ প্রস্থান ।

## পঞ্চম গর্ভাক ।

আগ্রা—বনভূমি ।

কুষকগণ ও কুষকপত্নীগণ ।

গীত ।

- পু।— কপাল দোষে কুষকদের আজ আসতে হ'লো দেশ ছেড়ে ।  
স্ত্রী।— দেখিনি তো এমন কোথাও পেটের খোরাক নেয় কেড়ে  
পু।— দোষ অ'মাদের জানি না তো শুধুই কেবল দণ্ড সহি,  
স্ত্রী।— আমরা যেন মানুষ হ'য়ে থাকবার অধিকারী নই,  
পু।— বাপের ভিটেছাড়তে হ'লো, আর দুঃখের কি বাকী বলো,  
স্ত্রী।— আমাদের যে সাজানো ঘর—উঃ—এ দাগা দিলে কে রে ?  
পু।— যা হোক তবু খাইবো খাবো পাবো কতক মনের স্বপ্ন,  
স্ত্রী।— না খেতে পাই দেখবো চোখে সোয়ামী পোয়ের হাসি-মুখ,  
পু।— সুখের বাস এ পাতার কুঁড়ে, জীবন গেছে তেতে পুড়ে,  
স্ত্রী।— দূরে থাক্ সে সোণা দানা, চাই না আলতাপেড়ে,  
দকলে ।— আমরা অতাবে আজ স্বভাব পেলুম জিৎ হয়েছে হেরে হেরে ॥

সসৈন্য মহম্মদ ভোগলক উপস্থিত হইলেন ।

মহম্মদ । চারিদিক ঘেরাও হয়েছে ?

সৈনিক । হুজুর !

মহম্মদ । একটা পিপ্‌ড়েরও পর্য্যন্ত পালাবার পথ নাই ?

সৈনিক । খোদাবন্দ !

মহম্মদ । সমস্ত কৃষক এই বনেই ?

সৈনিক । জনাব !

মহম্মদ । গুলী চালাও । আগ্রা হ'তে উঠে এসে বড় সুখে আছে এখানে । জাল ছিঁড়ে পালিয়ে এসেছে—জানে না যে জালেই আছি । চালাও গুলী ! ঢুকে যাও বনের ভেতর কতকগুলো তোমাদের,—দেখ, কে কোথায় আছে ! স্ত্রী-পুরুষ—শিশু-বৃদ্ধ কেউ বাদ যাবে না, সময় অসময় অবস্থা কিছু দেখবে না । যাও, তোল একটা গগনভেদী কারার সুর—করতালি দাও তালে তালে—হাস্তে থাক হো-হো শব্দে দৈত্য তাণ্ডবে নাচতে নাচতে ।

সসৈন্য জাফর-খাঁ উপস্থিত হইলেন ।

জাফর । সন্ন্যাসী ! কি হ'লে আপনি শাস্ত হন ?

মহম্মদ । সন্ধি করতে এলে জাফর-খাঁ এবার ?

জাফর । তাই বটে সন্ন্যাসী ! আপনি তো নির্বিকার হ'য়ে জগত-খানার উপর চমৎকার প্রতিশোধ নিচ্ছেন, কিন্তু আমরা যে আর চক্ষে দেখতে পারি না ! এই বনমধ্যস্থ নিরীহ কৃষকগণ, এদের স্বামী-অনুগামিনী সরলা পত্নীরা, তাদের ক্রোড়স্থ স্তন্যপায়ী শিশুসমষ্টি, সবাই মিলে শত অভাবের মধ্যেও আধপেটা খেয়ে কোঁপীন এঁটে হাসিমুখে খেটে স্তন্য

একটা শাস্তির হাট বসিয়েছে, আজ তাদের ওপর—ওঃ সম্রাট ! আমি স্বীকার করছি, আপনি জয়ী । আপনি সূর্য্য, আমরা আপনার অনেক নীচে । কিন্তু জনাব ! সূর্য্যের কন্দ কি শুদ্ধ অগ্নিবর্ষণে ধরিত্রাটায় আলানো ? প্রকৃতিস্থ হোন সম্রাট ! বিচার করুন—আপনি খোদার প্রতিনিধি ! বলুন, কি হ'লে আপনার এ রক্ত-পিপাসার নিবৃত্তি হয় ?

মহম্মদ । এ পিপাসা তৃপ্তিহীন জাফর-খাঁ ! এর নিবৃত্তি নাই । যতক্ষণ আমি আছি—যতক্ষণ মানুষ আছে—যতক্ষণ তাদের মধ্যে তপ্ত শোণিতের একটা বিন্দু আছে, মহম্মদের এ পিপাসা ততক্ষণকার ।

জাফর । কিন্তু—এদের মধ্যে তো এক বিন্দুও সে গরম হবার রক্ত নাই সম্রাট ! এরা যে সরল কৃষক—সর্বদাই সঙ্কুচিত । এদের অপরাধ তো পেটের খোরাকার সিকি ভাগ না দেওয়া ?

মহম্মদ । আবার সেই অপরাধ নিয়ে এসে ফেল্লে ! শেষ কথা শুনে নাও জাফর ! আমার মধ্যে বিচার নাই ; লোকে পশু শিকার করে, আমি মানুষ শিকার করতে বেরিয়েছি ।

জাফর । আপনিও মানুষ তো ?

মহম্মদ । ছিলুম, কিন্তু মানুষে আমার মানুষত্ব খেয়ে দিয়েছে ।

জাফর । কিসে ?

মহম্মদ । এই ধর তুমি—আমার সেনাপতি—দেহরক্ষী ভৃত্য ; গজু আমার গণক—অন্নদাস, উমেদ-আলি আমার বন্ধু—হৃদয় দেওয়া ; ফিরোজ আমার ভাগিনেয়—জামাতা ; আজ কে কোথায় ? যে বুকে মানুষ হয়েছে, একজোটি হ'য়ে সেই বুকেই ছুরী ধরেছ !

জাফর । ও,—এ দেখছি আপনার ধ্বংসকালে বিপরীত বুদ্ধি ! যারা ছুরী ধরলে, তাদের কিছু করতে পারলেন না,—তালটা পড়লো ক-টা দুর্ব্বল গো-বেচারার মাথায় !

মহম্মদ । তোমরাই বা গেছ কোথায় ?

জাফর । বহু দূরে ; সম্রাটের শক্তি বতটা পৌঁছাতে পারে না ।

মহম্মদ । শক্তি না পৌঁছায়, নিশ্বাসও পৌঁছাবে ।

জাফর । পৌঁছালেও ও নিশ্বাসের ওপর বিশ্বাস করবেন না ! ও যদিও বাবে আপনার কাছ হ'তে সর্পের আকারে, কিন্তু সেখানে গিয়ে মাথায় ঠেকে হ'য়ে যাবে ফুল । সাবধান সম্রাট ! যা করেছেন—করেছেন, আর এ কৃষককুল নির্মূল করবেন না,—এদেরই পরিবেশনে জগৎটা খাচ্ছে ।

মহম্মদ । আবার তুমি আমার সাবধান হ'তে বল কাপুরুষ—ভীকু ! শিক্ষা পাও নাই ? পালিয়ে প্রাণ বাঁচালে, চেতন নাই ? এখনও কি আশা কর আমার গতিরোধের ?

জাফর । তা না পারি, দস্যুসম্প্রদায়ের ঘটাকে পারি, কমাবো ।

মহম্মদ । বুঝেছি, এবার মৃত্যু তোর চুলের মুঠি ধরেছে । সৈন্তগণ !

জাফর । তা হ'লে এবার স্মেরু-চূড়া খ'সে পড়বে সমুদ্রের জলে তোল-পাড় ক'রে !

[ উভয় পক্ষের যুদ্ধ ]

জাফর । ওঃ—পারলুম না ! হতভাগ্য কৃষকগণ ! তোমাদের বাঁচাতে পারলুম না,—ঈশ্বরের পায়ে তোমরা অপরাধী ।

[ সসৈন্তে রণভঙ্গ ও প্রস্থান ।

মহম্মদ । আজ তোর কিছুতেই অব্যাহতি নাই গুপ্ত দস্যু ! কাল পশ্চাৎগামী । [ সৈন্তগণের প্রতি ] তোমরা বনে প্রবেশ কর ; যা যা ব'লে দিয়েছি, অক্ষরে অক্ষরে ! এক বিন্দু শৈথিল্যে দিতে হবে অমূল্য জীবন ।

[ প্রস্থান

সৈন্তগণ । [ বন্দুকের শব্দকরণ । ]

[ প্রস্থান ।

[ নেপথ্যে ]

ক্লষকগণ । প্রাণ যায়—প্রাণ যায় !

সৈন্তগণ । [ বন্দুকের শব্দ ]

ক্লষকগণ । রক্ষা কর—রক্ষা কর !

সৈন্তগণ । [ গুলীকরণ ]

ক্লষকগণ । কি নিষ্ঠুরতা—কি অত্যাচার !

সৈন্তগণ । [ তথাকরণ ]

ক্লষকগণ । ওঃ—ভগবান !

জনৈক সৈনিক উপস্থিত হইল ।

সৈনিক ।—

গীত ।

হা-হা-হা-হা, হো-হো-হো-হো, একদম খতম কাম ।

জঙ্গলমে আউর কোই নেহি হায় লালে লাল সব নিমকহারাম ॥

আছি মেরা গুলীক, তারিফ, ভোর ছনিয়াকো দিয়া ইয়াদ,

খোদাকা ইস্ চিড়িয়া বাগ্‌মে বুঁমতা রাহা হাম সৈয়াদ,

যেস্তা ছুঁমুন লিয়া শির,

খোস রহেগা মনিব মেরা মিল যাগা জায়গীর ;

দৌলতখানামে বল্‌বে আমীর কেয়া বড়িয়া হাম ।

মহম্মদ পুনঃ উপস্থিত হইলেন

মহম্মদ । চ'লে গেল সময়তান হাওয়ার মত কোন্‌ গুপ্ত পথ দিয়ে  
অনর্থক কতকগুলো সৈন্তক্ষয় ক'রে । আচ্ছা ! কে ? ও—তুমি এখানে  
দাঁড়িয়ে যে ?

সৈনিক । কাম একদম খতম জনাব !



মহম্মদ । শেষ ? সুসংবাদ—সুসংবাদ সৈনিক ! আচ্ছা, কি রকম করতে লাগলো তারা, যখন তাদের ওপর তোমরা গুলী চালাচ্ছিলে ?

সৈনিক । চিল্লাতে লাগলো হুজুর ! মরদ লোক আউরতের গলা ধরলো—আউরৎ লোক লেড়কাকো কলিজামে চাপ্তি থাকলো, আমরা হা-হা হাসতি লাগলো, আর জোর জোর আওয়াজ সুরু ক'রে দিলো ।

মহম্মদ । হাঃ-হাঃ-হাঃ, হাসির কথাই বটে ! আগ্রা ছেড়ে এসেছিলে মূর্খগণ ! কোথায় গেলে আজ ? সেখানেও তোমাদের জাহান্নম ! তুমি ইনাম নাও সৈনিক ! কেউ বেঁচে নাই তো ?

সৈনিক । নেহি হুজুর, এক আদমি নেহি !

মহম্মদ । নাও ইনাম । [ ইনাম দিতে উদ্বৃত্ত হইলেন ]

জনৈক কৃষকপত্নী উপস্থিত হইল ।

কৃষকপত্নী । এক আউরৎ আছে সম্রাট !

মহম্মদ । কে তুমি ?

কৃষকপত্নী । আমি আপনার ঐ দণ্ডিত কৃষকগণের একজনের স্ত্রী ।

মহম্মদ । তুমি বেঁচে আছ ? তোমায় বুঝি কেহ দেখে নাই ?

কৃষকপত্নী । না সম্রাট ! খুব বড় চোখেই দেখেছিল । আমায় যত্ন ক'রেই বাঁচানো হয়েছে । আপনার এই সৈনিক আমায় একটা বনের মধ্যে নিয়ে গিয়ে মুখে কাপড় বেঁধে লতা দিয়ে গাছের সঙ্গে হাত পা আটকে এসেছিল, আমি বহু কষ্টে সে বাঁধন খুলে সম্রাটের কাছে ছুটে এসেছি ঐ মৃত্যু ভিক্ষা করতে ।

মহম্মদ । তোমায় এ রকম ক'রে আটকে রাখার উদ্দেশ্য কি ?

কৃষকপত্নী । বুঝতে পারছেন না জনাব ! আমি নারী,—কৃষকপত্নী হ'লেও পূর্ণধোবনা—তার ওপর রূপবতী ।

মহম্মদ । [ রক্তচক্ষে ] সৈনিক !

সৈনিক । নেহি হুজুর ! ঝুট বল্ছে আউরৎ !

মহম্মদ । ঝুট বল্ছে ? সমতান ! [ টুঁটু চাপিয়া ধরিলেন ] সত্য বল্ ।

সৈনিক । কসুর হুয়া হুজুর কসুর হুয়া, আউর কবি নেহি হোগা,—  
মাফ কিজিয়ে খোদাবন্দ !

মহম্মদ । মাফ ! মহম্মদ তোগলকের কাছে ? বিশেষতঃ এ অপরাধে ?  
আমি আর যাই হই, কিন্তু নারীর দিকে কখনও কুদৃষ্টি করি নাই । নারী  
আমার মা ; নারীর সতীত্ব বিষয়ে আমি সর্বদা সুবিচারী । ইনাম দিতে  
যাচ্ছিলুম না তোকে ? নে ইনাম !

[ পিস্তল তুলিয়া সৈনিক সহ গ্রহণান ।

[ নেপথ্যে গুলির শব্দ ]

নেপথ্যে সৈনিক । ওঃ !

কৃষকপত্নী । আমার উপায়—আমার উপায় সম্রাট ? আমি তো  
বিচার চাইতে আসি নি, আমি যে মরতে এসেছি !

[ জনৈক সৈনিক আসিয়া গুলী করিল ]

কৃষকপত্নী । ওঃ—

## ষষ্ঠ গর্ভাঙ্ক ।

পারস্ত-পথ—মরুভূমি ।

সাহারা ও বালকবেশে সাকিনা ।

সাহারা । কে তুই শিশু, আমার বাঁচালি ? হ্রস্ব মরুভূমে অচেতন্ত হ'য়ে গড়েছিলুম, কার কোলের মাণিক তুই আমার মৃত্যুর গ্রাস হ'তে টেনে আনলি ? অতটুকু ক্ষুদ্র প্রাণে এতখানি নিঃস্বার্থ সেবা, কে তুই খোদার দোয়া ?

সাকিনা । আমি ? আমি সন্নতানের ছোরা ! তোমায় ঘর হ'তে তাড়িয়ে দিয়েছে কে মা ?

সাহারা । কৈ—কেউ তো আমায় তাড়ায় নি !

সাকিনা । সেই যে তখন বলছিলে ? অচেতন থেকে যখন একটু একটু চোখ মেল, ভাঙ্গা-ভাঙ্গা-স্বরে কতক অস্পষ্ট,—তোমায় ঘর হ'তে তাড়িয়ে দিয়েছে না কি তোমারই বৌ ?

সাহারা । না শিশু, সে হয় তো তখন প্রলাপ বলেছিলুম । সে আমার তাড়াতে যাবে কেন ? আমি নিজেই চ'লে এসেছি, তবে হাঁ—তারই ওপর রাগ ক'রে । সে আমারই দোষ ! ভাল করি নি আমি । যতই হোক, ছেলেমানুষ তো ! আমারই গুছিয়ে নেওয়া উচিত ছিল,—সে আমার পুত্রবধূ, আমি তার মা !

সাকিনা । বুঝেছি—সে তোমার সেবা-যত্ন করে নি, সেই অভিমানে তুমি ঘর ছেড়ে চ'লে এসেছ ; তার জন্তই তোমার এত কষ্ট, সেই তোমার এ যন্ত্রণার মূল ! তুমি অভিশাপ দাও মা তাকে ।

সাহারা । না অবোধ ! তার ওপর অভিশাপ আমার জিহ্বায় আসবে

না। সে আমার পুত্রবধূ, তার ওপর আমার ভাইয়ের সবে মাত্র। সে বেঁচে থাক্! আমার দশায় যা হয় হোক্, আমার ভাইয়ের বুক জুড়িয়ে সে আমার দীর্ঘজীবন নিয়ে সুখে থাক্।

সাকিনা। [ স্বগত ] এই অভিশাপ! এই অভিশাপ! এ হ'তে তীব্র অভিশাপ আবার মানুষের দ্বারা দেওয়া হয় না কি? অত্যাচারীকে আশীর্ব্বাদ, দন্তের যোগ্যকে মার্জনা, প্রাণহন্তীর দীর্ঘ জীবন চাওয়া, তার সুখের কামনা করা—এই অভিশাপ, ফুলের খোলস পরা কেউটে সাপ এই সেরা অভিশাপ! উঃ—কি জ্বলন্ত এ অভিশাপ! কি তীক্ষ্ণ এর দাঁত! কি উৎকট এর ছোবল! আমি জ'লে ম'লুম—বিষে জারলে আমায়—জীবন্ত-কবরে আমি! মা! মা!

সাহারা। কেন শিশু, অমন চঞ্চল হ'য়ে উঠলি কেন?

সাকিনা। আমি তোমার পায়ে ধরছি মা, তুমি তাকে অভিশাপ দাও লোকের মত—সংসারের মত—মুখের ওপর। সে অন্ধ হোক্—তার মহাব্যাধি আসুক্—আর সেই সঙ্গে দীর্ঘ জীবন পেয়ে পিতার কোলে প'ড়ে প'ড়ে অতীতের ছবি দেখে দণ্ডে দণ্ডে আঁৎকে উঠুক্।

সাহারা। আমার হৃৎথ দেখে তার উপর তোর বড়ই আক্রোশ হয়েছে কেমন?

সাকিনা। আক্রোশ নয়, অনুগ্রহ। তার প্রায়শ্চিত্ত হবে, সে অনুতাপে গুম্বরে পোড়া হ'তে এড়ান পাবে,—পরজন্মেও অন্ততঃ পবিত্র হ'তে পারবে।

সাহারা। কে তুই? কে তুই বালক! তোর ডব্‌ডবে সে নীল চক্ষু রক্তিম সজল, বক্ষঃস্থলে কি যেন পূর্ব্বকৃত বর্নাস্মরণের ঘন ঘন স্পন্দন! তার প্রত্যেক কথায় তোর মুহুমূর্ছঃ সলজ্জ নতদৃষ্টি—ভূতলস্পর্শী দীর্ঘশ্বাস—চোরের মত গুচ্চ চমক! তুই কে? তুই কে বালকের বেশে? তুই কি আর কেউ?

সাকিনা । আর কেউ নই মা—আর কেউ নই ! বালকের বেশে  
আমি জরা—লৌহের দৃঢ়তার ভিতর আমি যুগেজারা—গতিশক্তি বাকশক্তি  
সব শক্তি সম্বন্ধে আমি শব ।

[ বেগে প্রস্থান ।

সাহারা । দেখি—দেখি শিশু তোর মুখখানা ! [ গমনোদ্ভূত ]

অবসন্নভাবে ফিরোজ উপস্থিত হইল ।

ফিরোজ । জল ! জল ! কে কোথায় আছ, প্রাণ রাখ—এক বিন্দু  
জল দাও ।

সাহারা । কে—কে ? ফিরোজ—আমার ফিরোজ ?

ফিরোজ । মা ! আমার মা ? মা ! মা হও তো জল দাও ।

সাহারা । পুত্র ! পুত্র ! এ ভাবে কোথা হ'তে এলি ?

ফিরোজ । সয়তানের গ্রাস হ'তে । স্নেহ রাখ, জল দাও ।

সাহারা । কোথায় জল পাবে ফিরোজ ? এ যে মরুভূমি !

ফিরোজ । মরুভূমি ফাটিয়ে তোল, মা হয়েছে কি জন্তু ? জল দাও ।

সাহারা । মরুভূমি কাকে বলে জানিস্ না ফিরোজ !

ফিরোজ । খুব জানি ! আজন্মটা মরুভূমির ওপর দিয়েই তো  
যুগছি । ছিলুম মরুভূমে, এসেছিও মরুভূমে,—আমি আবার মরুভূমি  
জানি না ! তাতে তার কি দোষ ? তুমিই তো আমার এ মরুভূমে এনেছ  
হতভাগিনী !

সাহারা । না পুত্র ! সে বিষয়ে আমি নির্দোষ । আমি তোকে দিল্-  
খোসেই এনেছিলুম, কিন্তু মাটিতে পা দিতেই সেটা মরুভূমি হ'য়ে গেল ।

ফিরোজ । তা হবে ! সন্তান প্রসব ক'রে স্বামীকে দেখাতে পেল  
না, তার আগেই বিধবা হ'লে, সেটা আমার দোষ ? পোড়া পেটের জন্তু

স্বর্গীয় স্বামীর কবর পরিত্যাগ ক’রে ভাইয়ের সঙ্গে আত্মীয়তা করতে এলে, আমার দোষ ? তারপর রাজ্য-পিপাসায় ভ্রাতৃহত্যার সঙ্গে বিবাহ দিয়ে আমার অজ্ঞানে অজ্ঞাতসারে অগ্নিকুণ্ডে ফেলে দিলে, সেটা আমার দোষ ?  
বাবু—জল দাও ।

সাহারা । আমারই দোষ ফিরোজ—আমারই দোষ । আমি তোরা কপাল চিরে দেখি নাই ! সব দোষ আমারই ! তার জন্ত কি করতে চাস ? আয়, আমার গলা টিপে মার—আমার চুলের মুঠি ধ’রে বন-বন ক’রে ঘুরিয়ে মুখ দিয়ে রক্ত উঠিয়ে দে—আমায় জাহান্নমে ঠেলে ফেল । তুই যাতে শাস্তি পাস তাই কর, কেবল একটা ছাড়া—ঐ জলটা চাস না !

ফিরোজ । মা ! মা !

সাহারা । বাবা ! বাবা !

ফিরোজ । মহাপাপী আমি মা ! আমার মা তুমি, মরুভূমে দাঁড়িয়ে আছ ?

সাহারা । বড় হভভাগিনী আমি বাবা ! তুই আমার সেই পুত্র, কত রাজভোগে তোকে মাস্তুষ করেছি, আজ এক বিন্দু জল তোরা মুখে দিতে পারছি না !

ফিরোজ । আর দাঁড়াতে পারছি না মা ! বৃকে নাও ।

সাহারা । [ ফিরোজকে বক্ষে ধরিয়া ] ঈশ্বর ! ঈশ্বর ! মরুভূমির উপরেও তো তোমার আকাশ রয়েছে, এক বিন্দু জল ! আমি তোমার কাছ হ’তে স’রে এসেছি, তুমি তো আমার কাছছাড়া নও, একটু করুণা ! পুত্র মৃতপ্রায়—মায়ের কোলে । এ বেদনা অন্তর্যামী, তুমি তো জান ! বাঁচাও । [ উপবেশন ও নেপথ্যে শব্দ ] একি ! কিসের শব্দ ?

ফিরোজ । শব্দ—তাই তো বটে ! হয়েছে ! আর জলের দরকার

হবে না মা ! আমি জালালের যুদ্ধে সর্ব্বশাস্ত হ'য়ে পালিয়ে এসেছি ; তা হ'লে সে আমার পিছু ছাড়ে নি,—নিশ্চয় সেই-ই আসছে ।

সসৈন্য জালাল উপস্থিত হইল ।

জালাল । সেই এসেছে শাহজাদা ! খুব লুকিয়েছেন তো ! থর-গোশের মত কান দিয়ে নিজের চোখ চাপা দিলে কি লুকানো হয় ?

ফিরোজ । জালাল ! এসেছ—বেশ করেছ ! যা করবে কর, আগে আমার একটু জল দাও ।

জালাল । বড় পিপাসা হয়েছে কুমার, না ? জল তো কাছে নাই, তবে পিপাসার শাস্তি করছি । [ পিস্তল লক্ষ্য করিল ]

সাহারা । করিস্ কি—করিস্ কি রাফস ? আমি মা রয়েছি যে ।

জালাল । যেই থাক্, এ সম্রাটের হুকুম !

সাহারা । সম্রাটের হুকুম ? সম্রাট এই হুকুম দিয়েছে তোকে ? দিক্—আমিও সম্রাটের ভগ্নী, সম্রাটের কন্যা ; আমার হুকুম—দূর হ' এখন হ'তে ।

জালাল । এ হুকুমের ওপর তোমার হুকুম চলবে না সম্রাট-ভগ্নী !

সাহারা । খোদার হুকুম ! জালাল ! তুই তো মুসলমান ; খোদা কি হুকুম দিয়ে পাঠিয়েছে তোকে, মনে আছে ? চাকরী ক-দিনের জন্ত ? আবার যে তার দরবারেই যেতে হবে !

জালাল । ভবিষ্যৎ ভেবে জালাল বর্ত্তমান হারাতে পারবে না ।

সাহারা । আমি তোর পায়ে ধরছি জালাল !

ফিরোজ । কর কি মা ! কার পায়ে ধরতে যাও—কি জন্ত ? কে তুমি, স্মরণ নাই ? বীরজায়া বীরমাতা ! বুক বাঁধ ; বুঝতে পারছো না, কিছুতেই কোন ফল নাই । কেন হীন হ'তে চাও ? আমার বীরমাতার সম্মান হ'য়ে আনন্দে মরতে দাও ।

সাহারা। মরুভূমি! দ্বিধা হও। না—তাই হোক! আয় বাবা,  
আমি তোকে বুকে জড়িয়ে নিয়ে বসি। [তথাকরণ] জালাল! পশু!  
কর্ শুলী! আমাদের মাতা পুত্রকে এক সঙ্গে মার।

জালাল। তাতেও পিছুপাও নয় জালাল। [পিস্তল লক্ষ্য করিল]

[পিস্তল লক্ষ্য করিয়া বালকবেশে সাকিনা উপস্থিত হইল।

সাকিনা। হুঁসিয়ার!

জালাল। কে তুই?

সাকিনা। তোর মৃত্যু!

জালাল। কি বলবো—কচি মুখখানা দেখে মায়া হ'চ্ছে, তা না  
হ'লে এ গুলী এতক্ষণ ঐ কপাল ফুঁড়ে চ'লে যেতো।

{ সাকিনা। আমিও কি বলবো—বড় হতভাগ্য দেখে তোর জন্ত দুঃখ  
আসছে, তা না হ'লে এ ঘোড়াও এতক্ষণ পড়তে থাকতো না।

সাকিনা। আমি তো মরতেই এসেছি,—তোরও নিস্তার নাই তা  
হ'লে।

জালাল। আমার কি করবি তুই? আমার সঙ্গে অসংখ্য সৈন্ত।

[নেপথ্য হইতে গুলীবর্ষণ হইতে লাগিল; সৈন্তগণ

ছত্রভঙ্গ হইয়া পলায়ন করিল]

সৈন্তগণ। ইয়া আল্লা—

[প্রস্থান।

বুকারায় উপস্থিত হইলেন।

বুকা। সৈন্ত নয়—সৈন্ত নয়, ওগুলো সব তোর সাজানো পুতুল।

জালাল। সর্বনাশ! সর্বনাশ! এ কোথা হ'তে এলো? [পলায়ন]

বুকা। জগদীশ্বরের রাজ্য হ'তে! সন্নতানের শাস্তি দিতে দয়াময়ের



আশ্চর্য্য প্রেরণায় ! পালাবি কোথা তুই ? লুকোবার উপায় নাই ; তাঁর করুণা-দৃষ্টিতে আমি আজ দিব্য চক্ষুমান ।

[ পশ্চাদ্ধাবন ।

সাহারা । ভগবান ! ভগবান ! তোমার পায়ে কোটি প্রণাম !

ফিরোজ । বালক ! তুমি এখানেও এসেছ ?

সাকিনা । বড় পিপাসা হয়েছে কি শাহজাদা ?

ফিরোজ । জল আছে ? জল আছে ?

সাকিনা । জল নাই ; রক্তপান করতে প্রবৃত্তি হয় ?

ফিরোজ । রক্ত ! রক্ত কোথা হ'তে দেবে তুমি ?

সাকিনা । এই বুক হ'তে ! অনেক রক্ত আছে ; আপনার পিপাসা মিটবে । দেবো কি ? ছুরীও আছে ।

ফিরোজ । ও ছুরী আমার বুকেই বসেও । আমারই রক্ত আমার মুখে দাও,—আমি মরি, তবু গলাটা একবার সরস হোক ।

সাকিনা । ও একই কথা শাহজাদা ! ও রক্ত গেলেও সেই আমারই যাবে ; তার চেয়ে এইখান হ'তেই দিই ! [ বক্ষে ছুরিকাঘাতে উত্তত হইল ]

জলপাত্রহস্তে পুরুষবেশে বাঁদি উপস্থিত হইয়া বাধা দিল ।

বাঁদি । থাক্ গো থাক্, আর অত সোহাগে কাজ নাই ! আমার কাছে জল আছে, এই নাও—খাওয়াও ।

সাহারা । দাও—দাও—আমায় দাও, তোমার দয়ায় আজ আমি মা হই । [ জলপাত্র গ্রহণ করিয়া ] থা বাবা !

ফিরোজ । তুমি কে ? তোমায় যেন কোথায় দেখেছি ! যদিও মনে হ'চ্ছে না বেশ, তবু তোমায় দেখে আমার—

সাকিনা । সর্বাঙ্গটা জ্বালা ক'রে উঠছে—না ? জলবে—জলবে ।

চিন্তে পারছেন না ওকে ? আপনার জ্বর কক্ষে যাকে দেখেছিলেন, ও সেই সে ।

ফিরোজ । ফেলে দাও—ফেলে দাও মা ও জল ! দূর হও—দূর হও মর্শ্বাবাতী, আমার এ মৃত্যুর শুভ মুহূর্ত্ত হ'তে !

সাকিনা । বিশ্বাস হয় নি শাহজাদা আমার সেদিনকার কথাটা ? এ পুরুষ নয়, প্রত্যক্ষ করুন । [ বাদির বেশ খুলিয়া দিতে লাগিল ]

বাদি । কর কি গো—কর কি ? আমার বেইজ্জৎ কর কেন ? যেখানে সেখানে—যার তার সাম্নে !

সাকিনা । দেখুন শাহজাদা, এ কে ? এ সেই আপনার চরণ-সেবিকা বাদির বাদি ।

ফিরোজ । মা ! জল দাও । [ জলপান ] আঃ ! জলে জীবন পায়, এ জলে আমি বার্থ জনটাকে গুরু ফিরে পেলুম । বাদি ! বাদি ! সাকিনা কোথায় ? সাকিনা কোথায় ?

বাদি । [ সাকিনার প্রতি ] দেখ ! আমি রেগেছি । তুমি আমার বেইজ্জৎ করেছ, আমিও তোমায় ছাড়ছি না,—তার শোধ নেবো ! [ সাকিনার বালকের পোষাক টানিয়া খুলিয়া দিল । ]

সাকিনা । স্বামী—স্বামী ! মা—মা ! [ সাহারার পদে আছড়াইয়া পড়িল । ]

সাহারা । সাকিনা—আমার সাকিনা ?

সাকিনা । তোমার সর্বনাশ—তোমার অভিশাপ ! আমিই তোমায় এই মরুভূমে তাড়িয়ে এনেছি । আমিই তোমার সকল সাধে বাজ মেরেছি ! অন্ধা আমি, চিনতে পারি নাই,—মাথার মণি তুমি, যত্ন-সেবা করি নাই ।

সাহারা । আর সেবার বাকীও নাই মা ! সারা জীবনে যা করিস্

নাই, এই এক দিনের সেবায় সব শোধ হ'য়ে গেছে । আম্ম মা, আমার বৃকে আয় ! [ বক্ষে লইলেন ]

জনৈক সৈনিক উপস্থিত হইল ।

সৈনিক । জালাল ধরা পড়েছে শাহজাদা ! মহারাজ আমায় পাঠালেন । আমাদের শিবির পড়েছে—আম্মন আপনারা, বিশ্রাম করবেন ।  
[ প্রস্থান ।

বাঁদি । [ সাহারার প্রতি ] ওগো তুমি একটু আগে চল তো ! আমরা পরে যাচ্ছি । আমি একটু নাচবো—গাইবো,—এই জন্তই আমার আসা । ঘরের কোণে ব'সে ব'সে আমার এ সবে মরুচে ধ'রে যাচ্ছিল—আর সহ্য হ'লো না,—নাচ-গান আমার প্রাণের ভেতর রাতদিন হাঁড়-ডুড়ু খেলতে লাগলো, ছুটে বেরিয়ে পড়লুম তার ঠেলায় । বলি দেখি একবার চেষ্টা ক'রে ! দেখবার শোন্বার লোকেরা আমার কে কোথায় ? যাও না তুমি একটু স'রে !

সাহারা । তা আমি থাকলুমই বা ?

বাঁদি । ওমা—উপযুক্ত বৌ-বেটা, তাদের নিয়ে রঙ্গ করবো,—তুমি মা, দাঁড়িয়ে থাকবে ?

সাহারা । খুব থাকবো ! আজ আমি এই দেখতেই চাই । তুই জানবি না, আমি পুত্রের বিবাহ দিয়েছিলুম রাজ্যলোভে ; তারপর বখন দেখলুম জ্ঞান হ'তেই তারা হু-জনে হু-দিকে, আমার চৈতন্য হ'লো ; বৃহতে পারলুম, সাম্রাজ্য হ'তেও মায়ের একটা মিষ্ট বস্তু আছে—সেটা পুত্রের স্মৃতি । কপালে বা মারলুম—করলুম কি ! সামান্য ঔষধ্য-পিপাসায় না হ'য়ে রাক্ষসীর মত পুত্রের মানব-জন্মটার মাথা খেলুম ! না বাঁদি, আজ খোদা আমায় দিন দিয়েছে—আমায় তাড়াস্ না ! আমায় পুত্র, পুত্রবধূর

মিলন দর্শনে বঞ্চিত করিস্ না । আমার সামনে ওদের নিয়ে রঙ্গ কর্বি,  
 এই তোর সঙ্কোচ ? তবে দেখ্, আমি মা—আমি আজ নিজে ওদের নিয়ে  
 আমোদ করি । সাকিনা ! দাঁড়া তো মা আমার ফিরোজের পাশটীতে ;  
 ফিরোজ ! ধর তো বাবা আমার মায়ের হাতখানি ! [ তথাকরণ ] আহা-হা,  
 এর কাছে রাজ্য ? এ হ'তে মায়ের স্মৃতি ? এ ছবি ছাড়িয়ে মায়ের চোখ  
 আর কোথাও যায় ? এই আমার শাস্তি—এই আর স্বর্গ—এই মরুভূমিই  
 সাহারার স্মৃতির রাজত্ব । [ প্রস্থান ।

বাঁদি ।—

### গীত ।

দিলকো কিসি খেয়ালনে আ-কর মেরে হেলা দিয়া,  
 সোয়রা ছয়াধা বেখবন্ আথের হামে জাগা দিয়া ।  
 আপনা খুসিসে জানো দিল,  
 লেতে হো দেকে আপনা দিল,  
 এই সানা হোকে ভুল কর্ কহে দো কহি ভুলা দিয়া ।  
 দিলমে ই এই হায় আরজু,  
 দিলমে রহো এ্য মাহের,  
 তোমনে)আসেক্ জান্ কর দিলকো মেরে ছুঃখা দিয়া,—  
 ওয়াসল কি রাত মেরি জাঁ,  
 হোতে হে রাজ কুল আয়রা,  
 মুক্দিন্ নেহি কে আপ্ ফের্ কহিয়েগা কেয়া শুনা দিয়া ।  
 আয়া খেয়ালে ইয়ার যব,  
 দিলনে কাহা হায় কেয়া সবব,—  
 উত্-হায় হায় দরদ কেণ্ড কিসনে হামে বাতা দিয়া,—  
 ইসেসে কহি থা বেখবর,  
 রয়তে হে উয়ো ইখার উধর,  
 নজরোপে চরকে বে উওকা জানো জেগর ডারা দিয়া ।

বাদি । যাক্—তবুও অনেকটা জৌলস হ'লো এগুলোর ! চল  
এইবার—এই ডান হাতটার পক্ষাঘাত ঘুচাইগে ঐ বোকারায়ের ঘাড়  
ভেঙ্গে ।

[ প্রস্থান ।

## সপ্তম গর্ভাঙ্ক ।

মরুভূমির অপর পার্শ্ব ।

সসৈন্য বুক্কারায়, সম্মুখে বন্দীভাবে জালাল ।

বুকা । বন্ হতভাগ্য, কি উদ্দেশ্যে তুই এতদূর ~~আ~~গিয়ে এসেছিস্ ?

জালাল । উদ্দেশ্য আবার কি ! সম্রাটের আদেশ ।

বুকা । সম্রাট তোকে এই আদেশ দিয়েছিল মিথ্যাবাদী ? ফিরোজকে  
হত্যা কর্তে—তঁার কন্যাকে বিধবা কর্তে ? সম্রাট শাহজাদার রক্ত  
দেখতে চেয়েছিল, না তাঁকে বন্দী ক'রে নিয়ে যেতে বলেছিলেন ? বন্ !  
দেখ্ছিল—পিস্তল তৈরী !

জালাল । পিস্তলের ভয় দেখাচ্ছে কাকে রাজা ! জালালও ঐ  
পিস্তল-ব্যবসায়ী । যে মার্তে আসে, সে মার খেতেও জানে । পিস্তলের  
ভয় দেখিয়ে জালালের কাছ হ'তে একটা কথাও বের কর্তে পারবে না  
রাজা ! তবে শুনতে সাধ হয়, তোমায় বন্ছি । সম্রাট আমায় বন্দী  
কর্তেই পাঠিয়েছেন ।

বুকা । হত্যা কর্তে গেলি কেন ?

জালাল । তুমি বিজয়-নগরের করদ রাজা ছিলে, স্বাধীন হ'তে  
গেলে কেন ? উচ্চাশা জাগে না কার ?

বুকা । কুকুর ! আমার সঙ্গে তোর তুলনা ? আমি রাজবংশধর, পরাধীন ছিলাম—স্বাধীন হয়েছি, পড়েছিলাম—উঠেছি, আবার হয় তো পড়বো—আবার উঠবো । যত্ন হয় এ উত্থান-পতনে, তাতেও গৌরব । দিল্লীর যোগ্য প্রতিদ্বন্দ্বী আমি, আমার অনুসরণ করবি তুই ? স্বর্ঘ্য মেঘের আড়াল ঠেলে প্রকাশ হয়েছে বলে পল্লের শূকর তুই উঠবি পুষ্পোৎসানে ? বুকারায়ের স্বাধীনতা দেখে দাসীপুত্র তোর দিল্লীর আসনে আশা ? [ অর্দ্ধ স্বগত ] ওঃ—কি শাস্তি এর ? জিত্ উপড়ে নিয়ে ছেড়ে দেবো ? না—বুক পাত্, ও ছুরাশার বাসা একেবারে উড়িয়ে দিই ! [ গুলী করিতে উত্তত হইলেন ]

হরিহর উপস্থিত হইয়া বাধা দিল ।

হরিহর । আরে কর কি—কর কি ? এত হাঁক-ডাক—হাঙ্গাম-ছজ্জুত—ত্রিশূল-পাণ্ডপত, শেষটায় একটা ছুঁচো মেরে হাত গন্ধ করবে ?

বুকা । না হরিহর ! ক্রীতদাস দিল্লীর গদী চায় ।

হরিহর । চাইবেই তো ! ক-দিন হ'তে ও তার কাছে কাছে ফিরছে যে ! খাশিরা তামাকের গন্ধ পেয়েছে, আর কি রক্ষে আছে ! দিল একদম খারাপ ! ছিল বেটা আঁস্তাকুড়ে প'ড়ে সম্রাটের, লোকের দ্রুভিক্ষ হ'লো, খিদের জালায় দিয়ে দিলেন বেটা হাড়-গোড়ভাঙ্গা “দ”কে একেবারে সেনাপতি-পদ । মেরে আর কি হবে ? তার চেয়ে পার তো বেটার নাকটা বুজিয়ে দিয়ে ছেড়ে দাও, যেন আর কোন গন্ধ ওতে না ঢোকে ।

জালাল । আনায় গুলী কর—গুলী কর । সত্য অনুমান করেছ তুমি ! আমি দিল্লী-মসনদের আশ্বাদ পেয়েছি । তবে আবার বোকামি করছো কেন ? জগতে এমন কোন নীতি নাই—কোন শাস্তি নাই—এক

জীবন-দণ্ড ছাড়া, যাতে আমার এ প্রবৃত্তি শাস্ত করতে পারে। বাঘ মানুষের রক্ত চেকেছে, এ লোভ আর যাবার নয়—হাড়ে-হাড়ে, মজ্জায়-মজ্জায়। মঙ্গল চাও যদি দিল্লীর, কল্যাণ চাও যদি তোমাদের, আমাকে ছেড়ে দিও না ; গুলী কর—আমায় গুলী কর।

হরিহর। আরে যা বেটা যা, আর গুলী খায় না ; তার চেয়ে আস্তাবলের পাশে চাটাই বিছিয়ে ছু-ছিটে দমভোর চণ্ড টানুগে, এখনই স্বপনে সন্নাট হ'য়ে যাবি। দেখুবি, কত পরী আশমান হ'তে উড়ে এসে হোঁচট খেয়ে তোর কোলে পড়ছে। যা বেটা, জোর কপাল তোর ! ফাঁক-তালে দিল্লী ভোগ হ'য়ে যাবে।

হরিহর। দেখো বাবা, যেন হকিমি করতে গিয়ে আবার—

[ নেপথ্যে কামান গর্জ্জন ]

বুকা। কিসের আওয়াজ ?

[ পুনরায় গর্জ্জন ]

হরিহর। তাই তো, আওয়াজটা বিটকেল রকম ঠেকছে যে !

[ পুনরায় কামান গর্জ্জন ]

বুকা। ঐ আবার কামানগর্জ্জন ! শত্রু আসছে নিশ্চয় !

হরিহর। দেখি একটু আগে গিয়ে, আবার কোন্ গুণধর আসছেন !

[ গমনোত্তত ]

দ্রুতপদে গঙ্গু উপস্থিত হইলেন।

গঙ্গু। সন্নাট আসছেন—সন্নাট আসছেন।

উভয়ে। সন্নাট !

গঙ্গু। হাঁ—সন্নাট, যিনি বুকা তোমায় বন্দী ক'রে কুকুর দিয়ে খাওয়াতে চেয়েছিলেন, যিনি আমার পুত্রহত্যা-আবেদনে মার্জনা ক'রে

উদারতা দেখিয়েছিলেন, বর্তমানে যিনি পাঞ্জাব লুট করেছেন—অযোধ্যায় আগুন দিয়ে ভস্মসাৎ করেছেন—আগ্রায় কৃষকদের ওপর গুলীবর্ষণ ক’রে তাদের দুঃখময় দারিদ্র্য-জীবনের শান্তি দিয়েছেন, সেই মহামহিমাবিত্ত—সেই শার্দূল-প্রতাপ—সেই আদর্শ-পুরুষ ভারত-সম্রাট আজ এই মরুভূমে নিজগুণে তোমাদের দর্শন দিতে আসছেন ; যেন তাঁর সম্মান রক্ষা হয় ।

তোমরা প্রস্তুত হও, যত সম্ভব—যতটা পার তাঁর অভ্যর্থনার জন্ত ।

হরিহর । সর্বনাশ ! তাই তো ঠাকুর ! অপ্রস্তুত করলে যে ! একটু আগে খবর দিলে আমি গোটাকতক পাছাপেড়ে চুড়ীহাতের যোগাড় করতুম । এখন তাঁর অভ্যর্থনা ষোল আনা বজায় হয় কি ক’রে ? উলু-উলুই বা দেয় কে, শাঁখই বা বাজায় কে ? আর তার ছড়া—দূর ছাই, আলপনাই বা ঐঁকে রাখে কে ? রাজা ! আমি শিবিরে চল্লম, সৈন্ত বেগুলাে সিদ্ধি মেরে কাৎ হয়েছে, তাদিকেই না হয় বোমটা দিয়ে পাঠিয়ে দিইগে । কি আর করছি—সম্রাটের ভাগ্যে আজ গুঁফো উলু-উলুই হ’লো । ঠাকুর ! তোমারও একটা কিছু দেওয়া চাই সম্রাটকে । বামুন-জাত, ফুল বেলপাতা আর এ মরুভূমিতে কোথায় পাচ্ছ ? তুমি বালির পিণ্ডি নাও ; সীতাদেবী দিয়েছিলেন দশরথের প্রেতাশ্রমকে ।

[ প্রস্থান ।

গঙ্গু । তাই তো বটে ! আমারও তো সম্মান করা উচিত সম্রাটের ! আমি কি দিই ? কোন্টা আমার যোগ্য ? অশ্রুজলে পদপ্রক্ষালন ক’রে দেবো ? না—আজ আমি দেবগিরির রাজা ! বীজন করবো তাঁর পথ-শ্রান্ত ঘর্ম্মাক্ত দেহ দীর্ঘনিশ্বাসে,—না দেশ ধিক্কার দেবে ! পূজা করবো অঞ্জলি দিয়ে—না অভিসম্পাত করবো রক্তচক্ষু মিলে ? না—কিছুই চল্বে না আমার,—আমি ব্রাহ্মণ ! তবে ? ও—হয়েছে ; পেয়েছি করবার । আমারও ব্রাহ্মণত্ব, রাজমর্যাদা, দেশের মান সব দিক থাক্বে, আর তাঁরও



হাড়ে-হাড়ে শিরায়-শিরায় তপ্ত লৌহ-শলাকা ফুটবে। বৃদ্ধা! বিজয়-  
নগররাজ! তুমি সম্রাটকে কি দেবে স্থির করলে, শুনি ?

বৃদ্ধা। এই উন্মুক্ত তরবারি।

গঙ্গু। দীর্ঘায়ুরন্ত।

[ প্রস্থান ।

[ নেপথ্যে কামান-গর্জনে ]

বৃদ্ধা। সৈন্তগণ! শত্রু কাছে; সোজা হও—অস্ত্র তোলা। চাপা  
দিয়ে দাও ও কামান-গর্জনে তোমাদের সমবেত ছুঁকারে !

সৈন্ত। জয় বিজয়-নগরেশ্বর বৃদ্ধারায়ের জয় !

নেপথ্যে। আল্লা—আল্লা—হো !

সসৈন্ত মহম্মদ ভোগলক উপস্থিত হইলেন।

মহম্মদ। এ ঘুর্গী ঝঙ্কার তুমিই পড়লে বৃদ্ধারায় !

বৃদ্ধা। আশুন সম্রাট ! সেলাম !

মহম্মদ। নতজান্নু কৈ তোমার ?

বৃদ্ধা। নতজান্নু হওয়াটা নিষেধ আছে সম্রাট আমাদের বংশে।

মহম্মদ। তা হ'লে বোধ হয় সেটা আমাদের বংশের সন্মুখ ছাড়া ?

বৃদ্ধা। আপনার পিতার সন্মুখ ছাড়া ছিল বটে ! কেন না, সেটা  
নতজান্নু হবারই জায়গা—দেবতার স্থান—জান্নু আপনা হ'তে মূরে  
পড়তো। তা ব'লে মনে করবেন না সম্রাট, সেটা আপনাদের পুরুষানু-  
ক্রমের পাওনা ?

মহম্মদ। আচ্ছা ! তুমি ফিরোজকে আশ্রয় দিয়েছ ?

বৃদ্ধা। দিয়েছি জনাব, সম্রাট-জামাতাকে নিরাপদ স্থান !

মহম্মদ। জালালকে অপমানিত করেছ ?

বুকা । সন্ন্যাসের সব বায় দেখে ।

মহম্মদ । একবার পালিয়ে এসেছ ব'লে কি মনে ভেবেছ পরিজ্ঞান ?

বুকা । সন্ন্যাস যুদ্ধ করবেন তো ?

মহম্মদ । যুদ্ধ ? বুকারায়ের সঙ্গে মহম্মদ তোগলকের ? শৃংগালের সঙ্গে সিংহের ? ধ্বংস করবো তোমাদের মূর্ত্ত্যু ! এই—কামান দাগ—কামান দাগ ! গোলন্দাজ ! গোলন্দাজ !

সৈন্ত্য জাফর-খাঁ উপস্থিত হইল ।

জাফর । গোলন্দাজদের কেউ আর আপনার নয় সন্ন্যাস ! তাদের হৃদয় এখন আমার দখলে । দেখুন—তারা কোথায় ? আমার সৈন্ত্য-শ্রেণীতে ।

মহম্মদ । জাফর ! আবার তুমি এসেছ সেই জালাতে ?

জাফর । না জাঁহাপনা ! এবার আর সে আসা আসি নি ! এবার এসেছি—ঠিক সিংহের মতই জাঁহাপনার সকল আশার শেষ করতে । দেখুন সন্ন্যাস চোখ মিলে, আপনার তিন দিকে জাফরের সৈন্ত্য-আকার, সম্মুখে বুকা । আর কি চান ? সৈন্ত্যগণ ! অস্ত্র ফেল । জয়ের আশা তো নাই-ই—পালাতেও পারবে না ; জীবন রাখ ।

[ সৈন্ত্যগণ অস্ত্র পরিত্যাগ করিল ]

মহম্মদ । নৈমকহারাম্ ! বেইমানের দল ! কোন দিকেই নিস্তার নাই তোদের,—এদিকেও আমার আসি ! [ আসি তুলিলেন ]

সাকিনা উপস্থিত হইয়া হাত ধরিলেন ও অস্ত্র লইলেন ।

সাকিনা । আশা নাই । কেন বাবা অকারণ আর এদের দণ্ড দাও ?

মহম্মদ । সাকিনা ! সাকিনা ! তুই এখানে ?

সাকিনা । তোমারই রক্ষায় বাবা !

মহম্মদ । কিছু ভয় নাই মা তোর ! আমার এক দিকে বুকা, অন্ট দিকে জাফর-খাঁ ; কি হয়েছে তাতে ? আমিও মহম্মদ তোগলক—  
পিপীলিকার ব্যূহ এ আমার ধারণায় ! দে মা, অস্ত্র দে ! আমি দেখি  
এদের দুজনকে !

গঙ্গু উপস্থিত হইলেন ।

গঙ্গু । তা হ'লে আর এক জনকেও দেখতে হবে সম্রাট ! ত্রিবেণী  
না ত্র্যহম্পর্শ, পূর্ণ হোক তোমার !

মহম্মদ । গঙ্গু !

গঙ্গু । দেবগিরির রাজা !

মহম্মদ । শঠ !

গঙ্গু । সেটা শঠের সঙ্গে শঠতা ক'রে ।

মহম্মদ । শঠের সঙ্গে ? আমাতে শাঠ্য কৌশলটায় দেখলে তুমি  
গঙ্গু ? সত্য আমি এ ভারতবর্ষটার ওপর অনেক দৌরাঙ্গ্য করেছি ; ত্রায়  
হোক—অস্ত্রায় হোক, সে বিচার স্বতন্ত্র । কিন্তু আমি যখন যা করেছি,  
সরল শানিত উপায়ে—চোখের ওপর—ও শাঠ্য-জোচ্চুরীর পথ দিয়ে নয় ।

গঙ্গু । শাঠ্য জানেন না সম্রাট ?

মহম্মদ । দেখাও ।

গঙ্গু । আমি যেদিন উমেদ-আলির বিরুদ্ধে সম্রাটের কাছে পুত্রহত্যার  
অভিযোগ করি, সম্রাট সব জেনে শুনেও কেমন অবাক হ'য়ে গিয়েছিলেন,  
মনে আছে ?

মহম্মদ । সেটা শাঠ্য নয় গঙ্গু ! উমেদ-আলির প্রতি আমার স্বর্গীয়  
ভালবাসা ।

গঙ্গু । উমেদ-আলি আপনার কে ?

মহম্মদ । আমার কেউ নয়,—তা হ'লে শাঠ্য হ'তো । উমেদ-আলি তোমাদেরই ।

গঙ্গু । তাতে কি ? আপনি সম্রাট, বিচার করবেন না ? আর পাঁচ জনের শ্রাব্য প্রাপ্য না দিয়ে একচক্ষু হ'য়ে এক জনকে বাড়াবেন, এ কি ?

মহম্মদ । এর উপমা একটা আমি তোমাদেরই শাস্ত্র হ'তে দিচ্ছি শোন । তোমাদের সম্রাটী সম্রাট দুর্ঘোষন শ্রাব্য প্রাপ্য সত্ত্বেও পঞ্চ পাণ্ডবকে সূচ্যগ্র মৃত্তিকা দেয় নাই, কিন্তু জাস্তেই হোক আর অজাস্তেই হোক, তাদের জ্যেষ্ঠ কর্ণকে অঙ্গরাজ্য দিয়ে রেখেছিল ।

গঙ্গু । বাঃ—সম্রাটের দেখছি অনেক দেখাশোনা আছে । সম্রাট বিদ্বান, সরল, বন্ধু-প্রিয়, কামিনী-নিম্প্ৰহ । সম্রাটের সব ভাল, কেবল একটা বড় দোষ ! যখন যেটা চোখে পড়লো—সেইটেই জোর ক'রে ধরেন, যতটা সামনে পান—তাই সেরেই ক্ষান্ত,—শেষ পর্য্যন্ত আর তদন্ত ক'রে দেখেন না ।

মহম্মদ । ওটা দোষ নয় গঙ্গু ! ঐটেই আমার প্রধান গুণ ; আপনাকে কিছুতে জড়িয়ে রাখি না ।

গঙ্গু । বাই হোক—দিগ্নেছিল সম্রাট দুর্ঘোষন কর্ণকে অঙ্গরাজ্য, কিন্তু তার শেষটায় কি হয়েছিল জানেন ? উরুভঙ্গ ।

মহম্মদ । জানি ; সেটা আমি নিই নাই । নীতি ছিল না উরুতে গদাঘাত করার,—সেটা কৃষ্ণের অস্ত্রায় ।

গঙ্গু । নিতে হবে সম্রাট সেটাও ! কৃষ্ণ যে অস্ত্রায়টা ক'রে গেছে, সেটা অস্ত্রায় হ'লেও শ্রায় ! তা না হ'লে শ্রীমন্তাগবত তাকে অমন মুক্ত-কণ্ঠে বোষণা ক'রে যেতো না ; চাপা দিয়ে যেতো । প্রয়োজন হয়েছিল তখন ঐ রকম একটা অস্ত্রায়েরই, এক জনের ওপর নীতির একটু এদিক

ওদিক ক’রে সমস্ত ভারতবর্ষটায় শাস্তি-বৃষ্টি ! ” বাক্—এখন সম্রাট কি চান ?

মহম্মদ । তোমার কাছে ? হও না তুমি দেবগিরির রাজা, চত্বের পার্শ্বে তারা ! আমি দিল্লী-সম্রাট তোমাদেরই সেই হস্তিনার সিংহাসনে,—ঈশ্বরের প্রতিনিধি ।

গঙ্গু । ঈশ্বরকে আজ স্মরণ হয়েছে সম্রাটের ? ঈশ্বরের প্রতিনিধি ব’লে গৌরব করছেন সম্রাট ! ঈশ্বর কি আপনাকে এই করতে পাঠিয়েছিলেন ? এই বীভৎস নরহত্যা—এই প্রচণ্ড অসুর-নর্তন—এই শস্ত্র-শ্রামলা স্বর্ণপ্রসূ ভারতমাতার অকাল-উচ্ছেদ ?

মহম্মদ । গঙ্গু ! ঈশ্বর যে কি করতে কাকে কখন পাঠান, কোন্ অমঙ্গলের ভিতর দিয়ে কি মহান মঙ্গলের জন্ম দেন, তার তত্ত্ব জ্যোতির্বিদ রাজনীতিক ভ্রামাঙ্ক জীব—তোমরা কি বুঝবে !

গঙ্গু । আজ বুঝেও কাজ নাই সম্রাট ! এ সব যদি ঈশ্বরের করানো হয়, সে ঈশ্বর আমাদের নয় । এই রকম রক্ত-বন্ধ্যায়, এই পর্কতপ্রমাণ ভস্মরাশি, এই মহাশ্মশানের হাহাকার ফুঁড়ে যদি ভবিষ্যতে এখানে শাস্তুর গঙ্গা, সৌভাগ্যের পাহাড়, মহাদেবের সঙ্গীত ওঠে, সে মঙ্গলও আমরা চাই না । তবে—যান সম্রাট ! যাই করুন আপনি, শেষটায় ঈশ্বরের মাথায় ফেলে দিয়েছেন ; আমরাও আপনাকে মার্জ্জনা করলুম ।

মহম্মদ । মার্জ্জনা ! সাকিনা—সাকিনা ! দে তো মা—দে ভো মা অস্ত্রখানা ! আমি ওদের কাকেও কিছু বলবো না,—আমি আত্মহত্যা করবো ।

পিস্তুলহস্তে সাহারা উপস্থিত হইল ।

সাহারা । কে—কে ? কে মার্জ্জনা করে আমার ভাইকে ?

মহম্মদ । ভগ্নী ! ভগ্নী !

সাহারা । ভাই ! ভাই ! এত বড় জিব্ কার ? এতখানি বুকের পাটা, কে সে ? আশুক আমার সাম্নে ; আমি একবার দেখি তাকে । নীরব যে ? বল, দিল্লীশ্বর—চিরগৌরবান্বিত আমার ভাইয়ের মাথা হেঁট ক’রে দিয়ে মার্জ্জনা করছো কে ?

গঙ্গু । তুমি ! তুমি ! তুমিই মার্জ্জনা করছো তোমার গর্বিত ভাইকে তোমারই সেই বুকে দাগা দেওয়া পুত্রনির্ঘাতন অপরাধের । তবে বলেছি ওটা মুখ দিয়ে আমি, কিন্তু তোমাদেরই সকলকার হ’য়ে ।

সাহারা । ওঃ ! [ পিস্তল ফেলিয়া দিল ] কিন্তু ব্রাহ্মণ ! তা হ’লেও ভাই ! পুত্র হ’তেও কোন অংশে কম নয় ; বরং এখন যা দেখছি, বেশী । আমি পুত্রের বিপদ বুক দিয়ে সহ করেছি, কিন্তু আমার কাটিয়ে দিচ্ছে ভাইয়ের এই নত বদন । ব্রাহ্মণ ! যা করেছ—করেছ, এখন তোমরা আমার ভাইয়ের সম্মান কর ।

গঙ্গু । জাফর ! জাহ্নু পাত ; বুকা ! তসলীম দাও—মার্জ্জনা চাও সন্ত্রাটের কাছে ।

সকলে । [ জাহ্নু পাতিয়া ] আমাদের মার্জ্জনা করুন দিল্লীশ্বর !

সাহারা । ধনু ! ধনু তোমরা ! গুঠ—যাও এখন এখান হ’তে, সন্ত্রাটের আদেশ ।

সকলে । শিরোধার্য্য !

[ সকলের প্রস্থান ।

সাহারা । ভাই !

মহম্মদ । ভগ্নী !

সাহারা । চল ।

মহম্মদ । কোথায় ?

সাহারা। দিল্লী।

মহম্মদ। আবার দিল্লী যাবো ? -

সাকিনা। কেন যাবে না বাবা ? কিছুই তো যায় নি তোমার ! তুমি আবার সেই দিল্লীস্থর। এরা তো তোমার সেই সম্মানই ক'রে গেল।

মহম্মদ। দয়া ক'রে—দয়া ক'রে ! কচি ছেলে তুই সাকিনা, কি বুঝি এ সম্মানের অর্থ ? সাহারা বুঝেছে,—ঐ দেখ, ডর মুখ সাদা—ঠোঁট নড়ছে না—চোখে পলক নাই।

সাকিনা। যাই হোক বাবা ; এখন তো তাই মেখে নিতে হবে ! দিল্লী চল, না হয় আবার দেখবে।

মহম্মদ। না মা, আর তা পারবো না। আমি জরাগ্রস্ত পক্ষু হ'য়ে গেছি, এই এক মুহূর্তে—এক মার্জ্জনায়ে। তবে দিল্লী যেতে হবে—মরবার তো একটা জায়গা চাই ! শেয়াল কুকুরের মত আর বনে প'ড়ে মরি কেন ! ধর্ম মা তোরা ছ-জনে ছ-দিকে আমার হাত ছ-খানা ! [তথাকরণ] নিয়ে চ'। ওঃ—আজ অমিতবিক্রম দিল্লীস্থরের অবলম্বন ছ-জন নারী,—ভগ্নী আর কণ্ঠা !

[প্রস্থান।

# পঞ্চম অঙ্ক ।

## প্রথম গভীর্ষক ।

দেবগিরি—রাজসভা ।

জাফর ও গঙ্গু ।

জাফর । পিতা !

গঙ্গু । আমার মাথা ! আর পিছু ডাকিস্ না আমার জাফর !

জাফর । আমায় কোথায় রেখে যাচ্ছেন পিতা ?

গঙ্গু । জগৎপিতার পদপ্রান্তে ।

জাফর । জগৎপিতা কাকে বলে, আমি যে তা আজও জানি না পিতা ! জগৎপিতার নাম কোন্ মুখে করতে হয়, জগৎপিতায় কি চোখে দেখতে হয়, তা যে আমি স্বপ্নেও কখনও ভাবি নাই । আমি বাল্যাবধি জানি একমাত্র আপনাকে—ডেকে আসছি শুধু পিতা ব'লে—জুড়িয়ে আসছি সকল মর্শ্ব-বেদনায় আমার ঐ পিতার শাস্তিময় কোলে প'ড়ে । না পিতা, আমি জগৎপিতা চাই না,—“ক্ৰীতদাসকে পুত্র করা” আমার এ পিতার কাছে কেউ নয় ।

গঙ্গু । ভুলে যা জাফর, ভুলে যা । আমার করা কিছুই নয় । আমাদের যে পিতা হওয়া, এ সব সেই জগৎপিতারই ভার দেওয়া । বুঝে দেখ, এই একটা জীবনে তোর ক-টা পিতার পরিবর্তন হ'লো ! তোর জন্মদাতা পিতা যে—যতটুকু তার করবার ছিল, সেরে ফেলে দিয়ে গেল আমার হাতে । আমি কিন্নরুম তাকে কপালের ঐ রেখা দেখে, বুঝলুম



এ একটা ভার । কাজেই বাধ্য হ'লুম পিতা হ'তে,—ক'রে এলুম আমারও যতদূর সীমা । আর আমার হাতছাড়া হ'য়ে গেছে জাফর ! এইবার দিতেই হবে তোকে তোর সেই আসল পিতার কাছে,—সে চাচ্ছে । বোস্ তার পায়ের তলা এই সিংহাসনে ।

জাফর । সিংহাসনে ? এখনই চমকে উঠবে যে পৃথিবী ! ক্রীতদাস সিংহাসনে ! না পিতা, পায়ে ধরছি—আমায় পরিত্যাগ করুন—বন দিয়ে চ'লে যেতে দিন,—সিংহাসন আপনার ।

গঙ্গু । ও আমার কর্ম নয় জাফর ! আমি ব্রাহ্মণ, আমার স্থান তরুতল । এখানকার অন্ন আমার জীর্ণ হবে না পুত্র ! আমার ভক্ষ্য শুক-মুখলুই শ্রামাক তণ্ডুলকণা । সূর্য্যের মত এ প্রকাশ প্রাধান্য আমার নয় বাবা ! আমি মাগিক্য, থাকবো জ'লে অথচ লুকিয়ে । প্রতিবাদ করিস্ না,—সারা জীবনটা ছোটোছোটো করেছি, আমায় এবার হাঁফ ছাড়তে দে ।

জাফর । যেখানে পিতার নিশ্বাস বন্ধ হ'য়ে যায়, সেই বায়ুহীন মহা-অন্ধকারে পুত্রকে রেখে যাবেন কি সাহসে পিতা ?

গঙ্গু । তুই পারবি—তুই পারবি ; এ বিষয়ে তুই আমা হ'তে জোরাল । এই সিংহাসনে বস কি রকম জানিস্ ? দেখতে সকলের উর্দ্ধে, কিন্তু থাকতে হবে আপামর সাধারণ প্রজার ক্রীতদাসটী হ'য়ে । তুই পারবি,—ক্রীতদাসের ধর্ম তুই জানিস্ । চামড়াটা তোর ক্রীতদাসেরই ! তুই পারবি ।

জাফর । পারবো না পিতা ! ক্রীতদাসের চামড়া হ'লে কি হবে ! আপনি যে তার ভিতর পুত্র প্রভুত্বের প্রাণপ্রতিষ্ঠা ক'রে দিচ্ছেন ! না পিতা ! এ সিংহাসন যাকে দিতে হয় দিন, আমি আজও আপনার সেই পুত্র ।

গঙ্গু । না জাফর ! তা হ'লে আমার বুঝতে হবে, আজ তুই আর আমার পুত্র নোস্—শত্রু । পুত্র কখনও পিতার ইষ্টারানায় বাধা দেয় না ।

জাফর । [ ক্ষণেক নীরব থাকিয়া ] কি করতে হবে বলুন পিতা ?

গঙ্গু । ভগবানকে প্রণাম কর ।

জাফর । [ যুক্তকরে ] ভগবান ! ভগবান ! আমায় কোথায় নিয়ে চলেছ প্রভু ?

গঙ্গু । তাঁরই পার্শ্বে । আমার পায়ের ধুলো নে ।

জাফর । [ পদধূলি গ্রহণ ] পিতা ! পিতার সন্তান আমি, কোথায় দিচ্ছেন আমায় ?

গঙ্গু । মাগের কোলে—আরও মধুর হবে ! ব'স্ এই আসনে ।

জাফর । [ সিংহাসনে বসিলেন ] জানি না এর পরিণাম !

গঙ্গু । মঙ্গল ! মঙ্গল !

জাফর । মঙ্গল পিতৃহারার ?

গঙ্গু । নির্ভয় ! [ মস্তকের উপর হস্ত তুলিয়া ] এই আমি হাতের আড়াল দিয়ে যাচ্ছি, এ ফুঁড়ে নামতে বজ্রেরও সাধ্য নাই ।

অদূরে প্রজাগণ আসিতেছিল ।

গঙ্গু । এস এস প্রজাগণ ! আমি আর তোমাদের কেউ নই । এ রাজ্য আমার জাফরের ; গাও তার অভিষেক-গীত ।

জাফর । আমার নয়—আমার নয়—এ রাজ্য আমার নয় । এ রাজ্য ব্রাহ্মণ-প্রতিষ্ঠিত বাহমনী রাজ্য ; আমি তার সেবায়োৎসাহী । গাও এই মর্মে সঙ্গীত, যেন তার ঝঙ্কার ভবিষ্যতের শ্রবণ পর্য্যন্ত পৌঁছায়—ভাব তার বুকে গিয়ে যা মারে—ভাষা তার যতদিন পরমায়ু, যেন জলের মত মুখস্থ থাকে ।

প্রজাগণ ।—

গীত ।

আজ দাক্ষিণাত্যে স্বাধীন রাজ্য বাহমনী ।  
 শত অভিশাপ সবলে ঠেলিয়া, শতেক বিঘ্ন চরণে দলিয়া,  
 ভারতমাতার শিরোমণি—স্বাধীন রাজ্য বাহমনী ॥  
 আজ হিন্দুর অশ্রু যবন রুধির একাকারে হ'য়ে মিলিত,  
 করিল এ ধরায় এ নূতন হৃষ্টি,  
 রাখিল বিধে নূতন কীৰ্ত্তি,  
 অমর অক্ষয় মঙ্গলময় মাধুরিমা মাথা ললিত,  
 কে বলিত মুখে হয় না এ মিলন, মিলুক চোখের চাহনি ।  
 গাহিবে এ গান গরিমা-ক্ষীত মুক্তহৃদয়ে ভবিতব্য,  
 নব নব হুরে নূতন ছন্দে,  
 কত নব ভাবে নবীন কণ্ঠে,  
 মসজিদ হ'তে মন্দির হ'তে আর বেথা হ'তে প্রকাশে সৎ,  
 ধন্য জগতে আদ্যকুল শ্রেষ্ঠ ধর্ম সনাতনই ॥

[ প্রস্থান ।

গঙ্গু । জাফর ! আর নতমুখে কেন বাবা ? মাথা উচু কর !  
 ভগবানের সন্তান তুই ! দেখা আমায় একবার—তঁার দেওয়া মায়া, তঁার  
 কাছেই আবার আমি মুক্ত !

বুঝারায় উপস্থিত হইলেন ।

বুঝা । ব্রাহ্মণ ! ব্রাহ্মণ !

গঙ্গু । সুর নামাও—সুর নামাও ! ও সুর আর আমার কানে  
 তুলো না । দেখছো না আমি কোথায় ? এসেছ—ভালোই হয়েছে, একটা  
 ভার নাও ।

বুঝা। না ব্রাহ্মণ! তার বইতে আর আমি পারবো না। আমিও যে তোমারই মত ঐ পথেই! কেবল একটা কাজ জীবনের বাকী, তাই ছুটে আসছি।

হরিহর উপস্থিত হইল।

হরিহর। তবে ও ভারটা আমায় দাও ব্রাহ্মণ! আমার জীবনে অনেক কাজ বাকী,—আমায় এখনও অনেক দিন থাকতে হবে। রাজা! তোমার মুকুট দাও।

বুঝা। [ আশ্চর্য্য হইলেন ]

হরিহর। চুপ ক'রে যে? মুকুট দাও! তোমার বিজয়-নগর আমি নিলুম। তোমার যে কাজটা বাকী আছে, আমি জানি; তার জন্ত আর তোমায় আটকে থাকতে হবে না,—সেটুকু আমিই সেরে দেবো। তুমি এখনই যাও, যেথা যাবে।

বুঝা। [ নীরব রহিলেন ]

হরিহর। অবাক হ'লে? হবারই কথা। এই বিজয়-নগর দেবার জন্ত তুমি কত দিন আমায় কত সাধাসাধি করেছ, আমি নিই নাই। আজ ভিক্ষা করতে এসেছি নিজে! কেন জান? তোমাদের সঙ্গে আমি একবার পাল্লা দেবো। তোমরা ধরলে ত্যাগের পথ, আমি ধরলুম ভোগের চরম; তোমরা যাচ্ছ ব্রজের ধূলায় পড়তে, আমি রইলুম আমার দেশের কাদায় গড়াগড়ি দিতে; তোমরা চললে ঈশ্বরসাক্ষাৎকারে, আমি চল্লম জননী জন্মভূমির শান্তি অনুসন্ধানে। দেখি, ঠিকানায় কে আগে যায়!

বুঝা। তুমি গিয়ে পড়েছ—তুমি গিয়ে পড়েছ হরিহর! আমরা তোমার অনেক পিছুতে প'ড়ে আছি। তবে যত বিলম্বই হোক, আর এদিক-ওদিক করতে পারবো না ভাই! থাক তুমি জন্মভূমির বীর সন্তান

## দাক্ষিণাত্য

[ পঞ্চম অঙ্ক ।

জননীৰ শুশ্রূষায় ! ক'ৰো যেন বন্ধু আমার বাকী কাজটুকু ! নাও আমার রাজচরিত্র-অভিনয়ের যথাসৰ্ব্বস্ব এই অসি মুকুট ! [ হরিহরের মাথায় মুকুট পরাইয়া দিলেন ] ব্রাহ্মণ ! ব্রাহ্মণ ! মিল্লো তো এবার তোমার সুরে সুর ? এস !

[ প্রস্থান ।

গঙ্গু । হরিহর ! আমার ভারটা পরমেশ্বরকে দিলুম । তবে তোমাদের একটা কথা ব'লে যাই ছ-জনকেই ; তুমি রইলে বিজয়-নগরে, জাফর রইলো দেবগিরিতে, এক দাক্ষিণাত্যে হিন্দু-মুসলমান । সাবধান ! মনে রেখো, তোমরা এক আকাশে চন্দ্র-সূর্য্য ! ওঠা ডোবা প্রকৃতির রীতি ; রাজভয় ছ-জনেরই সমান । তোমরা যেন ঈর্ষা ক'রো না তোমাদের পরস্পরের । এই চন্দ্র-সূর্য্যের মত শত ওঠা ডোবা রাজভয় সন্তেও তোমরা যেন এই দেশটায় পালা ক'রে আলোক দিয়ে চ'লো,—বাস্ ! সায়ন ! সায়ন ! দেখ—আমি ব্রাহ্মণ !

[ প্রস্থান ।

হরিহর । জাফর ! তুমি দিল্লী চাও ?

জাফর । দিল্লী ?

হরিহর । হাঁ, তার গদি টল্‌মল করছে ! সম্রাট পথেই পীড়িত হ'য়ে যান, দিল্লী পৌছে আরও রোগবৃদ্ধি ; হকিমরা তাঁর জীবন সম্বন্ধে হতাশ । তুমি দিল্লী চাও ?

জাফর । কেন—ফিরোজ ?

হরিহর । সে তো শিশু ; কোথায় পড়ে ঘুমুচ্ছে তার ঠিক নাই ।

জাফর । না হরিহর ! দিল্লী-সিংহাসন ফিরোজেরই শ্রাঘ্য প্রাপ্য, আর সমস্ত ভারতবর্ষও তাকে চায় । হোক সে শিশু, আমাদের তাকে দেখতে হবে ।

হরিহর । বাঃ—ঠিক মিলেছ তা হ'লে আমার সঙ্গে । রাজাও যে বাকী কাজটার কথা ব'লে গেল, সেও এই—ফিরোজকে দিল্লীর মসনদে বসানো । তা হ'লে জাফর ! আমাদেরকে এখনই দিল্লী যেতে হবে ।

জাফর । এখনই ?

হরিহর । হাঁ, জালাল ভিতরে ভিতরে দিল্লীর সমস্ত সৈন্য হাত করেছে, সম্রাটের চোখ বুজতেই যা দেবী । বালক ফিরোজ এর বিন্দুবিসর্গ জানে না ।

জাফর । চল হরিহর, এই মুহূর্তে ! এও আমাদের দাক্ষিণাত্যের গৌরব, দিল্লীর সিংহাসনে নিজের মনোমত রাজা প্রতিষ্ঠা করা ।

হরিহর । নিশ্চয় ! রাজা হওয়ার চেয়ে রাজা করাই বেশী ।

[ প্রস্থান ।

## দ্বিতীয় গর্ভাঙ্ক ।

কাশী—গঙ্গাতীর ।

মঞ্জুলা, উমেদ-আলি ও আবেদীন দাঁড়াইয়াছিল ।

মঞ্জুলা । এই সেই স্থান !

উমেদ । এই সেই স্থান ! এই সেই গঙ্গা !

মঞ্জুলা । হাঁ স্বামী ! এইখানটার দাঁড়িয়ে দিদি আমার কোলে ঘুমন্ত কন্যাটিকে তুলে দেয়, তারপর ঝাঁপিয়ে গঙ্গার এইখানটার পড়ে ; আমিও ঠিক এই জায়গাটিতে মাকে আমার গুইয়ে রেখে ছুটে গিয়ে ঝাঁপাই ।

উমেদ। মঞ্জুলা! মঞ্জুলা! আমিও একটা ঝাঁপ খাবো এই গঙ্গায়, সেই তোমার দিদির মত? দেখি না, এ মরায় কেমন সুখ!

আবেদীন। কেন এ সংবাদ পিতাকে আবার বললে মা? আনলেই বা কেন এখানে? কি আর দেখাবে তুমি? শোক এসে গেল পিতা?

উমেদ। আসাই সম্ভব নয় কি পুত্র? আমার প্রধানা স্ত্রী স্ফুটনোন্মুখ জীবনের প্রথম প্রভাতের প্রিয় সঙ্গিনী—সম্পূর্ণ আমাগত, আমার দারুণ বক্তৃতা-প্রহারে আমার ওপর অভিমান ক'রে এই গঙ্গায় এসে ঝাঁপ দিয়ে মরেছে। ওঃ—গঙ্গা! গঙ্গা! তুমি এত পবিত্র, কিন্তু আবার এত কদর্যা! না—না, তুমিও বুঝি অভিমানিনী স্বামীর স্বপত্নী-প্রিয়তায়, তাই আবার তাকে বুকের ভেতর, হৃদয়ের ভেতর, প্রাণের ভেতর মিলিয়ে নিয়েছ! যা করেছ—করেছ, একবার দেখাতে পার তাকে? আমি একটা কথা কই, একবার ক্ষমা চাই। উঃ—গর্জন ক'রে উঠলে মা! জ্রুটী করছে দেবী! না দেখাও, শাস্ত হও তুমি! আমার অদৃষ্ট! আবেদীন! তোমার শোক আসছে না পুত্র? তোমার মা—গর্ভধারিণী—

আবেদীন। না পিতা! গর্ভধারিণীর চরণে আমার শতকোটি প্রণাম, কিন্তু শোক আসবে কি জন্ম? মা মরে না কার? ও জন্ম মৃত্যুর মিথ্যা যবনিকা দিয়ে আমার এ মুক্ত সত্যের দ্বার অবরোধ ক'রে দিতে আসবেন না পিতা! আমার মা গেছে কোথা! এই যে আমার মা রয়েছে,—সেই মুখ—সেই বুক—সেই স্নেহ—সেই সব! কেবল নামটা পাল্টানো,—সে তো মানুষের কারিকুরি! মার্জনা করবেন পিতা! মায়ের অভাব আমার এতটুকু না, তবে ভগ্নীটার জন্ম; শৈশল কুকুরে যদি খেয়ে নেয়, হুঃখ নাই; কিন্তু যদি বেঁচে থাকে, কি অবস্থায় আছে!

মঞ্জুলা। ঠিক অবস্থাতেই আছে আবেদীন! ওতেও ভাববার কিছু নাই। মরার ওপর মমতা ছেড়েছ, জীবিতকেও ভগবানের পায়ে ফেলে

দিয়ে দেখ। সে যদি বেঁচে থাকে, ছরবছায় নাই—মায়ের মতই মা পেয়েছে। মাতা, পিতা, ভাই, সবই তো সেই জগদীশ্বরেরই ধরিয়ে দেওয়া ! ও কারা আসছে ? আগে বিজয়-নগরের মহারানী না ? তিনিই তো বটেন ! সঙ্গে সেই বালিকা ! স'রে এসো আবেদীন ! পথ ছেড়ে দাও স্বামী ! বিজয়-নগরের স্বামী আদর্শ নারী—বর্তমান যুগের চূড়ালী !

বাণী সহ গায়ত্রী উপাস্ত হইলেন ।

গায়ত্রী । এইখানে বাণী, এইখানে ।

বাণী । এইখানে ? এইখান হ'তে তুমি আমার কুড়িয়ে নিয়ে গেছ ? ওঃ—কি ভয়ানক শাস্ত্রান এ ! এই গঙ্গাতীর আমার আত্মীয়দের পেটে ভ'রে নিয়েছে ? আচ্ছা মা, আমি তখন কতটুকু ? খুব ছোট বোধ হয় ?

গায়ত্রী । নিতাস্ত ছোট ; অল্পমান তিন বৎসর ।

বাণী । ওঃ—দুধের ছেলেকেও ফেলে যেতে বাধ্য ক'রে তার রক্ষক-রক্ষিকাকে নিয়তি নিয়ে যায় ! তখন আমি কি করছিলুম মা এই নির্জনে প'ড়ে—এ নির্জীব নদীর সজীব কল্লোগের মাঝখানে গুয়ে ? কাঁদছিলুম খুব ?

গায়ত্রী । না বাণী ! আমি যখন এসে দেখি তোকে, তখন তুই য়ুম্ভু ঠিক এইখানটীতে ।

বাণী । ওঃ—শেষাল কুকুরেও খায় নাই ! যে নিয়তি নিরাশ্রয় নিঃসহায় করে, সেই আবার নিজে এসে ত্রিশূল নিয়ে মাথার গোড়ায় বসে । তারপর তুমি কি করলে মা ? অমনি বুকে তুলে নিলে ?

গায়ত্রী । প্রথমটায় আমি খুঁজতে লাগলুম, নিশ্চয় তোরা মা কিছা অল্প কেউ এইখানেই আছে কোথায় ! গঙ্গার ঘাট খুঁজলুম, বনের ধারগুলো খুঁজলুম, আশে পাশে অনেক দূর পর্য্যন্ত খুঁজলুম, কিন্তু কিছুই



কিনারা করতে পারলুম না । রাত্রিও অনেক হ'য়ে গেল—তখন আমার মনে নানারকম তোলাপাড়া হ'তে লাগলো,—আমি খুব ভাবতে লাগলুম কি করি ! ঠিক সেই সময়ে আমার একটা মীমাংসা স্থির হ'তে না হতেই, তুই মা-মা ব'লে চৈচিয়ে কেঁদে উঠলি । আমার আর ভাবা হ'লো না বাণী ! বুকখানা ন'ড়ে উঠলো ! কার প্রেরণা জানি না, অমনি ছুটে গিয়ে তোর মা হ'য়ে বসলুম ।

বাণী । মা ! মা ! তা হ'লে আমার মা ছিল বলতে হবে, মা-মা ব'লে যখন চৈচিয়ে উঠেছিলুম !

গায়ত্রী । মায়ের দুঃখ আজ কি তোর উথলে উঠলো বাণী ?

বাণী । উঠেছে মা ! মায়ের অভাবজনিত দুঃখ নয়, মায়ের দুঃখ । হতভাগিনী আমার ঘুম পাড়িয়ে রেখে গেল, আর ফিরে এসে কোলে নিতে হ'লো না ; এর জন্ত হয় তো তার পরজন্মেও শাস্তি হবে না । আমি তো আবার মা পেয়েছি, সে মা হ'তেও । সে মা ঘুম পাড়িয়ে রেখে চ'লে যায় ; এ মা আমার মানবজন্মের মত জাগিয়ে দিয়ে দিবারাত্রি শিয়রে বসে । সে মা শুধু মা ! এ মায়ে মাতার স্নেহ, পিতার দয়া, ভ্রাতার আদর, গুরু দান, একাধারে সব ।

মঞ্জলা । আবেদীন ! আবেদীন ! বুঝতে পারছো, ভগ্নী তোমার বেঁচে আছে ? শুধু তাই নয়, দেখ—মাও সে পেয়েছে । তাও কি যেমন তেমন মা—মায়ের মতন মা ! আমি তোমার কি মা ! আমি তো শুদ্ধ সত্যকে প্রকাশ ক'রে বেড়াই । এমন মা এ পেয়েছে, সত্য বার প্রসব করা ।

আবেদীন । প্রণাম ! প্রণাম জননী তোমাদের এই মাতৃজাতির চরণে । আর বাহবা তাঁকে ! স্বার্থপর জগৎগড়া-হাতে যিনি আবার তোমাদিকেও তৈরী করতে পেরেছেন—আর পাঠিয়েছেনও তোমাদিকে সেই জগতেরই সঙ্গে সমুদ্রের তীরে তরণীর মত ।

। আর বাণী ! আর কেন ? দেখা তো হ'লো ! বিশ্বনাথের আরতির সময় হ'লে এসেছে ; আচার্য্যদেব হয় তো আমাদের জন্ত উদ্বিগ্ন হয়েছেন ।

বাণী । চল মা, আর এ কাশীতেই দাঁড়াতে আমার ইচ্ছা নাই । তোমার বিশ্বনাথের কাশীতেও সেই বিচ্ছেদের আশ্বন—বিষের ক্রিয়া !  
[ গমনোত্তত ]

মঞ্জুলা । দেবী !

গায়ত্রী । কে ? ও—তুমিই সে দিন মহারাজকে ফিরোজের সংবাদ দিতে গিয়েছিলে না ?

মঞ্জুলা । হাঁ দেবী !

গায়ত্রী । এখানে ?

মঞ্জুলা । আপনি এখানে ?

গায়ত্রী । এই বাণীকে আমি এইখানে পাই ; জায়গাটা দেখবার জন্ত ও জিদ ধরলে, তাই !

মঞ্জুলা । আমিও এই রকম একটা বাণী এইখানে হারাই । আমার স্বামীর ইচ্ছা, স্থানটা একবার দেখি, সেই জন্ত ।

গায়ত্রী । [ ঋণিক নীরব ] তা হ'লে এ বাণী কি তোমারই ?

মঞ্জুলা । কি ক'রে বলবো মা ? অনেক দিনের কথা—আকৃতির অনেক পরিবর্তন ঘটেছে,—তবে ঘটনায় ঠিক মিলছে ।

উমেদ । সব দিকেই মিলেছে—সব দিকেই মিলেছে ; আকৃতিতে শুধু বড় হয়েছে । কিন্তু সেই একটু উচু দাঁত, সেই একটু বাঁকা চোখ, সেই একটু চওড়া কপাল, সেই একটু ময়লা রং, একটু একটু সেই সব ।  
মা—মা—মা আমার !

গায়ত্রী । নিয়ে যাও মা, তোমাদের হয় !

বাণী। আমি যাবো না মা, আমি যাবো না। কি বল্ছো তুমি পাগলের মত ? ওরা ডাকাত—ওরা দস্যু ! বুঝতে পার্ছো না ? মা যে, সে আমার চিন্তে পারলে না, আর পিতা আমার চিহ্ন বলে !

আবেদীন। তাতে আমার মায়ের মাতৃস্বের ক্রটি হয় নি ভগ্নী ! পিতা যে চিহ্নগুলো বললেন তোমার, ওগুলো সবই দোষের। মা কি কখনও সন্তানের দোষ দেখতে পান ?

বাণী। তা হ'লেও আমি যাবো না ; কেন যাবো ? আমার এ মায়ের কাছে আর কে ? মা ! মা ! তুমি কেমন মা ? এক কথায় কোলে তুলেছ ব'লে আজ এক মুহূর্তেই নামিয়ে দিচ্ছ, একটা বিচার কর্ছো না ?

গায়ত্রী। বিচার আমি করেছি বাণী ! তুই এদেরই। আমার সামনে এসে আমার ঘরের বস্তুকে বুক ফুলিয়ে আমার বলে, এমন সংসাহসী ডাকাতদের বংশে আজও কেউ জন্মায় নি। আর তাই যদি জন্মায়, ডাকাতি ক'রে পরের ছেলের মা-বাপ হওয়া যদি আজ ডাকাতদের বৃত্তি হয়, সে ডাকাতি চলুক যুগ-যুগান্তর ধ'রে—সে ডাকাতরা বেঁচে থাক্ চিরজীবী হ'য়ে ভারতবর্ষ ভ'রে—সে ডাকাতদের হাতে আমার সর্বস্ব তোকে আমি আজ সানন্দে ছেড়ে দিচ্ছি ; যা বাণী এদের সঙ্গে !

বাণী। মা ! মা ! আমার ফেলে দিচ্ছ ?

গায়ত্রী। না বাণী ! ফেলে তো দিই নাই ; যাদের ধন তুই, তাদেরই কোলে দিচ্ছি।

বাণী। আমি যে তোমারই মা !

গায়ত্রী। আমারই তো রইলি বাণী ! ছিলি চোখে-চোখে, এলি প্রাণে-প্রাণে।

বাণী। মা ! এত দিন ধ'রে বুকে ক'রে মাল্ল ক'রে এসে আজ এক মুহূর্তে প্রাণখানা পাষণ ক'রে ফেললে !

গায়ত্রী। তুইও এতদিন আমার কাছে থেকে আমার সকল শিক্ষার এই পরিণতি দেখালি! এই অশ্রুজল, এই সতৃষ্ণ-নয়নে ঘন ঘন মুখ চাওয়া, এই আবেগভরা আকুলকণ্ঠে বার বার মা বলা! ছিঃ বাণী! স্থির হ',—বুকে নে, এ শুদ্ধ এই অনন্ত ভ্রমণের একটা লতামণ্ডপ পরিবর্তন। ঘটনার স্রোত যে দিকে নিয়ে যায়, গা ভাসান দিয়ে চ'লে যা। লক্ষ্য সকলেরই সেই অনন্তে—গতি সকলেরই সেই অনন্তে—লয় সকলেরই সেই অনন্তে।

বাণী। মা!

গায়ত্রী। যখন আমার মনে পড়বে, সবটা চোখ দিয়ে ঐ মহাশূন্তের পানে চাস্; সবটা প্রাণ দিয়ে আমার শেখানো অনন্ত নামের সেই মহা-সংকীৰ্ত্তন গাস্। আমার ভুলে যাবি—জগৎ ভুলে যাবি—আপনাকে পর্য্যন্ত আর খুঁজে পাবি না। এই আমার শেষ উক্তি—এই আমার শেষ চূষন! নাও—নাও—কে নেবে নাও? কার বস্তু এ, আমার হাত হ'তে নাও।

উমেদ। আমার দাও মা, আমার বস্তু আমার দাও! আমার সর্ব্বনাশের অর্দ্ধেক পেলুম; এই নিয়েই আমি বোল আনা পূর্ণ করবার চেষ্টা করবো। আয় মা—আয় মা বুকে, আমার বুকখানা জুড়িয়ে যাক্।

[ বাণী ব্যাকুল-দৃষ্টিতে একবার গায়ত্রীর মুখ, একবার উমেদের মুখ দেখিতে লাগিল, পরে উমেদের বক্ষে ঝাঁপাইয়া পড়িল। ]

বাণী। বাবা—বাবা!

উমেদ। মা—মা! আঃ!

[ এই সময়ে নেপথ্য হইতে গুলী আদিয়া উমেদ-আলির ললাট স্পর্শ করিল; উমেদ-আলি আর্তনাদ করিয়া ভূমে পড়িয়া গেল। ]

সকলে। কে—কে?

পিস্তলহস্তে আমজাদ উপস্থিত হইল ।

আমজাদ । আমজাদ ।

আবেদীন । আমজাদ ? কে তোমার এ সর্বনাশ করতে পাঠালে ?

আমজাদ । খোদা ।

আবেদীন । খোদা ? কেন আমজাদ ?

আমজাদ । নেমকহারামকো ওয়াস্তে খোদাকা দৌলতখানা দিল্লী বরবাদ যাতা, গোলামকা সাৎ দোস্তি কর্কে খোদাকা দোয়া, বেহস্ত কি চেরাক, হুনিয়াকো রোটী পানি দেনেওয়াল হুনিয়া ছোড়কে জহান্নামমে যাতা, আউর নেমকহারাম হিঁয়া আকে জরু লেড়কা-লেড়কি লেকে খুসীসে মস্‌গুল রাহা,—জানুতে নেহি, আমজাদ পিছু লিয়া ! কেয়া দেখ্তা দুশমন ? আমজাদ বেইমানি কিয়া নেহি, আছি কিয়া ! যেত্তা লড়াই, তোমকো ওয়াস্তে,—যেত্তা দাগাবাজি, সবভি তোমারা জান রাখুনেকো ওয়াস্তে ! আউর নেমকহারাম বেইমান ! তোমভি ষড়্ কিয়া দুশমনকা সাৎ ! সম্রাট তোমকো ছোড় দিয়া, লেকেন উনকা নোকর আমজাদ তোমকো নেহি ছোড়া—ধরম তোমকো নেহি ছোড়া—খোদা তোমকো নেহি ছোড়া । যাও তোম আগাড়ি !

[ প্রস্থান ।

মঞ্জুলা । তোকেও তার আগে যেতে হবে পতিহস্তা,—দাঁড়া !

[ গমনোত্তত ]

উম্মেদ । [ মঞ্জুলার হাত ধরিয়া ] না মঞ্জুলা, দোষ নাই ওর ! ও ঠিক প্রভুভক্ত ; ওকে মারতে গেলে নরহত্যা হবে । আমার কৰ্ম্মের ফল ঠিক হয়েছে ; চল—আর আমার সময় নাই । আমাকে ঐ গঙ্গার গর্ভে

নিয়ে চল, ঠিক যেখানে তোমার দিদি বাঁপিয়েছিল। আমি হিন্দু-সন্তান,  
গঙ্গাজলে গলা ডুবিয়ে গঙ্গে গতিদায়িনী ব'লে মরতে চাই !

মঞ্জুলা। স্বামী ! স্বামী ! কি হ'লো আবেদীন ?

আবেদীন। মা ! তুমি আমার সেই মা ?

মঞ্জুলা। যুদ্ধে যদি আমার স্বামীর মৃত্যু হ'তো আবেদীন, আমার  
এতটুকু দুঃখ ছিল না, কিন্তু এ কি ?

আবেদীন। এও যুদ্ধ ; অদৃষ্টের যুদ্ধ—অব্যর্থ প্রহার ! এই সত্য।  
এর প্রতিশোধ নাই, এ অবিনাশী। কাতর হ'য়ে না মা ! বুক বাঁধ।  
সাহায্য কর আমার, পিতার শেষ প্রার্থনা পূর্ণ করি। কাঁদতে হয়,  
তারপর তোমার জন্ম-জন্ম সাধা সেই সুর ধ'রে কেঁদো, যার করুণ-  
ঝঙ্কারে মৃত্যুময় জগতে সত্যের দ্বার আপনা হ'তে উন্মুক্ত হ'য়ে যায়—  
পৃথিবীখানা মুহূর্তে হান্তমুখরিত হ'য়ে ওঠে—সকল কান্না, সমস্ত বিষাদ,  
সব অভাব ছুটে গিয়ে ভগবানের পাদপদ্মে লোটে।

বাণী। [ গায়ত্রীর প্রতি ] মা ! মা ! এই কি আমার পিতৃ-সাক্ষাৎ ?

গায়ত্রী। বেশ তো কাজ পেয়েছি। বাণী প্রথম সাক্ষাতেই ! ওরা  
তোমার পিতাকে তীরস্থ করুক ; তুই তাঁর কানে এই সময় সেই মধুময়  
নাম শোনাতে শোনাতে আগে আগে যা ; তোমার কণ্ঠা-জন্মের শোধ  
হ'য়ে যাক্ ।

বাণী।—

আজ সকল স্বার্থ মলিন আমার তোমার নিলয়ে বিরাম চায় ।

দাও বাসনার শত ফণা ভেঙ্গে ক্রীড়া-পরায়ণ চরণবার ।

( আজ ) সারা জীবনের দীর্ঘ বিরহ কি বে দুঃসহ,

এস নাথ এস তোমাতে কই,

আজ উজ্জ্বল বাহিনী আশার পুলিনে,  
এস হে যুগলে মিলিত হই ;—  
শুনি বারেক সে বিরাগ-বাঁশী,  
আমি আর যেন অভিমানে না ভাসি,  
এস সখা এস শ্রাণ ভ'রে হাসি, জনমের এ মধুর অবেলায় ॥

গায়ত্রী । শেষ গ্রন্থীটাও ছিন্ন হ'য়ে গেল—বিশ্বনাথের কি অপার  
অনুগ্রহ !

বুকারায় উপস্থিত হইলেন ।

বুকা । গায়ত্রী !

গায়ত্রী । মহারাজ !

বুকা । আর মহারাজের কিছু নাই দেবী ! এইবার সম্পূর্ণ তোমার  
স্বামী ।

গায়ত্রী । সুন্দর ! সুন্দর !

বুকা । এস তবে সুন্দরী ! এইবার হু-জনে গলা ধ'রে ডুবে থাকি  
সেই অতুল সৌন্দর্য্যের লহরীভঞ্জে । সুন্দরভাবে চলুক আমাদের অফুরন্ত  
প্রেম-লীলা । সুন্দর হ'য়ে যাক অতীতের সে পঙ্কিল স্মৃতি বর্তমানের  
পদস্ফূটনে । এইবার আমি দেখাবো গায়ত্রী, তোমার মস্ত্রে দীক্ষিত  
আমি—তোমার শক্তিতে শক্তিমান আমি আজ সর্ব্বতোভাবে তোমার  
স্বামী—তোমার গুরু । এস দেবী পশ্চাতে !

গায়ত্রী । দাসী জন্ম-জন্ম পশ্চাৎগামিনী ।

[ প্রস্থান ।

## তৃতীয় গভীষ ।

দিল্লী-সান্নিধ্য ।

সসৈন্য জাফর-খাঁ ও হরিহর ।

হরিহর । সম্রাটের মৃত্যু হ'লো জাফর ! এই মাত্র সংবাদ পেলুম ।

জাফর । হা দিল্লীশ্বর ! এত প্রবল প্রতাপ, এত দুর্দণ্ড শাসন, ধরাতলে এত বড় হ'য়েও মৃত্যুর কাছে তুমিও সেই সমান ক্ষুদ্র । পারস্ত-পথের সেই পরাজয়ই সম্রাটের মৃত্যুর কারণ হরিহর ! এখন জালাল কি করছে, কিছু খপর পেয়েছ ?

হরিহর । সেও কোমর বাঁধছে মাগরপারের জন্ত ; লাফ দেয় আর কি !

জাফর । ফিরোজ ?

হরিহর । সে কাঁদছে মাথায় হাত দিয়ে স্ত্রীর কাছে ব'সে, আর কি করবে ! আ-হা-হা, হাস কেন ? কাঁদবে না ? যতই হোক স্বপ্তর মরেছে—স্ত্রীর পিতা, সোজা কথা ! না একটু কাঁদলে, না দুটো হা-হতাশ করলে স্ত্রী বেচারী যে দুঃখ ক'রে বিগড়ে যায় ! স্বপ্তরের মর্শ্ব তো জান্লে না !

জাফর । তুমি তো জেনেছ ?

হরিহর । ও—তার মধ্যে আমারও নেই বটে ! হায় রে দুর্ভাগ্য, এমনি ক'রে কাঁদাবার জন্ত একটা স্বপ্তর আর এখানে জুটলো না ! যা হোক, বেশ মিলেছি জাফর তোমায় আমার । তুমিও যেমনি পীরের খাসী, আমিও তেমনি সূবচনীর খোঁড়া হাঁস ।

জাফর । তা তো হ'লো, এখন এ মাঠে শুধু ব'সে আর কি হ'চ্ছে ? দুটো তোপই দাগা যাক না—বিশ্বাসঘাতকদের চেতন হোক ।



হরিহর । তা কি হয় ? আমার কি বৃন্দাবনের কৃষ্ণ পেলে ? কারও চুল বাঁধা হয় নি, কেউ একটা পা কামিয়েছে, কোন অভাগীর বেটীর পান খিলিটিতে জরদা দিতেই যা বাকী, অমনি ধাঁ ক'রে বাঁশীতে ফুক দিয়ে দেবো ? কিছু ভাবতে হবে না তোমায় ; ওরাই এখনই শাঁক-ঘণ্টা বাজায় দেখ তো ! [ নেপথ্যে কামান গর্জন ] এই দেখেছ, ওদের কি স্বস্তি আছে ? জালাল আমার চেনে যে !

সৈন্য জালাল উপস্থিত হইল ।

জালাল । বিশেষ চেনে জালাল তোমায় । ধূর্ত ! কপটী ! এখানেও এসেছ ?

হরিহর । সাধে কি এলুম ! রোগের জালায় । ওষুধ দেবে বলেছিলে নয়, মনে আছে ?

জালাল । ভোলবার কি সে কথা ! আমার ঘুণা ক'রে বাঁচিয়ে রেখেছ তুমি, আমি যেন জগতের অতি ক্ষুদ্র—অতি অস্তজ—ভৃগাদপি হীন, তোমাদের পিপীলিকার মত একটা দংশন করবার যোগ্য নই !

হরিহর । মিথ্যা কি সে কথা ?

জালাল । জালাল একবার বিষ-দাঁত না বসিয়ে বলতে পারবে না ।

জাফর । জালাল !

জালাল । কি জাফর ?

জাফর । তুমি না আমার অধীনে দেবগিরির স্ববাদার ছিলে ?

জালাল । তুমিও না সম্রাটের অধীনে দিল্লার সৈন্যধ্যক্ষ ছিলে ?

জাফর । ছিলুম । কিন্তু যাই করি আমি, সম্রাটের আসন চাই নি !

জালাল । কাপুরুষ তুমি ! কুকুরের মত এক উচ্ছিষ্ট ছেড়ে আর

একটা এঁটো পাতে ছুটছে ; ও ধর্ম্মে আমি পদাঘাত করি জাফর-খাঁ ! মাথা তুলতে শুরু করেছি, তুলবো আকাশ পর্য্যন্ত, যতদূর সীমা—যে থাকে যে যায় !

জাফর । জীবনের সীমা কতটুকু পরিমাণ করেছ পশু ?

জালাল । জীবনের সীমা সামান্য হ'তে পারে, কিন্তু জন্মের তো সংখ্যা নাই ?

জাফর । জন্ম আর তোমায় নিতে হবে না হতভাগ্য ! জাহান্নমেই তোমার চির-বিশ্রাম ।

জালাল । আমি জাহান্নমকে সেলাম দিচ্ছি জাফর-খাঁ ! দিল্লী-সিংহাসন চাইতে জাহান্নম, বৃষ্টির আশায় উর্জমুখে থেকে বজ্র-লাফ দিয়ে উঠতে গিয়ে পতন, এ জালালের আরও আদরের ।

জাফর । জালাল ! এক দিন তুমি আমার অধীনস্থ কর্ম্মচারী ছিলে । শত অপরাধেও আমি তোমায় মার্জ্জনা ক'রে এসেছি,—সে অনুগ্রহ এখনও আমার হৃদয়ে অকুরন্ত । আমার ইচ্ছা, সেটা চিরদিন সেই রকমই থাক । তুমি আপনাকে ফিরিয়ে নাও জালাল !

জালাল । ছড়িয়ে পড়েছি জাফর সর্ব্বের মত রেণু-রেণু হ'য়ে সমস্ত সাম্রাজ্যটার ওপর, আর কুড়িয়ে নেওয়া ভার ।

হরিহর । পায়রা:ছেড়ে দাও খাঁ-সাহেব, পায়রা ছেড়ে দাও ; আর দেখছ কি ?

জাফর । জালাল ! তুমি আর কিছু চাও ?

জালাল । কিছু না, দিল্লী-মস্নদ ।

জাফর । দিল্লী-মস্নদ তুমি পাবে না । বুঝতে পারছ না মূর্খ, জীবন দেওয়াই সার হবে ?

জালাল । দেবো, তবুও চাওয়া ছাড়বো না । মস্নদ না পাই, কিন্তু

মস্নদের আশা করবার স্থানেও এসে দাঁড়িয়েছি, এই আমার এ জীবনের সার্থকতা ।

জাকর । তা হ'লে আর দোষ নেই আমার ; সে বন্ধন আপনা হ'তে ছিন্ন করলি তুই !

জালাল । আর একটা বন্ধনের আশায় !

[ উভয়পক্ষের যুদ্ধ ও প্রস্থান ।

## চতুর্থ গর্ভাঙ্ক ।

নদীতীর ।

ভগ্নপদে অবসন্নদেহে জালালের প্রবেশ ।

[ নেপথ্যে কামান গর্জন হইতেছিল । ]

জালাল । হ'লো না এ জীবনে এ আশা পূর্ণ, গেল না দিল্লী-সিংহাসন পর্য্যন্ত দেবগিরি সুবাদারের লক্ষ, নিষ্ফলতাই ছিল এ উত্তমের অদৃষ্ট-বীজ । সৈন্তগণ ছত্রভঙ্গ, নিজে অকর্ম্মণ্য ভগ্নজারু গুলির ঘায়ে ! বাঁচতে পারি যদিও এখনও—না আর এ পক্ষ জীবন নিয়ে বাঁচা হবে না । দেখতে পারবো না আড়চোখে অপরের দিল্লীভোগ, বরদাস্ত হবে না বেঁচে থেকে আশা-ভঙ্গের দীর্ঘশ্বাস ! তার চেয়ে চ'লে যাই এখান হ'তে, পাল্টে ফেলি এ অভিশপ্ত সুবাদার-দেহ, ফিরে আসি যত সত্ত্বর আবার নবীন কর্ম্ম উচ্চ জন্ম নিয়ে । [ গুলির দ্বারা আত্মহত্যা ]

## পঞ্চম গর্ভাঙ্ক ।

দরবার ।

ফিরোজ, জাফর, হরিহর ও সমবেত প্রজাগণ ।

ফিরোজ । তোমরা আপনা হ'তে এত সংবাদ রেখে এ বিপত্তির সময় আমার জ্ঞান চুটে এসেছে ?

জাফর । আস্বে বই কি সাহান-সা ! আপনিই যে আমাদের পূর্বাপর লক্ষ্য ।

ফিরোজ । আর নিজের শক্তিতে দিল্লী দখল ক'রে এত লোভের বস্তু আপনার হাতে পেয়েও অবলীলাক্রমে আমার হাতে তুলে দিচ্ছ ?

হরিহর । দেবো বই কি জনাব ! নিজে সম্রাট হওয়া তো আমাদের উদ্দেশ্য নয় ; আমাদের ইচ্ছা—শাসনকর্ত্তা যিনি হন হোন, তবে আমাদের মনোমত আমরা বেছে দেবো,—এই আমাদের দেশের দাবী ।

ফিরোজ । ধন্য তোমাদের দেশ, ধন্য তোমরা, আর ধন্য আমি—এই দেশ, এই তোমাদের শাস্তিরক্ষায় নির্বাচিত ।

জাফর ও হরিহর । বসুন সম্রাট ভারতের সিংহাসনে ! [ উভয়ে ফিরোজের উভয় হস্ত ধরিয়া সিংহাসনে বসাইলেন । জাফর ফিরোজের হস্তে অসি দিলেন, হরিহর মস্তকে মুকুট পরাইয়া দিলেন এবং সমবেতস্বরে উচ্চকণ্ঠে বলিলেন ] জয় ভারত মাতার শ্রেষ্ঠ সন্তান দিল্লী-সম্রাট ফিরোজ তোগলকের জয় !

প্রজাগণ । জয় দিল্লী-সম্রাট ফিরোজ তোগলকের জয় !

ফিরোজ । আমজাদ !

## আমজাদ উপস্থিত হইল ।

আমজাদ । তুমি ভূতপূর্ব্ববিশ্বস্ত প্রিয় ভৃত্য, আমি তোমায় দিল্লী-দরবারের ওমরাও করলুম । যত সম্ভব সম্ভব, তুমি রাজকোষের ব্যয়ে অগ্নিদগ্ধ অযোধ্যার পুনঃ সংস্কার কর । পাঞ্জাব লুট করায় দুর্ভিক্ষ হয়েছে ; সেখানে অর্থ, আহাৰ্য্য বিতরণ ক'রে যে যেমন ছিল, ঠিক সেই মত ক'রে দাও । আগ্রায় পুনরায় কৃষকদের প্রতিষ্ঠা কর নিষ্কর ভূ-সম্পত্তি দিয়ে । যারা হত হয়েছে, তাদের স্মরণার্থ সেই বন কেটে একটা অতিথিশালা খোল—যত সম্ভব পার ! যাও ।

জাফর ও হরিহর । আবার জয় দাও তোমাদের সম্রাটের !

প্রজাগণ । জয় ভারত-সম্রাট ফিরোজ তোগলকের জয় !

ফিরোজ । আমার নয় প্রজাগণ, এ জয় আমার নয় । এ জয় বিজয়-নগর বাহমনির । আজ এ ভারতব্যাপী ঐক্য জয়ধ্বনির জন্মদাত্রী প্রস্থতি

বিক্র্যাচল-মৌলিনী কৃষ্ণপ্রবাহধৌত বীরভূমি

“দাক্ষিণাত্য” ।

---

স্ববনিকা ।

---

সমাপ্ত ।





